

Bequest of  
Rev. H. C. Scadding, D.D.  
to the Library  
of the  
University of Toronto  
1901





BEQUEST OF  
REV. CANON SCADDING, D. D.  
TORONTO. 1901.



119

I

*Of the Publishers of this Work may be had,  
Maittaire's Editions of*

P. VIRGILII MARONIS Opera, 3s. 6d. bound.

CORNELII NEPOTIS excellentium Imperatorum Vitæ, 1s. 6d.  
bound.

C. JULII CÆSARIS et A. HIRTII COMMENTARII, 12mo.  
5s. 6d. bound.

P. OVIDII EPISTOLÆ, 12mo. 3s. 6d. bound.

HOMERI ILIAS, Græc. et Lat. 12mo. 7s. bound.

MUSARUM ANGLICANARUM ANALECTA : sive Poëmata  
quædam melioris notæ, seu hactenùs inedita, seu sparsim edita, in  
duo volumina congesta. Editio Quinta prioribus auctior, 2 vols.  
12mo. 7s. bound.



LL  
S1698 M.2

CAII

S A L L U S T I I

CRISPI

QUÆ EXTANT.

*[Faint, illegible handwritten text]*

*52560*  
*26 | 12 | 01*

LONDINI :

IMPENSIS LONGMAN, REES, ORME, BROWN, GREEN, ET  
LONGMAN; J., G., & F. RIVINGTON; ET  
G. B. WHITTAKER ET SOC.

1835.

*CUM PRIVILEGIO.*

LONDINI :  
Excuderunt Wilson et Filius,  
57, Skinner Street.

## ANNE R.

**W**HEREAS Our trusty and well-beloved *Michael Maittaire*, Gent. hath humbly represented unto Us, That he hath, with great Labour and Expense, prepared for the Press a complete *Collection* of all the *Greek* and *Latin* Authors in Twelves, with complete *Indexes*; and has therefore humbly besought Us to grant him Our Royal Privilege and Licence for the sole Printing and Publishing thereof for the Term of Fourteen Years; We, being willing to give all due Encouragement to Works of this nature, which tend to the Advancement of Learning, are graciously pleased to condescend to his Request; and do therefore, by these presents, grant unto him the said *Michael Maittaire*, his Executors, Administrators, and Assigns, Our Royal Licence for the sole Printing and Publishing the complete *Collection* of all the *Greek* and *Latin* Authors in Twelves, with complete *Indexes* aforesaid, for the Term of Fourteen Years from the Date hereof; strictly forbidding all Our Subjects within our Kingdoms and Dominions to reprint the same, either in the like, or in any other Volume or Volumes whatsoever; or to import, buy, vend, utter, or distribute any Copies thereof reprinted beyond the Seas, during the aforesaid Term of Fourteen Years, without the Consent or Approbation of the said *Michael Maittaire*, his Heirs, Executors, and Assigns, under his or their Hands and Seals, first had and obtained; as they will answer the contrary at their Peril. Whereof the Commissioners and other Officers of Our Customs, the Master, Wardens, and Company of *Stationers*, are to take notice, That the same may be entered in the Register of the said Company, and that due Obedience be rendered thereunto. Given at Our Court at *St. James's*, the fourth Day of *April*, 1713, in the twelfth Year of Our Reign.

*By Her Majesty's Command.*

DARTMOUTH.



NOBILI VIRO

*D A N I E L I*

DOMINO FINCH,

HONORATISSIMI COMITIS NOTTINGHAMLÆ

FILIO NATU MAXIMO,

S. D.

MICHAEL MAITTAIRE.

**H**ERODOTUS, Historiæ parens, eo in honore Homerum Poëseos parentem habuit, ut illius non modò vitam conscripserit, sed et stylum studuerit æmulari. Hanc adeò antiquam consuetudinem nefas ratus non servare, Poëtam et Historicum uni proli subjeci; et curavi, ut in lucem simul prodirent Phædrus et Sallustius. Illum quidem, reliquorum Poëtarum multis tempore posteriorem, præire nihilominus ideo volui, quòd istud mythologicum scribendi genus, ad quod Phædrus omnium Latinorum primus et penè unicus

deditâ operâ animum applicuit, vetustissimum sit, et Poësi cùm cognatum tùm coævum ; suâ familiaritate et brevitate quàm maximè placeat ; idque, quod Horatius in Poëticâ primum duxit, assequatur, nimirum ut dulci utile misceat. Illi socium addo Sallustium, laconicâ brevitate haud absimilem, argumento licèt et scriptione diversum. Huic in Romanâ historiâ primo non immeritò in Historicis excudendis primas dedi : ex cujus reliquiis, quasi ex ungue Herculem, facile est æstimare Latinorum Historicorum principem. In oculis nobilissima inter Græcos et Latinos exemplaria posuit Thucydidem et Catonem ; horum animum, nervos, vim verborum, sententiarum gravitatem ita imitatus, ut plus plerumque cupiat intelligi quàm legi, sui que nunquam tædium faciat, semper desiderium. Temporis injuria literato orbi invidit ejus Historiarum libros, à quibus potissimùm Historici nomen illi inditum ; nihilque operis elaborati superesse passa est, præter quatuor Orationes, duas Epistolas, laceraque nonnulla vocum et sententiarum hinc indè collectarum fragmina, quæ tamen quâdam veneratione, uti tristes et ingentes antiquæ Romæ ruinas, suspicimus et admiramur ; quæque inani non ines-

cant voto, ut earum scripto Livium ipsum, vel si haberemus integrum, mole superaret. Ea, quæ sola ab interitu se vindicaverunt, opuscula, Catilinaria Conjunctio Bellumque Jugurthinum, quantâ eloquentiâ scripta fuerint, copiosè disserere, longum esset. Quàm graphicè depingit perduellium audacium, astutus, et machinamenta, Pœnorum calliditatem et dubium fidem domi, senatûs vigilantiam, foris bellicos apparatus artes imperatorum varias, incertas præliorum vices ! Quam vivis artificiosæ orationis coloribus nativos mores hominum et characteres exprimit, subdolam Catilinæ simulationem, facilem Cæsaris mansuetudinem, rigidam Catonis constantiam ! Conjuratorum quàm ardenti ille stimulo animos erigit ; quàm benignè alter, ne crudelior audiat, miseretur ; quàm severè maleficiis debitum hic, ne justus non videatur, exigit supplicium ! Mitto alias virtutes, quas in his libris emicantes passim mirari facilius est, quàm laudare. Hanc Sallustii celeberrimi scriptoris, nec tibi in bonarum literarum sinu innutrito ignoti editionem, tuæ, Vir Nobilis, clientelæ committo : Veterum Romanorum justitiam, clementiam, probitatem, fidem, eloquentiam, aliasque ab hoc autore adumbratas

dotes intuerè, quas domi satìs edoctus es ; et in te nemo non intelligit sitas, qui ex illustrissimâ, in cujus honores titulosque jus tibi natura dedit hæreditarium, familiâ ortum noverit. Vale, Vir Clarissime ; et his egregiis dotibus vitutibusque domesticis Patriam diù orna et tuere.

1713. *Id Sextil.*



# V I T A

## S A L L U S T I I ;

EX PETRO CRINITO ET GERARDO JOHANNE VOSSIO  
POTISSIMUM COLLECTA.

**C**RISPUS SALLUSTIUS (nam per L L scribi monet marmor juxta domûs Sallustianæ rudera effossum) natus est Amiterni in Sabinis anno u. c. 668. quo Sylla Athenas expugnavit, ex nobili Sallustiorum familiâ ortus, quæ diù in secundo ordine dignitatem servavit. Fuit ingenio acri, et in studiis literarum accurato, tum maximè in scribendâ historiâ. Præceptorem habuit Ateium Prætextatum, nomine Philologum. Tribunatum nullâ cum laude gessit anno u. c. 702. Ciceroni infestus, uti et Miloni, à quo, in Faustæ, L. Syllæ filiæ, adulterio deprehensus, virgis cæsus, nec nisi pecuniâ datâ dimissus; ob adulteria et stupra senatu motus ab Appio Claudio Pulchro et L. Calpurnio Pisone Cæsonio censoribus anno u. c. 703, vel 704. Amicitia Cornelii Nepotis, Messalæ, et Nigidii Figuli, usus, Julii, item Cæsaris, quo rerum potito, senatorium dignitatem recuperavit; dein quæsturam, postea præturam, obtinuit. Numidiæ tandem ab ipso præpositus, ex provinciæ expilatæ prædâ in Quirinali monte forum hortosque Sallustianos coëmit. Non desunt qui scribant Terentiam M. Ciceronis uxorem, à marito repudiatam, ei nupsisse. Omnis itaque ejus gloria à præclaris scriptis proficiscitur; quorum vix quicquam ad nos integrum pervenit præter bellum Catilinarium et Jugurthinum. Supersunt quædam ex nobili Historiarum

opere Fragmenta. Duas ad Cæsarem de Republicâ ordinandâ Orationes Sallustio Carrio adjudicat; vindicat autem Douza: stylusque planè Sallustianus. Illa in Ciceronem Oratio, etsi à Fabio Quintiliano sub Sallustii nomine laudata, est potiùs Porcii forsan Latronis, vel alterius cujusdam ex illis declamatoribus, quos nominat M. Seneca in Suasoriis et Controversiis. In parte Operis de Rebus Punicis, tanto animi studio incubuit, ut à quibusdam scriptum sit eum regionem adiisse, ac maximâ sollertiâ perlustrâsse, quò majore fide veritatem exploraret. Sallustii in Cn. Pompeium odium Lenæus Pompeii libertus satiris mordacibus ultus est. M. Seneca notat Tit. Livium Sallustio iniquum fuisse. Sallustiana scribendi ratio à paucis quidem carpitur, plurimis autem probatur. Asinio Pollioni displicuit tanquàm obscura et affectata; Lenæo, tanquam antiquis verbis ex Catonis Originibus excerptis referta. At verò Velleio, Thucydidis æmulus; Cornelio Tacito, Romanorum rerum author florentissimus; Vibio Sequestri, author certissimus, S. Augustino, nobilitatæ veritatis Historicus et electissimus verborum pensator; Martiali, in Romanâ Historiâ primus; dicitur Laudat ejus brevitatem, quâ Thucydidem ipsum vicit, proprietatem, A. Gellius; præjudicatam authoritatem, Avienus. Tanti ejus Historias Græci fecêre, ut Zenobius eas verterit. Asperi in eum commentarios memorat Divus Hieronymus. Sallustii Historici sororis filius fuit alter Sallustius, ad quem Horatius in Odis. Sallustius, de quo nunc agimus, quadriennio ante Actiacum bellum obiit.

*VARIANTES hæ, quæ tuo, Amice Lector, judicio discutiendæ subjiçciuntur, Lectiones excerptæ sunt ex margine Sallustiani Exemplaris à Raphelengio editi, et manu doctâ cum duobus Ecclesiæ Remensis MSStis collati, quod Joannes Bridges, Armiger, pro suo in bonas literas animo, humanissimè mecum ultro communicavit.*

Pag. Lin.

1. 2. ANIMANTIBUS
4. Obaudientia
3. 2. popûli R. carptim, uti
3. priûs exploranda sunt
17. scientiæ parum
4. 13. initio gratiâ conservandæ
5. 26. lubidinem agebant
6. 3 virtuti
16. fidum atque acceptum
19. amare, portare signa
7. 4. ganeo, aleâ, manu
8. 34. P. Servius filius Syllæ
9. 28. facinus properatum foret
32. infestum inimicumque Cn.
40. barbaros nequissimè pati
10. 12. *res accidisset*
35. *Deûm fidem testor atque hominum*
11. 20. quietam Remp. movere
12. 7. sed in eâ conventionem fuit
13. 18. ad cavendum dolos astutiæ
20. commemoravi
22. propulerat
25. consuli in campo fecerat
14. 7. salutandum
16. multa copia
15. 28. à patribus conscriptis, ne
16. 19. *majores nostri miserti*

Pag. Lin.

16. 22. *ære communi solutum*
17. 15. *alienum æs sumptum meis*
23. *eam ab his inimicis defendas*
24. *omitt. per liberos tuos regatus haveto*
37. armis paterent
18. 11. præceps erat
19. 9. faciliûs tractarent
36. mortem sperare
20. 21. Apuliâ metus
26. quamplures
27. sociis Catilinæ causâ
30. de actibus Ciceronis
34. gravissimam invidiam
36. suum quæque negotium
21. 3. irrumperent
30. cuncta doctus
34. agant permittit illis homines
22. 23. fide datâ publicâ
37. *abdicatus al. abdicatus esset à magistratu*
23. 11. retractum habebant
24. 2. transpedani
6. egregiâ libertate
10. mentiendo
14. animi nobilitate
23. suos electos

Pag. Lin.

25. 5. *nefaria facinora*  
 36. *vitam habent*  
 26. 6. *omnibus impiis*  
 12. *aliena mens à*  
 15. *presertim diligentia*  
 24. *sed in exilium permitti*  
 27. *legem timere, cum*  
 33. *ex domesticis rebus*  
 27. 24. *hostes idoneos videbatur,*  
      *cum suprema studio*  
 35. *Sapientia majorum in*  
 28. 13. *cætera malefacta*  
 38. *in extremo posita*  
 39. *se res habent*  
 29. 40. *apprehensis*  
 30. 26. *in faucibus*  
 39. *ad cælum tollunt*  
 31. 26. *profugium*  
 41. *ad supplicium*  
 32. 2. *descenderis al. escenderis*  
      5 *inculta*  
      7. *indices rerum*  
 33. 36. *aggrediamini*  
 37. *licuit nobis*  
 34. 19. *rupe*  
 25. *libertis et calonibus al.*  
      *caloniis*  
 35. 21. *diversi à suis, sed*  
 34. *recognoscerent*  
 36. 13. *tempus, ætas (al. ætatis)*  
      *ingenium diffuxêre*  
 37. 36. *judicium meum mutavisse*  
 38. 19. *nobilitatis obviatum. Quæ*  
 40. *pollens virtutibus, decora*  
 40. 32. *omitt. cum Jugurthâ*  
 35. *quàm liberis, si genuissem*  
 41. 4. *conjugere quàm sanguini-*  
      *tate*  
 32. *res ait al. dicebat oportere*  
 39. *modò cum animo*  
 42. 20. *perfugerat*  
 31. *properabat armis*  
 43. 25. *egerem: sed si ea deside-*  
      *randa*  
 34. *fortuna pendenda erat*  
 44. 31. *alterius ipse ego*  
 35. *propinquis per scelus*  
 41. *ex necessitate adversa*

Pag. Lin.

46. 13. *senatûs magna pars*  
 30. *qui consulibus*  
 31. *M. Flavio*  
 31. *al. acerrimè victoriam no-*  
      *bilitatis*  
 33. *tamen accuratissimè*  
 48. 3. *Medi autem et Armenii*  
 9. *nomine Numidæ al. nomo*  
      *Numidæ*  
 20. *alii novarum rerum avidi*  
 49. 16. *suas impræsentiarum manu*  
 51. 17. *omitt. tenet atque*  
 32. *regis factoribus*  
 36. *Æmilius Scaurus*  
 52. 9. *sese causam victoriæ*  
 15. *ab obsidione non discede-*  
      *ret al. ab expugnatione*  
      *non desisteret*  
 33. *Paucos flagitiosus Jugur-*  
      *thæ*  
 53. 3. *omnium venum ire*  
 54. 3. *saturum legem sententiis*  
 33. *obnoxii inimicis consur-*  
      *gitis*  
 55. 3. *omitt. graves*  
 9. *ærarium exspoliari*  
 10. *summam gratiam et*  
 15. *magnifici*  
 32. *reparandi*  
 56. 1. *si deditus est*  
 14. *vos his omnibus*  
 20. *liberalitatem eripiendam*  
 57. 10. *pacificatis*  
 10. *avaritiæ animos*  
 19. *decus regni, cultu*  
 58. 4. *impudentia Bæbii*  
 59. 36. *subdolè ejus augere amici-*  
      *tiam mussitare*  
 60. 14. *primipilanus*  
 25. *metu mutabantur, sicuti*  
 28. *pro gratiâ imperii*  
 61. 21. *suprà docuimus, inter*  
 62. 8. *affinis*  
 22. *omitt. pl. al. tribunum al-*  
      *terum, alterum triumvi-*  
      *rum*  
 63. 15. *traditur Spurii Albini pro-*  
      *consulis*

Pag. Lin.

63. 27. milites statutus castris  
31. cum equitibus, diù  
64. 30. commeatum parare  
65. 5. ubi et incolæ mercari  
31. in immensum pertingens  
36. Jugurtha continuatâ  
66. 21. *al.* constitit  
67. 3. infesti adesse  
35. imperatores, summâ vi,  
inter  
68. 2. *al.* tuta sunt  
27. numero xxx. interfecti  
29. fessi lætique erant  
41. bonos decretant *al.* decer-  
tant, *et omitt.* bonos  
69. 5. labores præda fore  
18. prætereâ inimicum certa-  
men  
70. 11. præsidium agebant  
25. *omitt.* in eâ parte  
71. 4. Numidæ agunt  
7. oppidum incompositum,  
magis  
19. pice et sulfure tedam mix-  
tam ardenti *al.* picem  
sulfure et tedâ mixtam  
ardenti  
72. 14. in proximo locati  
19. sed adversi sequi, concur-  
rere  
24. oppugnare  
39. scalis adgressi  
73. 8. quæ à se defecerant  
28. optimè meritæ  
74. 23. Arpini alitus  
27. tribunatum militarem à  
33. *omitt.* consulatum  
75. 2. mirari primùm ejus  
22. trahi bellum dicebat, quòd  
35. satelliti Numidæ  
36. Marius anxius  
37. contumeliarum imperatori  
76. 13. circummunire  
77. 1. imbelles multi  
20. animus arrectus *al.* animis  
arreptis  
35. ex Collatio *al.* è Collatiâ

Pag. Lin.

77. 40. omnia intentando  
78. 15. *omitt.* suam  
17. id modò caveret: proinde  
23. *omitt.* nisi  
89. post id negotiorum Jugur-  
thæ  
79. 6. profugis  
11. volenti animo de  
24. sed paulò antè nobilitas  
Numidiam provinciam  
decreverat Metello; ea  
frustrâ res fuit  
31. vagus incertusque  
32. quisquam omnium satis  
80. 2. hostium paucorum potiti  
3. *al.* tuta sunt  
15. alia quæ idonea  
81. 6. et super eas aggere im-  
positis  
27. *al.* graviter  
39. *omitt.* syrtes ab tractu no-  
minatæ  
82. 31. quo fines  
40. genus hominum ferox  
83. 29. si dux Romanus  
31. ne mox res exagitando  
aliud  
36. incognitis Mauris  
84. 37. negotio abnuere audebat  
38. *al.* plebi militiam volenti  
87. 9. *num eorum pænitendum*  
20. *hostem*  
89. 2. et omni potentiam  
3. cui neque sua cara, quippe  
90. 38. cohortibus auxiliariis ad  
91. 28. tantam rem Marius per-  
egit sine ullo suorum  
incommodo magnus  
40. alia aggreditur  
41. *al.* difficilia  
92. 5. omnis natura *al.* per omnia  
natura  
11. admodum atque difficile,  
utrinquè præcisæ vineæ  
23. quod latus ad usum præ-  
liantibus

Pag. Lin.

92. 29. more humani ingenii cupiditas difficilia faciendi  
(*al.* animum) invadit *al.* animum vertit.
40. sese ducem, periculi nihil esse docet Marius
93. 36. signar dedere: ac
94. 1. correpta Marii
95. 2. ipsique Boccho pollicetur  
7. diei  
11. difficilem  
14. colligare  
29. et in frustrâ hostium  
39. consilia
96. 2. munimenta gerebat  
8. largiùs abire  
11. strepere pedibus et vocibus  
11. fugere aut (*al.* ut) pro  
19. omnes tubâ canere  
20. aut portis  
25. recordia acceperat  
30. *omitt.* quæ  
37. perfugi minimè cari et regionum  
41. *omitt.* iter
97. 37. acrius instare. Jamque  
38. Sulla, perfugatis iis
98. 5. patentibus: cenere, sequi  
38. cui scilicet complacuit —  
*te experiri*
99. 7. unde vi Jugurtham  
14. in hybernis composito  
17. Tunc rursùs Bocchus feliciter, seu *al.* Bocchus scilicet seu  
27. ad Sullam pergunt quem  
38. Sulla omnia pollicitus
100. 3. *al.* Uticæ *al.* ab Uticâ

Pag. Lin.

100. 8. mobiles sæpiùs in adversa mutantur  
10. *al.* Rusone *al.* Pisone  
13. Sullæ lubens accepit  
19. *amicitiam daturum*  
23. Baleatorum *al.* Baleariorum *al.* balistariorum.
31. quisque impedire
101. 9. *omitt.* quàm  
18. æstimabat  
36. de improvisu acciderat
102. 1. consilia ierat (*al.* audierat); prætereâ  
2. impari, nun mater ejus ex concubinâ orta  
19. voluerat, egressi  
27. internuncius sanctè ex sententiâ *omitt.* jurat  
30. *omitt.* opulentissimus  
33. *id immutatum*
103. 1. *cujus causâ huc*  
19. negare  
29. bellum poni  
30. Jugurthæ venit. Dein  
31. cuncta doctus  
40. non suâ captum ignaviâ
104. 2. dolo an vero  
11. vultu coloris pariter atque animo varius *al.* vultu, colore, ac motu corporis pariter atque animo varius, quæ licet ita tacente ipsa occulta pectoris et oris immutatione patefecisse *al.* occulta cordis *al.* quæ scilicet ipso tacente occulta pectoris oris immutatione patefecit.

*C. SALLUSTII CRISPI*

## CATILINA ;

SEN

### BELLUM CATILINARIUM.

---

OMNIS homines, qui sese student præstare cæteris animalibus, summâ ope niti decet, ne vitam silentio transeant, veluti pecora ; quæ natura prona atque ventri obedientia finxit. Sed nostra omnis vis in animo et corpore sita est. Animi imperio, corporis servitio magis utimur : alterum nobis cum dîs, alterum cum belluis, commune est. Quò mihi rectius videtur, ingenii quàm virium opibus gloriam quærere ; et, quoniam vita ipsa, quâ fruimur, brevis est, memoriam nostrî quàm maxumè longam efficere. Nam divitiarum et formæ gloria fluxa atque fragilis est ; virtus clara æternaque habetur. Sed diu magnum inter mortaliû certamen fuit, vine corporis, an virtute animi, res militaris magis procederet. Nam et priùs, quàm incipias, consulto ; et, ubi consulueris, maturè faeto opus est. Ita utrumque, per se indigens, alterum alterius auxilio eget. Igitur initio reges (nam in terris nomen imperii id primum fuit) diversi, pars ingenium, alii corpus, exercebant. Etiam tum vita hominum sine cupiditate agitabatur : sua cuique satis placebant. Postea verò quàm in Asiâ Cyrus, in Græciâ Lacedæmonii et Athenienses cœpère urbes atque nationes subigere ; lubidinem dominandi, causam belli habere ; maxumam gloriam in maximo imperio putare : tum demum periculis, atque negotiis compertum est, in bello plurimùm ingenium posse. Quòd si regum atque imperatorum animi virtus in pace ita, uti in bello, valeret, æquabiliùs

atque constantius sese res humanæ haberent; neque aliud aliò ferri, neque mutari ac misceri omnia, cerne- res. Nam imperium facile iis artibus retinetur, quibus initio partum est. Verùm, ubi pro labore desidia, pro continentia et æquitate lubido atque superbia invasere; fortuna simul cum moribus immutatur. Ita imperium semper ad optimum quemque à minus bono transfertur. Quæ homines arant, navigant, ædificant, virtuti omnia parent. Sed multi mortales, dediti ventri atque somno, indocti incultique, vitam sicuti peregrinantes transiere: quibus, profectò contra naturam, corpus voluptati, anima oneri fuit. Eorum ego vitam mortemque juxta aestumo: quoniam de utràque siletur. Verùm enimverò is demum mihi vivere et frui animâ videtur, qui, aliquo negotio intentus, præclari facinoris aut artis bonæ famam quærit. Sed in magnâ copiâ rerum, aliud alii natura iter ostendit. Pulchrum est benè facere reipublicæ; etiam benè dicere haud absurdum est. Vel pace, vel bello, clarum fieri licet: et qui fecere, et qui facta aliorum scripsere, multi laudantur. Ac mihi quidem, tametsi haudquaquam par gloria sequatur scriptorem et auctorem rerum: tamen in primis arduum videtur, res gestas scribere: primum, quòd facta dictis exæquanda sunt: dein, quia plerique, quæ delicta reprehenderis, malevolentia et invidia dicta putant; ubi de magnâ virtute atque gloria bonorum memores; quæ sibi quisque facilia factu putat, æquo animo accipit; supra ea veluti ficta pro falsis ducit. Sed ego adolescentulus, initio, sicuti plerique, studio ad rempublicam latus sum: ibique mihi multa advorsa fuere. Nam pro pudore, pro abstinentia, pro virtute; audacia, largitio, avaritia, vigeant: quæ tametsi animus aspernabatur, insolens malarum artium; tamen inter tanta vitia imbecilla ætas, ambitione corrupta, tenebatur. Ac me, cum ab reliquis malis moribus dissentirem, nihilominus honoris cupido, eadem quæ cæteros, fama, atque invidia vexabat. Igitur, ubi animus ex multis miseriis atque periculis requievit, et mihi reliquam ætatem à republicâ procul habendam decrevi, non fuit consilium socordia atque desidia bonum otium conterere: neque verò agrum colendo, aut venando, servilibus officiis intentum, ætatem agere: sed, à quo incepto studioque me ambitio



mala detinuerat, eodem regressus, statui res gestas populi Romani strictim, uti quæque memoriâ digna videbantur, perscribere: eò magis, quòd mihi à spe, metu, partibus reipublicæ, animus liber erat. Igitur de Catilinæ conjuratione, quàm verissumè potero, paucis absolvam: nam id facinus in primis ego memorabile existumo, sceleris atque periculi novitate. De cujus hominis moribus pauca priùs explananda sunt, quàm initium narrandi faciam.

LUCIUS CATILINA, nobili genere natus, fuit magnâ vi et animi et corporis, sed ingenio malo pravoque. Huic ab adolescentiâ bella intestina, cædes, rapinæ, discordia civilis, grata fuère: ibique juventutem suam exercuit. Corpus patiens inediae, alboris, vigilæ, supra quàm cuiquam credibile est: animus audax, subdolanus, varius, cujuslibet rei simulator ac dissimulator: alieni appetens, sui profusus; ardens in cupiditatibus: satis eloquentiæ, sapientiæ parum: vastus animus immoderata, incredibilia, nimis alta semper cupiebat. Hunc, post dominationem L. Sullæ, libido maxuma invaserat, reipublicæ capiundæ: neque, id quibus modis assequeretur, dum sibi regnum pararet, quidquam pensi habebat. Agitabatur magis magisque in dies animus ferox inopiâ rei familiaris et conscientiâ scelerum: quæ utraque his artibus auxerat, quas suprâ memoravi. Incitabant præterea corrupti civitatis mores; quos pessuma ac diversa inter se mala, luxuria atque avaritia, vexabant. Res ipsa hortari videtur, quoniam de moribus civitatis tempus admonuit, suprâ repetere, ac paucis instituta majorum domi militiæque, quomodo rempublicam habuerint, quantamque reliquerit, et ut, paulatim immutata, ex pulcherrumâ pessuma ac flagitiosissima facta sit, disserere.

URBEM Romam, sicut ego accepi, condidère atque habuère initio Trojani; qui, Æneâ duce, profugi, sedibus incertis vagabantur; cumque his Aborigines, genus hominum agreste, sine legibus, sine imperio, liberum atque solutum. Hi postquam in una mœnia convenère, dispari genere, dissimili linguâ, alius alio more viventes, incredibile memoratu est, quam facilè coaluerint. Sed postquam res eorum civibus, moribus, agris aucta, satis prospera satisque pollens videbatur; sicuti pleraque mortalium habentur, invidia ex opulentiâ orta est. Igitur

reges populi que finitimi bello tentare: pauci ex amicis auxilio esse. Nam cæteri, metu perculsi, à periculis aberant. At Romani, domi militiæque intenti, festinare, parare, alius alium hortari, hostibus obviàm ire; libertatem, patriam, parentesque armis tegere. Post, ubi pericula virtute populerant, sociis atque amicis auxilia portabant; magisque dandis, quàm accipiundis beneficiis, amicitias parabant: imperium legitimum, nomen imperii regium habebant: delecti, quibus corpus annis infirmum, ingenium sapientiâ validum erat, reipublicæ consultabant. Hi, vel ætate, vel curæ similitudine, Patres appellabantur. Post, ubi regium imperium, quod initio conservandæ libertatis atque augendæ reipublicæ fuerat, in superbiam dominationemque convertit; immutato more, annua imperia, binos imperatores, sibi fecère: eo modo minimè posse putabant per licentiam insolescere animum humanum. Sed eâ tempestate cœpère se quisque magis magisque extollere, ingeniumque in promptu habere: nam regibus boni, quàm mali, suspiciores sunt: semperque his aliena virtus formidolosa est. Sed civitas, incredibile memoratu est, adeptâ libertate, quantum brevi creverit: tanta cupido gloriæ incesserat. Jamprimum juvenus, simul laboris ac belli patiens erat, in castris per usum militiam discebat; magisque in decoris armis et militaribus equis, quàm in scortis atque conviviis, lubricinam habebat. Igitur talibus viris non labos insolitus, non locus ullus asper aut arduus erat: non armatus hostis formidolosus: virtus omnia domuerat. Sed gloriæ maxumum certamen inter ipsos erat: quisque hostem ferire, murum ascendere, conspici dum tale facinus faceret, properabat. Eas divitias, eam bonam famam magnamque nobilitatem, putabant. Laudis avidi, pecuniæ liberales erant: gloriam ingentem, divitias honestas volebant. Memorare possem, quibus in locis maxumas hostium copias populus Romanus parvâ manu fuderit, quas urbes, naturâ munitas, pugnando ceperit: nî ea res longius nos ab incœpto traheret. Sed profectò fortuna in omni re dominatur: ea res cunctas, ex lubricine magis, quàm ex vero, celebrat obscuratque. Atheniensium res gestæ, sicut ego existumo, satis amplæ magnificæque fuère, verùm aliquanto minores tamen quàm famâ ferun-

tur: sed, quia proveniēre ibi magna scriptorum ingenia, per terrarum orbem Atheniensium facta pro maxumis celebrantur. Ita eorum qui ea fecēre, virtus tanta habetur, quantum verbis ea potuēre, extollere praeclara ingenia. At populo Romano nunquam ea copia fuit: quia prudentissimus quisquis negotiosus maxumē erat: ingenium nemo sine corpore exercebat: optumus quisque facere, quān dicere; sua ab aliis benefacta laudari, quān ipse aliorum narrare, malebat. Igitur domi militiæque boni mores colebantur; concordia maxuma, minuma avaritia erat. Jus bonumque apud eos non legibus magis, quān naturā, valebat. Jurgia, discordias, simultates cum hostibus exercebant: cives cum civibus de virtute certabant: in suppliciis deorum magnifici, domi parci, in amicos fideles erant: duabus his artibus, audaciā in bello; ubi pax evenerat, æquitate, seque remque publicam curabant. Quarum rerum ego maxuma documenta hæc habeo; quōd in bello sæpius vindicatum est in eos, qui contra imperium in hostem pugnaverant, quique tardiùs revocati proelio excesserant; quān qui signa relinquere, aut, pulsi, loco cedere ausi erant. In pace verò, beneficiis magis, quān metu, imperium agitabant; et, acceptā injuriā, ignoscere, quān persequi, malebant. Sed, ubi labore atque justiciā respublica crevit; reges magni bello domiti; nationes feræ, et populi ingentes, vi subacti; Carthago, æmula imperii Romani, ab stirpe interiit: cuncta maria terræque patebant: sævire fortuna ac miscere omnia cœpit. Qui labores, pericula, dubias atque asperas res, faciliè toleraverant; iis otium, divitiæ, opundæ aliis, oneri miseræque fuēre. Igitur primò pecuniæ, dein imperii, cupido crevit: ea quasi materies omnium malorum fuēre. Namque avaritia fidem, probitatem, cæterasque artes bonas subvertit: pro his superbiam, crudelitatem, deos negligere, omnia venalia habere, edocuit. Ambitio multos mortalis falsos fieri subegit; aliud clausum in pectore, aliud promptum in linguā habere; amicitias inimicitiasque, non ex re, sed ex commodo, æstumare; magisque vultum, quān ingenium, bonum habere. Hæc primò paulatim crescere, interdum vindicari. Post, ubi contagio, quasi pestilentia, invasit; civitas immutata: imperium, ex justissimo at-

que optumo, crudele intolerandumque factum. Sed primò magis ambitio, quàm avaritia, animos hominum exercebat: quod tamen vitium propius virtutem erat. Nam gloriam, honorem, imperium, bonus, ignavus, æquè sibi exoptant: sed ille verâ viâ nititur: huic quia bonæ artes desunt, dolis atque fallaciis contendit. Avaritia pecuniæ studium habet, quam nemo sapiens concupivit; ea, quasi venenis malis imbuta, corpus animumque virilem effœminat; semper infinita, insatiabilis, est; neque copiâ neque inopiâ minuitur. Sed postquam L. Sulla, armis receptâ republicâ, bonis initiis malos eventus habuit: rapere omnes, trahere; domum alius, alius agros cupere; neque modum, neque modestiam victores habere; fœda crudeliaque in civis facinora facere. Huc accedebat, quòd L. Sulla exercitum, quem in Asiâ ductaverat, quò sibi fidum faceret, contra morem majorum luxuriosè nimisque liberalitèr habuerat. Loca amœna, voluptaria, facilè in otio ferocis militum animos molliverant. Ibi primùm insuevit exercitus populi Romani amare, potare, signa, tabulas pictas, vasa cœlata mirari, ea privatim ac publicè rapere, delubra spoliare, sacra profanaque omnia polluere. Igitur hi milites, postquam victoriam adepti sunt, nihil reliqui victis fecèrunt. Quippe secundæ res sapientium animos fatigant; nedum illi, corruptis moribus, victoriæ temperarent. Postquam divitiæ honori esse cœperunt, et eas gloria, imperium, potentia sequebatur; hebescere virtus, paupertas probro haberi, innocentia pro malevolentia duci cœpit. Igitur ex divitiis juventutem luxuria atque avaritia cum superbiâ invasèrunt: rapere, consumere; sua parvi pendere, aliena cupere; pudorem, pudicitiam, divina atque humana promiscua, nihil pensi neque moderati habere. Operæ pretium est, cum domos atque villas cognoveris in urbium modum exædificatas, visere templa deorum, quæ nostri majores, religiosissimi mortales, fecèrunt; verùm illi delubra deorum pietate, domos suas gloriâ, decorabant; neque victis quidquam, præter injuriæ licentiam, eripiebant. At hi contrà, ignavissimi homines, per summum scelus, omnia ea sociis adimere, quæ fortissimi viri victores hostibus reliquerant: proinde quasi injuriam facere, id demum esset imperio uti. Nam quid ea memorem, quæ, nisi iis

qui vidère, nemini credibilia sunt; à privatis compluribus subversos montes, maria constrata esse? quibus ludibrio mihi videntur fuisse divitiæ: quippe, quas honestè habere licebat, per turpitudinem abuti properabant. Sed lubido stupri, ganeæ, cæterique cultûs, non minor incesserat. Viri pati muliebria; mulieres pudicitiam in propatulo habere; vescendi causâ, terrâ marique omnia exquirere; dormire prius, quàm somni cupido esset: non famem aut sitim, neque frigus, neque lassitudinem opperiri, sed ea omnia luxu antè capere. Hæc juventutem, ubi familiares opes defecerant, facinora incendebant; animus, imbutus malis artibus, haud facilè lubricinibus carebat: eò profusiùs omnibus modis quæstui atque sumptui deditus erat.

In tantâ tamque corruptâ civitate Catilina, id quod factum facillimum erat, omnium flagitiosorum atque facinorosorum circum se, tamquam stipatorum, catervas habebat. Nam quicumque impudicus, adulter, ganeo, manu, ventre, pene, bona patria laceraverat, quique alienum æs grande conflaverat, quò flagitium aut facinus redimeret; præterea, omnes undique parricidæ, sacrilegi, convicti judiciis, aut pro factis iudicium timentes; ad hoc, quos manus atque lingua perjurio et sanguine civili alebat; postremò, omnes quos flagitium, egestas, conscius animus exagitabat, hi Catilinæ proximi familiaresque erant. Quòd si quis, etiam à culpâ vacuus, in amicitiam ejus inciderat; quotidiano usu atque illecebris facilè par similisque cæteris efficiebatur. Sed maxumè adolescentium familiaritates appetebat. Eorum animi molles, et ætate fluxi, dolis haud difficultè capiebantur. Nam, uti cujusque studium ex ætate flagrabat, aliis scorta præbere, aliis canes atque equos mercari: postremò, neque sumptui neque modestiæ suæ parcere, dum illos obnoxios fidosque sibi faceret. Scio fuisse nonnullos, qui ita existumarent, juventutem, quæ domum Catilinæ frequentabat, parum honestè pudicitiam habuisse; sed ex aliis rebus magis quàm quòd cuiquam id compertum foret, hæc fama valebat. Jamprimùm adolescens Catilina multa nefanda stupra fecerat, cum virgine nobili, cum sacerdote Vestæ, et alia hujusmodi contra jus fasque; postremò, captus amore Aureliæ Orestillæ,

cujus præter formam, nihil unquam bonus laudavit; quòd ea nubere illi dubitabat, timens privignum adultum ætate; pro certo creditur, necato filio, vacuum domum scelestis nuptiis fecisse. Quæ quidem res mihi in primis videtur causa fuisse facinoris maturandi; namque animus impurus, diis hominibusque infestus, neque vigiliis neque quietibus sedari poterat; ita conscientia mentem excitam vexabat; igitur color ei exsanguis, fœdi oculi; citus modò, modò tardus, incessus: prorsus in facie vultuque vecordia inerat. Sed juventutem, quam, ut supra diximus, illexerat, multis modis mala facinora edocebat: ex illis testes signatoresque falsos commodare; fidem, fortunas, pericula, vilia habere; post, ubi eorum famam atque pudorem attriverat, majora alia imperabat. Si causa peccandi in præsens minùs suppetebat, nihilominus insontes, sicuti sontes, circumvenire, jugulare: scilicet, nè per otium torpescerent manus aut animus, gratuitò potiùs malus atque crudelis erat. His amicis sociisque confisus Catilina; simul, quòd æs alienum per omnîs terras ingens erat: et, quòd plerique Sullani milites, largiùs suo usi, rapinarum et victoriæ veteris memores, civile bellum exoptabant; opprimundæ reipublicæ consilium cepit. In Italiâ nullus exercitus: Cn. Pompeius in extremis terris bellum gerebat: ipsi consulatum petundi magna spes: senatus nihil sane intentus: tutæ tranquillæque res omnes: sed ea prorsus opportuna Catilinæ. Igitur circiter kal. Jun., L. Cæsare et C. Figulo coss., primò singulos appellare: hortari alios, alios tentare; opes suas, imparatam rempublicam, magna præmia conjurationis docere. Ubi satis explorata sunt, quæ voluit, in unum omnîs convocat quibus maxuma necessitudo, et plurimum audaciæ inerat. Eò convenère, senatorii ordinis, P. Lentulus Sura, P. Autronius, L. Cassius Longinus, C. Cethegus, P. et Serv. Sullæ Servii filii, L. Vargunteius, Q. Annius, M. Porcius Læca, L. Bestia, Q. Curius; præterea, ex equestri ordine, M. Fulvius Nobilior, L. Statilius, P. Gabinius Capito, C. Cornelius; ad hoc, multi ex coloniis et municipiis, domi nobiles. Erant præterea complures paulo occultius consilii hujusce participes, quos magis dominationis spes hortabatur, quàm inopia, aut alia necessitudo. Cæterum juvenus pleraque, sed maxumè nobilium,

Catilinæ inceptis favebat. Quibus in otio vel magnificè, vel mollitè vivere copia erat, incerta pro certis, bellum quàm pacem, malebant. Fuère item eâ tempestate, qui crederent M. Licinium Crassum non ignarum ejus consilii fuisse: quia Cn. Pompeius, invisus ipsi, magnum exercitum ductabat: cujusvis opes voluisse contra illius potentiam crescere: simul confisum, si conjuratio valuisset, facilitè apud illos principem se fore.

Sed antea item conjuravère pauci; in quibus Catilina. De quâ re, quàm verissumè potero, dicam. L. Tullo, M. Lepido coss., P. Autronius et P. Sulla, designati consules, legibus ambitus interrogati, pœnas dederant. Pòst paulò Catilina, pecuniarum repetundarum reus, prohibitus erat petere consulatum; quòd intrà legitimos dies profiteri nequiverit. Erat eodem tempore Cn. Piso, adolescens nobilis, summæ audaciæ, egens, factiosus; quem ad perturbandam rempublicam inopia atque mali mores stimulabant: cum hoc Catilina et Autronius, circiter nonas Decembr., consilio communicato, parabant in Capitolio, kalendis Januar., L. Cottam et L. Torquatum coss. interficere: ipsi, fascibus correptis, Pisonem cum exercitu ad obtinendas duas Hispanias mittere: eâ re cognitâ, rursus in Februar. nonas consilium cædis transtulerunt. Jam tum non consulibus modò, sed plerisque senatoribus, perniciem machinabantur. Quòd nî Catilina maturâset pro curiâ signum sociis dare; eo die, post conditam urbem Romam, pessimum facinus patratum foret. Quia nondum frequentes armati convenerant; ea res consilium diremit. Postea Piso in Citeriorem Hispaniam quæstor pro prætore missus est, adnitente Crasso; quòd eum infestum Cn. Pompeio cognoverat. Neque tamen senatus provinciam invitus dederat; quippe fœdum hominem à republicâ procul abesse volebat; simul, quia boni complures præsidium in eo putabant, et jam tum potentia Cn. Pompeii formidolosa erat. Sed is Piso, in provinciam, ab equitibus Hispanis, quos in exercitu ductabat, iter faciens occisus est. Sunt qui ita dicunt; imperia ejus injusta, superba, crudelia, barbaros nequivisse pati: alii autem, equites illos, Cn. Pompeii veteres fidosque clientes, voluntate ejus Pisonem aggressos: nunquam Hispanos prætereâ tale facinus fecisse, sed im-

peria sæva multa antea perpressos. Nos eam rem in medio relinquimus. De superiori conjuratione satis dictum.

Catilina, ubi eos, quos paulò antè memoravi, convenisse videt; tametsi cum singulis multa sæpè egerat; tamen, in rem fore credens universos appellare et cohortari, in abditam partem ædium secessit: atque ibi, omnibus arbitris procul amotis, orationem hujusmodi habuit:

*Ni virtus fidesque vestra satis spectata mihi forent, nequicquam opportuna res cecidisset; spes magna dominationis in manibus frustra fuisset; neque, per ignaviam, aut vana ingenia, incerta pro certis captarem. Sed, quia multis et magnis tempestatibus vos cognovi fortes fidosque mihi, eò animus ausus est maximum atque pulcherrimum facinus incipere; simul, quia vobis eadem, quæ mihi bona malaque esse intellexi. Nam, idem velle, atque idem nolle, ea demùm firma amicitia est. Sed ego, quæ mente agitavi, omnes jam antea diversi audivistis. Cæterùm mihi indiès magis animus accenditur, cùm considero quæ conditio vitæ futura sit, nisi nosmet ipsos vindicamus in libertatem. Nam, postquam respublica in paucorum potentiam jus atque ditionem concessit; semper illis reges, tetrarchæ vectigales esse; populi, nationes, stipendia pendere; cæteri omnes, strenui, boni, nobiles atque ignobiles, vulgus fuimus; sine gratiâ, sine auctoritate, his obnoxii, quibus, si respublica valeret, formidini essemus. Itaque omnis gratia, potentia, honos, divitiæ, apud illos sunt, aut ubi illi volunt; nobis reliquerunt pericula, repulsas, judicia, egestatem. Quæ quousque tandem patiemini, fortissimi viri? Nonne emori per virtutem præstat, quàm vitam miseram atque inhonestam, ubi alienæ superbie ludibrio fueris, per dedecus amittere? Verum enimvero, proh deùm atque hominum fidem! victoria in manu nobis est; viget ætas; animus valet: contra illis, annis atque divitiis, omnia consequerunt. Tantummodò incepto opus est; cætera res expediet. Etenim quis mortalium, cui virile ingenium est, tolerare potest, illis divitias superare, quas profundant in extruendo mari, et montibus coæquandis nobis rem familiarem etiam ad necessaria deesse? illos*



*binas, aut ampliùs domos continuare; nobis larem familiare; nusquam ullum esse? cùm tabulas, signa, toreumata emunt; nova diruunt, alia ædificant: postremo, omnibus modis pecuniam trahunt, vexant; tamen summâ lubidine divitias suas vincere nequeunt. At nobis est domi inopia, foris æs alienum; mala res, spes multò asperior. Denique quid reliqui habemus, præter miseram animam? Quin igitur expergiscimini? En, illa, illa, quam sæpe optâstis, libertas; præterea divitiæ, decus, gloria, in oculis sita sunt; fortuna ea omnia victoribus præmia posuit. Res, tempus, pericula, egestas, belli spolia magnifica, magis quàm oratio mea, vos hortentur. Vel imperatore, vel milite, me utimini: neque animus, neque corpus, à vobis aberit. Hæc ipsa, ut spero, vobiscum una consul agam: nisi fortè me animus fallit, et vos servire magis, quàm imperare, parati estis.*

Postquam accepere ea homines, quibus mala abundè omnia erant, sed neque res, neque spes bona ulla; tamen illis quæta movere magna merces videbatur: tamen postulare plerique, uti proponeret quæ conditio belli foret; quæ armis præmia peterent; quid ubique opis aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia, quæ bellum, atque lubido victorum, fert. Præterea, esse in Hispaniâ Citeriore Pisonem, in Mauritaniâ cum exercitu P. Sittium Nucerinum, consilii sui participes. Petere consulatum C. Antonium, quem sibi collegam fore speraret; hominem et familiarem, et omnibus necessitudinibus circumventum: cum eo consulem se initium agendi facturum. Ad hoc, maledictis increpabat omnès bonos: suorum unumquemque nominans, laudare; admonere alium egestatis, alium cupiditatis suæ, complures periculi aut ignominiae, multos victoriae Sullanæ, quibus ea prædæ fuerat. Postquam omnium animos alacris videt cohortatus, ut petitionem suam curæ haberent, conventum dimisit. Fuere eâ tempestate, qui dicerent Catilinam, oratione habitâ, cùm ad iurandum populares sceleris sui adigeret, humani corporis sanguinem vino permixtum in pateris circumtulisse; inde cùm post execrationem omnes degustavissent, sicuti in solemnibus sacris fieri consuevit, aperuisse consilium suum; atque

eò dictitare fecisse, quò inter se magis fidi forent, alius alii tanti facinoris conscii. Nonnulli ficta et hac, et multa præterea, existumabant ab iis, qui Ciceronis invdiam, quæ postea orta est, leniri credebant atrocitate sceleris eorum, qui pœnas dederant. Nobis ea res pro magnitudine parum comperta est. Sed in eâ conjuratione fuit Q. Curius, natus haud obscuro loco, flagitiis atque facinoribus coopertus; quem censores senatu probri gratiâ amoverant. Huic homini non minor vanitas inerat, quàm audacio; neque reticere quæ audierat, neque suamet ipse scelera occultare; prorsus neque dicere, neque facere, quicquam pensi habebat. Erat ei cum Fulviâ, muliere nobili, stupri vetus consuetudo: cui cùm minùs gratus esset, quòd inopiâ minùs largiri poterat, repenti gloriâ, maria monteisque polliceri cœpit; minari interdum ferro, nî sibi obnoxia foret: postremò, ferociùs agitare quàm solitus erat. At Fulvia, insolentiæ Curii causâ cognitâ, tale periculum reipublicæ haud occultum habuit; sed, sublato auctore, de Catilinæ conjuratione, quæ quòque modo audierat, compluribus narravit. Ea res in primis studia hominum accendit ad consulatum maudandum M. Tullio Ciceroni. Namque antea pleraque nobilitas invidiâ æstuabat, et quasi pollui consulatum credebatur, si eum, quamvis egregius, homo novus adeptus foret. Sed, ubi periculum advenit, invidia atque superbia post fuere. Igitur, comitiis habitis, consules declarantur M. Tullius et C. Antonius: quod factum primò populares conjurationis concusserat. Neque tamen Catilinæ furor minuebatur; sed indiès plura agitare; arma per Italiam locis opportunis parare; pecuniam, suâ aut amicorum fide sumtam mutuatam, Fæsulas ad Manlium quemdam portare, qui postea princeps fuit belli faciendi. Eâ tempestate plurimos cujusque generis homines adscivisse sibi dicitur; mulieres etiam aliquot, quæ primò ingentis sumtus stupro corporis toleraverant: post, ubi ætas tantummodò quaestui, neque luxuriæ modum fecerat, æs alienum grande conflaverant. Per eas se Catilina credebatur posse servitia urbana sollicitare, urbem incendere, viros earum vel adjungere sibi, vel interficere. Sed in his erat Sempronia, quæ multa sæpè virilis audaciæ facinora commiserat.

Hæc mulier genere atque formâ, prætereà viro atque liberis, satis fortunata fuit; litteris Græcis atque Latinis docta; psallere, saltare elegantius, quàm necesse est probæ: multa alia, quæ instrumenta luxuriæ sunt: sed ei cariora semper omnia, quàm decus atque pudicitia fuit. Pecuniæ, an famæ minùs parceret, haud facilè discerneres; lubidine sic accensa, ut sæpiùs peteret viros, quàm peteretur. Sed ea sæpè antehac fidem prodiderat, creditum abjuraverat, cædis conscia fuerat, luxuriâ atque inopiâ præceps abierat. Verùm ingenium ejus haud absurdum: posse versus facere; jocum movere; sermone uti vel modesto, vel molli, vel procaci; prorsùs multæ facetiæ multusque lepos inerat. His rebus comparatis, Catilina nihilominùs in proximum annum consulatum petebat; sperans, si designatus foret, facilè se ex voluntate Antonio usurum: neque interea quietus erat, sed omnibus modis insidias parabat Ciceroni. Neque illi tamen ad cavendum dolus aut astutiæ deerant: namque à principio consulatùs sui, multa per Fulviam pollicendo, effecerat, ut Q. Curius, de quo paulò antè memoravi, consilia Catilinæ sibi proderet. Ad hoc, collegam suum Antonium pactione provinciæ perpulerat, nè contra rempublicam sentiret: circum se præsidia amicorùm atque clientum occultè habebat. Postquam dies comitiorum venit, et Catilinæ neque petitio, neque insidiæ quas consuli fecerat, prosperè cessère; constituit bellum facere, et extrema omnia experiri; quoniam, quæ occultè tentaverat, aspera fœdaque evenerant. Igitur C. Manlium Fæsulas atque in eam partem Etruriæ, Septinium quemdam Camertem in agrum Picenum, C. Julium in Apuliam, dimisit; prætereà alium aliò, quem ubique opportunum sibi fore credebat. Interea Romæ multa simul moliri: consuli insidias tendere; parare incendia; opportuna loca armatis hominibus obsidere; ipse cum telo esse, item alios jubere, hortari, uti semper intenti paratique essent; dies noctesque festinare; vigilare; neque insomniis, neque labore fatigari. Postremò, ubi multa agitantì nihil procedit, rursus intempestâ nocte conjurationis principes convocat per M. Porcinum Læcam; ibique multa de ignaviâ eorum questus, docet se præmisisse Manlium ad eam multitudinem, quam ed capiunda arma paraverat; item

alios in alia loca opportuna, qui initium belli facerent; seque ad exercitum proficisci cupere, si priùs Ciceronem oppressisset: eum suis consiliis multùm officere. Igitur, perterritis ac dubitantibus cæteris, C. Cornelius, eques Romanus, operam suam pollicitus, et cum eo L. Vargunteius senator, constituere eâ nocte paulo pòst, cum armatis hominibus, sicuti salutatum, introire ad Ciceronem, et de improvviso domi suæ imparatum confodere. Curius, ubi intelligit quantum periculum consuli impendeat, properè per Fulviam Ciceroni dolum, qui parabatur, enunciat: ita illi, januâ prohibiti, tantum facinus frustra susceperant. Interea Manlius in Etruriâ plebem sollicitare, egestate simul, ac dolore injuriæ, novarum rerum cupidam; quòd, Sullæ dominatione, agros bonaque omnia amiserat; prætereà, latrones cujusque generis, quorum in eâ regione magna copia erat, nonnullos ex Sullanis colonis, quibus lubido atque luxuria ex magnis rapinis nihil reliqui fecerant. Ea cùm Ciceroni nunciarentur; accipiti malo permotus, quòd neque urbem ab insidiis privato consilio longiùs tueri poterat; neque exercitus Manlii quantus, aut quo consilio foret, satis, compertum habebat: rem ad senatum refert, jam antea vulgi rumoribus exagitata. Itaque, quod plerumque in atroci negotio solet, senatus decrevit, darent operam consules, nè quid respublica detrimenti caperet. Ea potestas per senatum, more Romano, magistratui maxuma permittitur, exercitum parare, bellum gerere, coërcere omnibus modis socios atque cives; domi militiæque imperium atque iudicium summum habere. Alitèr, sine populi jussu, nulli earum rerum consuli jus est. Post paucos dies L. Senius senator in senatu litteras recitavit, quas Fæsulis allatas sibi dicebat; in quibus scriptum erat, C. Manlium arma cepisse cum magnâ multitudine ante diem vi. kal. Novemb. Simul; id quod in tali re solet, alii portenta atque prodigia nunciabant: alii, conventus fieri, arma portari; Capuæ atque in Apuliâ servile bellum moveri. Igitur, senati decreto, Q. Marcius Rex Fæsulas, Q. Metellus Creticus in Apuliam circumque ea loca, missi. Hi utrique ad urbem imperatores erant; impediti, nè triumpharent, calumniâ paucorum, quibus omnia honesta atque inhonesta vendere mos erat. Sed prætores Q. Pompeius

Rufus Capuam, Q. Metellus Celer in agrum Picenum; hisque permissum, uti pro tempore atque periculo exercitum compararent: ad hoc, si quis indicâset de conjuratione quæ contra rempublicam facta erat, præmium; servo libertatem, et HS.-c; libero, impunitatem ejus rei, et HS.-cc. Item decrevêre, uti familiæ gladiatoriae Capuam et in cætera municipia distribuerentur pro cujusque, opibus; Romæ per totam urbem vigiliæ haberentur, eisque minores magistratus præessent. Quibus rebus permota civitas, atque immutata facies urbis erat: ex summâ lætitiâ atque lasciviâ, quæ diuturna quies pepererat, repentè omnîs tristitia invasit. Festinare, trepidare; neque loco, nequi homini cuiquam satis credere; neque bellum gerere, neque pacem habere; suo quisque metu pericula metiri. Ad hoc mulieres, quibus, pro reipublicæ magnitudine, belli timor insolitus incesserat, afflictare sese; manus supplices ad cælum tendere; miserari parvos liberos; rogitare; omnia pavere, superbiâ atque deliciis omissis, sibi patriæque diffidere. At Catilinæ crudelis animus eadem illa movebat, tametsi præsidia parabantur, et ipse lege Plautiâ interrogatus erat ab L. Paulo: postremò, dissimulandi causâ et quasi sui expurgandi, sicuti jurgio lacessitus foret, in senatum venit. Tum M. Tullius consul, sive præsentiam ejus timens, sive irâ commotus, orationem habuit luculentam atque utilem reipublicæ; quam postea scriptam edidit. Sed ubi ille assedit, Catilina, ut erat paratus ad dissimulanda omnia, demisso vultu, voce supplici, postulare à patribus, nè quid de se temerè crederent; eâ familiâ ortum, ita ab adolescentâ vitam instituisse, ut omnia bona in spe haberet: nè existimarent, sibi patricio homini, cujus ipsius atque majorûm plurima beneficia in plebem Romanam essent, perditâ republicâ opus esse; cùm eam servaret M. Tullius, inquilinus civis urbis Romæ. Ad hoc, maledicta alia cùm adderet; obstrepere omnes. hostem atque parricidam vocare; tum ille furibundus, *Quoniam quidem circumventus inquit, ab inimicis præceps agor, incendium meum ruinâ extinguam.* Dein se ex curiâ domum proripuit. Ibi multa secum ipse volvens, quòd neque insidiæ consuli procedebant, et ab incendio intelligebat urbem vigiliis munitam; optimum factu credens exercitum au-

gere, ac priùs, quàm legiones scriberentur, multa antè capere quæ bello usui forent; nocte intempestâ cum paucis in Maulliana castra profectus est. Sed Cethego, atque Lentulo, cæterisque, quorum cognoverat promptam audaciam, mandat, quibus rebus possent, opes factionis confirmant, insidias consuli maturent; cædem incendia, aliaque belli facinora parent: sese propedièm cum magno exercitu ad urbem accessurum. Dum hæc Romæ geruntur, C. Manlius ex suo numero legatos ad Q. Marcium regem mittit, cum mandatis hujusmodi:

*Deos hominesque testamur, Imperator, nos armâ neque contra patriam cepisse, neque quò periculum aliis faceremus; sed uti corpora nostra ab injuriâ tuta forent: qui miseri, egentes, violentiâ atque crudelitâte fœneratorum, plerique patriâ, sed omnes famâ atque fortunis, expertes sumus: neque cuiquam nostrûm licuit, more majorûm, legi uti, neque, amisso patrimonio, corpus liberum habere: tanta sævitia fœneratorum atque prætoris fuit. Sæpè majores vestrûm, miseriti plebis Romanæ, decretis suis inopiæ ejus opitulati sunt: ac novissumè, memoriâ vestrâ, propter magnitudinem æris alieni, volentibus omnibus bonis, argentum ære solutum est. Sæpè ista plebes, aut dominandi studio permota, aut superbiâ magistratuum armata, à patribus secessit. At nos non imperium, neque divitias, petimus; quarum rerum causâ, bella atque certamina omnia inter mortalis sunt: sed libertatem, quam nemo bonus, nisi cum animâ simul, amittit. Te atque senatum obtestamur, consulatis miseris civibus; legis præsidium, quod iniquitas prætoris eripuit, restituatis; nève nobis eam necessitudinem imponatis, ut quæramus, quoniam modo, uli maxumè sanguinem nostrum, pereamus.*

Ad hæc Q. Marcus respondit, si quid ab senatu petere vellent, ab armis discedant, Romam supplices proficiscantur: eâ misericordiâ atque mansuetudine senatum populumque Romanum semper fuisse, ut nemo unquam ab eo frustrâ auxilium petiverit. At Catilina ex itinere plerisque consularibus, prætereâ optumo cuique, literas mittit: se, falsis criminibus circumventum, quoniam factioni inimicorum resistere nequiverit, fortunæ cedere, Massiliam in exilium proficisci: non quò sibi tanta scele-

ris conscius esset; sed uti respublica quieta foret; nève ex suâ contentione seûitio oriretur. Ab his longè diversas litteras Q. Catulus in senat recitavit; quas sibi nomine Catilinæ redditas dicebat. Earum exemplum infrà scriptum est:

*L. Catilina Q. Catulo S. Egregia tua fides, re cognita, grata mihi, magnis in meis periculis fiduciam commendationi meæ tribuit. Quamobrem defensionem in novo consilio non statui parare: satisfactionem ex nullâ conscientia de culpâ proponere decrevi: quæ mediufidius licet vera mecum recognoscas. Injuriis contumeliisque concitatus, quòd, fructu laboris industriæque meæ privatus, statum dignitatis non obtinebam, publicam miserorum causam pro meâ consuetudine suscepi: non quin æs alienum meis nominibus ex possessionibus solvere possem; cùm alienis nominibus liberalitas Aureliæ Orestillæ suis filiaque copiis persolveret: sed quòd non dignos homines honore honestatos videbam, neque falsa suspitione alienatum esse sentiebam. Hoc nomine satis honestas pro meo casu spes reliquæ dignitatis conservandæ sum secutus. Plura cùm scribere vellem, nunciatum est vim mihi parari. Nunc Orestillam tibi commendo, tuæque fidei trado: eam ab injuriâ defendas, per liberos tuos rogatus. Haveto.*

Sed ipse, paucos dies commoratus apud C. Flaminium in agro Reatino, dum vicinitatem, antea sollicitatam, armis exornat, cum fascibus atque aliis imperii insignibus in castra ad Manlium contendit. Hæc ubi Romæ comperta sunt; senatus Catilinam et Manlium hostes judicat; cæteræ multitudini diem statuit, ante quam liceret sine fraude ab armis discedere, præter rerum capitalium condemnatis. Prætereà decernit, uti consules, delectum habeant: Antonius cum exercitu Catilinam persequi maret; Cicero urbi præsidio sit. Eâ tempestate mihi imperium populi Romani multò maxumè miserabile visum est: cui cùm ad occasum ab ortu solis omnia domita armis paterent; domi otium atque divitiæ, quæ prima mortales putant, affluerent; fuère tamen cives, qui seque remque publicam obstinatis animis perditum irent. Namque, duobus senati decretis, ex tantâ multitudine, neque præmio inductus conjurationem patefecerat, neque ex

castris Catilinæ quisquam omnium discesserat; tanta vis morbi, atque uti tabes, plerosque civium animos invaserat. Neque solùm illis aliena mens erat, qui conscii conjurationis fuerant; sed omnino cuncta plebes, novarum rerum studio, Catilinæ incepta probabat. Id adeò more suo videbatur facere: nam semper in civitate, quibus opes nullæ sunt, bonis invident, malos extollunt; vetera odere, nova exoptant; odio suarum rerum mutari omnia student; turbâ atque seditionibus sine curâ aluntur: quoniam egestas facillè habetur sine damno. Sed urbana plebes, ea verò præceps îerat multis de causis. Primùm omnium, qui ubique probro atque petulantia maxumè præstabant; item alii, per dedecora, patrimoniis amissis; postremò omnes, quos flagitium, aut facinus domo expulerat, hi Romam, sicuti in sentinam, confluxerant. Deindè multi, memores Sullanæ victoriæ; quòd ex gregariis militibus alios senatores videbant; alios ita divites, ut regio victu atque cultu ætatem agerent; sibi quisque, si in armis foret, ex victoria talia sperabat. Prætereà juvenus, quæ in agris manuum mercede inopiam toleraverat, privatis atque publicis largitionibus excita, urbanum otium ingrato labori prætulera: eos atque alios omnîs malum publicum alebat. Quò minùs mirandum est, homines egentis, malis moribus, maxumâ spe, reipublicæ juxtâ ac sibi consuluisse. Prætereà quorum, victoriâ Sullæ, parentes proscripti, bona erepta, jus libertatis imminutum erat, haud sanè alio animo belli eventum expectabant. Ad hoc, quicumque aliarum, atque senatûs, partium erant, conturbari rempublicam, quàm minùs valere ipsi malebant. Ad adeò malum multos post annos in civitatem reverterat. Nam postquam, Cn. Pompeio et M. Crasso coss., tribunitia potestas restituta est; homines adolescentes, summam potestatem nacti, quibus ætas, animusque ferox erat, cœpère, senatum criminando, plebem exagitare; dein largiundo atque pollicitando magis incendere; ita ipsi clari potentesque fieri. Contra eos summâ ope nitebatur pleraque nobilitas, senatûs sub specie, pro suâ magnitudine. Namque uti paucis verum absolvam; per illa tempora quicumque rempublicam agitavère, honestis nominibus, alii, sicuti jura populi defenderent, pars, quò senatûs aucto-



ritas maxuma foret, bonum publicum simulantes, pro suâ quisque potentiâ certabant: neque illis modestia, neque modus contentionis erat; utrique victoriam crudelitèr exercebant. Sed, postquam Cn. Pompeius ad bellum maritimum atque Mithridaticum missus est; plebis opes imminutæ, paucorum potentia crevit. Hi magistratus, provincias, aliaque omnia tenere; ipsi innoxii, florentis, sine metu ætatem agere, cæterosque judiciis terrere, quò plebem in magistratu placidiùs tractarent. Sed ubi primùm dubiis rebus novandis spes oblata est, vetus certamen animos eorum arrexerit. Quòd si primo, prælio Catilina superior, aut æquâ manu, discessisset: profectò magna clades atque calamitas rempublicam oppressisset; neque illis, qui victoriam adepti forent, diutius eâ uti licuisset; quin defessis et exsanguibus, qui plus posset, imperium atque libertatem extorqueret. Fuère tamen extra conjurationem complures, qui ad Catilinam initio profecti sunt; in his erat Fulvius, senatoris filius; quem retractum ex itinere parens necari iussit. Iisdem temporibus, Romæ Lentulus, sicuti Catilina præceperat, quoscumque moribus aut fortunâ novis rebus idoneos credebat, aut per se, aut per alios, sollicitabat; neque solùm cives, sed cujuscumque-modi genus hominum quod modò usui bello foret. Igitur P. Umbreno cuidam negotium dat, uti legatos Allobrogum requirant; eosque, si possit, impellat ad societatem belli; existumans, publicè privatimque ære alieno oppressos, prætereà quòd naturâ gens Gallica bellicosa esset, facilitè ad tale consilium adduci posse. Umbrenus, quòd in Galliâ negotiatus, plerisque principibus civitatum notus erat, atque eos noverat: itaque sine morâ, ubi primùm legatos in foro conspexit, percunctatus pauca de statu civitatis, et quasi dolens ejus casum, requirere cœpit, quem exitum tantis malis sperarent? Postquam illos videt queri de avaritiâ magistratuum, accusare senatum, quòd in eo auxilii nihil esse; miseriis suis remedium mortem exspectare: *At ego, inquit, vobis, si modò viri esse vultis, rationem ostendam, quâ tanta mala ista effugiatis.* Hæc ubi dixit: Allobroges, in spem maxumam adducti, Umbrenum orare, uti sui misereretur: nihil tam asperum, neque tam difficile esse, quod non cupidissimè fac-

turi essent, dum ea res civitatem ære alieno liberaret. Ille eos in domum D. Bruti perducit; quòd foro propinqua erat, neque aliena consilii, propter Semproniam: nam tum Brutus ab Româ aberat. Prætereà Gabinium arcessit, quò major auctoritas sermoni inesset: eo præse, conjurationem aperit: nominat socios, prætereà multos cujusque generis innoxios: quò legatis animus amplior esset: dein eos, pollicitos operam suam, domum dimittit. Sed Allobroges diu in incertum habuère, quidnam consilii caperent: in alterâ parte erat æs alienum, studium belli, magna merces in spe victoriæ; at in alterâ majores opes, tuta consilia, pro incertâ spe certa præmia. Hæc illis volventibus, tandem vicit fortuna reipublicæ. Itaque Q. Fabio Sangæ, cujus patrocínio civitas plurimùm utebatur, rem omnem, uti cognoverant, aperiunt. Cicero, per Sangam consilio cognito, legatis præcipit, ut studium conjurationis vehementer simulent: cæteros adeant, bene polliceantur; dentque operam, ut eos quàm maxumè manifestos habeant. Iisdem ferè temporibus, in Galliâ Citeriore, atque Ulteriore, item in agro Piceno, Bruttio, Apuliâ, motus erant. Namque illi, quos antè Catilina dimiserat, inconsultè ac veluti per dementiam cuncta simul agere: nocturnis consiliis, armorum atque telorum portationibus, festinando, agitando omnia, plus timoris quàm periculi effecerant. Ex eo numero complures Q. Metellus Celer prætor, ex sociis causâ cognitâ, in vincula conjecerat; item in Citeriore Galliâ C. Murena, qui ei provinciæ legatus præerat. At Romæ Lentulus cum cæteris, qui principes conjurationis erant, paratis, uti videbatur, magnis copiis, constituerat, uti, cùm Catilina in agrum Fæsulanum cum exercitu venisset, L. Bestia tribunus plebis, concione habitâ, quereretur de actionibus Ciceronis, bellicque gravissumi invidiam optumo consuli imposeret; eo signo proxumâ nocte cætera multitudo conjurationis suum quisque negotium exequeretur. Sed ea divisa hoc modo dicebantur: Statilius et Gabinus uti cum magnâ manu duodecim simul opportuna loca urbis incenderent, quò tumultu facilior aditus ad consulem cæterosque, quibus insidiæ parabantur, fieret: Cethegus Ciceronis januam obsideret, eumque vi aggrederetur; alias autem

alium: sed filii familiarum, quorum ex nobilitate maxima pars erat, parentes interficerent; simul, cæde et incendio percussis omnibus, ad Catilinam erumperent. Inter hæc parata atque decreta, Cethegus semper querebatur de ignaviâ sociorum: illos dubitando, et dies prolutando, magnas opportunitates corrumpere: facto, non consulto, in tali periculo opus esse: seque, si pauci adjuvarent, languentibus aliis, impetum in curiam facturum. Naturâ ferox, vehemens, manu promptus erat: maxumum bonum in celeritate putabat. Sed Allobroges, ex præcepto Ciceronis, per Gabinium cæteros conveniunt: ab Lentulo, Cethego, Statilio, item Cassio, postulant jusjurandum, quod signatum ad civis perferant: aliter haud faciliè eos ad tantum negotium impelli posse. Cæteri nihil suspicantes dant: Cassius semet eò brevi venturum pollicetur, ac paulò ante legatos ex urbe proficiscitur. Lentulus cum his T. Vulturium quemdam Crotoniensem mittit: ut Allobroges, priùs quàm domum pergerent cum Catilinâ, datâ atque acceptâ fide, societatem confirmarent. Ipse Vulturio litteras ad Catilinam dat: quarum exemplum infra scriptum est:

*Qui sim, ex eo, quem ad te misi, cognosces. Fac cogites in quantâ calamitate sis; et memineris, te virum esse: consideres, quid tuæ rationes postulent: auxilium petas ab omnibus, etiam ab infimis.*

Ad hoc, mandata verbis dat: cùm ab senatu hostis judicatus sit, quo consilio servitia repudiet: in urbe parata esse, quæ jusserit: ne cunctetur ipse propiùs accedere. His rebus ita actis; constitutâ nocte quâ proficiscerentur; Cicero, per legatos cuncta edoctus, L. Valerio Flacco et C. Pomptino prætoribus imperat, ut in Ponte Mulvio, per insidias, Allobrogùm comitatus deprehendant: rem omnem aperit, cujus gratiâ mittebantur: cætera, uti facto opus sit, ita agant. Homines militares, sine tumultu præsidiis collocatis, sicuti præceptum erat, occultè pontem obsident. Postquam ad id loci legati cum Vulturio venêre, simul utrimque clamor exortus est: Galli, citò cognito consilio, sine morâ prætoribus se tradunt. Vulturius primò, cohortatus cæteros, gladio se à multitudine defendit; dein, ubi à legatis desertus est, multa priùs de salute suâ Pomptinum obtestatus

quòd ei notus erat, postremò timidus ac vitæ diffidens, velut hostibus, sese prætoribus dedit. Quibus rebus confectis, omnia properè per nuncios consuli declarantur. At illum ingens cura atque lætitia simul occupavère. Conjurazione patefactâ, civitatem periculis ereptam esse: porrò autem anxius erat, in maximo scelere tantis civibus deprehensis, quid facto opus esset; pœnam illorum sibi oneri, impunitatem perdundæ reipublicæ fore credebatur. Igitur confirmato animo, vocari ad sese jubet Lentulum, Cethegum, Statilium, Gabinium, itemque Ceparium Terracinensem, qui in Apuliam ad concitanda servitia proficisci parabat. Cæteri sine morâ veniunt. Ceparius, paulò antè domo egressus, cognito indicio, ex urbe profugerat. Consul Lentulum, quòd prætor erat, ipse manu tenens, in senatum perducit; reliquos cum custodibus in ædem Concordiæ venire jubet. Eò senatum advocat, magnâque frequentiâ ejus ordinis Vulturium cum legatis introducit; Flaccum prætorem scrinium cum litteris, quas à legatis acceperat, eòdem adferre jubet. Vulturius interrogatus de itinere, de litteris, postremò quid, aut quâ de causâ, consilii habuisset: primò fingere alia omnia, dissimulare de conjuratione: post, ubi fide publicâ dicere jussus est, omnia, uti gesta erant, aperit: se paucis antè diebus à Gabinio et Cepario socium ascitum: nihil amplius scire, quàm legatos: tantummodò audire solitum ex Gabinio, P. Autronium, Ser. Sullam, L. Vargunteium, multos prætereà, in eâ conjuratione esse. Eadem Galli fatentur: ac Lentulum dissimulantem coarguunt, præter litteras, sermonibus, quos ille habere solitus erat, ex libris Sybillinis: regnum Romæ tribus Corneliis portendi: Cinnam atque Sullam ante, se tertium esse, cui fatum fore urbis potiri: prætereà, ab incenso Capitolio illum esse vigesimum annum, quem sæpè ex prodigiis haruspices respondissent bello civili cruentum fore. Igitur, perlectis litteris, cùm prius omnes signa sua cognovissent, senatus decernit, uti, abdicato magistratu, Lentulus, itemque cæteri, in liberis custodiis habeantur. Itaque Lentulus P. Lentulo Spintheri, qui tum ædilis erat, Cethegus Q. Cornificio, Statilius C. Cæsari, Gabinius M. Crasso, Ceparius (nam in paulò antè ex fugâ retractus erat) Cn. Terentio sena-

tori traduntur. Interea plebes, (conjuratone patefactâ) quæ, primò cupida rerum novarum, nimis bello favebat, mutatâ mente, Catilinæ consilia exsecrari, Ciceronem ad cœlum tollere; veluti ex servitute erepta, gaudium atque lætitiâ agitabant. Namque alia belli facinora prædæ magis, quàm detrimento, fore; incendium verò crudele, immoderatum, ac sibi maxumè calamitosum putabat; quippe cui omnes copiæ in usu quotidiano et cultu corporis erant. Post eum diem quidam L. Tarquinius ad senatum adductus erat: quem, ad Catilinam proficiscentem, ex itinere retractum aiebant. Is, cùm se diceret de conjuratione indicaturum, si fides publica data esset, jussus à consule, quæ sciret, edicere, eadem ferè, quæ Vulturcius, de paratis incendiis, de cæde bonorum, de itinere hostium, senatum edocet: prætereà, se missum à M. Crasso, qui Catilinæ nunciaret, nè eum Lentulus, et Cethegus, alique ex conjuratione deprehensi terrerent: eòque magis properaret ad urbem accidere, quò et cæterorum animos reficeret, et illi faciliùs è periculo eriperentur. Sed, ubi Tarquinius Crassum nominavit, hominem nobilem, maxumis divitiis, summâ potentiâ; alii rem incredibilem rati; pars, tametsi verum existumabant, tamen, quia in tali tempore tanta vis hominis magis leniunda, quam exagitanda, videbatur; plerique, Crasso ex negotiis privatis obnoxii, conclamant indicem falsum esse, deque eâ re postulant uti referatur. Itaque, Cicerone consulente, frequens senatus decernit, Tarquini indicium falsum videri, eumque in vinculis retinendum: neque ampliùs potestatem faciundam; nisi de eo indicaret, cujus consilio tantam rem esset mentitus. Erant eo tempore, qui existumarent, indicium illud à P. Autronio machinatum: quò faciliùs, appellato Crasso, per societatem periculi reliquos illius potentia tegeret. Alii Tarquini à Cicerone immissum aiebant, nè Crassus, more suo, suscepto malorum patrociniò, rempublicam conturbaret. Ipsum Crassum ego postea prædicantem audiui, tantam illam contumeliâ sibi ab Cicerone impositam. Sed iisdem temporibus Q. Catulus et C. Piso neque gratiâ, neque precibus, neque pretio, Ciceronem impellere quivèrè, uti per Allobroges aut alium indicem C. Cæsar falsò nominaretur. Nam uterque

cum illo gravîs inimicitias exercebant: Piso, oppugnatus in iudicio repetundarum propter cuiusdam Transpadani supplicium injustum; Catulus, ex petitione pontificatûs odio incensus, quòd, extremâ ætate, maxumis honoribus usus, ab adolescentulo Cæsare victus discesserat. Res autem opportuna videbatur; quòd is, privatim egregiâ liberalitate, publicè maxumis muneribus, grandem pecuniam debebat. Sed ubi consulem ad tantum facinus impellere nequeunt, ipsi, singillatim circumeundo, atque ementiendo quæ se ex Vulturio aut Allobrogibus audisse dicerent, magnam illi invidiam conflaverant: usque adeò, uti nonnulli equites Romani, qui, præsidii causâ, cum telis erant circum ædem Concordiæ; seu periculi magnitudine, seu animi mobilitate impulsî, quò studium suum in rempublicam clarius esset; egredienti ex senatu Cæsari gladio minitarentur. Dum hæc in senatu aguntur; et dum legatis Allobrogum et T. Vulturio, comprobato eorum indicio, præmia decernuntur; liberti, et pauci et clientibus Lentuli, diversis itineribus, opifices atque servitia in vicis ad eum eripiendum sollicitabant: partim exquirebant duces multitudinum, qui pretio rempublicam vexare soliti erant. Cethegus autem per nuncios familiam atque libertos suos, lectos et exercitatos in audaciam, orabat, uti, grege facto, cum telis ad sese irumperent. Consul, ubi ea parari cognovit, dispositis præsidiis, uti res atque tempus monebat, convocato senatu, refert, quid de his fieri placeat, qui in custodiam traditi erant. Sed eos paulò antè frequens senatus iudicaverat contra rempublicam fecisse. Tum D. Junius Silanus, primus sententiam rogatus, quòd eo tempore consul designatus erat, de his qui in custodiis tenebantur, et prætereâ de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat; isque postea, permotus oratione C. Cæsaris, pedibus in sententiam Tib. Neronis iturum se dixerat; quòd de eâ re, præsidiis additis, referendum censuerat. Sed Cæsar, ubi ad eum ventum est, rogatus sententiam, à consule, hujuscemodi verba locutus est:

*Omnis homines, P. C., qui de rebus dubiis consultant, ab odio, amicitia, ira, atque misericordia, vacuos esse decet. Haud facile animus verum providet, ubi illa of-*

ficiunt: neque quisquam omnium lubrici simuli et usui paruit. Ubi intenderis ingenium, valet: si lubrico possidet, ea dominatur; animus nihil valet. Magna mihi copia est memorandi, P. C., qui reges, aut qui populi, irâ aut misericordiâ impulsî, malè consuluerint: sed ea malo dicere, quæ majores nostri contra lubricum animi sui rectè atque ordine fecère. Bello Macedonico, quod cum rege Perse gessimus, Rhodiorum civitas, magna atque magnifica, quæ populi Romani opibus creverat, infida atque adversa nobis fuit: sed postquam, bello confecto, de Rhodiis consultum est, majores nostri, nè quis divitiarum magis, quàm injuriæ, causâ bellum inceptum diceret, impunitos eos dimisère. Item bellis Punicis omnibus, cum sæpè Carthaginenses, et in pace, et per inducias, multa nefanda facinora fecissent, numquam ipsi per occasionem talia fecère: magis, quod se dignum foret, quàm quod in illos jure fieri posset, quærebant. Hoc item vobis providendum est, P. C., nè plùs valeat apud vos P. Lentuli et cæterorum scelus, quàm vestra dignitas; neu magis iræ vestræ, quàm janæ, consulatis. Nam si digna pœna pro factis eorum reperitur, novum consilium approbo: sin magnitudinis sceleris omnium ingenia exsuperat, iis utendum censeo, quæ legibus, comparata sunt. Plerique eorum, qui ante me sententias dixerunt, compositè atque magnificè casum reipublicæ miserati sunt: quæ belli sævitia esset, quæ victis acciderent, enumeravère: rapi virgines, pueros; divelli liberos à parentum complexu; matres familiarum pati, quæ victoribus collibuissent; fana atque domos expoliari; cædem, incendia, fieri: postremò armis, cadaveribus, cruore, atque luctu, omnia compleri. Sed, per deos immortalis, quò illa oratio pertinuit? an uti vos infestos conjurationi jaceret? Scilicèt, quem res tanta atque tam atrox non permovit, eum oratio accendet! Non ita est: neque cuiquam mortalium injuriæ suæ parvæ videntur: multi eas graviùs æquo habuère. Sed alia aliis licentia est, P. C. Qui, demissi, in obscuro vitam agunt, si quid iracundiâ deliquère, pauci sciunt; fama atque fortuna eorum pares sunt: qui, magno imperio præditi, in excelso ætatem agunt, eorum facta cuncti mortales novère. Ita in maxumâ fortuna minuma licentia est: neque studere, neque odisse, sed minumè irasci, decet: quæ apud alios

*iracundia dicitur, ea in imperio superbia atque crudelitas appellatur. Equidem ego sic existumo, P. C., omnis cruciatus minores, quam facinora illorum, esse. Sed plerique mortales postrema meminere; et in hominibus impiis sceleris eorum obliti, de pœnâ disserunt, si ea paulò severior fuerit. D. Silanum, virum fortem atque strenuum, certè scio, quæ dixerit, studio reipublicæ dixisse, neque illum in tantâ re gratiam aut inimicitias exercere: eos mores, eam modestiam viri cognovi. Verùm sententia ejus mihi non crudelis, (quid enim in talis homines crudele fieri potest?) sed aliena à reipublicâ nostrâ videtur. Nam profectò aut metus, aut injuria, te subegit, Silane, consulem designatum, genus pœnæ novum decernere. De timore supervacaneum est disserere, cùm, præsentì diligentia clarissimi viri consulis, tanta præsidia sint in armis. De pœnâ possumus equidem dicere id, quod res habet; in luctu atque miseris mortem ærumnarum requiem, non cruciatum, esse; eam cuncta mortalium mala dissolvere; ultrà, neque curæ, neque gaudio, locum esse. Sed, per deos immortalis, quomobrem in sententiam non addidisti, ut prius verberibus in eos animadverteretur? An, quia lex Porcia vetat? At aliæ leges item condemnatis civibus non animam eripi, sed exilium permitti jubent. An, quia gravius est verberari, quam necari? quid autem acerbum, aut nimis grave est in homines tanti facinoris convictos? Sin, quia levius est: quid convenit in minore negotio legem observare, cùm eam in majore neglexeris? At enim quis reprehendat, quod in parricidas reipublicæ decretum erit? Tempus, dies, fortuna, cujus lubido gentibus moderatur. Illis meritò accidet, quidquid exenerit: cæterum vos, P. C., quid in alios statuatis, considerate. Omnia mala exempla ex bonis initiis orta sunt: sed, ubi imperium ad ignaros, aut minus bonos, pervenit: novum illud exemplum ab dignis et idoneis ad indignos et non idoneos transfertur. Lacedæmonii, devictis Atheniensibus, triginta viros imposuere, qui rempublicam tractarent. Hi primò cæpere pessimum quemque et omnibus invisum indemnatum necare: eò populus lætari, et meritò dicere fieri. Post, ubi paulatim licentia crevit, juxtà bonos et malos lubidinosè interficere, cæteros metu terrere. Ita civitas, servitute oppressa, stultæ lætitiæ gratis pœnas dedit.*



Nostrá memoriá, victor Sulla cùm Damasippum et alios hujusmodi, qui malo reipublicæ creverant, jugulari jussit; quis non factum ejus laudabat? Homines scelestos et factiosos, qui seditionibus rempublicam exagitaverant, meritò necatos aiebant. Sed ea res magnæ initium cladis fuit. Namque uti quisque domum, aut villam, postremò aut vas, aut vestimentum alicujus concupiverat, dabat operam, ut is in proscriptorum numero esset. Ita illi, quibus Damasippi mors lætitiæ fuerat, paulò pòst ipsi trahebantur: neque priùs finis jugulandi fuit, quàm Sulla omnis suos divitiis explevit. Atque ego hæc non in M. Tullio, neque his temporibus vereor. Sed in magná civitate multa et varia ingenia sunt. Potest alio tempore, alio consule, cui item exercitus in manu sit, falsum aliquid pro vero credi. Ubi hóc exemplo, per senatús decretum, consul gladium eduxerit, quis illi finem statuet, aut quis moderabitur? Majores nostri, P. C., neque consilii, neque audaciæ, unquam eguère: neque superbia obstabat, quò minùs instituta aliena, si modò proba erant, imitarentur. Arma atque tela militaria ab Samnitibus, insignia magistratuum ab Tuscis pleraque sumserunt; postremò, quod ubique apud socios aut hostis idoneum videbatur, cum summo studio domi exsequebantur: imitari, quàm invidere bonis, malebant. Sed eodem illo tempore Græciæ morem imitati, verberibus animadvertabant in civis, de condemnatis summum supplicium sumebant. Postquam respublica adolevit, e multitudine civium factiones valére, circumveniri innocentes, alia hujusmodi fieri cœpére: tunc lex Porcia, aliæque leges paratæ sunt; quibus legibus exsilium damnatis permissum est. Hanc ego causam, P. C., quò minùs consilium novum capiamus, in primis magnam puto. Profectò, virtus atque sapientia major in illis fuit, qui ex parvis opibus tantum imperium fecére, quàm in nobis, qui ea bene parta vic retinemus. Placet igitur eos dimitti, et augeri exercitum Catilinæ? Minumè. Sed ita censeo: publicandas eorum pecunias: ipsos in vinculis habendos per municipia, quæ maxumè opibus valent: neu quis de his postea ad senatum referat neve cum populo agat: qui aliter fecerit, senatum existumare, eum contra rempublicam et salutem omnium facturum.

Postquam Cæsar dicendi finem fecit; cæteri verbo, alius alii variè assentiebantur; at M. Porcius Cato, rogatus sententiam, hujuscemodi orationem habuit:

*Longè mihi alia mens est, P. C., cùm res atque pericula nostra considero, et cùm sententias nonnullorum mecum ipse reputo. Illi mihi disseruisse videntur de pœnâ eorum, qui patriæ, parentibus, aris, atque focis suis bellum paravere: res autem monet, cavere ab illis magis, quàm, quid in illos statuamus, consultare. Nam cætera maleficia tum persequare, ubi facta sunt; hoc, nisi provideris, nè accadat, ubi evenit, frustrâ judicia implores. Captâ urbe, nihil fit reliqui victis. Sed, per deos immortalis vos ego appello, qui semper domos, villas, signa, tabulas vestras pluris, quàm rempublicam fecistis: si ista, cujuscumque modi sint, quæ amplexamini, retinere, si voluptatibus vestris otium præbere vultis, expergiscimini aliquando, et capessite rempublicam. Non agitur de vectigalibus, non de sociorum injuriis: libertas et anima nostra in dubio est. Sæpenumerò, P. C., multa verba in hoc ordine feci: sæpè de luxuriâ atque avaritiâ nostrorum civium questus sum: multosque mortalis eâ causâ adversos habeo. Qui mihi, atque animo meo, nullius umquam delicti gratiam fecissem, haud faciliè alterius lubricini malè facta condonabam. Sed ea tametsi vos parvi pendebatis; tamen respublica firma erat: opulentia negligentiam tolerabat. Nunc verò non id agitur, bonisne an malis moribus vivamus; neque, quantum aut quàm magnificum imperium populi Romani sit: sed hæc, cujuscumque modi videntur, nostra, an nobiscum unâ, hostium, futura sint. Hic mihi quisquam consuetudinem et misericordiam nominat? Jampridem equidem nos vera rerum vocabula amisimus: quia bona aliena largiri, liberalitas; malarum rerum audacia, fortitudo vocatur; eò respublica in extremo sita est. Sint sanè, quoniam ita se mores habent, liberales ex sociorum fortunis! sint misericordes in furibus ærarii! ne illi sanguinem nostrum largiantur; et, dum paucis sceleratis parcant, bonos omnis perditum eant! Benè et compositè C. Cæsar paulò antè in hoc ordine de vitâ et morte disseruit; credo, falsa existumans ea, quæ de inferis memorantur, di-*

verso itinere malos à bonis loca tetra, inculta, fœda, atque formidolosa, habere. Itaque censuit, pecunias eorum publicandas, ipsos per municipia in custodiis habendos; videlicet, timens, nè, si Romæ sint, aut à popularibus conjurationis, aut à multitudine conductâ, per vim eripiantur. Quasi verò mali atque scelesti tantummodò in urbe, et non per totam Italiam sint; aut non ibi plus possit audacia, ubi ad defendendum minores sunt opes. Quare vanum equidem hoc consilium est, si periculum ex illis metuit. Sin in tanto omnium metu solus non timet; eò magis refert, me mihi atque vobis timere. Quare cum de P. Lentulo cæterisque statuetis; pro certo habetote, vos simul de exercitu Catilinæ et de omnibus conjuratis decernere. Quantò vos attentius ea ageris, tantò illis animus infirmior erit: si paululum modò vos languere viderint, jam omnes feroces aderunt. Nolite existimare, majores nostros armis rempublicam ex parvâ megnam fecisse. Si ata res esset, multò pulcherrumam eam nos haberemus: quippe sociorum atque civium, præterea armorum atque equorum, major copia nobis, quàm illis, est. Sed alia fuère, quæ illos magnos fecère: quæ nobis nulla sunt: domi industria, foris justum imperium; animus in consulendo liber, neque delicto, neque libidini obnoxius. Pro his nos habemus luxuriam atque avaritiam; publicè egestatem, privatim opulentiam: laudamus divitias, sequimur inertiam: inter bonos et malos discrimen nullum: omnia virtutis præmia ambitio possidet. Neque mirum; ubi vos separatim, sibi quisque, consilium capitis; ubi, domi voluptatibus, hinc pecuniæ aut gratiæ, servitis: eò fit, ut impetus fiat in vacuam rempublicam. Sed ego hæc omitto. Conjuravère civis nobilissimi patriam incendere: Gallorum gentem, infestissimam nomini Romano, ad bellum arcessunt: dux hostium cum exercitu supra caput est. Vos cunctamini etiam nunc, et dubitatis, quid intra mœnia deprehensis hostibus faciatis? Misereamini, censeo; deliquère homines adolescentuli per ambitionem; atque etiam armatos dimittatis. Næ ista vobis mansuetudo et misericordia, si illi arma ceperint, in miseriam vertat! Scilicet res ipsa aspera est; sed vos non timetis eam. Immo verò maxumè; sed inertiu

*et mollitiâ animi, alius alium expectantes, cunctamini, videlicet diis immortalibus confisi, qui hanc rempublicam in maximis sæpè periculis servatère. Non votis, neque suppliciis muliebribus, auxilia deorum parantur: vigilando, agendo, benè consulendo, prosperè omnia cedunt. Ubi socordiæ tete atque ignaviæ tradideris, nequicquam deos implores: irati infesitque sunt. Apud majores nostros, A. Manlius Torquatus bello Gallico filium suum, quòd is contra imperium in hostem pugnaverat, necari jussit; atque ille egregius adolescens immoderatæ fortitudinis morse pœnas dedit. Vos, de crudelissimis parricidis quid statuatis, cunctamini? videlicet vita cætera eorum huic sceleri obstat. Verùm parcite dignitati Lentuli, si ipse pudicitiae, si famæ suæ, si diis, aut hominibus umquam ullis pepercit. Ignoscite Cethegi adolescentiæ, nisi iterum jam patriæ bellum fecit. Nam quid ego de Gabinio, Statilio, Ceparo loquar? quibus si quidquam pensi unquam fuisset, non ea consilia de republicâ habuissent. Postremò, P. C., si meherculè peccato locus esset, facilè paterer vos ipsâ re corrigi, quoniam verba contemnitis. Sed undique circumventi sumus: Catilina cum exercitu faucibus urget: alii intra mœnia atque in sinu urbis sunt hostes. Neque parari, neque consuli, quidquam occultè potest: quò magis properandum est. Quare ita ego censeo. Cùm nefario consilio sceleratorum civium respublica in maxima pericula venerit; hique, indicio T. Vulturii et legatorum Allobrogum, convicti confessique sint, cædem, incendia, aliaque fœda atque crudelia facinora in civis patriamque paravisse; de confessis, sicuti de manifestis rerum capitalium, more majorum, supplicium sumendum.*

Postquàm Cato assedit; consulares omnes, itemque senatûs magna pars, sententiam ejus laudant, virtutem animi ad cœlum ferunt: alii alios increpantes timidos vocant: Cato clarus atque magnus habetur: senatû decretum fit, sicut ille censuerat. Sed mihi, multa legenti, multa audienti, quæ populus Romanus domi militiæque, mari atque terrâ, præclara facinora fecit, fortè lubuit attendere, quæ res maxumè tanta negotia sustinuisset. Sciebam, sæpenumerò parvâ manu cum magnis legioni-

bus hostium contendisse: cognoveram parvis copiis bella gesta cum opulentis regibus: ad hoc, sæpè fortunæ violentiam tolerasse: facundiâ Græcos, gloriâ belli Gallos, ante Romanos fuisse. Ac mihi multa agitante constabat, paucorum civium egregiam virtutem cuncta patravisse; eoque factum uti divitias paupertas, multitudinem paucitas superaret. Sed, postquàm luxu atque desidiâ civitas corrupta est, rursus respublica, magnitudine suâ, imperatorum atque magistratuum vitia sustentabat; ac, sicuti effœtâ parente, multis tempestatibus haud sanè quisquam Romæ virtute magnus fuit. Sed, memoriâ meâ, ingenti virtute, diversis moribus, fuère viri duo, M. Cato, et C. Cæsar: quos, quoniam res obtulerat, silentio præterire non fuit consilium, quin utriusque naturam et mores, quantum ingenio possem, aperirem. Igitur; his genus, ætas, eloquentia propè æqualia fuère: magnitudo animi par, item gloria: sed alia alii. Cæsar beneficiis ac munificentia magnus habebatur; integritate vitæ Cato: ille mansuetudine et misericordiâ clarus factus; huic severitas dignitatem addiderat. Cæsar, dando sublevando, ignoscendo; Cato, nihil largiundo, gloriam adeptus est. In altero miseris perfugium; in altero malis pernicies: illius facilitas, hujus constantia, laudabatur. Postremò, Cæsar in animum induxerat laborare, vigilare; negotiis amicorum intentus, sua negligere; nihil denegare, quod dono dignum esset; sibi magnum imperium, exercitum, bellum novum exoptabat, ubi virtus enitescere posset. At Catoni studium modestiæ, decoris, sed maxumè severitatis, erat. Non divitiis cum divite, neque factione cum factioso; sed cum strenuo, virtute; cum modesto, pudore; cum innocente, abstinentiâ; certabat: esse, quàm videri, bonus malebat: ita, quò minùs gloriam petebat, eò magis adsequebatur.

Postquàm, uti dixi, senatus in Catonis sententiam discessit; consul, optimum factu ratus, noctem, quæ instabat, antè capere, nè quid eo spatio novaretur, triumphos, quæ supplicium postulabat, perare jubet: ipse, præsidiis dispositis, Lentulum in carcerem deducit: idem fit cæteris per prætores. Est in carcere locus, quod Tullianum appellatur, ubi paululum ascenderis ad lævam, circiter XII pedes humi depressus. Eum muniunt

undique parietes, atque insuper camera lapideis fornicibus vincta: sed incultu, tenebris, odore, fœda atque terribilis ejus facies. In eum locum postquàm demissus Lentulus, vindices rerum capitalium, quibus præceptum erat, laqueo gulam fregêre. Ita ille patricius, ex gente clarissumâ Corneliorum, qui consulare imperium Romæ habuerat, dignum moribus factisque suis exitum vitæ invenit. De Cethego, Statilio, Gabinio, Cepario, eodem modo supplicium sumtum est.

Dum ea Romæ geruntur; Catilina, ex omni copiâ, quam ipse adduxerat, et Manlius habuerat, duas legiones instituit; cohortes pro numero militum complet: dein, uti quisque voluntarius, aut ex sociis in castra venerat, æqualitèr distribuerat; ac brevi spatio legiones numero hominum expleverat: cùm initio non ampliùs duobus millibus habuisset. Sed ex omni copiâ circiter pars quarta erat militariis armis instructa: cæteri, uti quemque casus armaverat, sparos, aut lanceas, alii præacutas sudes, portabant. Sed, postquàm Autonius cum exercitu adventabat, Catilina per montis iter facere: modò ad urbem, modò in Galliam versùs castra movere; hostibus occasionem pugnandi non dare. Sperabat propedièm magnas copias se habiturum, si Romæ socii incepta partravissent. Intereà servitia repudiabat, cujus initio ad eum magnæ copię concurrebant, opibus conjurationis fretus; simul alienum suis rationibus videri, causam civium cum servis fugitivis communicâsse. Sed, postquàm in castra nuncius pervenit, Romæ conjurationem patefactam; de Lentulo, et Cethego, cæterisque, quos suprâ memoravi, supplicium sumtum; plerique, quos ad bellum spes rapinarum aut novarum rerum studium illexerat, dilabuntur: reliquos Catilina per montis asperos, magnis itineribus, in agrum Pistoriensem abducit; eo consilio, uti per tramites occultè profugeret in Galliam. At Q. Metellus Celer cum tribus legionibus in agro Piceno præsidebat, ex difficultate rerum eadem illa existumans, quæ suprâ diximus, Catilinam agitare. Igitur, ubi iter ejus ex perfugis cognovit, castra properè movit, ac sub ipsis radicibus montium consedit, quâ illi descensus erat in Galliam properanti. Neque tamen Antonius longè aberat; utpote qui, magno exercitu, locis æquioribus

expeditos in fugam sequeretur. Sed Catilina, postquam vidit montibus atque copiis hostium sese clausum, in urbe res adversas, neque fugæ, neque præsidii, ullam spem; optimum factu ratus in tali re fortunam belli tentare, statuit cum Antonio quàm primùm configere. Itaque, concione advocatâ, hujusmodi orationem habuit:

*Compertum ego habeo, milites, verbo viris virtutem non aduere; neque ex ignavo strenuum, neque fortem ex timido, exercitum oratione imperatoris fieri. Quanta cujusque animo audacia naturâ, aut moribus inest, tanta in bello patere solet. Quem neque gloria, neque pericula excitant, nequicquam hortere: timor animi auribus officit. Sed ego vos, quò pauca mernerem, advocavi: simul, uti causam consilii mei aperirem. Scitis equidem, milites, socordia, atque ignavia Lentuli, quantam ipsi nobisque cladem attulerit; quòque modo, dum ex urbe præsidia opperior, in Galliam proficisci nequiverim. Nunc verò, quo in loco res nostræ sint, juxtâ mecum omnes intelligitis. Exercitus hostium duo, unus ab urbe, alter à Galliâ, obstant: diutiùs in his locis esse, si maxumè animus ferat, frumenti atque aliarum rerum egestas prohibet. Quocunque ire placet, ferro iter aperiundum est. Quapropter vos moneo, uti forti atque parato animo sitis; et cùm prælium inhibitis, memineritis, vos divitias, decus, gloriam, præterea libertatem, atque patriam, in dextris vestris portare. Si vincimus, omnia nobis tuta erunt; commeatus abundè; municipia atque coloniæ patebunt. Sin metu cesserimus, eadem illa adversa fient: neque locus, neque amicus quisquam teget, quem arma non texerint. Præterea, milites, non eadem nobis et illis necessitudo impendet. Nos pro patriâ, pro libertate, pro vitâ, certamus: illis supervacaneum est pro potentiâ paucorum pugnare. Quò aulaciùs aggredimini, memores pristinae virtutis. Licuit vobis cum summâ turpitudine in exilio ætatem agere: potuistis nonnulli Romæ, amissis bonis, alienas opes exspectare: quia illa fæda atque intoleranda viris videbantur, hæc sequi decrevistis. Si hæc relinquere vultis, aulaciû opus est. Nemo, nisi victor, pace bellum mutavit. Nam, in fugâ salutem sperare, cùm arma, quis corpus tegitur, ab hosti-*

*bus acerteris; ea verò dementia est. Semper in prælio iis maximum est periculum, qui maxumè timent: audacia pro muro habetur. Cùm vos considero, milites; et cùm facta vestra æstumo; magna me spes victoriæ tenet. Animus, ætas, virtus vestra me hortantur; prætereà necessitudo, quæ etiam timidos fortis facit: nam, multitudo hostium nè circumvenire queat, prohibent angustiae loci. Quòd si virtuti vestræ fortuna inviderit cavete, nè inulti animam amittatis; neu capti potius, sicuti pecora, trucidemini, quàm virorum more pugnantes, cruentam atque luctuosam victariam hostibus relinquatis.*

Hæc ubi dixit; paululùm commoratus, signa canere jubet, atque instructos ordines in locum æquum deducit: dein, remotis omnium equis, quò militibus, exæquato periculo, animus amplior esset, ipse pedes exercitum pro loco atque copiis instruit. Nam uti planities erat inter sinistros montes, et ab dextrâ rupes aspera; octo cohortes in fronte constituit; reliqua signa in subsidiis arctiùs collocat. Ab his centuriones, omnis lectos et evocatos, prætereà ex gregariis militibus optumè quemque armatum, in primam aciem subducit; C. Manlium in dextrâ, Fæsulanum quemdam in sinistrâ parte curare jubet: ipse cum libertis et colonis propter Aquilam adsistit: quam bello Cimbrico C. Marius in exercitu habuisse dicebatur. At ex alterâ parte C. Antonius, pedibus æger, quò prælio adesse nequibat, M. Petreio legato exercitum permittit. Ille cohortes veteranas, quas tumulti causâ conscripserat, in fronte, post eas cæterum exercitum in subsidiis, locat. Ipse, equo circumiens, unumquemque nominans, appellat, hortatur, rogat, uti meminerint, se contra latrones inermes, pro patriâ, pro liberis, pro aris atque focus suis, cernere. Homo militaris, quò ampliùs annos triginta tribunus, aut præfectus, aut legatus, aut præter, cum magnâ gloriâ in exercitu fuerat, plerosque ipsos factaque eorum fortia noverat: ea commemorando, militum animos accendebat. Sed ubi, omnibus rebus exploratis, Petreius tubâ signum data, cohortes paulatim incedere jubet. Idem facit hostium exercitus. Postquàm eò ventum est, unde à ferentariis prælium committi posset; maximo clamore, infestis signis concurrunt: pila omittunt; gladiis res geritur.



Veterani, pristinæ virtutis memores, cominùs acriter instare; illi haud timidi resistunt; maxumâ vi certatur. Intereâ Catilina cum expeditis in primâ acie versari; laborantibus succurrere: integros pro sauciis accersere; omnia providere; multum ipse pugnare, sæpè hostem ferire: strenui militis et boni imperatoris officia simul exsequabatur. Petreius, ubi videt Catilinam, contrâ ac ratus erat, magnâ vi tendere, cohortem prætoriam in medios hostis inducit: eosque perturbatos, atque alios alibi resistentis, interficit: deinde utrumque ex lateribus cæteros aggreditur. Manlius et Fæsulanus, in primis pugnantes, cadunt. Postquàm fusas copias, seque cum paucis relictum, videt Catilina; memor generis, atque pristinæ dignitatis suæ, in confertissimos hostes incurrit, ibique pugnans confoditur. Sed confecto prælio, tum verò cerneret quanta audacia quantaque animi vis fuisset in exercitu Catilinæ. Nam ferè, quem quisque vivus pugnando locum ceperat, eum amissâ animâ, corpore tegebat. Pauci autem, quos medios cohors prætoria disjecerat, paulò diversiùs, sed omnes tamen adversis vulneribus, conciderant. Catilina verò longè à suis inter hostium cadavera repertus est, paululùm etiam spirans, ferociamque animi, quam hubuerat vivus, in vultu retinens. Postremò ex omni copiâ, neque in prælio, neque in fugâ, quisquam civis ingenuus captus est. Ita cunque suæ hostiumque vitæ juxtà pepercerant. Neque tamen exercitus populi Romani lætam aut incruentam victoriam adeptus erat. Nam strenuissimus quisque aut occiderat in prælio, aut gravitèr vulneratus discesserat. Multi autem, qui è castris visundi aut spoliandi gratiâ processerant, volventes hostilia cadavera, amicum alii, pars hospitem aut cognatum, reperiebant. Fuère item, qui inimicos suos cognoscerent. Ita variè per omnem exercitum lætitia, mœror, luctus, atque gaudia, agitantur.

*C. SALLUSTII CRISPI*

## JUGURTHA ;

SEU

BELLUM JUGURTHINUM.

---

**F**ALSO queritur de naturâ suâ genus humanum, quòd, imbecille atque ævi brevis, sorte potiùs, quàm virtute, regatur. Nam contrà, reputando, neque majus aliud, neque præstabilius invenias; magisque naturæ industriam hominum, quàm vim aut tempus deesse. Sed dux atque imperator vitæ mortalium animus est: qui, ubi ad gloriam virtutis viâ grossatur, abundè pollens potensque et clarus est, neque fortunâ eget; quippe quæ probitatem, industriam, aliasque artis bonas neque dare neque eripere cuiquam potest. Sin captus pravis cupidinibus, ad inertiam et voluptates corporis pessumdatus est, perniciosâ lubricine paulisper usus; ubi per socordiam vires, tempus, ingenium defluxère, naturæ infirmitas accusatur: suam quisque culpam actores ad negotia transferunt. Quòd si hominibus bonarum rerum tanta cura esset, quanto studio aliena, ac nihil profutura, multùm etiam periculosa petunt: neque regerentur magis, quàm regerent casus; et eò magnitudinis procederent, ubi pro mortalibus gloriâ eterni fierent. Nam uti genus hominum compositum ex corpore et animâ est: ita res cunctæ, studiaque omnia nostra, corporis alia, alia animi, naturam sequuntur. Igitur præclara facies, magnæ divitiæ, ad hoc vis corporis, et alia omnia hu-

juscemodi, brevì dilabuntur; at ingenii egregia facinora, sicuti anima, immortalia sunt. Postremò, corporis et fortunæ honorum, utì initium, sic finis est; omniaque orta occidunt, et aucta senescunt. Animus incorruptus, æternus, rector humani generis, agit atque habet cuncta, neque ipse habetur. Quò magis pravitas eorum admiranda est, qui, dediti corporis gaudiis, per luxum atque ignaviam ætatem agunt: cæterum ingenium, quo neque melius, neque amplius aliud in naturâ mortalium est, incultu atque socordiâ torpescere sinunt: cùm præsertim tam multæ variæque sint artes animi, quibus summa claritudo paratur. Verùm ex his magistratus et imperia, postremò omnis cura rerum publicarum, minumè mihi hâc tempestate cupiunda videntur; quoniam neque virtuti honos datur; neque illi, quibus per fraudem jus fuit, tuti aut eò magis honesti sunt. Nam vi quidem regere patriam, aut parentes, quamquam et possis, et delicta corrigas, tamen importunum est; cùm præsertim omnes rerum mutationes cædem, fugam aliaque hostilia portendant. Frustrâ autem niti, neque aliud, se fatigando, nisi odium quærere, extremæ dementiæ est: nisi fortè quem inhonesta et perniciosa libido tenet potentiæ paucorum decus atque libertatem suam gratificari. Cæterum ex aliis negotiis, quæ ingenio exercentur, in primis magno usui est memoria rerum gestarum: cujus de virtute quia multi dixère, prætereundum puto; simul, nè per insolentiam quis existimet memet, studium meum laudando, extollere. Atque ego credo fore, qui, quia decrevi procul à republicâ ætatem agere, tanto tamque utili labori meo nomen inertiae imponant; certè, quibus maxuma industria videtur, salutare plebem, et convivis gratiam quærere: qui si reputaverint, et quibus ego temporibus magistratum adeptus sum, et quales viri idem assequi nequiverint; et postea, quæ genera hominum in senatum pervenerint; profectò existimabunt, me magis merito, quàm ignaviâ, judicium animi mei mutavisse; majusque commodum ex otio meo, quàm ex aliorum negotiis, reipublicæ venturum. Nam sæpè audiui, Q. Maximum, P. Scipionem, prætereà civitatis nostræ præclaros viros, solitos ita dicere; cùm majorum imagines intuerentur, vehementissimè sibi animum

ad virtutem accendi: scilicet, non ceram illam, neque figuram, tantam vim in sese habere; sed memoriâ rerum gestarum eam flammam egregiis viris in pectore crescere, neque priùs sedari, quàm virtus eorum famam atque gloriam adæquaverit. At contrà, quis est omnium his moribus, quin divitiis et sumptibus, non probitate neque industriâ, cum majoribus suis contendat? Etiam homines novi, qui antea per virtutem soliti erant nobilitatem antevenire, furtim et per latrocinia potiùs, quàm bonis artibus, ad imperia et honores nituntur. Proinde quasi prætura et consulatus, atque alia omnia hujusmodi per se ipsa clara et magnifica sint, ac non perindè habeantur, ut eorum, qui ea sustinent, virtus est. Verùm ego liberiùs altiùsque processì, dum me civitatis morum piget tædetque. Nunc ad inceptum redeo.

Bellum scripturus sum, quod populus Romanus cum Jugurthâ rege Numidarum gessit: primùm, quia magnum et atrox, variaque victoria fuit: dein, quia tum primùm superbiæ nobilitatis obviàm itum est. Quæ contentio divina et humana cuncta permiscuit, eòque vecordiæ processit, uti studiis civilibus bellum atque vastitas Italiæ finem facerent. Sed priùs, quàm hujusmodi rei initium expedio, pauca suprâ repetam; quò ad cognoscendum, omnia illustria magis, magisque in aperto, sint. Bello Punico secundo, quo dux Carthaginensium Hannibal, pòst magnitudinem nominis Romani, Italiæ opes maxumè attriverat; Masinissa rex Numidarum, in amicitiam receptus à P. Scipione, cui postea Africano cognomen ex virtute fuit, multa et præclara rei militaris facinora fecerat: ob quæ, victis Carthaginensibus, et capto Syphace, cujus in Africâ magnum atque latè imperium valuit populus Romanus quascumquè urbis et agros manu ceperat, regi dono dedit. Igitur amicitia Masinissæ bona atque honesta nobis permansit: imperii vitæque ejus finis idem fuit. Dein Micipsa filius regnum solus obtinuit, Manastabale et Gulussâ fratribus morbo absumptis. Is Atherbalem et Hiempsalem ex sese genuit; Jugurthamque filium Manastabalis fratris, quem Masinissa, quòd ortus ex concubinâ erat, privatum reliquerat, eodem cultu, quo liberos suos, domi habuit. Qui ubi primùm adolevit, pollens viribus, decorâ facie, sed multò maxumè ingenio validus,

non se luxu, neque inertiae corrumpendum dedit. Sed, uti mos gentis illius est, equitare, jaculari, cursu cum aequalibus certare: et, cum omnis gloria anteiret, omnibus tamen charus esse: ad hoc, pleraque tempora in venando agere; leonem atque alias feras primus, aut in primis, ferire: plurimum facere, et minimum ipse de se loqui. Quibus rebus Micipsa tametsi initio laetus fuerat, existumans virtutem Jugurthae regno suo gloriae fore: tamen, postquam hominem adolescentem, exacta aetate sua, et parvis liberis, magis magisque crescere intelligit, vehementer eo negotio permotus, multa cum animo suo volebat. Terrebat eum natura mortalium, avida imperii, et princeps ad explendam animi cupidinem: praeterea, opportunitas suaeque et liberorum aetatis, quae etiam mediocres viros spe praedae transvorsos agit; ad hoc, studia Numidarum in Jugurtham accensa: ex quibus, si talem virum dolis interfecisset, ne qua seditio, aut bellum oriretur, anxius erat. His difficultatibus circumventus, ubi videt, neque per vim, neque insidiis, opprimi posse hominem tam acceptum popularibus, quod erat Jugurtha manu promptus, et appetens gloriae militaris, statuit eum objectare periculis, et eo modo fortunam tentare. Igitur bello Numantino Micipsa, cum populo Romano equitum atque peditum auxilia mitteret, sperans, vel ostentando virtutem, vel hostium saevitiam, facile eum occasurum, praefecit Numidis, quos in Hispaniam mittebat: sed ea res longè aliter, ac ratus erat, evenit. Nam Jugurtha, ut erat impigro atque acri ingenio, ubi naturam P. Scipionis, qui tum Romanis imperator erat, et morem hostium cognovit; multo labore multaque cura, praeterea modestissimè parendo, et saepe obviam eundo periculis, in tantam claritudinem brevi pervenerat, uti nostris vehementer charus, Numantinis maximo terrori, esset: ac sanè, quod difficillimum in primis est, et praelio strenuus erat, et bonus consilio; quorum alterum ex providentiâ timorem, alterum ex audaciâ temeritatem, adferre plerumque solet. Igitur imperator omnis ferè res asperas per Jugurtham agere, in amicis habere, magis magisque eum indies amplecti; quippe, cujus neque consilium neque inceptum ullum frustra erat. Huc accedebat munificentia animi et ingenii sollertia;

quibus rebus sibi multos ex Romanis familiari amicitia conjunxerat. Eâ tempestate in exercitu nostro fuere complures novi atque nobiles, quibus divitiæ bono honestoque potiores erant, factiosi: domi potentes, apud socios clari magis quam honesti: qui Jugurthæ non mediocre animum pollicitando accendebant, si Micipsa rex occidisset, fore uti solus imperio Numidiæ potiretur: in ipso maxumam virtutem, Romæ omnia venalia esse. Sed postquam Numantia deletâ, P. Scipio dimittere auxilia, et ipse revorti domum decrevit: donatum atque laudatum magnificè pro concione Jugurtham in prætorium adduxit; ibique secretò monuit, uti potius publicè, quam privatim, amicitiam populi Romani coleret; neu quibus largiri insuesceret: periculosè à paucis emi, quod multorum esset. Si permanere vellet in suis artibus, ultrò illi et gloriam et regnum venturum: sin properantiùs pergeret, suâmet ipsum pecuniâ præcipitem casurum. Sic locutus, cum litteris eum quas Micipsæ redderet, dimisit. Earum sententia hæc erat: *Jugurthæ tui bello Numantino longè maxuma virtus fuit: quam rem tibi certè scio gaudio esse. Nobis ob merita sua charus est; ut idem S. P. Q. R. sit, summâ ope nitimur. Tibi quidem pro nostrâ amicitia gratulor. En, habes virum dignum te atque avo suo Masinissâ.* Igitur rex, ubi ea, quæ fama acceperat, ex litteris imperatoris ita esse cognovit; cum virtute tum gratiâ viri, permotus, flexit animum suum; et Jugurtham beneficiis vincere aggressus est, statimque eum adoptavit, et testamento pariter cum filiis hæredem instituit. Sed ipse, paucos post annos, morbo atque ætate confectus, cum sibi finem vitæ adesse intelligeret, coram amicis et cognatis, itemque Atherbale et Hiempsale filiis, dicitur hujuscemodi verba cum Jugurthâ habuisse:

*Parvum ego te, Jugurtha, amisso patre, sine spe, sine opibus, in meum regnum accepi, existimans non minùs me tibi, quam si gemissem, ob beneficia earum fore: neque ea res falsum me habuit. Nam ut alia magna et egregia tua omittam; novissimè, rediens Numantiâ, meque regnumque meum gloriâ honoravisti; tuâque virtute nobis Romanos ex amicis amicissimos fecisti: in Hispaniâ nomen familiæ renovatum est: postremò, quod difficillimum inter mortalis est: gloriâ invidiam vicisti. Nunc,*

*quoniam mihi natura finem vitæ facit, per hanc dextram per regni fulem, moneo obtestorque, uti hos, qui tibi genere propinqui, beneficio meo fratres sunt, caros habeas; neu malis alienos adjungere quàm sanguine conjunctos retinere. Non exercitus, neque thesauri, præsidia regni sunt, verùm amici: quos neque armis cogere, neque auro parare, queas: officio et fide pariuntur. Quis autem amicior, quàm frater fratri? aut quem alienum fidum invenies si tuis hostis fueris? Equidem ego regnum vobis trado firmum, si boni eritis; si mali, imbecillem. Nam concordia res parvæ crescunt, discordia maxumæ dilabuntur. Cæterum ante hos te, Jugurtha, qui ætate et sapientia prior es, nè aliter quid eveniat, providere decet. Nam in omni certamine, qui opulentior est, etiam si accepit injuriam, tamen, quia plus potest, facere videtur. Vos autem, Atherbal et Hiempsal, colite, observate, talem hunc virum; imitamini virtutem, et eniti-mini, nè ego meliores liberos sumpsisse videar, quàm genuisse.*

Ad ea Jugurtha, tametsi regem ficta locutum intelligebat, et ipse longè aliter animo agiabat, tamen pro tempore benignè respondit. Micipsa paucis post diebus moritur. Postquàm illi more regio justa magnificè fecerant, reguli in unum convenerunt, ut inter se de negotiis cunctis disceptarent. Sed Hiempsal, qui minimus ex illis erat, naturâ ferox, etiam antea ignobilitatem Jugurthæ, quia materno genere impar erat, despiciens, dexterâ Atherbalem adsedit; nè medius ex tribus, quod et apud Numidas honori ducitur, Jugurtha foret. Dein tamen, ut ætati concederet, fatigatus à fratre, vix in partem alteram transductus est. Ibi cùm multa de administrando imperio dissererent, Jugurtha inter alias res jacit, *Oportere quinqueviii consulta et decreta omnia rescindi; nam per ea tempora confectum annis Micipsam parùm animo valuisse. Tum idem, Hiempsal, placere sibi,* respondit: *nam ipsum illum tribus h's proximis annis adoptione in regnum pervenisse.* Quod verbum in pectus Jugurthæ altiùs, quàm quisquam ratus, descendit. Itaque ex eo tempore irâ et metu anxius, moliri, parare, atque ea modò in animo habere, quibus Hiempsal per dolum caperetur. Quæ uti tardius procedunt, neque leniter animus ferox: sta-

tuit quovis modo inceptum perficere. Primo conventu, quem ab regulis factum suprâ memoravi, propter dissensionem placuerat dividi thesauros, finisque imperii singulis constitui. Itaque ad utramque rem tempus discernitur, sed maturius ad pecuniam distribuendam. Reguli interea in loca propinqua thesauris alius aliò concessere. Sed Hiempsal in oppido Thirimidâ fortè ejus utebatur domo, qui, proximus lictor Jugurthæ, carus acceptusque ei semper fuerat: quem ille casu ministrum oblatum promissis onerat, impellitque, uti, tamquam suam domum visens eat, portarum claves adulterinas paret; nam veræ ad Hiempsalem referebantur: cæterum, ubi res postularet, seipsum cum magnâ venturam manu. Numida mandata brevè conficit: atque, uti doctus erat, noctu Jugurthæ milites introducit. Qui, postquam in ædes irrupere, diversi regem quærere; dormientis alios, alios occursantibus interficere; scrutari loca abdita; clausa effringere; strepitu et tumultu omnia miscere; cum interim Hiempsal reperitur, occultans se tugurio mulieris ancillæ, quò initio, pavidus et ignarus loci, profugerat. Numidæ caput ejus, uti jussi erant, ad Jugurtham referunt.

Cæterum fama tanti facinoris per omnem Africam brevè divulgatur: Atherbalem, omnisque, qui sub Micipsæ imperio fuerant, metus invadit. In duas partis discedunt Numidæ: plures Atherbalem, sequuntur, sed illum alterum bello meliores. Igitur Jugurtha quàm maximas potest copias armat: urbis partim vi, alias voluntate, imperio suo adjungit: omni Numidiæ imperare parat. Atherbal, tametsi Romam legatos miserat, qui senatum docerent de cæde fratris et fortunis suis; tamen, fretus multitudine militum, parabat armis contendere. Sed ubi res ad certamen venit, victus ex prælio profugit in provinciam, ac dehinc Romam contendit. Tum Jugurtha, patris consiliis, postquam omni Numidiâ potiebatur, in otio facinus suum cum animo reputans, timere populum Romanum; neque advorsus iram ejus usquam, nisi in avaritiâ nobilitatis, et pecuniâ suâ, spem habere. Itaque, paucis diebus, cum auro argentoque multo legatos Romam mittit: quibus præcipit, uti primum veteres amicos muneribus expleant, dein novos acquirant: postremò quemcunque possint largiundo parare, ne cunctentur. Sed



ubi Romam legati venêre; et, ex præcepto regis, hospitibus aliisque, quorum eâ tempestate in senatu auctoritas pollebat, magna munera misère: tanta commutatio incessit, ut ex maxumâ invidiâ in gratiam et favorem nobilitatis Jugurtha veniret. Quorum pars spe, alii præmio inducti, singulos ex senatu ambiundo, nitebantur, nè gravius in eum consuleretur. Igitur, ubi legati satis confidunt, die constituto, senatus utrisque datur. Tum Atherbalem hoc modo locutum accepimus:

*P. C., Micipsa pater meus, moriens, mihi præcepit uti regni Numidiæ tantummodò procurationem existumarem meam; cæterum jus et imperium penes vos esse: simul eniterer domi militiæque quàm maximo usui esse populo Romano: vos mihi cognatorum, vos in affinium locum ducerem: si ea fecissem, in vestrâ amicitia exercitum, divitias, munimenta regni, me habiturum. Quæ præcepta parentis mei cùm agitare; Jugurtha, homo omnium, quos terra sustinet, sceleratissimus, contempto imperis vestro. Masinissæ me nepotem, utique ab stirpe socium atque amicum populi Romani, regno fortunisque omnibus expulit. Atque ego, P. C., quoniam eò miseriarum venturus eram, vellem, potius ob mea, quàm ob majorum meorum beneficia, posse me à vobis auxilium petere, ac maxumè deberi mihi beneficia à populo Romano quibus non egerem; secundum ea si desideranda erant, uti debitis uterer. Sed quoniam parum tuta per se ipsa probitas est, neque mihi in manu fuit, Jugurtha qualis foret: ad vos confugi, P. C.; quibus (quod mihi miserrimum est) cogor prius oneri, quàm usui esse. Cæteri reges, aut bello victi in amicitiam à vobis recepti sunt, aut in suis dubiis rebus societatem vestram appetiverunt. Familia nostra cum populo Romano, bello Carthaginensi, amicitiam instituit, quo tempore magis fides ejus quàm fortuna pedenda erat. Quorum progeniem vos, P. C., nolite pati me, nepotem Masinissæ, frustrà à vobis auxilium petere. Si ad impetrandum nihil causæ haberem, præter miserandam fortunam: quòd paulò antè rex, genere, famâ, atque copiis potens, nunc deformatus ærumnis, inops, alienas opes exspecto: tamen erat majestatis populi Romani prohibere injuriam; neque pati cujusquam regnum per*

*scelus crescere. Verùm ego iis finibus ejectus sum, quos majoribus meis populus Romanus dedit: unde pater et avus meus unâ vobiscum expulére Syphacem et Carthaginienses. Vestra beneficia mihi erepta sunt, P. C.; vos in meâ injuriâ despecti estis. Eheu me miserum! huccine, Micipsa pater, beneficia tua evasére, uti, quem tu parem eum liberis tuis regnique participem fecisti, is potissimum stirpis tuæ extinator sit? numquamne ergo familia nostra quieta erit? semperne in sanguine, ferro, fugâ versabimur? Dum Carthaginienses incolumes fuere, jure omnia sæva patiebamur. Hostis ab latere: vos amici procul: spes omnis in armis erat. Postquàm illa pestis ex Africâ ejecta est, læti pacem agitabamus: quippe, quís hostis nullus erat, nisi fortè quem vos jussissetis. Ecce autem ex improviso Jugurtha, intolerandâ audaciâ, scelere, atque superbiâ, sese efferens; fratre meo, atque eodem propinquo suo, interfecto; primùm ejus regnum sceleris sui prædam fecit: pòst, ubi me iisdem dolis nequit capere, nihil minùs, quàm vim aut bellum expeccantem, in imperio vestro, sicut videtis, extorrem patriâ, domo, inopem, et coopertum miserius efficit, ut ubivis tutiùs, quàm in meo regno essem. Ego sic existumabam, P. C., uti prædicantem audiveram patrem meum: qui vestram amicitiam diligentè colerent, eos mulùm laborem suscipere; cæterùm ex omnibus maximè tutos esse. Quod in familiâ nostrâ fuit, præstitit, ut in omnibus bellis adesset vobis: nos uti per otium tuti simus, in manu vestrá est, P. C. Pater nos duos fratres reliquit: tertium Jugurtham beneficiis suis ratus est nobis conjunctum fore. Alter eorum necatus: alter ipse ego manus impias vix effugi. Quid agam? aut quò potissimum infelix accedam? Generis præsidia omnin extincta sunt: pater, uti necesse erat, naturæ concessit: fratri, quem minumè decuit, propinquus per scelus vitam eripuit: affinis, amicos, propinquos cæteros meos, alium alia clades oppressit: capti ab Jugurthâ, pars in crucem acti, pars bestiis objecti sunt: pauci, quibus relicta est anima, clausi in tenebris cum mærore et luctu, morte graviolem vitam exigunt. Si omnia, quæ aut amisi, aut ex necessariis advorsa facta sunt, incolumia mane-*

rent : tamen, si quid ex improvise mali accidisset, vos implorarem, P. C. ; quibus, pro magnitudine imperii, jus et injurias omnis curæ esse decet. Nunc verò, exul patriâ, domo, solus, atque omnium honestarum rerum egens, quos accedam, aut quos appellem ? Nationesne, an reges, qui omnes familiæ nostræ ob vestram amicitiam infesti sunt ? An quoquàm mihi adire licet, ubi non majorum meorum hostilia monumenta plurima sint ? An quisquam nostrî misereri potest, qui aliquando nobis hostis fuit ? Postremò, Masinissa, nos ita instituit, P. C., nè quem coleremus, nisi populum Romanum ; nè societates, nè fœdera nova acciperemus ; abundè magna præsidia nobis in vestrà amicitia fore : si huic imperio fortuna mutaretur, unà occidendum nobis esse. Virtute, ac diis volentibus, magni estis et opulenti : omnia secunda et obedientia sunt : quò faciliùs sociorum injurias curare licet. Tantùm illud vereor, nè quos privata amicitia Jugurthæ, parùm cognita, transvorsos agat : quos ego audio maxumâ ope niti, ambire, fatigare vos singulos, ne quid de absente, incognitâ causâ, statuatis : fingere me verba et fugam simulare, cui licuerit in regno manere. Quod utinam illum, cujus impio facinore in has miserias projectus sum, eadem hæc simulantem videam ! et aliquando, aut apud vos, aut apud deos immortalis rerum humanarum cura oriatur, ut ille, qui nunc sceleribus suis ferox atque præclarus est, omnibus malis excruciat, impietatis in parentem nostrum, fratris mei necis, mearumque miseriarum gravis pœnas reddas ! Jam jam, frater, animo meo carissime, quamquam tibi immaturo, et unde minumè decuit, vita erepta est : tamen lætandum magis, quàm dolendum, puto casum tuum : non enim regnum, sed fugam, exilium, egestatem, et has omnis, quæ me premunt, æumnas, cum animâ simul amisisti. At ego infelix, in tanta mala præcipitatus, pulsus ex patrio regno, rerum humanarum spectaculum præbeo : incertus quid agam, tuasne injurias persequar, ipse auxiliî egens ; an regno consulam, cujus vitæ necisque potestas ex opibus alienas pendet. Utinam, emori, fortunis meis honestu exitus esset, nè vivere contemptus viderer, si, defessus malis, injuriæ concessissem. Nunc, quoniam neque vivere lubet, neque mori licet sine dedecore ; P. C., per vos, per liberos

*atque parentes vestros, per majestatem populi Romani, subvenite misero mihi: ite obviàm injuriæ; nolite pati regnum Numidiæ, quod vestrum est, per scelus et sanguinem familiæ nostræ tabescere.*

Postquàm rex finem loquendi fecit, legati Jugurthæ, largitione magis, quàm causâ, freti, paucis respondent; Hiempsalem, ob sævitiam suam, ab Numidis interfectum: Atherbalem, ultrò bellum inferentem, postquàm superatus sit, queri, quòd injuriam facere nequisset; Jugurtham ab senatu petere, nè se alium putaret ac Numantiæ cognitus esset; neu verba inimici ante facta sua poneret. Deindè utrique curià egrediuntur. Senatus statim consulitur: fautores legatorum, prætereà magna pars, gratiâ depravata, Atherbalis dicta contemnere: Jugurthæ virtutem laudibus extollere: gratiâ, voce, denique omnibus modis, pro alieno scelere et flagitio, suâ quasi pro gloriâ, nitebantur. At contrà pauci, quibus bonum et æquum divitiis carius erat, subveniundum Atherbali, et Hiempsalis mortem severè vindicandum, censebant: sed ex omnibus maxumè Æmilius Scaurus, homo nobilis, impiger, factiosus, avidus potentiæ, honoris, divitiarum; cæterum vitia sua callidè occultans. Is, postquàm videt regis largitionem famosam impudentemque, veritus, (quod in tali re solet,) nè polluta licentia invidiam accenderet, animum à consuetâ lubricine continuit. Vicit tamen in senatu pars illa, quæ vero pretium aut gratiam anteferebat. Décretum fit, uti decem legati regnum, quod Micipsa obtinuerat, inter Jugurtham et Atherbalem dividerent. Cujus legationis princeps fuit L. Opimius, homo clarus, et tum in senatu potens; quia consul, C. Graccho et M. Fulvio interfectis, acerrumè vindictam nobilitatis in plebem exercuerat. Eum Jugurtha, tametsi Romæ in amicis habuerat, tamen curatissumè recepit: dando et pollicendo multa, perfecit, uti famâ, fide, postremò omnibus suis rebus commodum regis anteferret. Reliquos legatos eâdem viâ aggressus, plerosque capit: paucis carior fides, quàm pecunia fuit. In divisione, quæ pars Numidiæ Mauritaniam attingit, agro virisque opulentior, Jugurthæ traditur; illam alteram, specie, quàm usu, potiore, quæ portuosior et ædificiis magis

exornata erat, Atherbal possedit. Res postulare videtur Africæ situm paucis exponere, et eas gentis, quibus cum nobis bellum aut amicitia fuit, attingere. Sed quæ loca et nationes ob calorem, aut asperitatem, item solitudines, minùs frequentata sunt, de iis haud facilè compertum narraverim: cætera quàm paucissimis absolvam.

In divisione orbis terræ, plerique in parte tertiâ Africam posuere; pauci tantummodò Asiam et Europam esse, sed Africam in Europâ. Ea finis habet ab occidente fretum nostri maris et Oceani; ab ortu solis declivem latitudinem: quem locum Catabathmon incolæ appellant. Mare sævum, importuosum; ager frugum fertilis, bonus pecori, arbori infœcundus: cœlo terræque penuria aquarum: genus hominum salubri corpore, velox, patiens laborum: plerosque senectus dissolvit, nisi qui ferro aut à bestiis interire; nam morbus haud sæpè quemquam superat: ad hoc, malefici generis plurima animalia. Sed qui mortales initio Africam habuerint, quique postea accesserint, aut quo modo inter se permixti sint; quamquàm ab eâ famâ, quæ plerosque obtinet, diversum est; tamen, ut ex libris Punicis, qui regis Hiempsalis dicebantur, interpretatum nobis est; utique rem sese habere cultores ejus terræ putant: quàm paucissimis dicam. Cæterum fides ejus rei penès auctores erit. Africam initio habuere Gætuli et Libyes, asperi inculti: quæ cibis erat caro ferina, atque humi pabulum, uti pecoribus. Hi neque moribus, neque lege aut imperio cujusquam, regebantur: vagi, palantes, quas nox coëgerat, sedes habebant. Sed postquàm in Hispaniâ Hercules, sicut Afri putant, interiit; exercitus ejus, compositus ex gentibus variis, amisso duce, ac passim multis, sibi quisque, imperium petentibus, brevè dilabitur. Ex eo numero Medi, Persæ, et Armenii, navibus in Africam transvecti, proximos nostro mari locos occupavere. Sed Persæ intrâ Oceanum magis; iique alveos navium inversos pro tuguriis habuere, quia neque materia in agris, neque ab Hispanis emundi aut mutandi copia erat; mare magnum et ignara lingua commercia prohibebant. Hi paulatim per connubia Gætulos secum miscuere: et, quia sæpè tentantes agros, alia, deindè alia, loca petiverant, semet ipsi Numidas appellavere. Cæterum adhuc

ædificia Numidarum agrestium, quæ mapalia illi vocant, oblonga, incurvis lateribus tecta, quasi navium carinæ sunt. Medis autem et Armeniis accessêre Libyes; nam hi propiùs mare Africum agitabant: (Gætuli sub sole magis; haud procul ab ardoribus:) hique maturè oppida habuêre. Nam, freto divisi ab Hispaniâ, mutare res inter se instituerant. Nomen eorum paulatim Libyes corrumpere, barbarâ linguâ Mauros pro Medis appellantes. Sed res Persarum brevè adolevit: ac postea Numidæ nomine, propter multitudinem, à parentibus digressi, possedêre ea loca quæ proxumè Carthaginem Numidia appellatur. Deindè utrique, alteris freti, finitimos armis aut metu sub imperium suum coêgere: nomen gloriamque sibi addidêre; magis hi, qui ad nostrum mare processerant; quia Libyes, quàm Gætuli, minùs bellicosi: denique Africæ pars inferior pleraque ab Numidis possessa est: victi omnes in gentem nomenque imperantium concessêre. Postea Phœnices, alii multitudinis domi minuendæ gratiâ, pars imperii cupidine, sollicitatâ plebe et aliis novarum rerum avidis, Hipponem, Adrymetum, Leptim, aliasque urbis in orâ maritimâ condidêre: eæque brevè multum auctæ, pars originibus suis præsidio, aliæ decori fuêre. Nam de Carthagine silere meliùs puto, quàm parùm dicere: quoniam aliò properare tempus monet. Igitur; ad Catabathmon, qui locus Ægyptum ab Africâ dividit, secundò mari prima Cyrene est, colonia Theræôn, ac deinceps duæ Syrtes, interque eas Leptis: deindè Philenôn aræ; quem locum, Ægyptum versùs, finem imperii habuêre Carthaginienses: pòst, aliæ Punicæ urbes. Cætera loca usque ad Mauritaniam Numidæ tenent. Proxumè Hispaniam Mauri sunt. Super Numidiam, Gætulos accepimus, partim in tuguriis, alios incultiùs vagos, agitare: post eos Æthiopas esse: dein loca exusta solis ardoribus. Igitur bello Jugurthino pleraque ex Punicis oppida, et finis Carthaginiensium, quos novissumè habuerant, populus Romanus per magistratus administrabat: Gætulorum magna pars, et Numidæ ad flumen usque Mulucham, sub Jugurthâ erant: Mauris omnibus rex Bocchus imperitabat, præter nomen, cæterà ignarus populi Romani: itemque nobis ne-

que bello, neque pace antea cognitis. De Africâ, et ejus incolis, ad necessitudinem rei satis dictum.

Postquam, regno diviso, legati Africâ decessere; et Jugurtha, contra timorem animi, præmia sceleris adeptum sese videt; certum ratus, quod ex amicis apud Numantiam acceperat, omnia Romæ venalia esse; simul et illorum pollicitationibus accensus, quos paulò antè muneribus expleverat, in regnum Atherbalis animum intendit. Ipse acer, bellicosus: at is, quem petebat, quietus, inbellis, placidus ingenio, opportunus injuriæ, metuens magis, quàm metuendus. Igitur ex improvise finis ejus cum magnâ manu invadit: multos mortalis, cum pecore atque aliâ prædâ, capit: ædificia incendit, pleraque hostiliter loca cum equitatu accedit. Deindè cum omni multitudine in regnum suum convertit, existumans dolore permotum Atherbalem injurias suas manu vindicaturum, eamque rem belli causam fore. At ille, quòd neque se parem armis existumabat, et amicitiam populi Romani magis, quàm Numidis, fretus erat; legatos ad Jugurtham de injuriis questum misit: qui tametsi contumeliosa dicta retulerant: prius tamen omnia pati decrevit, quàm bellum sumere: quia tentatum antea secus cesserat. Neque eò magis cupido Jugurthæ minuebatur: quippe qui totum ejus regnum animo jam invaserat. Itaque non, ut antea, cum prædatoriâ manu, sed, magno exercitu comparato, bellum gerere cœpit, et apertè totius Numidiæ imperium petere. Cæterum quâ pergebat, urbis, agros vastare, prædas agere; suis animum, hostibus terrorem, augere. Atherbal ubi intelligit eò processum, uti regnum aut relinquendum esset, aut armis retinendum, necessariò copias parat, et Jugurthæ obvius procedit. Interim haud longè à mari prope Cirtam oppidum utriusque consedit exercitus: et quia diei extremum erat, prælium non inceptum; sed ubi plerumque noctis processit, obscuro etiam tum lumine, milites Jugurthini, signo dato, castra hostium invadunt; semisomnos partim, alios arma sumentes, fugant, funduntque: Atherbal cum paucis equitibus Cirtam profugit: et, nî multitudo togatorum fuisset, quæ Numidas insequentes mœnibus prohibuit, uno die inter duos reges cœptum, atque patratum foret, bellum. Igitur Jugurtha oppidum circumscedit:

vineis, turribusque, et machinis omnium generum, expugnare aggreditur: maxumè festinans tempus legatorum antecapere, quos ante prælium factum Romam ab Atherbale missos audiverat. Sed postquàm senatus de bello eorum accepit, tres adolescentes in Africam legantur, qui ambos reges adeant; S. P. Q. R. verbis nuncient, velle, et censere, eos ab armis discedere: de controversiis suis jure potiùs, quàm bello, disceptare: ita seque, illisque dignum esse. Legati in Africam maturantes veniunt; eò magis quòd Romæ, dum proficisci parant, de prælio facto, et oppugnatione Cirtæ, audiebatur: sed is rumor clemens erat. Quorum Jugurtha acceptâ oratione respondit: sibi neque magus quidquam, neque carius, auctoritate senatûs esse: ab adolescentiâ suâ ita se enisum, ut ab optumo quoque probaretur: virtute, non malitiâ, P. Scipioni, summo viro, placuisse: ob easdem artûs à Micipsâ, non penuriâ liberorum, in regnum adoptatum esse; cæterum, quò plura benè atque strenuè fecisset, eò animum suum injuriam minùs tolerare: Atherbalem dolis vitæ suæ insidiatum: quod ubi comperisset, sceleri obviâ inisse: populum Romanum neque rectè, neque pro bono, facturum, si ab jure gentium sese prohibuerit; postremò, de omnibus rebus legatos Romam brevè missurum. Ita utrique digrediuntur. Atherbalis appellandi copia non fuit. Jugurtha, ubi eos Africâ decessisse ratus est, neque propter naturam Cirtam armis expugnare posset, vallo atque fossâ mœnia circumdat: turrîs extruit, easque præsiidiis firmat: prætereà dies noctesque, aut per vim, aut dolis tentare: defensoribus mœnium præmia modò, modò formidinem ostentare: suos hortando ad virtutem erigere: prorsus intentus cuncta parare. Atherbal ubi intelligit omnîs fortunas suas in extremo sitas, hostem infestum, auxilii spem nullam, penuriâ rerum necessariarum bellum trahi non posse; ex iis, qui unâ Cirtam profugerant, duos maxumè impigros delegit: eos, multa pollicendo, ac miserando casum suum, confirmat, uti per hostium munitiones noctu ad proximum mare, dein Romam pergerent. Numidæ paucis diebus jussa efficiunt: litteræ Atherbalis in senatu recitatæ, quarum sententia hæc fuit:

*Non meâ culpâ sæpè ad vos oratum mitto, P. C., sed*



*vis Jugurthæ subigit: quem tanta lubido me existin-  
guendi invasit, uti neque vos, neque deos immortalis, in  
animo habuit: sanguinem meum, quàm omnia, malit.  
Itaque, quintum jam mensem, socius et amicus populi  
Romani, armis obsessus teneor: neque mihi Micipsæ  
patris mei beneficia, neque vestra decreta, auxiliantur:  
ferro, an fame acruis urgear, incertus sum. Plura de  
Jugurthâ scribere dehortatur me fortuna mea: etiam  
antè expertus sum, parùm fidei miseris esse. Nisi ta-  
men intelligo illum suprâ, quàm ego sum, petere, neque  
simul amicitiam vestram, et regnum meum sperare:  
utrum gravis existimet nemini occultum est. Nam  
initio occidit Hiempsalem fratrem meum: dein patrio  
regno me expulit. Quæ sanè fuerint nostræ injuriæ,  
nichil ad vos. Verùm nunc regnum vestrum armis tenet:  
me, quem vos imperatorem Numidis posuistis, clausum  
tenet atque obsidet: legatorum verba quanti fecerit, pe-  
ricula mea declarant. Quid est reliquum, nisi vis ves-  
tra, quò moveri possit? nam ego quidem vellem, et hæc  
quæ scribo, et illa quæ antè in senata questus sum,  
vana forent potiùs, quàm miseria mea fidem verbis face-  
ret. Sed quoniam eò natus sum, ut Jugurtha scele-  
rum ostentui essem non jam mortem, neque ærumnas,  
tantummodò inimici imperium, et cruciatus corporis,  
deprecor. Regno Numidicæ, quod vestrum est, uti libet,  
consulite: me ex manibus impiis eripite, per majestatem  
imperii, per amicitiae fidem; si ulla apud vos memoria  
remanet avi mei Masinissæ.*

His litteris recitatis, fuêre, qui exercitum in Africam  
mittendum censerent, et quàm primum Atherbali subve-  
niendum: de Jugurthâ interim uti consuleretur, quo-  
niam legatis non paruisset. Sed ab îsdem illis regis  
fautoribus summâ opè enisum ne tale decretum fieret.  
Ita bonum publicum, ut in plerisque negotiis solet, pri-  
vatâ gratiâ devictum. Legantur tamen in Africam ma-  
jores natu nobiles, amplis honoribus usi: in quîs fuit M.  
Scaurus, de quo suprâ memoravimus, consularis, et tum  
senatûs princeps. Hi, quòd in invidiâ res erat, simul et  
à Numidis obsecrati, triduo navim ascendêre: dein brevî  
Uticam adpulsi, litteras ad Jugurtham mittunt, quàm  
ocyssumè ad provinciam accedat; se ad eum ab senatu

missos. Ille, ubi accepit, homines claros, quorum auctoritatem Romæ pollere audiverat, contra inceptum suum venisse; primò commotus metu, atque lubricine, divorsus agitabatur: timebat iram senatûs, nî parisset legatis; porrò animus, cupidine cæcus, ad inceptum scelus rapiebat. Vicit tamen in avido ingenio pravum consilium. Igitur, exercitu circumdato, summâ vi Cirtam irrumpere nititur, maxumè sperans, diductâ manu hostium, aut vi, aut dolis, sese casum victoriæ inventurum. Quod ubi secûs procedit, neque, quod intenderat, efficere potest, uti priûs, quàm legatos conveniret, Atherbalis potiretur; ne ampliùs morando, Scaurum, quem plurimùm metuebat, incenderet, cum paucis equitibus in provinciam venit. At, tametsi senatûs verbis minæ graves nunciabantur, quòd ab oppugnatione non desisteret; multâ tamen oratione consumtâ, legati frustrâ discessère. Ea postquàm Cirtæ audita sunt; Italici, quorum virtute mœnia defensabantur, confisi, deditione factâ, propter magnitudinem populi Romani inviolatos sese fore, Atherbali suadent, uti seque et oppidum Jugurthæ tradat, tantùm ab eo vitam pasciscatur: de cæteris senatui curæ fore. At ille, tametsi omnia potiora fide Jugurthæ rebatur: tamen, quia penès eosdem, si adversaretur, cogendi potestas erat, ita, uti censuerant Italici, deditionem fecit. Igitur Jugurtha in primis Atherbalem excruciatum necat: dein omnis puberes Numidas atque negotiatores promiscuè, uti quisque armatis obviis fuerat, interfecit. Quod postquàm Romæ cognitum est, et res in senatu agitari cœpta; iidem illi ministri regis interpellando, ac sæpè gratiâ, interdum jurgiis trahendo tempus, atrocitatem facti leniebant. Ac nî C. Memmius, tribunus plebis designatus, vir acer, et infestus potentiæ nobilitatis, populum Romanum edocuisset id agi, uti per paucos factiosos Jugurthæ scelus condonaretur: profectò omnis invidia, prolatandis consultationibus, dilapsa foret. Tanta vis gratiæ atque pecuniæ regis erat. Sed, ubi senatus delicti conscientia populum timet, lege Semproniâ provinciæ futuris consulibus Numidia atque Italia decretæ; consules declarati P. Scipio Nasica, L. Bestia Calpurnius: Calpurnio Numidia, Scipioni Italia obvenit. Deiu exercitus, qui in Africam portaretur, scribitur: stipendium,

aliaque, quæ bello usui forent, decernuntur. At Jugurtha, contra spem nuncio accepto, (quippe cui, Romæ omnia venire, in animo hæserat,) filium, et cum eo duos familiaris, ad senatum legato mittit: iisque, ut illis, quos, Hiempsale interfecto, miserat, præcipit, omnis mortalis pecuniâ aggrediantur: qui postquam Romam adventabant; senatus à Bestiâ consultus est, placeretne legatos Jugurthæ recipi mœnibus: iique decrevere, nî regnum ipsumque deditum venissent, ut in diebus proximis decem Italiâ decederent. Consul Numidis ex senatus decreto nunciari jubet. Ita, infectis rebus, illi domum discedunt. Interim Calpurnius, parato exercitu, legat sibi homines nobilis, factiosos, quorum auctoritate, quæ deliquisset, munita fore sperabat: in quibus fuit Scaurus, cujus de naturâ et habitu suprâ memoravimus. Nam in consule nostro multæ bonæque artes animi et corporis erant; quas omnis avaritia præpediebat: patiens laborum, acri ingenio, satis providens, belli haud ignarus, firmissimus, contrâ pericula et insidias. Sed legiones per Italiam Rhegium, atque indè Siciliam, porrò ex Sicilia in Africam transvectæ. Igitur Calpurnius, initio paratis commeatibus, acriter Numidiam ingressus est; multosque mortalis, et urbis aliquot pugnando cepit. Sed Jugurtha per legatos pecuniâ tentare, bellicque, quod administrabat, asperitatem ostendere, cœpit; animus æger avaritiâ facilè conversus est. Cæterum socius et administer omnium consiliorum assumitur Scaurus: qui tametsi à principio, plerisque ex factione ejus corruptis, accerumè regem impugnaverat; tamen magnitudine pecuniæ à bono honestoque in pravum abstractus est. Sed Jugurtha primùm tantummodò belli moram redimebat, existumans sese aliquid interim Romæ pretio aut gratiâ effecturum: postea verò quàm participem negotiî Scaurum accepit, in maxumam spem adductus recuperandæ pacis, statuit cum eis de omnibus pactionibus præsens agere. Cæterum interea, fidei causâ, mittitur à consule Sextius quæstor in oppidum Jugurthæ Vaccam; cujus rei species erat acceptio frumenti, quod Calpurnius palàm legatis imperaverat: quoniam deditionis morâ induciæ agitabantur. Igitur rex, uti constituerat, in castra venit: ac pauca præsentî consilio locutos de invidiâ

facti sui, atque in deditionem uti acciperetur; reliqua cum Bestiâ et Scauro secreta transegit: dein postero die, quasi per saturam sententiis exquisitis, in deditionem accipitur. Sed, uti pro consilio imperatum erat, elephantum xxx, pecus, atque equi multi, cum non parvo argenti pondere, quæstori traduntur. Calpurnius Romam ad magistratus rogandos proficiscitur. In Numidiâ et exercitu nostro pax agitabatur. Postquàm res in Africâ gestas, quoque modo actæ forent, fama divulgavit; Romæ per omnîs locos et conventus de facto consulis agitari: apud plebem gravis invidia: patres solliciti erant; probarentne tantum flagitium, an decretum consulis subverterent, parum constabit. Ac maxumè eos potentia Scauri, quòd is auctor et socius Bestiæ ferebatur, à vero bonoque impedièbat. At C. Memmius, cujus de libertate ingenii et odio potentiæ nobilitatis suprâ diximus, inter dubitationem et moras senatûs, concionibus populum ad vindicandum hortari: monere, nè rempublicam, nè libertatem suam, desererent: mutta superba, crudelia facinora nobilitatis ostendere: prorsus intentus, omni modo plebis animum accendebat. Sed quoniam eâ tempestate Romæ Memmii facundia clara pollensque fuit; decere existumavi unam ex tam multis orationem ejus perscribere; ac potissimum ea dicam, quæ in concione post reditum Bestiæ hujusmodi verbis disseruit:

*Multa me dehortantur à vobis, Quirites, nî studium reipublicæ omnia superet; opes factionis, vestra patientia, jus nullum; ac maxumè, quòd innocentiae plùs periculi, quàm honoris, est. Nam illa quidam piget dicere, his annis xv. quàm ludibrio fueritis superbiæ paucorum! quàm fædè, quàmque inulti, perierint vestri defensores! ut vobis animus ab ignaviâ atque socordiâ corruptus sit! qui ne nunc quidem, obnoxii inimicis, exsurgitis; atque etiam nunc timetis eos, quibus vos decet terrori esse! Sed quamquàm hæc talia sunt; tamen obviam ire factionis potentiæ animus subigit. Certè ego libertatem, quæ mihi à parente meo tradita est, experiar: verum id frustrâ, an ob rem faciam, in vestrâ manu situm est, Quirites. Neque ego vos hortor, quod sæpè majores vestri fecère, uti contra injurias armati eatis; nihil vi, nihil secessione, opus: necesse est,*

suomet ipsi more præcipites eant. Occiso Tib. Graccho, quem regnum parare aiebant, in plebem Romanam quæstiones graves habitæ sunt. Post C. Gracchi et M. Fulvii cædem, item ordinis vestri multi mortales in carcere necati sunt: utriusque cladis non lex, verùm libido eorum, finam fecit. Sed sanè fuerit regni paratio, plebi jura sua restituere. Quidquid sine sanguine civium ulcisci nequitur, jure faction sit. Superioribus annis taciti indignabamini ærarium expilari; reges et populos liberos paucis nobilibus vectigal pendere; penès eosdem et summam gloriam et maximas divitias esse: tamen hæc talia facinora impunè suscepisse, pariam habuère: itaque postremò leges, majestas vestra, divina et humana omnia hostibus tradita sunt. Neque eos, qui ea fecère, pudet aut pænitet; sed incendunt per ora vestra magnificè, sacerdotia, et consulatus. pars triumphos suos ostentates: perindè quasi ea honori, non prædæ, habeant. Servi, ære parati, injusta imperia dominorum non perferunt: vos, Quirites, imperio nati, æquo animo servitutem toleratis? At qui sunt hi, qui rempublicam occupavère? homines sceleratissimi, cruentis manibus, inmani avaritiâ, nocentissimi, iidemque superbissimi; quibus fides, decus, pietas, postremò honesta atque inhonesta omnia, quæstui sunt. Pars eorum, occidisse tribunos plebis, alii quæstionis injustas, plerique cædem in vos fecisse, pro munimento habent: ita, quàm quisque pessumè fecit, tam maxumè tutus est: metum à scelere suo ad ignaviam vestram transtulère: quos omnis, eadem cupere, eadem odisse, eadem metuere, in unum cõgit. Sed hæc inter bonos amicitia, inter malos factio est. Quòd si vos tam libertatis curam haberetis, quàm illi ad dominationem accensi sunt: profectò neque respublica, sicuti nunc, vastaretur; et beneficia vestra penès optimos, non audacissimos, forent. Majores vestri, parandi juris et majestatis constituendæ gratiâ, bis, per secessionem, armati Arventinum occupavère: vos pro libertate, quam ab illis accepistis, nonne summâ ope nitimini? atque eò vehementiùs, quò majus dedecus est, parta amittere, quàm omninò non paravisse! Dicet aliquis, Quid igitur censes? Vindicandum in eos, qui hosti prodidère rempublicam, non manu, neque vi; quod magis, vos fecisse, quàm illis accidisse, indignum est: verùm quæstionibus, et indicio ipsius

*Jugurthæ, qui, si dedititius est, profectò jussis vestris obediens erit: sin ea contemnit, scilicèt æstimabitis, qualis illa pax, aut deditio sit, ex quâ ad Jugurtham scelerum impunitas, ad paucos potentis maxumæ divitiæ, in rempublicam damna atque dedecora pervenerint: nissi fortè nondum etiam vos dominationis eorum satietas tenet; et illa, quàm hæc, tempora magis placent, cùm regna, provinciæ, leges, jura, judicia, bella atque paces, postremò divina et humana omnia, penès paucos erant. Vos autem, hoc est, P. R., inricti ab hostibus, imperatores omnium gentium, satis habebatis animam retinere: nam servitutem quidem quis vestrûm audebat recusare? Atque ego tametsi viro flagitiosissimum existumo impunè injuriam accepisse; tamen vos hominibus sceleratissimis ignoscere, quoniam cives sunt, æquo animo paterer, nî misericordia in perniciem casura esset. Nam et illis, quantum importunitatis habent, parùm est impunè malè fecisse, nisi deinde faciundi licentia eripitur: et vobis æterna sollicitudo remanebit, cùm intelligetis aut serviendum esse, aut per manus libertatem retinendam. Nam fidei quidem aut concordie quæ spes est? Dominari illi volunt, vos liberi esse: facere illi injurias, vos prohibere; postremò, sociis vestris veluti hostibus, hostibus pro sociis, utuntur. Potestne in tam divorsis mentibus pax aut amicitia esse? Quare moneo hortorque vos, nè tantum scelus impunitum dimittatis. Non peculatus ærarii factus est; neque per vim sociis ereptæ pecuniæ: quæ quamquàm gravia sunt, tamen consuetudine jam pro nihilo habentur. Hosti acerrimo prodita senatûs auctoritas, proditum imperium vestrum: domi militiæque respublica venalis fuit. Quæ nisi quæsita erunt, nisi vindicatum in noxios, quid erit reliquum, nisi vi illis, qui ea fecère, obediens vivamus? Nam impunè quælibet facere, id est regem esse. Neque ego vos, Quirites, hortor, ut jam malitis civis vestros perperam, quàm rectè, fecisse: sed nè, ignoscendo malis, bonos perditum eatis. Ad hoc, in republicâ multò præstat. beneficii, quàm maleficii, immemorem esse: bonus tantummodò segnior fit ubi negligas; at malus improbior. Ad hoc, si injuriæ non siat, haud sæpè auxilii egeas.*

Hæc atque alia hujusmodi sæpè dicundo, C. Mem-

minus populo Romano persuadet, uti L. Cassius, qui tum prætor erat, ad Jugurtham mitteretur: eumque, interpositâ fide publicâ, Romam duceret, quò faciliùs indicio regis, Scauri et reliquorum, quos pecuniæ captæ arcescebant, delicta patefierent. Dum hæc Romæ geruntur; qui in Numidiâ relictî ab Bestiâ exercitui præerant, secuti morem imperatoris sui, plurima et flagitiosissima facinora fecere. Fuere, qui, auro corrupti, elephantos Jugurthæ traderent; alii perfugas venderent; pars ex pacatis prædas agebant. Tanta vis avaritiæ in animos eorum, veluti tabes, invaserat. At Cassius prætor, perlatâ rogatione à C. Memmio, ac perculsâ omni nobilitate, ad Jugurtham proficiscitur; eique timido, et ex conscientia diffidenti rebus suis, persuadet, quò se populo Romano dedidisset, nè vim, quàm misericordiam ejus experiri malit. Privatum prætereà fidem suam interponit, quam ille non minoris, quàm publicam, ducebat. Talis eà tempestate fama de Cassio erat. Igitur Jugurtha, contra decus regium, cultu quàm maxumè miserabili, Romam venit. At, tametsi in ipso magna vis animi erat, confirmatus ab omnibus, quorum potentiâ aut scelere cuncta ea gesserat, quæ suprâ memoravimus, C. Bæbium tribunum plebis magnâ mercede parat, cujus impudentiâ contra jus et injurias omnîs munitus foret. Ac C. Memmius, advocatâ concione; quamquàm regi infesta plebes erat; et pars in vincula duci jubebat; pars, nî socios sceleris aperiret, more majorum de hoste supplicium sumi; dignitati magis, quàm iræ consulens, sedare motus, et animos eorum mollire: postremò confirmare, fidem publicam per sese inviolatam fore. Pòst, ubi silentium cœpit, producto Jugurthâ, verba facit: Romæ Numidiæque facinora ejus memorat; scelera in patrem fratresque ostendit: quibus juvantibus, quibusque ministris ea egerit, quamquàm intelligat populus Romanus, tamen velle manifesta magis ex illo habere: si verum aperiat, in fide et clementiâ populi Romani magnam spem illi sitam: sin reticeat, non sociis saluti fore, sed se suasque spes corrupturum. Dein, ubi Memmius dicendi finem fecit, et Jugurtha respondere jussus est, C. Bæbius tribunus plebis, quem pecuniâ corruptum su-

prà diximus, regem tacere jubet ; ac, tametsi multitudo, quæ in concione aderat, vehementèr accensa, terrebat cum clamore, vultu, sæpè impetu, atque aliis omnibus, quæ ira fieri amat: vicit tamen impudentia. Ita populus, ludibrio habitus, ex conscione discedit: Jugurthæ, Bestiæque, et cæteris, quos illa quæstio exagitabat, animi augescunt. Erat eâ tempestate Romæ Numidi quidam, nomine Massiva, Gulussæ filius, Masinissæ nepos: qui, quia in dissensione regum Jugurthæ advorsus fuerat, deditâ Cirtâ, et Atherbale interfecto, profugus ex Africâ abierat. Huic Sp. Albinus, qui proximo anno post Bestiam cum Q. Minucio Rufo consulatum gerebat, persuadet, quoniam ex stirpe Masinissæ sit, Jugurtham ob scelera invidiâ cum metu urgeat; regnum Numidiæ ab senatu petat. Avidus consul belli gerundi, moveri, quàm senescere, omnia malebat. Ipsi provincia Numidia, Minucio Macedonia evenerat. Quæ postquàm Massiva agitare cœpit: neque Jugurthæ in amicis satis præsidii est, quòd eorum alium conscientia, alium mala fama et timor animi, impediēbat; Bomilcari proximo, ac maxumè fido sibi, imperat, pretio, sicuti multa confecerat, insidiatores Massivæ paret, ac maxumè occultè: sin id parum procedat, quovis modo Numidam interficiat. Bomilcar maturè regis mandata exsequitur; et per homines, talis negotii artifices, itinera egressusque ejus, postremò loca atque tempora cuncta, explorat; dein, ubi res postulabat, insidias tendit. Igitur unus ex eo numero, qui ad cædem parati erant, paulò inconsultiùs Massivam aggreditur, illum obtruncat: sed ipse deprehensus, multis hortantibus, et in primis Albino consule, indicium profitetur. Fit reus magis ex æquo bonoque, quàm ex jure gentium, Bomilcar; comes ejus, qui Romam fide publicâ venerat. At Jugurtha, manifestus tanti sceleris, non priùs omisit contra verum niti, quàm animadvortit, super gratiam, atque pecuniam suam, invidiam facti esse. Igitur, quamquàm in priore actione ex amicis quinquaginta vades dederat; regno magis, quàm vadibus, consulens, clam in Numidiam Bomilcarem dimittit; veritus, nè reliquos popularis metus invaderet parendi sibi, si de illo supplicium sumtum foret: et ipse paucis diebus eòdem profectus est, jussus à senatu Italiâ decedere. Sed,



postquàm Româ egressus, est, fertur, sæpè tacitus eò respiciens, postremò dixisse: *Urbem venalem, et maturè perituram, si emptorem invenerit!*

Interim Albinus, renovato bello, commeatum stipendium, aliaque, quæ militibus usui forent, maturè in Africam portare; ac statim ipse profectus, ut, ante comitia, (quod tempus haud longè aberat,) armis, aut deditione, aut quovis modo, bellum conficeret. At contrà Jugurtha trahere omnia, et alias, deindè alias, moræ causas facere; polliceri deditionem, ac deindè metum simulare: instanti cedere, et paulò post, ne sui diffiderent, instare: ita belli modò, modò pacis morà, consulem ludificare. Ac fuère, qui tum Albinum haud ignarum consilii regis existumarent: neque ex tantâ properantiâ tam facilè tractum bellum socordiâ magis, quàm dolo, crederent. Sed postquàm, dilapso tempore, comitiorum dies adventabat, Albinus, Aulo fratre in castris proprætore relicto, Romam decessit. Eâ tempestate Romæ seditionibus tribuniciis atrocitèr respublica agitabatur, P. Lucullus et L. Annius, tribuni plebis, resistentibus collegis, continuare magistratum nitebantur: quæ dissensio totius anni comitia impedièbat. Eâ morà in spem adductus Aulus, (quem proprætorem in castris relictum suprâ diximus,) aut conficiundi belli, aut terrore exercitûs ab rege pecuniæ capiundæ, milites mense Januario ex hybernis in expeditionem evocat; magnisque itineribus, hyeme asperâ, pervenit ad oppidum Suthul, ubi regis thesauri erant. Quod quamquàm, et sævitiâ temporis, et opportunitate loci, neque capi, neque obsideri poterat; (nam circùm murum, situm in prærupti montis extremo, planicies limosa hyemalibus aquis paludem fecerat:) tamen, aut simulandi gratiâ, quò regi formidinem adderet, aut cupidine cæcus, ob thesauros, oppidi potiundi, vineas agere, aggerem jacere, aliaque, quæ incepto usui forent, properare. At Jugurtha, cognitâ vanitate atque imperitiâ legati, subdolus ejus ougere amentiam: missitare supplicantis legatos: ipse, quasi vitabundus, per saltuosa loca et tramites exercitum ductare. Denique Aulum spe pactionis perpulit. uti, relicto Suthule, in abditas regiones sese, veluti cedentem, insequeretur: ita delicta occultiora fuère. Intereâ per

homines callidos diù noctūque exercitum tentabat: centuriones ducesque turmarum, partim, uti transfugerent, corrumpere: alii, signo dato, locum uti desererent. Quæ postquàm ex sententià instruxit; intempestâ nocte, de improvise multitudine Numidarum Auli castra circumvenit. Milites Romani, perculsi tumultu insolito, arma capere alii; alii se abdere; pars territos confirmare; trepidare; omnibus locis vis magna hostium; cælum nocte atque nubibus obscuratum; periculum anceps; postremo, fugere, an manere, tutius foret, in incerto erat. Sed ex eo numero, quos paulò antè corruptos diximus, cohors una Ligorum, cum duabus turmis Thracum, et paucis gregariis militibus, transiêre ad regem; et centurio principili tertiæ legionis per munitionem, quam, uti defenderet, acceperat, locum hostibus introëundi dedit; eâque Numidiæ cuncti irrupêre. Nostri fœdâ fugâ, plerique abjectis armis, proximum collem occupavêre. Nox, atque præda castrorum, hostis, quò minùs victoriâ uterentur, remorata sunt. Dein Jugurtha postero die cum Aulo in colloquio verba facit: Tametsi ipsum cum exercitu fame ferroque clausum tenet; tamen se, humanarum rerum memorem, si secum fœdus faceret, incolumis omnis sub jugum missurum; prætereà, uti diebus decem Numidiâ decederet. Quæ gravia quamquàm et flagitii plena erant; tamen, quia mortis metu nutabant, sicuti regi lubuerat, pax convenit. Sed ubi ea Romæ comperta sunt, metus atque mœror civitatem invasêre: pars dolere pro gloriâ imperii; pars insolita rerum bellicarum timere libertati: Aulo omnes infesti: ac maxumè qui bello sæpè præclari fuerant, quòd, armatus, dedecore potiùs, quàm manu, salutem quæsiverit. Ob ea consul Albinus, ex delicto fratris invidiam ac deindè periculum timens, senatum de fœdere consulebat: et tamen interim exercitui supplementum scribere; ab sociis et nomine Latino auxilia accersere; denique omnibus modis festinare: senatus ita, uti par fuerat, decernit suo atque populi injussu nullum potuisse fœdus fieri. Consul, impeditus à tribunis plebis, nè, quas paraverat copias, secum portaret, paucis diebus in Africam proficiscitur. Nam omnis exercitus, uti convenerat, Numidiâ deductus, in provinciâ hyemabat. Postquàm eò venit; quamquàm

persequi Jugurtham, et mederi fraternæ invidiæ, animus ardebat; cognites militibus, quos præter fugam, soluto imperio, licentia atque lascivia corruperat; ex copiâ rerum statuit, sibi nihil agitandum. Intereâ Romæ C. Mamilius Limetanus, tribunus plebis, rogationem ad populum promulgat, uti quæreretur in eos, quorum consilio Jugurtha senati decreta neglexisset; quique ab eo in legationibus, aut imperiis, pecunias acceperant; qui elephantos, quique perfugas tradidissent; item, qui de pace, aut bello, cum hostibus pactiones fecissent. Huic rogationi partim conscii sibi, alii ex partium invidiâ pericula metuentes, quoniam apertè resistere non poterant, quin illa et alia talia placere sibi faterentur, occultè per amicos, ac maxumè per homines nominis Latini et socios Italicos, impedimenta parabant. Sed plebes, incredibile memoratu est, quantum intenta fuerit, quantâque vi rogationem jusserit, decreverit, voluerit; magis odio nobilitatis, cui mala illa parabantur, quàm curâ reipublicæ; tanta lubido in partibus erat! Igitur, cæteris metu percussis, M. Scaurus, quem legatum Bestiæ fuisse supra memoravimus, inter lætitiâ plebis et suorum fugam, trepidâ etiam tum civitate, cùm ex Mamilianâ rogatione tres quæsitores rogarentur, effecerat, ut ipse in eo numero crearetur. Sed, quæstione exercitâ asperè nobilitatem, sic eâ tempestate plebem, ex secundis rebus insolentia ceperat. Cæterum mas partium popularium, et senatus factionum, ac deindè omnium malarum artium, paucis antè annis Romæ ortus est, otio atque abundantia earum rerum, quæ prima mortales ducunt. Nam ante Carthaginem deletam, populus et senatus Romanus placidè modestèque inter se rempublicam tractabant: neque gloriæ, neque dominationis certamen inter civis erat: metus hostilis in bonis artibus civitatem retinebat. Sed ubi formido illa mentibus decessit; scilicet ea, quæ secundæ res amant, lascivia atque superbia, incessere. Ita, quod in advorsis rebus optaverant, otium, postquam adepti sunt, asperius acerbiusque fuit: namque cœpere nobilitas dignitatem, populus libertatem in lubidinem vertere; sibi quisque ducere, trahere, rapere. Ita omnia in duas partis abstracta sunt; respublica, quæ media

fuerat, dilacerata. Cæterum nobilitas factione magis pollebat: plebis vis, soluta atque in multitudinem dispersa, minùs poterat. Paucorum arbitrio bellì domìque agitabatur: penès eosdem ærarium, provinciæ, magistratus, gloriæ, triumphique erant: populus militiâ atque inopiâ urgebatur; prædas bellicas imperatores cum paucis diripiebant. Intereâ parentes, aut parvi liberi militum, uti quisque potentiori confinis erat, sedibus pellebantur. Ita cum potentiâ avaritia sine modo modestiâque invadere, polluere, et vastare omnia; nihil pensi, neque sancti habere, quoad semet ipse præcipitavit. Nam, ubi primùm ex nobilitate reperiuntur, qui veram gloriam injustæ potentiæ anteponerent, moveri civitas, et dissensio civilis, quasi permixtio terræ, oriri cœpit. Nam postquàm Tiberius et Caius Gracchus, quorum majores Punico atque aliis bellis multum reipublicæ addiderant, vindicare plebem in libertatem et paucorum scelera patrefacere cœpère; nobilitas noxia, atque eò perculsa, modò per socios et nomen Latinum, interdum per equites Romanos, quos spes societatis à plebe dimoverat. Gracchorum actionibus obviàm îerat; et primò Tiberium, dein paucos post annos eadem ingredientem Caium, tribunum plebis, alterum triumvirum, coloniis deducendis, Cum M. Fulvio Flacco, ferro necaverat. Et sanè Gracchis, cupidine victoriæ, haud satis animus moderatus fuit. Sed bono vinci satiùs est, quàm malo more injuriam vincere. Igitur eâ victoriâ nobilitas ex lubricine suâ usa, mortalis multos ferro aut fugâ exstinxit; plusque in reliquum sibi timoris, quàm potentiæ, addidit: quæ res plerumque magnas civitates pessumdedit, dum alteri alteros vincere quovis modo et victos acerbìus ulcisci volunt. Sed de studiis partium, et omnibus civitatis moribus, si singillatim, aut pro magnitudine, parem disserere, tempus, quàm res, maturiùs deseret. Quamobrem ad inceptum redeo.

Post Auli fœdus, exercitûsque nostri fugam fœdam, Metellus et Silanus, consules designati, provincias inter se partiverant: Metelloque Numidia evenerat, acri viro, et, quamquàm advorso populi partibus, famâ tamen æquabili et inviolatâ. Is, ubi primùm magistratum ingressus est, alia omnia sibi cum collegâ communia ratus,

ad bellum, quod gesturus erat, animum intendit. Igitur, diffidens veteri exercitui, milites scribere, præsidia undique accersere; arma, tela, equos, et cætera instrumenta militiæ, parare; ad hoc, commeatum affatim; denique omnia, quæ in bello vario, et rerum multarum egenti, usui esse solent. Cæterum ad ea patrandæ, senatus auctoritate, socii, nomenque Latinum, et reges ultrò auxilia mittendo, postremò omnis civitas, summo studio adnitebatur. Itaque, ex sententiâ omnibus rebus paratis compositisque, in Numidiam proficiscitur, magna spe civium, cùm propter artûs bonas, tùm maxumè quod advorsum divitias invictum animum gerebat: et avaritiâ magistratuum ante id tempus in Numidiâ nostræ opes contusæ, hostiumque auctæ erant. Sed, ubi in Africam venit, exercitus ei traditur à Sp. Albino proconsule, iners, imbellis, neque periculi, neque laboris patiens; linguâ, quàm manu, promptior; prædator ex sociis, et ipse præda hostium: sine imperio et modestiâ habitus. Ita imperatori novo plus ex malis moribus sollicitudinis, quàm ex copiâ militum auxilii, aut bonæ spei, accedebat. Statuit tamen Metellus, quamquàm et æstivorum tempus comitiorum mora imminuerat, et expectatione eventûs civium animus intentos putabat, non priùs bellum attingere, quàm, majorum disciplinâ, milites laborare coëgisset. Nam Albinus, Anli fratris exercitûsque, clade perculsus, postquàm decreverat non egredi provinciâ, quantum temporis æstivorum in imperio fuit, plerumque milites in stativis castris habebat; nisi cùm odos, aut pabuli egestas, locum mutare subegerat. Sed neque more militari vigiliæ ducebantur: uti cuique lubebat, ab signis aberat. Lixæ, permisti cum militibus diù noctûque, vagabantur; et palantes, agros vastare, villas expugnare, pecoris et mancipiorum prædas certantes agere; eaque mutare cum mercatoribus vino advectitio, et aliis talibus; prætereà, frumentum publicè datum vendere, panem in dies mercari: postremò, quæcumque dici aut fingi queunt ignaviæ luxuriæque probra, in illo exercitu cuncta fuère, et alia ampliùs. Sed in eâ difficultate Metellum non minùs, quàm in rebus hostilibus, magnum et sapientem virum fuisse comperior; tantâ temperantiâ inter ambitionem sævitiamque moderatum. Namque edicto primo adju-

menta ignaviæ sustulisse, nè quisquam in castris panem, aut quem alium cibum coctum, venderet; nè lixæ exercitum sequerentur; nè miles gregarius in castris nève in agmine servum aut jumentum haberet: cæteris arte modum statuisse. Præterea, transvorsis itineribus quotidie castra movere: juxta, ac si hostes adessent, vallo atque fossâ munire; vigilias crebras ponere, et eas ipse cum legatis circuire; item in agmine, in primis modò, modò in postremis, sæpè in medio, adesse, nè quisquam ordine egrederetur; uti, cum signis frequentes incederent, miles cibum et arma portaret. Ita prohibendo à delictis magis, quàm vindicando, exercitum brevi confirmavit. Interea Jugurtha, ubi, quæ Metellus agebat, ex nunciis accepit; simul de innocentia ejus certior Romæ factus, diffidere suis rebus, ac tum demum veram deditionem facere conatus est. Igitur legatos ad consulem cum suppliciis mittit, qui tantummodò ipsis liberisque vitam peterent, alia omnia dederent populo Romano. Sed Metello jam antea experimentis cognitum erat, genus Numidarum infidum, ingenio mobili, novarum rerum avidum esse. Itaque legatos alium ab alio diversos aggreditur; ac paulatim tentando, postquam opportunos sibi cognovit, multa pollicendo persuadet, uti Jugurtham maxumè vivum, sin id parum procedat, necatum, sibi traderent: cæterum palam, quæ ex voluntate forent, regi nunciari jubet. Dein ipse paucis diebus intento atque infesto exercitu in Numidiam procedit; ubi, contra belli faciem, tuguria plena hominum, pecora cultoresque in agris erant: ex oppidis et mapalibus præfecti regis obviam procedebant, parati frumentum dare, commeatum portare, postremo omnia, quæ imperarentur, facere. Neque Metellus idcirco minus, sed paritèr ac si hostes adessent, munito agmine incedere, latè explorare omnia, illa deditionis signa ostentui credere, et insidiis locum tenere. Itaque ipse cum expeditis cohortibus, item funditorum et sagittariorum delectâ manu, apud primos erat; in postremo C. Marius legatus cum equitibus curabat; in utrumque latus equites auxiliosos tribunis legionum et præfectis cohortium dispertiverat: uti cum his permixti velites, quocumque accederent, equitatus hostium propulsarent. Nam in Jugurthâ tantus dolus, tantaque peritia locorum et militiae

erat, ut, absens an præsens, pacem an bellum gerens, perniciosior esset, in incerto haberetur. Erat laud longè ab eo itinere, quo Metellus pergebat, oppidum Numidarum, nomine Vacca, forum rerum venalium totius regni maxumè celebratum; ubi et incolere, et mercari, consueverant Italici generis multi mortales. Huc consul, simul tendendi gratià, et si paterentur opportunitates loci, præsidium imposuit; prætereà imperavit frumentum, et alia, quæ bello usui forent, comportare: ratus, id quod res monebat, frequentiam negotiatorum, et commeatum iuventurum exercitum, et etiam paratis rebus munimentum fore. Inter hæc negotia Jugurtha impensiùs modò legatos supplices mittere, pacem orare, præter suam liberorumque vitam, omnia Metello dedere. Quos item, uti priores, consul illectos ad proditionem domum mittebat: regi pacem, quam postulabat, neque abnuere, neque polliceri, et inter eas moras promissa legatorum expectare. Jugurtha, ubi Metelli dicta cum factis composuit, ac suis se artibus tentari animadvertit; quippe cui verbis pax nunciabatur, cæterùm re bellum asperrimum erat; urbs maxuma alienata, ager hostibus cognitus, animi popularium tentati; coactus rerum necessitudine, statuit armis certare. Igitur, explorato hostium itinere, in spem victoriæ adductus ex opportunitate loci, quàm maxumas potest copias omnium generum parat, ac per tramites occultos exercitum Metelli antevenit. Erat in eà parte Numidæ, quam Atherbal in divisione possederat, flumen, oriens à meridie, nomine Muthul; à quo aberat mons fermè millia passuum xx. tractu pari, vastus ab naturâ et humano cultu: sed ex eo medio quasi collis oriebatur, in immensum pertinens, vestitus oleastro ac myrtetis, aliisque generibus arborum, quæ humi arido, atque arenoso giguuntur. Media autem planicies deserta penuriâ aquæ, præter flumini propinqua loca: ea, consita arbustis, pecore atque cultoribus frequentabantur. Igitur in eo colle quem transverso itinere porrectum docuimus, Jugurtha extenuatâ suorum acie consedit: elephantis, et parti copiarum pedestrium, Bomilcarem præfecit; eumque edocet, quæ ageret: ipse propior montem, cum omni equitatu et peditibus delectis, suos collocat: dein singulas turmas et manipulos circumiens monet, atque obtestatur, uti, me-

mores pristinae virtutis et victoriae, sese regnumque suum ab Romanorum avaritiâ defendant: cum his certamen fore, quos antea victos sub jugum miserint: ducem illis, non animum, mutatum: quae ab imperatore decuerint, omnia suis provisa; locum superiorem: uti prudentes cum imperitis, ne pauciores cum pluribus, aut rudes cum bello melioribus, manum consererent. Proinde parati intentique essent, signo dato, Romanos invadere: illum diem aut omnis labores et victorias confirmaturum, aut maxumarum ærumnarum initium fore. Ad hoc viritum, uti quemque ob militare facinus pecuniâ aut honore extulerat, commonefacere beneficii sui, et eum ipsum aliis ostentare: postremo, pro cujusque ingenio, pollicendo, minitando, obtestando, alium alio modo excitare: —cùm interim Metellus, ignarus hostium, monte degrediens cum exercitu conspiciatur. Primò dubius, quidnam insolita facies ostenderet, (nam inter virgulta equi Numidæque consederant, neque planè occultati humilitate arborum, et tamen incerti quidnam esset, cùm naturâ loci, tum dolo, ipsi atque signi militaria obscurati,) dein, brevì cognitis insidiis, paulisper agmen constituit. Ibi, commutatis ordinibus, in dextro latere, quod proximum hostis erat, triplicibus subsidiis sciens instruxit; inter manipulos funditores et sagittarios dispersit, equitatum omnem in cornibus locat; ac pauca pro tempore milites hortatus, aciem, sicut instruxerat, transvorsis principiis in planum deducit. Sed, ubi Numidas quietos, neque colle degredi, animadvertit; veritus, ex anni tempore, et inopiâ aquæ, nè siti conficeretur exercitus; Rutilium legatum, cum expeditis cohortibus et parte equitum, præmiserat ad flumen, uti locum castris antè caperet; existumans hostes crebro impetu et transvorsis præliis iter suum remoratorios, et, quoniam armis diffiderent, lassitudinem et sitim militum tentaturos. Dein ipse pro re atque loco, sicuti monte descenderat, paulatim procedere: Marium post principia habere; ipse cum sinistrae alæ equitibus esse, qui in agmine principes facti erant. At Jugurtha, ubi extremum agmen Metelli primos suos prætergressum videt, præsidio quasi duum millium perditum montem occupat, quâ Metellus descenderat, nè fortè cedentibus adversariis receptui, ac post munimento,



foret; dein, repenti signo dato, hostis invadit. Numidæ alii postremos cedere; pars à sinistrâ ac dextrâ tentare; infensi adesse, atque instare: omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati incerto prælio, ipsi modò eminùs sauciabantur, neque contrâ feriundi aut conserendi manum copia erat. Antea jam docti ab Jugurthâ equites, ubicumque Romanorum turma insequi cœperat, non confertim, neque in unum sese recipiebant, sed alius aliò quàm maxumè divorsi. Ita numero priores, si à persequendo hostes deferre nequiverant, disiectos ab tergo aut lateribus circumveniebant: sin opportunior fugæ collis, quàm campi fuerant, eò verò consueti Numidarum equi faciliè inter virgulta evadere; nostros asperitas et insolentia loci retinebat. Cæterum facies totius negotii varia, incerta, fœda, atque miserabilis: dispersi à suis, pars cedere, alii insequi: neque signa, neque ordines, observare: ubi quemque periculum ceperat, ibi resistere, ac propulsare: arma, tela, equi, viri, hostes, cives permixti: nihil consilio neque imperio agi: fors omnia regere. Itaque multum diei processerat, cum etiam tum eventus in incerto erat. Denique, omnibus labore et æstu languidis, Metellus, ubi videt Numidas minùs instare, paulatim milites in unum conducit, ordines restituit, et cohortes legionarias quatuor advorsum pedites hostium collocat. Eorum magna pars superioribus locis fessa consederat. Simul orare, hortari milites, nè deficerent, neu paterentur hostes fugientes vincere: neque illis castra esse, neque munimentum ullum, quò cedentes tenderent: in armis omnia sita. Sed nec Jugurtha quidem interea quietus erat: circuire, hortari, renovare prælium, et ipse cum delectis tentare omnia: subvenire suis, hostibus dubiis instare: quos firmos cognoverat, eminùs pugnando, retinere. Eo modo duo imperatores, summi viri, inter se certabant; ipsi pares, cæterum opibus disparibus. Nam Metello virtus militum erat, locus advorsus; Jugurthæ alia omnia, præter milites, opportuna. Denique Romani, ubi intelligunt neque sibi profugium esse, neque ab hoste copiam pugnandi fieri, (et jam diei vesper erat,) advorso colle, sicuti præceptum fuerat, evadunt. Amisso loco, Numidæ

fusi fugatique, pauci interiêre; plerosque velocitas, et regio hostibus ignara, tutata sunt. Interea Bomilcar, quem elephantis et parti copiarum pedestrium præfectum ab Jugurthâ suprâ diximus, ubi eum Rutilius prætergressus est, paulatim suos in æquum locum deducit; ac, dum legatus ad flumen, quò præmissus erat, festinans pergit, quietus, uti res postulabat, aciem exornat; neque remittit, quid ubique hostis ageret, explorare. Postquam Rutilium consedissee jam, et animo vacuum accepit, simulque ex Jugurthæ prælio clamorem augeri: veritus nè legatus, cognitâ re, laborantibus suis auxilio foret, aciem, quam diffidens virtuti militum artè statuerat, quò hostium itineri officeret, latiùs porrigit; eoque modo ad Rutilii castra procedit. Romani ex improvise pulveris vim magnam animadvertunt. Nam prospectum ager arbutis consitus prohibebat. Et primò rati humum aridam vento agitari; pòst, ubi æquabilem manere, et, sicut acies movebatur, magis magisque appropinquare, vident; cognitâ re, properantes arma capiunt, ac pro castris, sicut imperabatur, consistunt. Dein, ubi propiùs ventum est, utrimque magno clamore concurritur. Numidæ, tantummodò remorati, dum in elephantis auxilium putant, postquam eos, impeditos ramis arborum, atque ita disiectos, circumveniri vident, fugam faciunt; ac plerique, abjectis armis, collis, aut noctis, quæ jam aderat, auxilio integri abeunt. Elephantis quatuor capti; reliqui omnes, numero quadraginta, interfecti. At Romani, quamquam itinere, atque opere castrorum, et prælio, fessi lassique erant; tamen, quòd Metellus ampliùs opinionone morabatur, instructi intentique obviàm procedunt. Nam dolus Numidarum nihil languidi neque remissi patiebatur. Ac primò, obscurâ nocte, postquam laud procul inter se erant; strepitu, veluti hostes adventarent, alteri apud alteros formidinem simul et tumultum facere: et penè imprudentiâ admissum facinus miserabile, nî utrimque præmissi equites rem exploravissent. Igitur pro metu repentè gaudium exortum: milites alius alium læti appellant, acta edocent, atque audiunt: sua quisque fortia facta ad cælum fert. Quippe res humanæ ita sese habent: in victoriâ, vel ignavis gloriari licet: advorsæ res etiam bonos detrectant. Metellus in iisdem castris

quadriduo moratus, saucios cum curâ reficit; meritos in præliis more militiæ donat, universos in concione laudat, atque agit gratias: hortatur, ad cætera, quæ levia sunt, parem animum gerant; pro victoriâ satis jam pugnatum, reliquos labores pro prædâ fore. Tamen interim transfugas, et alios opportunos, Jugurtha ubi gentium, aut quid agitare, cum paucisne esset, an exercitum haberet, uti sese victus gereret, exploratum misit. At ille sese in loca saltuosa et naturâ munita receperat: ibique coge-  
bat exercitum, numero hominum ampliorem, sed hebetem infirmumque, agri ac pecoris magis, quàm belli, cultorem. Id eâ gratiâ eveniebat, quòd præter equites regiones nemo omnium Numidarum ex fugâ regem sequitur. Quò cujusque animus fert, eò discedunt: neque id flagitium militiæ ducitur: ita se mores habent. Igitur Metellus, ubi videt etiam tum regis animum ferocem esse; bellum renovari, quod nisi ex illius lubricine geri non posset; prætereà, iniquum certamen sibi cum hostibus; minore detrimento illos vinci, quàm suos vincere; statuit, non præliis, neque acie, sed alio more, bellum gerendum. Itaque in loca Numidiæ opulentissima pergit; agros vastat; multa castella et oppida, temerè munita, aut sine præsidio, capit incenditque; puberes interfici jubet, alia omnia militum prædam esse. Eâ formidine multi mortales Romanis dediti obsides; frumentum et alia, quæ usui forent, affatim præbita; ubicumque res postulabat, præsidium impositum. Quæ negotia multò magis, quàm prælium malè pugnatum ab suis, regem terrebant; quippe qui spes omnis in fugâ sita erat, sequi cogebatur; et, qui sua loca defendere nequiverat, in alienis bellum gerere. Tamen ex inopiâ, quod optimum videbatur, consilium capit; exercitum plerumque in iisdem locis opperiri jubet: ipse cum delectis equitibus Metellum sequitur: nocturnis et aviis itineribus, ignoratus, Romanos palantis repente aggreditur. Eorum plerique inermes cadunt: multi capiuntur: nemo omnium intactus profugit: et Numidæ, priùs quàm ex castris subveniretur, sicuti jussi erant, in proximos collis discedunt. Interim Romæ gaudium ingens ortum, cognitis Metelli rebus: uti seque et exercitum more majorum gereret; in adverso loco, victor tamen virtute fuisset; hostium agro potiretur:

Jugurtham, magnificum ex Auli socordiâ, spem salutis in solitudine aut fugâ coëgisset habere. Itaque senatus, ob ea feliciter acta, diis immortalibus supplicia decernere: civitas trepida antea, et sollicita de belli eventu, læta agere: de Metello fama præclara esse. Igitur eò intentior ad victoriam niti; omnibus modis festinare: cavere tamen necubi hosti opportunus fieret; meminisse, post gloriam invidiam sequi. Ita, quò clarior, eò magis anxius erat: neque, post insidias Jugurthæ, effuso exercitu prædari: ubi frumento, aut pabulo opus erat, cohortes cum omni equitatu præsidium agitabant; exercitus partem ipse, reliquos Marius, ducebat. Sed igni magis, quàm prædâ, ager vastabatur. Duobus locis haud longè inter se castra faciebant. Ub vi opus erat, cuncti aderant: cæterum, quò fuga atque formido latius crescerent, divorsi agebant. Eo tempore Jugurtha per collis sequi; tempus aut locum pugnæ quærere: quâ venturum hostem audiêrat, pabulum et aquarum fontis, quorum penuria erat, corrumpere: modò se Metello, interdum Mario, ostendere: postremos in agmine tentare, ac statim in collis regredi: rursus aliis, post aliis, minitari: neque prælium facere, neque otium pati; tantummodò hostem ab incepto retinere. Romanus imperator, ubi se dolis fatigari videt; neque ab hoste copiam pugnandi fieri; urbem magnam, et in eâ parte, quâ sita erat, arcem regni, nomine Zamam, statuit oppugnare; ratus, id quod negotium poscebat, Jugurtham laborantibus, suis auxilio venturum, ibique prælium fore. At ille, quæ parabantur, à perfugis edoctus, magnis itineribus Metellum antevenit: oppidanos hortatur, mœnia defendant, additis auxilio perfugis: quod genus ex copiis regis, quia fallere nequibant, firmissimum erat: prætereà pollicetur, in tempore semet cum exercitu affore. Ita compositis rebus, in loca quàm maxumè occulta discedit; ac paulò post cognoscit, Marium ex itinere frumentatum cum paucis cohortibus Siccam missum: quod oppidum primum omnium post malam pugnam ab rege defecerat. Eò cum delectis equitibus noctu pergit, et, jam egredientibus Romanis, in portâ pugnam facit: simul magnâ voce Siccenses hortatur, uti cohortes ab tergo circumveniant: fortunam illis præclari facinoris casum dare; si id fecerint, posteà sese in regno,

illos in libertate, sine metu ætatem acturos. Ac, nî Marius signa inferre atque evadere oppido properavisset, profectò cuncti, aut magna pars Siccensium, fidem mutavissent: Tantâ mobilitate sese Numidæ gerunt. Sed milites Jugurthini, paulisper ab rege sustentati, postquàm majore vi hostes urgent, paucis amissis, profugi discedunt. Marius ad Zamam pervenit. Id oppidum, in campo situm, magis opere, quàm naturâ munitum erat, nullius idoneæ rei egens, armis virisque opulentum. Igitur Metellus, pro tempore atque loco paratis rebus, cuncta mœnia exercitu circumvenit: legatis imperat, ubi quisque curaret. Deindè, signo dato, undique simul clamor ingens oritur: neque ea res Numidas terret: infensi intentique sine tumultu manent: prælium incipitur. Romani, pro ingenio quisque, pars eminùs glande aut lapidibus pugnare; evadere alii, alii succedere; ac murum modò suffodere, modo scallis aggredi: cupere prælium manibus facere. Contra ea oppidani in proximos saxa volvere: sudēs, pila, prætereà pice et sulphure tædam mistam, ardentia mittere. Sed nec illos quidem, qui procul manserant, timor animi satis muniverat: nam plerosque jacula, tormentis aut manu emissa, vulnerabant; parique periculo, sed famâ impari, boni atque ignavi erant. Dum apud Zamam sic certatur, Jugurtha ex improvise castra hostium cum magnâ manu invadit: remissis, qui in præsidio erant, et omnia magis, quàm prælium, expectantibus, portam irrumpit. At nostri, repentino metu percussi, sibi quisque pro moribus consulunt: alii fugere, alii arma capere; magna pars vulnerati, aut occisi. Cæterùm ex omni multitudine non ampliùs quadraginta, memores nominis Romani, grege facto, locum cepère paulò, quàm alii, editiorem: neque indè maximâ vi depelli quiverunt: sed tela enimùs missa remittere, pauci in pluribus minùs frustrati: sin Numidæ propiùs accessissent, ibi verò virtutem ostendere, et eos maxumâ vi cædere, fundere, atque fugare. Interim Metellus, cùm acerrumè, rem gèreret, clamorem et tumultum hostilem à tergo accepit: dein, converso equo, animadvortit fugam ad se vorsum fieri: quæ res indicabat popularis esse. Igitur equitatum omnem ad castra properè mitit, ac statim C. Marium cum cohortibus sociorum; eumque lacrumans, per

amicitiam, perque rempublicam, obsecrat, nè quam contumeliam remanere in exercitu victore, nève hostes inultos abire, sinat. Ille brevì mandata efficit. At Jugurtha, munimento castrorum impeditus, cùm alii super vallum præcipitarentur, alii in angustiis ipsi sibi properantes officerent, multis amissis, in loca munita sese recipit. Metellus, infecto negotio, postquàm nox aderat, in castra cum exercitu revortitur. Igitur postero die, priùs quàm ad oppugnandum egrederetur, equitatum omnem in eà parte, quâ regis adventus erat, pro castris agitare jubet: portas, et proxuma loca, tribunis dispertit: dein ipse pergit ad oppidum; atque, uti superiore die, murum aggreditur. Interim Jugurtha ex occulto repentè nostros invadit. Qui in primo locati fuerant paulisper territi perturbantur: reliqui citò subveniunt. Neque diutiùs Numidæ resistere quivissent, nì pedites, cum equitibus permixti, magnem cladem in congressu facerent: quibus illi freti, non, ut equestri prælio solet, sequi, dein cedere; sed advorsis equis concurrere, implicare, ac perturbare aciem: ita, expeditis peditibus se, hostis penè victos dare. Eodem tempore apud Zamam magnâ vi certabatur. Ubi quisque legatus, aut tribunus curabat, eò acerrumè niti; neque alius in alio magis, quàm in sese, spem habere: pariterque oppidani agere, pugnare, aut parare omnibus locis: avidiùs alteri alteros sauciare, quàm semet tegere. Clamor permixtus hortatione, lætitiâ, gemitû, item strepitus armorum, ad cælum ferri; tela utrimque volare. Sed illi, qui mœnia defensabant, ubi hostes paululùm modò pugnam remiserant, intenti prælium equestre, prospectabant. Eos, uti quæque Jugurthæ res erant, lætos modò, modò pavidos, animadvorteres; ac, sicuti audiri à suis, aut cerni possent, monere alii, alii hortari, aut manu significare, aut niti corporibus; huc et illuc, quasi vitabundi, aut jacentes tela, agitare. Quod ubi Mario cognitum est, (nam is in eà parte curabat,) consultò leniùs agere, ac diffidentiam rei simulare; pati Numidas sine tumultu regis prælium visere. Ita, illis studio suorum adstrictis, repentè magnâ vi murum aggreditur; et, jam scalis egressi, milites propè summa ceperant, cùm oppidani concurrunt; lapides, ignem, alia prætereâ tela, ingerunt. Nostri primò resis-

tere: dein, ubi unæ atque alteræ scalæ comminutæ, qui supersteterant afflicti sunt; cæteri, quo quisque modo potuere, pauci integri, magna pars confecti vulneribus, abeunt. Deindè utrimque prælium nox diremit. Metellus, postquàm videt frustrà inceptum; neque oppidum capi, neque Jugurtham, nisi ex insidiis, aut suo loco, pugnam facere; et jam æstatem exactam esse; ab Zamâ discedit; et in iis urbibus, quæ ad sese defecerant, satisque munitæ loco aut mœnibus erant, præsidia imponit. Cæterùm exercitum in provinciam, quæ proxima est Numidiæ, hyemandi gratiâ collocat. Neque id tempus, ex aliorum more, quieti aut luxuriæ concedit: sed, quoniam armis bellum parùm procedebat, insidias regi per amicos tendere, et eorum perfidiâ pro armis uti parat. Igitur Bomilcarem, qui Romæ cum Jugurthâ fuerat, et indè clam, vadibus datis, de Massivæ nece iudicium fugerat, quòd ei per maxumam amicitiam maxuma copia fallendi erat, multis pollicitationibus aggreditur: ac primò efficit, ut ad se, colloquendi gratiâ, occultus veniat: dein, fide datâ, si Jugurtham vivum, aut necatum, sibi tradidisset, fore, ut illi senatus impunitatem et sua omnia concederet. Facile Numidæ persuadet, cùm ingenio infido, tùm metuenti, nè, si pax cum Romanis fieret, ipse per conditiones ad supplicium traderetur. Is, ubi primum opportunum fuit, Jugurtham anxium, ac miserantem fortunas suas, accedit: monet, atque lacrumans obtestatur, ut aliquando sibi liberisque, et genti Numidarum optumè merenti, provideat: omnibus præliis sese victos; agrum vastatum; multos mortalîs captos, occisos, regni opes comminutas esse: satis sæpè jam et virtutem militum, et fortunam, tentatam: caveat, nè, illo cuncante, Numidæ sibi consulant. His, atque talibus aliis, ad deditionem regis animum impellit. Mittuntur ad imperatorem legati, qui Jugurtham imperata facturum dicerent, ac sine ullâ pactione sese regnumque suum in illius fidem tradere. Metellus properè cunctos senatorii ordinis ex hybernis, accersiri jubet: eorum, atque aliorum, quos idoneos ducebat, consilium habet. Ita, more majorum, ex consilii decreto, per legatos Jugurthæ imperat argenti pondo ducenta millia, elephantos omnîs, equorum, et armorum aliquantum. Quæ postquàm sine

morâ facta sunt, jubet perfugas omnîs vinctos adduci. Eorum magna pars, uti jussum erat, adducti; pauci, cum primum deditio cœpit, ad regem Bocchum in Mauritaniam abiêrant. Igitur Jugurtha, ubi armis virisque et pecuniâ spoliatus est, cum ipse ad imperandum Tisidium vocaretur, rursus cœpit flectere animum summ, et ex malâ conscientiâ digna timere. Denique, multis diebus per dubitationem consumtis, cum modò tædio rerum adversarum omnia bello potiora duceret; interdum secum ipse reputaret, quàm gravis casus in servitium ex regno foret: multis magnisque præsidiis nequicquàm perditis, de integro bellum sumit. Et Romæ senatus, de provinciis consultus, Numidiam Metello decreverat. Per idem tempus Uticæ, fortè C. Mario per hostias diis supplicante, magna atque mirabilia portendi haruspex dixerat; proindè, quæ animo agitabat, fretus diis ageret: fortunam quàm sæpissimè experiretur; cuncta prosperè evenitura. At illum jam antea consulatûs ingens cupido exagitabat: ad quem capiendum, præter vetustatem familiæ, alia omnia abundè erant; industria, probitas, militiæ magna scientia, animus belli ingens, domi modicus, lubricinis et divitiarum victor, tantummodò gloriæ avidus. Sed is, natus et omnem pueritiam Arpini altus, ubi primum ætas militiæ patiens fuit, stipendiis faciundis, non Græcâ facundia, neque urbanis munditiis, sese exercuit: ita inter artûs bonas integrum ingenium brevè adolevit. Ergo ubi primum tribunatum militum à populo petit, plerisque faciem ejus ignorantibus, facilè, notus, per omnîs tribus declaratur. Deindè ab eo magistratu, alium post alium sibi peperit: semperque in potestatibus eo modo agitabat, ut ampliore, quàm gerebat, dignus haberetur. Tamen is ad id locorum, talis vir, (nam postea ambitione præceps datus est,) consulatum appetere non audebat. Etiam tum alios magistratus plebes, consulatum nobilitas inter se per manus tradebat. Novus nemo tam clarus, neque tam egregius, factis erat, quin is indignus illo honore, et quasi pollutus haberetur. Igitur, ubi Marius haruspici dicta eodem intendere videt, quò cupido animi hortabatur; ab Metello, petundi gratiâ, missionem rogat; cui quamquàm virtus, gloria, atque alia optanda bonis superabant, tamen inerat contemtor



animus, et superbia, commune nobilitatis malum. Itaque primum commotus insolitâ re, mirari ejus consilium, et quasi per amicitiam monere, nè tam prava inciperet. neu super fortunam animum gereret: *non omnia omnibus cupienda esse*: debere illi res suas satis placere: postremo, caveret id petere à populo Romano, quod illi jure negaretur. Postquàm hæc atque alia talia dixit, neque animus Marii flectitur; respondit, ubi primum potuisset per negotia publica, facturum sese, quæ peteret. Ac postea sæpius eadem postulanti fertur dixisse, nè festinaret abire; satis maturè illum cum filio suo consulatum petiturum. Is eo tempore contubernio patris ibidem militabat, annos natus circiter xx.: quæ res Marium, cum pro honore, quem affectabat, tum contra Metellum, vehementer accenderat. Ita cupidine atque irâ, pessumis consultoribus, grassari: neque facto ullo, neque dicto, abstinere, quod modò ambitiosum foret: milites, quibus in hybernis præerat, laxiore imperio, quàm antea habere: apud negotiatores, quorum magna multitudo Uticæ erat, criminosè simul et magnificè de bello loqui: dimidia pars exercitûs sibi permetteretur: paucis diebus Jugurtham in catenis habiturum: ab imperatore consultò trahi, quòd, homo inanis, et superbiæ regiæ, imperio nimis gauderet. Quæ omnia illis eò firmiora videbantur, quòd diuturnitate belli res familiaris corruperant: et animo cupienti nihil satis festinatur. Erat prætereà in exercitu nostro Numida quidam, nomine Gauda, Manastabalis filius, Masinissæ nepos, quem Micipsa testamento hæredem secundum scripserat, morbis confectus, et ob eam causam mente paululum imminutâ. Cui Metellus petenti, more regum, uti sellam juxtâ poneret, item postea, custodiæ causâ, turmam equitum Romanorum, utrumque negaverat: honorem, quòd eorum modò foret, quos populus Romanus reges appellavisset; præsidium, quòd contumeliosum in eos foret, si equites Romani satellites Numidæ traderentur. Hunc Marius anxium aggreditur, atque hortatur, uti contumeliarum in imperatorem cum suo auxilio pœnas petat: hominem ob morbos animo parùm valido secundâ oratione extollit: illum regem, virum ingentem, Masinissæ nepotem esse: si Jugurtha captus aut occisus foret, imperium Numidiæ sine morâ habitu-

rum : id adeò maturè posse evenire, si ipse consul ad id bellum missus foret. Itaque et illum, et equites Romanos, milites et negotiatores, alios ipse, plerosque pacis spes, impellit, uti Romam ad suos necessarios asperè in Metellum de bello scribant; Marium imperatorem postcant. Sic illi à multis mortalibus honestissimà suffragatione consulatus petebatur. Simul eà tempestate plebes, nobilitate fusà per legem Mamiliam, novos extollebat. Ita Mario cuncto procedere. Interim Jugurtha, postquam, omissà deditione, bellum incipit, cum magnà curà parere omnia, festinare, cogere exercitum; civitates, quæ ab se defecerant, formidine, aut ostentando præmia, affectare; communire suos locos; arma, tela, aliaque, quæ spe pacis amiserat, reficere, aut commercari; servitia Romanorum allicere, et eos ipsos, qui in præsiidiis erant, pecunià tentare: prorsus nihil intactum, neque quietum pati; cuncta agitare. Igitur Vaccenses, quò Metellus initio, Jugurthâ pacificante, præsidium imposuerat, fatigati regis suppliciis, neque antea voluntate alienati, principes civitatis inter se conjurant: (nam vulgus, uti plerumque solet, et maxumè Numidarum, ingenio mobili, seditiosum, atque discordiosum, erat cupidum novarum rerum, quieti et otio advorsum:) dein, compositis inter se rebus, in diem tertium constituunt; quòd is, festus celebratusque per omnem Africam, ludum et lasciviam magis, quàm formidinem, ostentabat. Sed, ubi tempus fuit, centuriones, tribunosque militaris, et ipsum præfectum oppidi L. Turpilium Silanum, alius alium domos suas invitant: eos omnis, præter Turpilium, inter epulas obtruncant; postea milites palantes, inermes, quippe in tali die, ac sine imperio, aggrediuntur. Idem plebes facit; pars edocti ab nobilitate, alii studio talium rerum incitati; quibus acta consiliumque ignorantibus, tumultus ipse et res novæ satis placebant. Romani milites, improviso metu, incerti ignarique quid potissimum facerent, trepidare ad arcem oppidi, ubi signa et scuta erant: præsidium hostium, portæ antè clausæ fugam prohibebant; ad hoc mulieres puerique pro tectis ædificiorum saxa, et alia, quæ locus præbebat, certatim mittere. Ita neque caveri anceps malum, neque à fortissimis infirmissumo generi resisti posse: juxta boni malique, strenui

et imbelles, inulti obtruncati. In eâ tantâ asperitate, sævissumis Numidis, et oppido undique clauso, Turpilius præfectus, unus ex omnibus Italicis, profugit intactus: id misericordiâne hospitis, an pactione, an casu, ira evenerit, parùm comperimus; nisi, quia illi in tanto malo turpis vita integrâ famâ potior fuit, improbus in-testabilisque videtur. Metellus, postquàm de rebus Vaccæ actis comperit; paulisper mœstus, è conspectu abit: dein, ubi ira et ægritudo permixta sunt, cum maxumâ enrâ ultum ire injurias festinat. Legionem, cum quâ hyemabat, et, quàm plurimos potest, Numidas equites, pariter cum occasu solis expeditos educit: et posterâ die circiter horam tertiam pervenit in quamdam planitiem, locis paulò superioribus circumventam. Ibi milites, fessos itineris magnitudine, et jam abnuentes omnia, docet, oppidum Vaccam non ampliùs mille passuum abesse: decere illos reliquum laborem æquo animo pati; dum pro civibus suis, viris fortissimis atque miserrimis, pœnas cape-rent. Prætereâ prædam benignè ostentat. Sic animis eorum arrectis, equites in primo latere, pedites quàm artissumè ire, et signa occultare, jubet. Vaccenses ubi animadvertère ad se vorsum exercitum pergere; primò, uti res erat, Metellum esse rati, portas clausère; dein, ubi neque agros vastari, et eos, qui brimi aderant, Numidas equites vident, rursus Jugurtham arbitrati, cum magno gaudio obvii procedunt. Equites peditesque, repente signo dato, alii vulgum effesum oppido cædere; alii ad portas festinare; pars turres capere; ira, atque spes prædæ, ampliùs, quàm lassitudo, posse. Ita Vaccenses biduum modò ex perfidiâ lætati; civitas magna et opulens pœnæ cuncta, aut prædæ, fuit. Turpilius, quem præfectum oppidi, unum ex omnibus, profugisse suprâ ostendimus, jussus à Metello causam dicere, post-quàm sese parùm expurgat, condemnatus, verberatusque, capite pœnas solvit. Nam is civis ex Latio erat. Per idem tempus Bomilcar, cujus impulsu Jugurtha deditio-nem, quam metu deseruit, inceperat; suspectusque regi, et ipse eum suspiciens, novas res cupere; ad perniciem ejus dolum quærere; diù noctùque fatigare animum; denique, omnia tentando, socium sibi adjungit Nab-dalsam, hominem nobilem, magnis opibus, clarum ac-

ceptumque popularibus suis: qui plerumque seorsum ab rege exercitum ductare, et omnis res exsequi solitus erat, quæ Jugurthæ, fesso aut majoribus adstricto, superaverant; ex quo illi gloria opesque inventæ. Igitur, utriusque consilio, dies insidiis statuitur; cætera, uti res posceret, ex tempore parari placuit. Nabdalsa ad exercitum profectus, quem inter hyberna Romanorum jussus habebat, ne ager, inultis hostibus, vastaretur. Is postquam, magnitudine facinoris percussus, ad tempus non venit; metusque rem impediēbat; Bomilcar, simul cupidinibus incepta patrandi, et timore socii anxius, nè, omisso vetere consilio, novum quæreretur, litteras ad eum per homines fidelis mittit: in quib. mollitiem socordiamque viri accusare: testari deos, per quos juravisset: monere, nè præmia Metelli in pestem suam converteret: Jugurthæ exitium adesse; cæterum suane, an Metelli, virtute periret, id modò agitari; proindè reputaret cum animo suo, præmia an cruciatum mallet. Sed cum eæ litteræ allatæ, fortè Nabdalsa, exercito corpore fessus, in lecto quiescebat; ubi, cognitis Bomilcaris verbis, primò cura, dein, uti ægrum animum solet, somnus cepit. Erat ei Numida quidam negotiorum curator, fidus acceptusque, et omnium consiliorum, nisi novissumi, particeps. Qui, postquam allatas litteras audivit, ex consuetudine ratus operâ aut ingenio suo opus esse, in tabernaculum introit: dormiente illo, epistolam, super caput in pulvino temerè positam, sumit, ac perlegit; dein properè, cognitis insidiis, ad regem pergit. Nabdalsa, post paulò expectatus, ubi neque epistolam reperit, et rem omnem, ut acta erat, ex perfugis cognovit; primò indicem persequi conatus: postquam id frustrâ fuit, Jugurtham placandi gratiâ accedit: quæ ipse paravisset, perfidiâ clientis sui, facere præventa: lacrumans, obtestatur per amicitiam, perque sua antea fideliter acta, nè super tali scelere suspectum sese haberet. Ad ea rex, iliter atque animo gerebat, placidè respondit. Bomilcare, aliisque multis, quos socios insidiarum cognoverat, interfectis, iram oppresserat, nè quâ ex eo negotio seditio oriretur. Neque post id locorum Jugurthæ dies, aut nox ulla, quieta fuit: neque loco, neque mortali cuiquam, aut tempori, satis credere; civis hostisque juxtâ metuere;

circumspectare omnia, et omni strepitu pavescere; alio atque alio loco sæpè contra decus regium, noctu requiescere: interdùm, somno excitus, arreptis armis, tumultum facere; ita formidine, quasi vecordiâ, exagitari. Igitur Metellus, ubi de casu Bomilcaris et indicio patefacto ex perfugis cognovit; rursùs, tanquam ad integrum bellum cuncta parat festinatque. Marium, fatigantem de profectione, simul et invisum, et offensum, sibi parùm idoneum ratus, domum dimittit. Et Romæ plebes, literis, quæ de Metello ac Mario missæ erant, cognitis, volentia de ambobus acceperant. Imperatori nobilitas, quæ antea decori fuerat, invidiæ esse; at illi alteri generis humilitas favorem addiderat; cæterùm in utroque magis studia partium, quàm bona, aut mala sua, moderata. Præterea seditiosi magistratus vulgum exagitare: Metellum omnibus concionibus capitis arcessere: Marii virtutem in majus celebrare. Denique, plebes sic accensa, ut opifices agrestesque omnes, quorum res fidesque in manibus sitæ erant, relictis operibus, frequentarent Marium, et sua necessaria post illius honorem ducerent. Ita, percussâ nobilitate, post multas tempestates novo homini consulatus mandatur. Et postea populus, à tribuno plebis, Manlio Mantino, rogatus, quem vellet cum Jugurthâ bellum gerere, frequens Marium jussit. Sed senatus paulò antè Metello Numidiam decreverat. Ea res frustrâ fuit. Eodem tempore Jugurtha; amissis amicis, quorum plerosque ipse necaverat; cæteri formidine, pars ad Romanos, alii ad regem Bocchum, profugerant; cùm neque bellum geri sine administris posset, et novorum fidem in tantâ perfidiâ veterum experiri periculosum duceret; varius incertusque agitabatur: neque illi res, neque consilium, aut quisquam hominum, satis placebat; itinera præfectosque in dies mutare; modò advorsùm hostes, interdùm in solitudines pergere; sæpè in fugâ, at post paulò in armis, spem habere: dubitare, virtuti popularium an fidei minùs crederet. Ita, quocumquè intendebat, res advorsæ erant. Sed inter eas moras repente se Metellus cum exercitu ostendit. Numidiæ ab Jugurthâ pro tempore parati instructique sunt; dein proelium incipitur. Quâ in parte rex pugnae affuit, ibi aliquandiu certatum: cæteri omnes ejus milites primo congressu pulsi

fugatique: Romani signorum et armorum, et aliquanto numero hostium, potiti. Nam fermè Numidas in omnibus præliis magis pedes, quàm arma tutata sunt. Eà fugâ Jugurtha, impensiùs modò rebus suis diffidens, cum perfugis, et parte equitatûs, in solitudines, dein Thalam, pervenit, in oppidum magnum et opulentum; ubi plerique thesauri, filiorumque ejus multus pneritiæ cultus erat. Quæ postquàm Metello comperta sunt; quamquàm inter Thalam flumenque proximum, in spatio milium quinquaginta, loco arida atque vasta esse cognoverat; tamen, spe patrandi belli, si ejus oppidi potitus foret, omnîs asperitates supervadere, ac naturam etiam vincere aggreditur. Igitur omnia jumenta sarcinis levare jubet, nisi frumento dierum x.; cæterùm utrîs modò, et alia aquæ idonea, portari. Prætereà conquirat ex agris quàm plurimum potest domiti pecoris: eoque imponit vasa cujusque modi, sed pleraque lignea, collecta ex tuguriis Numidarum. Ad hoc, finitumis imperat, qui se post regis fugam Metello dediderant, quàm plurimum quisque aquæ portaret: diem locumque, ubi præstò forent, prædicit. Ipse ex flumine, quam proximam aquam oppido esse suprâ diximus, jumenta onerat. Eo modo instructus, ad Thalam proficiscitur. Dein ubi ad id loci ventum, quò Numidis præceperat; et castra posita munitaque sunt; tanta repenti cælo missa vis aquæ dicitur, ut ea modò exercitui satîs superque foret. Prætereà commeatus spe amplior; quia Numidæ, sicuti plerique in novâ deditiõne, officia intenderant. Cæterùm milites, religione, pluvîâ magis usi: eaque res multum animis eorum addidit; nam rati sese diis immortalibus curæ esse. Dein postero die, contra opinionem Jugurthæ, ad Thalam perveniunt. Oppidani, qui se locorum asperitate munitos crediderant, magnâ atque insolitâ re perculsi, nihilò segniùs bellum parare: idem nostri facere. Sed rex, nihil jam Metello infectum credens, quippe qui omnia, arma, tela, loca, tempora, denique naturam ipsam, cæteris imperitantem, industriâ vicerat, cum liberis, et magnâ parte pecuniæ, ex oppido noctû profugit; neque postea in ullo loco ampliùs unâ die, aut unâ nocte, moratus, simulabat sese negotii gratiâ properare; cæterùm proditiõnem timebat, quam vitare posse celeritate

putabat. Nam talia consilia per otium et ex opportunitate capi. At Metellus, ubi oppidanos prælio intentos, simul oppidum et operibus et loco munitum, videt, vallo fossâque mœnia circumvenit. Dein jubet locis ex copiâ maxumè idoneis vineas agere; superque eas aggerem jacere; et, super aggerem impositis turribus, opus et administratos tutari. Contra hæc oppidani festinare, parare; prorsus ab utrisque nihil reliquum fieri. Denique Romani, multo antè labore præliisque fatigati, post dies quadraginta, quàm eò ventum erat, oppido modò potiti: præda omnis à perfugis corrupta. Hi, postquàm murum arietibus feriri, resque suas afflictas, vident, anrum argentumque, et alia, quæ prima ducuntur, domum regiam comportant: ibi vino et epulis onerati, illaque, et domum, et semet igni corrumpunt; et quas victi ab hostibus pœnas metuerant, eas ipsi volentes pependere. Sed pariter cum captâ Thalâ legati ex oppido Lepti ad Metellum venerant, orantes, uti præsidium præfectumque eò mitteret: Hamilcarem quendam, hominem nobilem, factiosum, novis rebus studere; advorsum quem neque imperia magistratuum, neque leges, valerent: nî id festinaret, in summo periculo suam salutem, illorum socios, fore. Nam Leptitani jam indè à principio belli Jugurthini ad Bestiam consulem, et postea Romam, miserant, amicitiam societatemque rogatum. Dein, ubi ea impetrata, semper boni fidelesque mansere: et cuncta à Bestiâ, Albino, Metelloque imperata, gnavitè fecerant. Itaque ab Imperatore facilè, quæ petebant, adepti. Emissæ eò cohortes Ligurum quatuor, et C. Annius præfectus. Id oppidum ab Sidoniis conditum est; quos accepimus profugos, ob discordias civilis, navibus in eos locos venisse: cæterum situm inter duas Syrtis, quibus nomen ex re inditum. Nam duo sunt sinus propè in extremâ Africâ, impares magnitudine, pari naturâ: quorum proxima terræ præalta sunt, cætera, uti fors tulit, alta; alia in tempestate vadosa. Nam, ubi mare magnum esse et sævire ventis cœpit, limum arenamque et saxa ingentia fluctus trahunt: ita facies locorum cum ventis simul mutatur. Syrtes ab tractu nominatæ. Ejus civitatis lingua modò conversa connubio Numidarum: leges cultusque, pleraque Sidonica: quæ eò facilius retinebant,

quòd procul ab imperio regis ætatem agebant. Inter illos et frequentem Numidiam multi vastique loci erant.

Sed, quoniam in has regiones per Leptitanorum negotia venimus, non indignum videtur, egregium atque memorabile facinus duorum Carthaginiensium memorare. Eam rem nos locus admonuit. Quà tempestate Carthaginienses pleræque Africæ imperitabant, Cyrenenses quoque magni atque opulenti fuère. Ager in medio arenosus, unâ specie: neque flumen, neque mons erat, qui finis eorum discerneret; quæ res eos in magno dinturnoque bello inter se habuit. Postquàm utrimque legiones, item classes, sæpè fusæ fugatæque, et alteri alteros aliquantùm attriverant; veriti, nè mox victos victoresque defessos alius aggrediretur, per inducias sponsionem faciunt, uti certo die legati domo proficiscerentur: quo in loco inter se obvii fuissent, is communis utriusque populi finis haberetur. Igitur duo fratres Carthagine missi, quibus nomen Philænis erat, maturavère iter pergere: Cyrenenses tardius ière. Id socordiâne, an casu accideret, parùm cognovi. Cæterùm solet in locis illis tempestas haud secus, atque in mari, retinere. Nam, ubi per loca æqualia, et nuda gignentium, ventus coörtus arenam humo excitavit, eam magnâ vi agitata, ora oculosque implere: ita, prospectu impedito, morari iter. Postquàm Cyrenenses aliquantò posteriores se esse vident, et ob rem corruptam domi pœnas metuunt, criminari Carthaginienses, ante tempus domo digressos, conturbare rem; denique omnia malle quàm victi abire. Sed cùm Pœni aliam conditionem, tantummoda æquam, peterent, Græci optionem Carthaginiensium faciunt; uti vel illi, quos finis populo sua peterent, ibi vivi obruerentur; vel eadem conditione sese, quem in locum vellent, processuros. Philæni, conditione probatâ, seque vitamque suam reipublicæ condonavère: ita vivi obruti. Carthaginienses in eo loco Philænis fratribus aras consecravère: aliique illis domi honore instituti. Nunc ad rem redeo.

Jugurtha postquàm, amissâ Thalâ, nihil satis firmum contra Metellum putat; per magnas solitudines cum paucis profectus, pervenit ad Gætulos, genus hominum ferum incultumque, et eo tempore ignarum nominis Romani. Eorum multitudinem in unum cogit; ac paulatim



consuefacit ordines habere, signa sequi, imperium observare, item alia militaria facere. Prætereà regis Bocchi proximos magnis muneribus, et majoribus promissis, ad studium sui perducit: quîs adjutoribus regem aggressus, impellit, utî advorsum Romanos bellum suscipiat. Id eà gratiâ facilius proniusque fuit, quòd Bocchus initio hujusce belli legatos Romam miserat, fœdus et amicitiam petitem. Quam rem opportunissimam, incepto bello, pauci impediverant, cæci avaritiâ, quîs omnia honesta atque inhonesta vendere mos erat. Etiam antea Jugurthæ filia Bocchi nupserat. Verum ea necessitudo apud Numidas Maurosque levis ducitur: quòd singuli, pro opibus, quisque quàm plurimas uxores, denas alii, alii plures, habeant; sed reges eò ampliùs. Ita animus multitudinem distrahitur: nullam pro sociâ obtinet: paritèr omnes viles sunt. Igitur in locum ambobus placitum exercitus conveniunt. Ibi, fide datâ et acceptâ, Jugurtha Bocchi animum oratione accendit: Romanos injustos, profundâ avaritiâ, communes omnium hostis esse: eandem illos causam belli cum Boccho habere, quàm secum, et cum aliis gentibus, lubidinem imperitandi; quîs omnia regna advorsa sint: tum sese, paulò antè Carthaginienses, item regem Persen, pòst, utî quisque opulentissimus videatur, ità Romanos hostem fore. His atque aliis talibus dictis, ad Cirtam oppidum iter constituunt: quòd ibi Q. Metellus prædum captivosque et impedimenta locaverat. Ita Jugurtha ratus, aut captâ urbe, operæ pretium fore; aut, si Romanos auxilio suis venisset, prælio sese certaturos. Nam callidus id modò festinabat, Bocchi pacem imminuere; nè, moras agitando, aliud, quàm, bellum, mallet. Imperator postquàm de regum societate cognovit, non temerè, neque, utî sæpè, jam victo Jugurthâ, consueverat, omnibus locis pugnandi copiam facit; cæterum, haud procul ab Cirtâ, castris munitis, reges opperitur; melius esse ratus, cognitis Mauris, quoniam is novus hostis accesserat, ex commodo pugnam facere. Interim Româ per litteras fit certior, Mario provinciam Numidiam datam: nam consulem factum jam antea acceperat. Quibus rebus, supra bonum atque honestum, percussus, neque lacrymas tenere, neque moderari linguam; vir egregius

in aliis artibus, nimis molliter ægritudinem pati. Quam rem alii in superbiam vortebant; alii, bonum ingenium contumeliâ accensum esse; multi, quòd jam parta victoria ex manibus eriperetur: nobis satis cognitum, illum magis honore Marii, quàm injuriâ suâ, excruciatum; neque tam anxie laturum fuisse, si adempta provincia alii, quàm Mario, traderetur. Igitur eo dolore impeditus, et quia stultitiæ videbatur alienam rem periculo suo curare, legatos ad Bocchum mittit, postulatum, nè sine causâ hostis populo Romano fieret: habere eum magnam copiam societatis amicitiaque conjungendæ, quæ potior bello esset: quamquàm opibus suis confideret, tamen non debere incerta pro certis mutare: omne bellum sumi facile, cæterum ægurrumè desinere: non in ejusdem potestate initium ejus et finem esse: incipere cuivis etiam ignavo licere; deponi, cùm victores velint. Proindè sibi regnoque suo consuleret; neu florentis res suas cum Jugurthæ perditis misceret. Ad ea rex satis placidè verba facit: sese pacem cupere, sed Jugurthæ fortunarum misereri: si eadem illi copia fieret, omnia conventura. Rursus imperator, contra postulata Bocchi, nuncios mittit. Ille probare partim, alia abnuere. Eo modo, sæpè ab utroque missis remissisque nunciis, tempus procedere, et ex Metelli voluntate, bellum intactum trahi.

At Marins, uti supra diximus, cupientissimâ plebe consul factus, postquàm ei provinciam Numidiam populus jussit, antea jam infestus nobilitati, tum vero multus atque ferox instare: singulos modò, modò universos lædere: dictitare, sese consulatum ex victis illis spolia cepisse: alia prætereà magnifica pro se, et illis dolentia. Interim, quæ bello opus erant, prima habere: postulare legionibus supplementum; auxilia à populis, et regibus, sociisque accersere; prætereà ex Latio fortissimum quemque, plerosque militiâ, paucos famâ cognitos, accire, et, ambiundo, cogere homines emeritis stipendiis secum proficisci. Neque illi senatus, quamquàm advorsus erat, de ullo negotio negare audebat: cæterum supplementum etiam lætus decreverat; quia, neque plebi militia volenti putabatur, et Marius aut belli usum, aut studia vulgi amissurus. Sed ea res frustrà sperata: tanta lubido cum Mario eundi plerosque invaserat. Sese quis-

que prædâ locupletem fore, victorem domum rediturum. Alia hujuscemodi animis trahebant; et eos non paulùm oratione suâ Marius arrexerat. Nam postquàm, omnibus, quæ postulaverat, decretis, milites scribere vult, hortandi causâ, simul et nobilitatem, uti consueverat, exagitandi, concionem populi advocavit. Deindè hoc modo disseruit:

*Scio ego, Quirites, plerosque non iisdem artibus imperium à vobis petere, et, postquàm adepti sunt, gerere: primò industrios, supplices, modicos, esse: dehinc per ignaviam et superbiam ætatem agere. Sed mihi contrà videtur: nam, quò universa respublica phuris est quàm consulatus aut prætura, eò majore curâ illam administrari, quàm hæc peti, debere. Neque me fallit, quantum, cum maximo beneficio vestro, negotiû sustineam. Bellum parare, simul et ærario parcere; cogere ad militiam eos, quos nolis offendere: domi forisque omnia curare: et ea agere inter invidos, occursantis, factionos, opinione, Quirites, asperius est. Ad hoc, alii si deliquère, vetus nobilitas, majorum facta fortia, cognatorum et affinium opes, multæ clientelæ, omnia hæc præsidio adsunt: mihi spes omnes in memet sitæ, quas necesse est et virtute, et innocentia tutari; nam alia infirma sunt. Et illud intelligo- Quirites, omnium ora in me conversa esse; æquos bonosque favere; quippe benefacta mea reipublicæ procedunt: nobilitatem locum invadendi quærere. Quò mihi acriùs adnendum est, uti neque vos capiamini, et illi frustrà sint, Ita ad hoc ætatis à pueritiâ fui, ut omnis labores, pericula consueta habeam. Quæ ante vestra beneficia gratuitò faciebam, ea uti, acceptâ mercede, deseram, non est consilium, Quirites. Illis difficile est in potestatibus temperare, qui per ambitionem sese probos simulavère: mihi, qui omnem ætatem in optimis artibus egi, bene facere jam ex consuetudine in naturam vertit. Bellum me gerere cum Jugurthâ jussistis: quam rem nobilitas ægerrumè tulit. Quæso, reputate cum animis vestris, num id mutari melius sit, si quem ex illo globo nobilitatis ad hoc, aut aliud tale negotium, mittatis; hominem veteris prosapiæ ac multarum imaginum, et nullius stipendii: scilicèt, ut in tantâ re, ignarus omnium, trepi-*

*det, festinet, sumat aliquem ex populo monitorem officii sui. Ita plerumquè evenit; uti, quem vos imperare jussistis, is sibi imperatorem alium quærat. At ego scio, Quirites, qui, postquam consules facti sunt, arta majorum, et Græcorum militaria præcepta, legere cæperint; homines præposter! Nam gerere, quàm fieri, tempore posterius, re utque usu prius, est. Comparete nunc, Quirites, cum illorum superbiâ me hominem novum. Quæ illi audire et legere solent, eorum partem vidi, alia egomet gessi: quæ illi litteris, ea ego militando didici. Nunc vos existimate, facta, an dicta pluris sint. Contemnunt novitatem meam; ego illorum ignaviam. Mihi fortuna, illis probra objectantur. Quamquàm ego naturam unam et communem omnium existumo; sed fortissimum quemque generosissimum esse. Ac si jam ex patribus Albini aut Bestiæ quæri posset, mene, an illos, ex se gigni maluerint: quid responsuros creditis, nisi, sese liberos quàm optimos voluisse? Quòd si jure me despiciunt, faciant idem majoribus suis; quibus, uti mihi, ex virtute nobilitas cæpit. Invident honori meo: ergo invideant labori, innocentiae, periculis etiam meis; quoniam per hæc illum cepi. Verum homines corrupti superbiâ ita ætatem agunt, quasi honores vestros contemnant; ita hos petunt, quasi honestè vixerint. Næ illi falsi sunt, qui diversissimas res pariter expectant, ignaviæ voluptatem, et præmia, virtutis. Atque etiam, cùm apud vos aut in senatu, verba faciunt, plerâque oratione majores suos extollunt: eorum fortia facta memorando, clariores sese putant: quod contrà est. Nam, quantò vita illorum præclarior, tantò horum socordiu flagitiosior. Et profectò ita se res habet: majorum gloria posteris lumen est; neque bona neque mala eorum in occulto patitur. Hujusce rei ego inopiam patior, Quirites: verùm id, quod multò præclarius est, meamet facta mihi dicere licet. Nunc videte, quàm iniqui sint. Quod ex alienâ virtute sibi arrogant, id mihi ex meâ non concedunt: scilicèt, quia imagines non habeo, et quia mihi nova nobilitas est: quam certè peperisse melius est, quàm acceptam corrupisse. Equidem ego non ignoro, si jam mihi respondere velint, abundè illis faciendam et compositam*

orationem fore. Sed in maximo vestro beneficio, cum omnibus locis me vosque maledictis lacerent, non placuit reticere, nè quis modestiam in conscientiam duceret. Nam me quidam, ex animi sententiâ, nulla oratio laedere potest: quippe vera, necesse est benè prædicet: falsam vita moresque mei superant. Sed quoniam vestra consilia accusantur, qui mihi summum honorem et maximum negotium imposuistis; etiam atque etiam reputate, num id pœnitendum sit. Nam possum, fidei causâ, imagines, neque triumphos, aut consulatus, majorum meorum ostentare: at, si res postulet, hastas, vexillum, phaleras, alia dona militaria, præterea cicatrices adorso corpore: hæ sunt meæ imagines, hæc nobilitas, non hæreditate relicta, ut illa illis; sed quæ ego plurimis meis laboribus et periculis quæsi. Non sunt composita verba mea; parum id facio; ipsa se virtus satis ostendit: illis artificio opus est, uti turpia facta oratione tegant. Neque litteras Græcas didici: parum placebat eas discere, quippe quæ ad virtutem doctoribus nihil profuerunt. At illa multò optima reipublicæ doctus sum: hostis ferire; præsidia agitare; nihil metuere, nisi turpem famam; hyemem et æstatem juxtâ pati; humi requiescere; eodem tempore inopiam et laborem tolerare. His ego præceptis milites hortabor: neque illos artè colam, me opulenter; neque gloriam meam laborem illorum faciam. Hoc est utile, hoc civile imperium. Namque, cum tutè per mollitiem agas, exercitum supplicio cogere, hoc est dominum, non imperatorem, esse. Hæc, atque talia, majores vestri faciundo, sequere remque publicam celebravere: quis nobilitas freta, ipsa dissimilis moribus, nos, illorum æmulos, contemnit; et omnis honores, non ex merito, sed quasi debitos, à vobis repetit. Cæterum homines superbissimi procul errant. Majores eorum omnia, quæ licebat, illis reliquere; divitias, imagines, memoriam sui præclavam: virtutem non reliquere; neque poterant: ea sola neque datur dono, neque accipitur. Sordidum me et incultis moribus aiunt; quia parum scitè convivium exorno; neque histrionem ullum, neque pluris pretii coquum, quàm villicum, habeo. Quæ mihi lubet confiteri, Quirites. Nam et ex parente meo, et ex aliis sanctis viris, ita accepi: munusculas mulieribus, vi

ris laborem, convenire; omnibusque bonis oportere plus gloriæ, quàm divitiarum, esse; arma, non suppellectilem, decori esse. Quin ergo, quod juvat, quod carum æstumant, id semper faciant: ament, potens: ubi adolescentiam habuere, ibi senectutem agant, in conviviiis, dediti ventri, et turpissimæ parti corporis: sudorem, pulcrem, et alia talia relinquunt nobis, quibus illa epulis jucundiora sunt. Verùm non ita est: nam, ubi se flagitiis dedecorare turpissimi viri, bonorum præmia ereptum eunt. Ita injustissimè luxuria et ignavia, pessumæ artes, illis, qui colere eas, nihil efficiunt; reipublicæ innoxie cladi sunt. Nunc, quoniam illis, quantum mores mei, non illorum flagitia, poscebant, respondi: pauca de reipublica loquar. Primum omnium, de Numidia bonum habetote animum, Quirites. Nam quæ ad hoc tempus Jugurtham tutata sunt, omnia removistis, avaritiam, imperitium, superbiam. Dein exercitus ibi est locorum sciens, sed meherculè magis strenuus, quàm felix. Nam magna pars ejus avaritiâ aut temeritate ducum attrita est. Quamobrem vos, quibus militaris ætas est, adnitimini mecum, et capessite rempublicam: neque quemquam ex calamitate aliorum, aut imperatorum superbiâ, metus ceperit. Egomet, in agmine, in prælio, consultor idem, et socius periculi, vobiscum adero; neque vosque in omnibus rebus juxta geram. Et profectò, diis jurantibus, omnia matura sunt, victoria, præda, laus: quæ si dubia aut procul essent, tamen omnis bonos reipublicæ subtemere decet. Etenim nemo ignaviâ immortalis factus: neque quisquam parens liberis, ut æterni forent, optavit: magis, uti boni honestique vitam exigent. Plura dicerem, Quirites, si timidis virtutem verba adderent: nam strenuis abundè dictum puto.

Hujusmodi oratione habitâ; Marius, postquàm plebis animos arrectos videt, properè commeatu, stipendio, armis, aliisque utilibus navis onerat. Cum his A. Manlium legatum proficisci jubet. Ipse interea milites scribere, non more majorum, neque ex classibus, sed uti cujusque libido erat, capite censos plerosque. Id factum alii inopiâ bonorum, alii per ambitionem consulis memo-

rabant, quòd ab eo genere celebratus auctusque erat; et homini potentiam quærenti egentissimus quisque opportunissimus; cui neque sua curæ (quippe quæ nulla sunt,) et omnia cum pretio honesta videntur. Igitur Marius cum aliquantò majore numero, quàm decretum orat, in Africam profectus, paucis diebus Uticam advehitur. Exercitus ei traditur à P. Rutilio legato: nam Metellus conspectum Marii fugerat, nè videret ea, quæ audita animus tolerare nequiverat. Sed consul, expletis legionibus cohortibusque auxiliariis, in agrum fertilem et prædâ onustum proficiscitur. Omnia ibi capta militibus donat. Dein castella et oppida naturâ et viris parùm munita aggreditur: prælia multa, cæterùm alia levia aliis locis facere. Interim novi milites sine metu pugnæ adesse: videre fugientis capi, aut occidi; fortissimum quemque tutissimum; armis libertatem, patriam, parentesque, et alia omnia, tegi: gloriam atque divitias quæri. Sic brevi satio novi veteresque coaluere, et virtus omnium æqualis facta. At reges, ubi de adventu Marii cognoverunt, diversi in locos difficiles abeunt; ita Jugurthæ placuerat, speranti, mox effusos hostis invadi posse: Romanos, sicuti plerosque, remoto metu, laxiùs licentiùsque, futuros. Metellus interea Romam profectus, contra spem suam, lætissimis animis excipitur: plebi patribusque, postquàm invidia decesserat, juxtâ carus. Sed Marius impigrè prudenterque suorum et hostium res pariter attendere: cognoscere quid boni utrisque, aut contrà esset; explorare itinera regum: consilia et insidias eorum anteverire: nihil apud se remissum, neque apud illos tutum, pati. Itaque et Gætulos, et Jugurtham, ex sociis nostris prædam agentes, sæpè, aggressus in itinere, fuderat; ipsumque regem, haud procul ab oppido Cirtâ, armis exuerat. Quæ postquàm gloriosa modò, neque belli patrandi, cognovit: statuit urbis, quæ viris aut loco pro hostibus, et advorsum se, opportunissimæ erant, singulas circumvenire: ita Jugurtham aut præsidis nudatum, si ea pateretur, aut prælio certaturum. Nam Bocchus nuncios sæpè ad eum miserat, velle populi Romani amicitiam, nè quid ab se hostile timeret. Id simulaveritne, quò improvisus gravior accederet, an, mobilitate ingenii, pacem atque tellum mutare solitus, parum exploratum est. Sed consul,

utî statuerat, oppida castellaque munita adire : partim vi, alia metu, aut præmia ostentando, avertere ab hostibus. Ac primò mediocria gerebat, existumans Jugurtham ob suos tutandos in manus venturum. Sed, ubi illum procul abesse, et aliis negotiis intentum, accepit ; majora et magis aspera aggredi tempus visum est. Erat inter ingentes solitudines oppidum magnum atque valens, nomine Capsa ; cujus conditor Hercules Libys memorabatur. Ejus cives apud Jugurtham immunes, levi imperio, et ob ea fidelissimi, habebantur ; muniti advorsum hostes non mœnibus modò, et armis atque viris, verum etiam multò magis locorum asperitate. Nam, præter oppido propinqua, alia omnia vasta, inculta, egentia aquæ, infesta serpentibus : quarum vis, sicut omnium ferarum, inopiâ cibi acrior : ad hoc, natura serpentium ipsa perniciosa, siti magis, quàm aliâ re, accenditur. Ejus potiundi Marium maxima cupido invaserat, cum propter usum belli, tum quia res aspera videbatur : et Metellus oppidum Thalam magnâ gloriâ ceperat, haud dissimiliter situm munitumque ; nisi quòd apud Thalam non longè mœnibus aliquot fontes erant. Capsenses unâ modò, atque eâ intra oppidum, jugi aquâ, cæterâ pluvîâ utebantur. Id ibique, et in omni Africâ, qui procul à mari incultius agebant, eò facilius tolerabatur, quia Numidæ plerumque lacte et ferina carne vescebantur, et neque salem, neque alia gulæ irritamenta, quærebant. Cibus illis advorsum famem et sitim, non lubricum, neque luxuriæ, erat. Igitur consul, omnibus exploratis ; credo, diis fretus ; (nam contra tantas difficultates consilio satis providere non poterat ; quippe etiam frumenti inopiâ tentabatur ; quòd Numidæ pabulo pecoris magis, quàm arvo student : et quodcumque natum fuerat, jussu regis in loca munita contulerant ; ager autem aridus et frugum vacuus eâ tempestate ; nam æstatis extremum erat ;) tamen, pro rei copiâ, satis providenter exornat ; pecus omne, quod superioribus diebus prædæ fuerat, equitibus auxiliariis agendum attribuit : A. Manlium legatum cum cohortibus expeditis ad oppidum Laris, ubi stipendium et commeatum locaverat, ire jubet ; dicitque se prædabundum post pactus dies eodè venturum. Sic, incepto suo occultato, pergit ad flumen Tanaïm. Cæterum in itinere



quotidiè pecus exercitui per centurias, item turmas, æqualiter distribuerat; et, ex coriis utres uti fierent, curabat: simul et inopiam frumenti lenire, et, ignaris omnibus, parare, quæ mox usui forent; denique, sexto die, cùm ad flumen ventum est, maxuma vis utrius effecta. Ibi, castris levi munimento positis, milites cibum capere; atque, uti simul cum occasu solis egredierentur, paratos esse jubet; omnibus sarcinis abjectis, aquâ modò seque et jumenta onerare. Dein, postquàm tempus visum, castris egreditur; noctemque totam itinere facto, consedit: idem proxumâ facit. Dein tertiâ, multò ante lucis adventum, pervenit in locum tumultuosum, ab Capsâ non ampliùs duùm millium intervallo; ibique, quàm occultissumè potest, cum omnibus copiis opperitur. Sed, ubi dies cœpit; et Numidæ, nihil hostile metuentes, multò oppido egressi; repentè omnem equitatum, et cum his velocissimos pedites, cursu tendere ad Capsam, et portas obsidere, jubet; deinde ipse intentus properè sequi, neque milites prædari sinere. Quæ postquàm oppidani cognovère; res trepidæ, metus ingens, malum improvisum, ad hoc pars civium extra mœnia in hostium potestate, coëgere, uti deditionem facerent. Cæterùm oppidum incensum: Numidæ puberes interfecti; alii omnes venundati: præda militibus divisa. Id facinus contra jus belli, non avaritiâ, neque scelere consulis, admissum; sed, quia locus Jugurthæ opportunus, nobis aditu difficilis; genus hominum mobile, infidum, antè neque beneficio, neque metu coërcitum. Postquàm tantam rem Marius sine ullo suorum incommodo patravit; magnus et clarus antea, major atque clarior haberi cœpit. Omnia non benè consulta in virtutem trahebantur: milites, modesto imperio habiti, simul et locupletes, ap cælum ferre: Numidæ magis, quàm mortalem, timere: postremò, socii atque hostes credere, illi aut mentem divinam esse, aut deorum nutu cuncta portendi. Sed consul, ubi ea res benè evenit, ad alia oppida pergit: pauca, repugnantibus Numidis, capit; plura, deserta propter Capsensium miseras, igni corrumpit. Luctu atque cæde omnia complentur. Denique, multis locis potitus, ac plerisque exercitu incruento, aliam rem aggreditur, non eâdem asperitate, quâ Capsensium, cæterùm haud secùs diffici-

lem. Namque haud longè à flumine Muluchâ, quod Jugurthæ Bocchique regnum disjungebat, erat inter cæteram planitiem mons saxeus, mediocri castello, satis patens, immensum editus, uno perangusto aditu relicto: nam omnia natura, velut opere atque consulto, præceps. Quem locum Marius, quod ibi regis thesauri erant, summâ vi capere intendit: sed ea res sorte, quàm consilio, meliùs gesta. Nam castello virorum atque armorum satis magna vis, et frumenti, et fons aquæ: aggeribus turribusque, et aliis machinationibus locus importunus. Iter castellanorum angustum admodum, utrimque præcisum. Vineæ cum ingenti periculo frustrâ agebantur: nam, cum eæ paulò processerant, igni aut lapidibus corrumpebantur. Milites neque pro opere consistere, propter iniquitatem loci: neque inter vineas sine periculo administrare: optumus quisque cadere, aut sauciari; cæteris metus augeri. At Marius, multis diebus et laboribus consumptis, anxius trahere cum animo suo, omitteretne inceptum, quoniam frustrâ erat, an fortunam opperiretur, quâ sæpè prosperè usus fuerat. Quæ cum multos dies noctesque æstuans agitaret; fortè quidam Ligus, ex cohortibus auxiliariis miles gregarius, castris aquatum egressus, haud procul ab latere castelli, quod advorsum præliantibus erat, animadvertit inter saxa repentes cochleas: quarum cum unam atque alteram, dein plures peteret, studio legundi paulatim propè ad isummum montis egressus est. Ubi, postquam solitudinem intellexit, more humanæ cupidinis ignara visundi, animum vortit. Et fortè in eo loco grandis ilex coaluerat inter saxa, paululum modò prona, dein flexa, atque aucta in altitudinem, quò cuncta gignentium natura fert: cujus ramis modò, modò eminentibus saxis, nisus Ligus, castelli planitiem perscribit; quò cuncti Numidæ intenti præliantibus aderant. Exploratis omnibus, quæ mox usui fore ducebat, eodè regreditur, non temerè, ut adscenderat, sed tentans omnia et circumspiciens. Itaque Marium propè adit; acta edocet; hortatur, ab eâ parte, quâ ipse descenderat, castellum tentet; pollicetur sese itineris periculique ducem. Marius cum Ligure promissa ejus cognitum ex præsentibus misit: quorum, uti cujusque

ingenium erat, ita rem difficilem aut facilem renunciavère. Consul is animus tamen paululùm arrectus. Itaque ex copiâ tubicinum et cornicinum, quinque numero quàm velocissimos delegit, et cum his, præsidio qui forent, quatuor centuriones: omnîsque Liguri parere jubet: et ei negotio proximum diem constituit. Sed, ubi ex præcepto tempus visum; paratis compositisque omnibus, ad locum pergit. Cæterùm illi, qui centuriis præerant, prædocti ab duce, arma ornatumque mutaverant; capite atque pedibus nudis, uti prospectus nisusque per saxa faciliùs foret; super terga gladii et scuta; verùm ea Numidica, ex coriis, ponderis gratiâ simul, et, offensa, quò leniùs streperent. Igitur prægrediens Ligus saxa, et si quæ vetustate radices eminebant, laqueis vinciebat; quibus allevati milites, faciliùs adscenderent: interdùm timidos insolentiâ itineris levare manu: ubi paulò asperior adscensus erat, singulos præ se inermes mittere: dein ipse cum illorum armis sequi: quæ dubia nisui videbantur potissimum tentare: ac, sæpiùs eadem adscendens ac descendens, dein statim digrediens, cæteris audaciam addere. Igitur diù multumque fatigati, tandem in castellum perveniunt, desertum ab eâ parte; quòd omnes, sicut aliis diebus, advorsum hostes aderant. Marius, ubi ex nunciis, quæ Ligus egerat, cognovit: quamquàm toto die intentos prælio Numidas habuerat; tum verò, cohortatus milites, et ipse extra vineas egressus, testudine actâ succedere, et simul hostem tormentis sagittariisque et funditoribus eminùs terrere. At Numidæ, sæpè antea vineis Romanorum subversis, item incensis, non castelli mœnibus sesse tutabantur; sed pro muro dies noctesque agitare: maledicere Romanis; ac Mario vecordiam obiectare; militibus nostris Jugurthæ servitium minari; secundis rebus feroces esse. Interim, Romanis omnibus hostibusque prælio intentis, magnâ vi utrimque, pro gloriâ atque imperio his, illis pro salute certantibus, repente à tergo signa canere: ac primò mulieres, et pueri, qui visum processerant, fugere; deindè, uti quisque muro proximus erat; postremò, cuncti armati inermesque. Quod ubi accidit: eò acriùs Romani instare, fundere, ac plerosque tantummodò sauciare: dein super occisorum corpora vadere, avidi gloriæ, certantes murum petere;

neque quemquam omnium prædâ morari. Sic fortè correcta Marii temeritas gloriam ex culpâ invenit.

Cæterum, dum ea res geritur, L. Sulla, quæstor, cum magno equitatu in castra venit; quos uti ex Latio et à sociis cogeret, Romæ relictus erat. Sed quoniam nos tanti viri res admonuit, idoneum visum est de naturâ cultuque ejus paucis dicere. Neque enim alio loco de Sullæ rebus dicturi sumus: et L. Sisenna, optumè et diligentissumè omnium qui ea res dixere, persecutus, parum mihi libero ore locutus videtur. Igitur; Sulla gentis patriciæ nobilis fuit, familia propè jam extinctâ, majorum ignaviâ; litteris Græcis, atque Latinis juxtâ, atque doctissumè eruditus: animo ingenti; cupidus voluptatum, sed gloriæ cupidior: otio luxurioso esse; tamen ab negotiis numquam voluptas remorata, nisi quod de uxore potuit honestiùs consuli: facundus, callidus, et amicitîâ facilis: ad simulanda negotia altitudo ingenii incredibilis; multarum rerum, ac maxumè pecuniæ, largitor; atque illi, felicissimo omnium ante civilem victoriam, nunquam super industriam fortuna fuit: multique dubitavere, fortior, an felicior esset. Nam, postea quæ fecerit, incertum habeo, pudeat magis, an pigeat disserere. Igitur Sulla, uti suprâ dictum est, postquam in Africam atque in castra Marii cum equitatu venit rudis antea et ignaris belli, sollertissimus omnium in paucis tempestatibus factus est. Ad hoc, milites benignè appellare; multis rogantibus, aliis per se ipse dare, beneficia invitus accipere; sed ea properantiùs, quàm æs mutuum reddere: ipse ab nullo repetere: magis id laborare, ut illi quàm plurimi deberent: joca atque seria cum humillimis agere. In operibus, in agmine, atque ad vigilias, multus adesse: neque interim, quod prava ambitio solet, consulis, aut cujusquam boni, famam lædere: tantummodò neque consilio, neque manu, priorem alium pati: plerosque antevenire. Quibus rebus et artibus brevè Mario militibusque carissimus factus.

At Jugurtha, postquam oppidum Capsam aliosque locos munitos et sibi utilis, simul et magnam pecuniam, amiserat; ad Bocchum nuncios mittit, quàm primùm in Numidiam copias adduceret: prælii faciendi tempus adesse. Quem ubi cunctari accepit, dubium belli atque

pacis rationes trahere ; rursus, ut antea, proximos ejus donis corrumpit ; ipsique Mauro pollicetur Numidiæ tertiam partem, si aut Romani Africâ expulsi, aut, integris suis finibus, bellum compositum foret. Eo præmio illectus, Bocchus cum magnâ multitudine Jugurtham accedit. Ita, amborum exercitu conjuncto, Marius jam in hyberna proficiscentem, vix decimâ parte die reliquâ, invadunt ; rati noctem, quæ jam aderat, victis sibi munimento fore ; et, si vicissent, nullo impedimento, quia locorum scientes erant : contra, Romanis utrumque casum in tenebris difficiliorem fore. Igitur, simul consul ex multis de hostium adventu cognovit, et ipsi hostes aderant ; et prius, quàm exercitus aut instrui, aut sarcinas colligere ; denique, antequàm signum, aut imperium ullum accipere quivit : equites Mauri, atque Gætuli, non acie, neque ullo more prælii, sed catervatim, uti quosque fors conglobaverat, in nostros incurrunt. Qui omnes, trepidi improviso metu, attamen virtutis memores, aut arma capiebant, aut capientis alios ab hostibus defensabant : pars equos adscendere, obviam ire hostibus : pugna latrocinio magis, quàm prælio, similis fieri ; sine signis, sine ordinibus, equites, pedites permixti, cedere alios, alios obtruncare ; multos, contra adversos acerrumè pugnantes, ab tergo circumvenire : neque virtus, neque arma satis tegere ; quòd hostes numero plures, et undique circumfusi erant : denique Romani veteres, novique, et ob ea, scientes belli, si quos locus aut casus conjunxerat, orbes facere ; atque ita, ab omnibus partibus simul tecti et instructi, hostium vim sustentabant. Neque in eo tam aspero negotio Marius territus, aut magis, quàm antea, demisso animo fuit ; sed cum turmâ suâ, quam ex fortissimis magis, quàm familiarissimis, paraverat, vagari passim ; ac modò laborantibus suis succurrere ; modò hostis, ubi confertissimi obstiterant, invadere : manu consulere militibus, quoniam imperitare, conturbatis omnibus, non poterat. Jamque dies consumptus erat ; cùm tamen barbari nihil remittere ; atque, uti reges præceperant, noctem pro se rati, acrius instare. Tum Marius ex copiâ rerum consilium trahit ; atque, uti suis receptui locus esset, collis quos propinquos inter se occupat ; quorum in uno, castris parùm amplo, fons

aquæ magnus erat ; alter usui opportunus, quia, magnâ parte editus, et præceps, pauca munimenta quærebat. Cæterum apud aquam Sullam cum equitibus noctem agitare jubet. Ipse milites dispersos paulatim, neque minus hostibus conturbatis, in unum contrahit ; dein cunctos pleno gradu in collem subducit. Ita reges, loci difficultate coacti, prælio deterrentur : neque tamen suos longius abire sinunt ; sed, utroque colle multitudine circumdato, effusi consedère. Dein, crebris ignibus factis, plerumque noctis barbari, more suo, lætari, exsultare, strepere vocibus : et ipsi duces feroces, quòd non fugère ; ac pro victoribus agere. Sed ea cuncta Romanis, ex tenebris et editioribus locis, facilia visu, magnoque hortamento erant. Plurimum verò Marius imperitiâ hostium confirmatus, quàm maxumum silentium haberi jubet ; nè signa quidem, uti per vigilias solebant, capere : dein, ubi lux adventabat, defessis jam hostibus, ac paulò antè somno captis, de improvviso vigiles, item cohortium, turmarum, legionum tubicines, simul omnîs signa canere, milites clamorem tollere, atque portis erumpere. Mauri atque Gætuli, ignoto atque horribili sonitu repente exciti, neque fugere, neque arma capere, neque omnino facere aut providere quidquam, poterant. Ita cunctos strepitu, clamore, nullo subveniente, nostris instantibus, tumultu, terrore, formido, quasi vecordia, ceperat : denique, omnes fusi fugatique : arma et signa militaria pleraque capta : pluresque eo prælio, quàm omnibus superioribus, interempti ; nam somno et metu insolito impedita fuga. Dein Marius, uti cœperat, in hyberna proficiscitur, quæ propter commeatum in oppidis maritumis agere decreverat ; neque tamen victoriâ socors aut insolens factus ; sed pariter, atque in conspectu hostium, quadrato agmine incedere. Sulla cum equitatu apud dextimos ; in sinistrâ parte A. Manlius, cum funditoribus et sagittariis, prætereà cohortes Ligurum, curabat : primos et extremos cum expeditis manipulis tribunos locaverat. Perfugæ, regionum scientissimi, hostium iter explorabant. Simul consul, quasi nullo imposito, omnia providere ; apud omnîs adesse ; laudare, increpare merentis. Ipse, armatus iutentusque, item milites cogeat : neque secus, atque iter faceret, castra munire, excubitu in

portis cohortis ex legionibus, pro castris equites auxilia-  
rios mittere: prætereà alios super vallum in munimentis  
locare; vigilias ipse circuire, non tam diffidentia futuri,  
quæ imperavisset, quàm uti militibus exæquatus cum  
imperatore labos volentibus esset. Et sanè Marius, il-  
loque et aliis temporibus Jugurthini belli, pudore magis,  
quàm malo, exercitum coërcebat: quod multi per ambi-  
tionem fieri aiebant; pars, quòd à pueritià consuetam  
duritiem, et alia, quæ cæteri miserias vocant, voluptati  
habuisset. Nisi tamen respublica pariter, ac sævissumo  
imperio, benè atque decorè gesta. Igitur quarto denique  
die, haud longè ab oppido Cirtà, simul undique specula-  
tores citi sese ostendunt; quâ re hostis adesse intelligitur.  
Sed quia divorsi redeuntes, alius ab aliâ parte, atque om-  
nes idem significabant; consul incertus, quonam modo  
aciem instrueret, nullo ordine commutato, advorsum om-  
nia paratus, ibidem opperitur. Igitur Jugurtham spes  
frustrata; qui copias in quatuor partibus distribuera-  
t, ratus ex omnibus æquè aliquos ab tergo hostibus venturos.  
Interim Sulla, quem primum hostes attigerant, cohorta-  
tus suos, turmatim et quàm maxumè confertis equis  
ipseque aliique Mauros invadunt; cæteri, in loco manen-  
tes, ab jaculis eminùs emissis corpora tegere, et, si qui  
in manus venerant, obtruncare. Dum eo modo equites  
proeliantur; Bocchus cum peditibus, quos Volux filius  
ejus adduxerat; neque in priore pugnâ, in itinere mora-  
ti, adfuerant; postremam Romanorum aciem invadunt.  
Tum Marius apud primos agebat, quòd ibi Jugurtha cum  
plurimis erat. Dein Numida, cognito Bocchi adventu,  
clàm cum paucis ad pedites convortit; ibi Latinè (nam  
apud Numantiam loqui didicerat,) exclamat: *Nostris  
frustrà pugnare: paulò antè Marium suâ manu inter-  
fectum*: simul gladium sanguine oblītum ostendere,  
quem in pugnâ, satis impigrè occiso pedite nostro, cru-  
entaverat. Quod ubi milites accepère; magis atrocitate  
rei, quàm fide nuncii, terrentur: simulque barbari ani-  
mos tollere, et in percussos Romanos acriùs, incedere.  
Jamque paulum à fugâ aberat; cùm Sulla, profligatis iis,  
quos advorsum ièrat, rediens, ab latere Mauros incurrit.  
Bocchus statim avertitur. At Jugurtha; dum susten-  
tare suos, et propè jam adeptam victoriam retinere, cupit;

circumventus ab equitibus dextrâ ; sinistrâ omnibus occisis ; solus, inter tela hostium, vitabundus erumpit. Atque interim Marius, fugatis equitibus, accurrit auxilio suis, quos pelli jam acceperat. Denique hostes jam undique fusi. Tum spectaculum horribile in campis patentibus : sequi, fugere ; occidi, capi ; equi atque viri afflicti ; ac multi, vulneribus acceptis, neque fugere posse, neque quietem pati ; niti modò, ac statim concidere ; postremò omnia, quâ visus erat, constrata telis, armis, cadaveribus ; et inter ea humus infecta sanguine. Postea loci consul, haud dubiè jam victor, pervenit in oppidum Cirtam, quò initio profectus intenderat. Eò post diem quintum, quàm iterum barbari malè pugnaverant, legati à Boccho veniunt ; qui regis verbis à Mario petivère, duos quàm fidissimos ad eum mitteret : velle de suo et de populi Romani commodo cum iis disserere. Ille statim L. Sullam et A. Manlium ire jubet. Qui quamquam acciti ibant : tamen placuit verba apud regem facere : ingenium aut avorsum uti flecterent ; aut cupidum pacis vehementius accenderent. Itaque Sulla, cujus facundiæ, non ætati, à Manlio concessum, pauca verba hujusmodi locutus :

*Rex Bocche, magna lætitia nobis est, cùm te talem virum dii monière, uti aliquando pacem, quàm bellum, malles ; neu te optimum, cum pessimo omnium Jugurthâ miscendo, commaculares ; simul nobis demeres acerbam necessitudinem, pariter te errantem et illum sceleratissimum persequi. Ad hoc, populo Romano, jam à principio inopi, melius visum, amicos, quàm servos, quærere ; tutius rati, volentibus, quàm coactis imperitare. Tibi verò nulla opportuniior amicitia nostrâ : primùm, quòd procul absumus ; in quo offensæ minimum ; gratia par, ac si propè adessemus ; dein, quòd parentes abundè habemus ; amicorum neque nobis, neque cuiquam omnium, satis fuit. Atque hoc utinam à principio tibi placuisset ! Profectò ex populo Romano ad hoc tempus multò plura bona accepisses, quàm mala perpressus es. Sed, quoniam humanarum rerum fortuna pleraque regit : qui scilicèt placuit et vir et gratiam nostram experiri : nunc, quandò per illar licet, festina, atque, uti cœpisti, perge : multa atque opportuna habes, quò faciliùs errata officiis superes. Postremò,*



*hoc in pectus tuum demitte, numquam populum Romanum beneficiis victum esse. Nam, bello quid valeat, tute scis.*

Ad ea Bocchus placidè, et benignè simul, pauca pro delicto suo verba facit: “Se non hostili animo, sed ob regnum tudandum, arma cepisse. Nam Numidiæ partem, unde Jugurtham expulerat, jure belli suam factam: eam vastari à Mario pati nequivisse. Præterea, missis antea Romam legatis, repulsum ab amicitia. Cæterum vetera omittere; ac tum, si per Marium liceret, legatos ad senatum missurum.” Dein, copiâ factâ, animus barbari ab amicis flexus, quos Jugurtha, cognitâ legatione Sullæ et Manlii, metuens id quod parabatur, donis corruperat. Marius interea, exercitu in hybernaculis composito, cum expeditis cohortibus et parte equitatus proficiscitur in loca sola, obsessum turrim regiam, quò Jugurtha perfugas omnis præsidium imposuerat. Tum rursus Bocchus; seu reputando quæ sibi duobus præliis evererant; seu admonitus ab aliis amicis, quos incorruptos Jugurtha reliquerat; ex omni copiâ necessariorum quinque delegit, quorum et fides cognita, et ingenia validissima erant: eos ad Marium, ac dein, si placeat, Romam, legatos ire jubet: agendarum rerum, et quocumque modo belli componendi, licentiam ipsis permittit. Illi maturè ad hyberna Romanorum proficiscuntur. Dein, à Gætulis latronibus in itinere circumventi spoliatique, pavidi, sine decore ad Sullam profugiant; quem consul, in expeditionem proficiscens, pro prætore reliquerat. Eos ille non pro vanis hostibus, uti meriti erant, sed accuratè et liberaliter habuit. Quâ re barbari et famam Romanorum avaritiæ falsam, et Sullam, ob munificentiam in sese, amicum rati. Nam etiam tum largitio multis ignota erat: munificus nemo putabatur, nisi pariter volens: dona omnia in benignitate hebebantur. Igitur quæstori mandata Bocchi patefaciunt: simul ab eo petunt, ut fautor consultorque sibi adsit: copias, fidem, magnitudinem regis sui, et alia, quæ aut utilia aut benevolentia esse credebant, oratione extollunt: dein, Sullâ omnia pollicito, docti, quo modo apud Marium, item apud senatum verba facerent, circiter dies XL. ibidem operiuntur. Marius postquam, infecto, quò intenderat

negotio, Cirtam redit. De adventu legatorum certior factus, illosque et Sullam venire jubet, itemque L. Bellienum prætorem Uticâ, prætereâ omnis undique senatorii ordinis; quibuscum mandata Bocchi cognoscit: in quibus, legatis potestas eundi Romam fit: ab consule intereâ induciæ postulabantur. Ea Sullæ et plerisque placuere: pauci ferocius decernunt, scilicet ignari humanarum rerum, quæ fluxæ et mobiles semper in advorsa mutant. Cæterum Mauri, impetratis omnibus, tres Romam profecti sunt cum Cn. Octavio Rufone, qui quæstor stipendium in Africam portaverat; duo ad regem redeunt. Ex his Bocchus cum cætera, tum maxumè benignitatem et studium Sullæ, accepit. Romæque legatis ejus, postquàm errâsse regem, et Jugurthæ scelere lapsum, deprecati sunt, amicitiam et fœdus petentibus hoc modo respondetur:

*S. P. Q. R. beneficii et injuriæ memor esse solet. Cæterum Boccho, quoniam pœnitet, delicti gratiam facit. Fœdus et amicitia dabuntur, cùm meruerit.*

Quibus rebus cognitis, Bocchus per litteras à Mario petivit, uti Sullam ad se mitteret; cujus arbitrato communibus negotiis consuleretur. Is missus cum præsidio equitum atque peditum, funditorumque Baleariûm: prætereâ iære sagittarii, et cohors Peligna cum velitaribus armis itineris properandi causâ: neque his secus, atque aliis armis, advorsus tela hostium, quod ea levia sunt, muniti. Sed in itinere, quinto denique die, Volux, filius Bocchi, repentè in campis patentibus cum mille non ampliùs equitibus sese ostendit: qui, temerè et effusè euntes, Sullæ aliisque omnibus et numerum ampliorem vero, et hostilem metum efficiebant. Igitur sese quisque expedire; arma atque tela tentare; intendere: timor aliquantus, sed spes amplior, quippe victoribus, et advorsum eos, quos sæpè vicerant. Interim equites, exploratum præmissi, rem, ut erat, quietam nunciant. Volux, adveniens, quæstorem appellat; se à patre Boccho obviàm illis, simul et præsidio, missum. Dein eum et proximum diem sine metu conjuncti eunt. Pòst, ubi castra locata, et diei vesper erat, repentè Maurus, incerto vultu, pavens, ad Sullam accurrit; dicitque sibi ex speculatoribus cognitum, Jugurtham haud procul

abesse : simul, uti noctu clam secum profugeret, rogat atque hortatur. Ille animo feroci negat se toties fusum Numidam pertimescere : virtuti suorum satis credere : etiam si certa pestis adesset, mansurum potius, quam, proditis quos ducebat, turpi fugam incertam, ac forsitan post paulum morbo interituram, vite parceret. Ceterum ab eodem monitus, uti noctu proficiscerentur, consilium adprobat : ac statim milites coenatos esse in castris, ignisque quam creberrimos fieri, dein primam vigiliam silentio egredi, jubet. Jamque nocturno itinere fessis omnibus, Sulla pariter cum ortu solis castra metabatur, cum equites Mauri nunciant, Jugurtham, circiter duum millium intervallo, ante eos consedissee. Quod postquam auditum est, tum vero ingens metus nostros invadit ; credere se proditos a Voluce, et insidiis circumventos. Ac fuere qui dicerent, manu vindicandum, neque apud illum tantum scelus inultum relinquendum. At Sulla, quamquam eadem existumabat, tamen ab injuria Maurum prohibet ; suos hortatur, uti fortem animum gererent : saepe ante paucis strenuis advorsum multitudinem bene pugnatum : quanto sibi in proelio minus pepercissent, tanto tutiores fore : nec decere quemquam, qui manus armaverit, ab inermis pedibus auxilium petere, et in maximo omnium metu nudum et caecum corpus ad hostis vortere. Dein Volucem, quoniam hostilia faceret, Jovem maximum obtestatus, uti sceleris atque perfidia Bocchi testis adesset, castris abire jubet. Ille lacrumans orare, ne ea crederet : nihil dolo factum, ac magis calliditate Jugurthae : cui, videlicet, spaculanti iter suum cognitum esset. Ceterum, quoniam neque ingentem multitudinem haberet, et spes opesque ejus ex patre suo penderent, credere illum nihil palam ausurum, cum ipse filius testis adesset. Quare optimum factum videri, per media ejus castra palam transire ; sese, vel praemissis, vel ibidem relictis Mauris, solum cum Sullam iturum. Ea res, ut in tali negotio, probata : ac statim profecti, quia de improvviso accesserant, dubio atque haesitante Jugurtham, incolumis transeunt. Dein paucis diebus, quod ire intenderant, perventum est. Ibi cum Boccho Numida quidam, Aspar nomine, multum et familiariter agebat ; praemissus ab Jugurtham, postquam Sullam accitum audierat, orator, et subdole speculatum

Bocchi consilia. Prætereà Dabar, Massugradæ filius, ex gente Masinissæ, cæterùm materno genere impar, (nam pater ejus ex concubinâ ortus erat,) Mauro ob ingenii multa bona carus acceptusque; quem Bocchus, fidum esse Romanis multis antea tempestatibus expertus, illicò ad Sullam nunciatum mittit, paratum sese facere, quæ populus Romanus vellet: colloquio diem, locum, tempus, ipse deligeret: consulta sese omnia cum illo integra habere: neu Jugurthæ legatum pertimesceret; quò res communis licentiùs gereretur: nam ab insidiis ejus aliter caveri nequivisse. Sed ego comperior, Bocchum magis Punicâ fide, quàm ob ea quæ prædicabat, simul Romanos et Numidam spe pacis attinuisse; multumque cum animo suo volvere solitum, Jugurtham Romanis, an illi Sullam, traderet: lubidinem advorsum nos, metum pro nobis, suasisse. Igitur Sulla respondit, pauca se coram Aspare locuturum: cætera occultè, aut nullo, aut quàm paucissimis præsentibus: simul edocet quæ sibi responderentur. Postquàm, sicuti voluerant, congressi: dicit, se missum à consule venisse quæsitum ab eo, pacem an bellum agiturus foret. Tum rex, uti præceptum fuerat, post diem decimum redire jubet; ac nihil etiam nunc decrevisse, sed illo die responsurum. Dein ambo in castra sua digressi. Sed, ubi plerumque noctis processit, Sulla à Boccho occultè accersitur; ab utroque tantummodò fidi interpetes adhibentur. Prætereà Dabar internuncius, sanctus vir, ex sententiâ ambobus jurat. Ac statim sic rex insipit:

*Namquàm ego ratus sum fore, uti, rex maximus in hâc terrâ, et omnium, quos novi, opulentissimus, privato homini gratiam deberem. Et herculè, Sulla, ante te cognitum, multis orantibus, aliis ultrò egomet optuli, nullius indigni, Id imminutum; quod cæteri dolere solent, ego lætor. Fuerit mihi pretium, eguisse aliquandò tuæ amicitiae; quâ apud animum meum nihil carius habeo. Id adeò experiri licet. Arma, viros, pecuniam, postremò quidquid animo libet, sume, utere; et, quoad vives, nunquam tibi redditam gratiam putaveris: semper apud me integra erit: denique nihil, me sciente, frustrà voles. Nam, ut ego existumo, regem armis, quàm munificentia, vinci, minùs flatigiosum. Cæterùm*

*de republicâ vestrâ, cujus curator huc missus es, paucis accipe. Bellum ego populo Romano neque feci, neque factum unquam volui: finis meos adversum armatos armis tutus sum. Id omitto, quandò vobis ità placet: gerite uti vultis, cum Jugurthâ bellum. Ego flumen Mulucham, quod inter me et Micipsam fuit, non egrediar; neque Jugurtham id intrare sinam. Prætereà, si quid meque vobisque dignum petiveris, haud repulsus abibis.*

Ad ea Sulla pro se breviter et modicè; de pace et de communibus rebus multis disseruit. Denique regi patefecit, quod polliceatur, senatum et populum Romanum, quoniam armis ampliùs valuissent, non in gratiâ habituros: faciendum aliquid, quod illorum magis, quàm suâ, retulisse videretur: id adeò in promptu esse, quoniam copiam Jugurthæ haberet; quem si Romanis tradidisset, fore ut illi plurimum deberetur; amicitiam, fœdus, Numidiæ partem, quam nunc peteret, tunc ultrò adventuram. Rex primum negitare: cognationem, affinitatem, prætereà fœdus, intervenisse; ad hoc metuere, nè, fluxâ fide usus, popularium animos averteret; quis et Jugurtha carus, et Romani invisi essent. Denique, sæpiùs fatigatus, leniter, et ex voluntate Sullæ, omnia se facturum promittit. Cæterùm ad simulandam pacem, cujus Numida, defessus bello, avidissimus, quæ utilia visa, constituunt. Ità, composito dolo, digrediuntur. Et rex postero die Asparem, Jugurthæ legatum, appellat; dicitque sibi per Dabarem ex Sullâ cognitum, posse conditionibus bellum componi: quamobrem regis sui sententiam exquireret. Ille lætus in castra Jugurthæ proficiscitur. Dein, ab illo cuncta edoctus, properato itinere, post diem octavum redit ad Bocchum; et ei nunciat, Jugurtham cupere omnia, quæ imperarentur, facere; sed Mario parùm fidere: sæpè antea cum imperatoribus Romanis pacem conventam frustrâ fuisse. Cæterùm Bocchus, si ambobus consultum et ratam pacem vellet, daret operam, ut unà ab omnibus, quasi de pace, in colloquium veniretur, ibique sibi Sullam traderet. Cùm talem virum in potestate habuisset, tum fore, uti, jussu S. P. Q. R., fœdus fieret; neque hominem nobilem, non suâ ignaviâ, sed ob rempublicam, in hostium potestate relictum

iri. Hæc Maurus secum ipse diù volvens tandem promissit. Cæterùm dolo, an verè cunctatus, parùm comperimus. Sed plerumque regiæ voluntates, uti vehementes, sic mobiles, sæpè ipsæ sibi advorsæ. Postea, tempore et loco constituto, in colloquium, uti de pace veniretur, Bocchus Sullam modò, modò Jugurthæ legatum appellare: benignè habere: idem ambobus pollicere. Illi pariter læti, ac spei bonæ pleni esse. Sed nocte eâ, quæ proxima fuit ante diem colloquio decretum, Maurus, adhibitis amicis, ac statim immutatâ voluntate, remotis cæteris, dicitur secum ipse multùm agitavisse, vultu, colore, ac motu corporis pariter atque animo varius, quæ scilicet, tacente ipso, occulta pectoris, oris immutatione, patefecisse. Tamen postremò Sullam accersi jubet: et, ex illius sententiâ, Numidæ insidias tendit. Deindè, ubi dies advenit, et ei nunciatum est, Jugurtham haud procul abesse; cum paucis amicis et quæstore nostro, quasi obviis, honoris causâ, procedit in tumultum facillimum visu insidiantibus. Eòdem Numida, cum plerisque necessariis suis, inermis, uti dictum erat, accedit; ac statim, signo dato, undique simul ex insidiis invaditur. Cæteri obtruncati; Jugurtha Sullæ vinctus traditur, et ab eo ad Marium deductus.

Per idem tempus, advorsum Gallos ab ducibus nostris, Q. Cæpione et M. Manlio, malè pugnatum. Quo metu Italia omnis contremuerat. Illique et indè usque ad nostram memoriam Romani sic habuère, alia omnia virtuti suæ prona esse; cum Gallis pro salute, non pro gloriâ, certari. Sed, postquàm bellum in Numidiâ confectum, et Jugurtham vinctum adduci Romam nunciatum est; Marius consul absens factus est, et ei decreta provincia Gallia; isque kalendis Januar. magnâ gloriâ consul triumphavit. Ex eâ tempestate spes atque opes civitatis in illo sitæ erant.

C. SALLUSTII CRISPI

HISTORIARUM

FRAGMENTA.

---

LIBER PRIMUS.

RES populi R., M. Lepido, Q. Catulo, coss.; ac deindè militiæ et domi gestas composui. *Donatus et Pomp. Messalinus.*

Cato, Romani generis disertissimus, multa paucis absolvit. *Servius et Acron.*

Fannius verè. *Victorinus.*

Nos in tantâ doctissimorum hominum copiâ. *Servius.*

Neque me diversa pars in civilibus armis movit à vero. *Arusianus.*

Nobis primæ dissensiones vitio humani ingenii evenêre; quod inquires, atque indomitum, semper in certamine libertatis, aut gloriæ, aut dominationis agit. *Priscianus.*

Nam à primordio urbis ad bellum Persi Macedonicum. *Idem.*

Res Romana plurimùm imperio valuit, Ser. Sulpitio et M. Marcello coss.; omni Galliâ cis Rhenum, atque inter mare nostrum atque Oceanum, nisi quæ à paludibus invia fuit, perdomitâ. Optumis autem moribus et maximâ concordia egit populus Romanus inter secundum

atque postremum bellum Carthaginiense. *Victorinus et Augustinus.*

At discordia, et avaritia, atque ambitio, et cætera secundis rebus oriri sueta mala, post Carthaginis exscidium maxumè aucta sunt. Nam injuriæ validiorum, et ob eas discessio plebis à patribus, aliæque dissensiones, domi fuère jam indè à principio; neque ampliùs, quàm regibus exactis, dum metus à Tarquinio et bellum grave cum Etrurià positum est, æquo et modesto jure agitatum: dein servili imperio patres plebem exercere; de vità atque tergo regio more consulere; agro pellere, et, cæteris expertibus, soli in imperio agere. Quibus sævitiis, et maxumè fœnoris onere, oppressa plebes, cùm assiduus bellis tributum simul et militiam toleraret, armata montem sacrum atque Aventinum insedit. Tumque tribunos plebis et alia sibi jura paravit. Discordiarum et certaminis utrimque finis fuit secundum bellum punicum. *Augustinus.*

Postquàm, remoto metu Punico, simultates exercere vacuum fuit; plurimæ turbæ, seditiones, et ad postremum bellà civilia orta sunt, dum pauci potentes, quorum in gratià plerique concesserant, sub honesto patrum aut plebis nomine dominationis affectabant; bonique et mali cives appellati, non ob merita in rempublicam, omnibus pariter corruptis, sed uti quisque locupletissimus, et injurià validior, quia præsentia defendebat, pro bono ducebatur. Ex quo tempore majorum mores non paulatim, ut antea, sed torrentis modo, præcipitati: adeò juvenus luxu atque avaritià corrupta est, uti meritò dicitur, genitos esse, qui neque ipsi habere possent res familiares neque alios pati. *Agellius et Augustinus.*

Igitur, venditis proscriptorum bonis aut dilargitis. *Agellius.*

Id bellum excitabat metus Pompeii victoris, Hiempsalem in regnum restituentis. *Idem.*

Maxumèque ferocia regis Mithridatis in tempore bellatur. *Donatus et Arusianus.*

Quin lenones et vinarii lanique, quorum prætereà vulgus in dies usum habet, precio compositi. *Carisius.*

Genus armis ferox, et servitii insolitum. *Arusianus.*



*M. Æmilii Lepidi Cos ad P. R. Oratio contra Sullam.*

Clementia et probitas vestra, Quirites, quibus per cæteras gentis maxumi et clari estis, plurimum timoris mihi faciunt advorsus tyrannidem L. Sullæ: nè aut ipsi, nefanda quæ æstumatis, ea parùm credendo de aliis, circumveniamini: præsertim cum illi spes omnis in scelere atque perfidiâ sit; neque se alitèr tutum putet, quàm si pejor atque intestabilior metu vestro fuerit, quò captivis libertatis curam miseria eximat: aut si provideritis, in tutandis periculis magis, quàm in ulciscendo, teneamini. Satellites quidem ejus, homines maxumi nominis, non minùs optumis majorùm exemplis, nequeo satis mirari, dominationis in vos, servitium suum mercedem dant; et utrumque per injuriam malunt, quàm optumo jure liberè agere: præclara Brutorum atque Æmiliorum et Lutatorum proles, geniti ad ea, quæ majores virtute peperère subvertunda. Nam quid à Pyrrho, Hannibale, Philippoque et Antiocho defensum est aliud, quàm libertas, et suæ cuique sedes; neu cui, nisi legibus, pareremus? quæ cuncta sævus iste Romulus, quasi ab externis rapta, tenet, non tot exercituum clade, neque consulis et aliorum principum, quos fortuna belli consumpserat, satiatus; sed tum crudelior, cum plerosque secundæ res in miserationem ex irâ vertunt. Quin solus omnium, post memoriam hominum, supplicia in pòst futuros composuit: quìs priùs injuria, quàm vita certa esset: pravissimèque per scele-  
ris immanitatem adhuc tutus fuit: dum vos, metu gravioris servitii, à repetundà libertate terremini. Agendum atque obviàm eundem est, Quirites; nè spolia vestra penès illum sint: non prolatandum, neque votis paranda auxilia: nisi fortè speratis, per tædium jam aut pudorem tyrannidis, esse eum per scelus occupata periculosiùs dimissurum. At ille eò processit, uti nihil gloriosum nisi tutum, et omnia retinendæ dominationis honesta existimet. Itaque illa quies et otium cum libertate, quæ multi probi potiùs, quàm laborem cum honoribus, capessebant, nulla sunt. Hæc tempestate serviundum,

aut imperitandum : habendus metus est, aut faciendus, Quirites. Nam quid ultra ? quæve humana superant ; aut divini impolluta sunt ? Populus Romanus, paulò antè gentium moderator, exutus imperio, gloriâ, jure, agitandi inops, despectusque, ne servilia quidem alimenta reliqua habet. Sociorum et Latii magna vis, civitate, pro multis et egregiis factis à vobis datâ, per unum prohibentur ; et plebis innoxiae patrias sedes occupavêre pauci satellites, mercedem scelerum. Leges, judicia, ærarium, provinciæ, reges, penès unum ; denique necis civium et vitæ licentia. Simul humanas hostias vidistis, et sepulchra infecta sanguine civili. Estne viris reliqui aliud, quàm solvere injuriam, aut mori per virtutem ? quoniam quidem unum omnibus finem natura, vel ferro septis, statuit : neque quisquam extremam necessitatem nihil ausus, nisi muliebri ingenio, exspectat. Verùm ego seditiosus, uti Sulla ait, qui præmia turbarum queror ; et bellum cupiens, quia jura pacis repeto. Scilicet, quia non aliter salvi satisque tuti in imperio eritis, nisi Vettius Picens, scribe Cornelius, aliena benè parata prodegerint ; nisi approbaveritis omnīs proscriptiones innoxiorum ob divitias ; cruciatus virorum illustrium ; vastam urbem fugâ et cædibus ; bona civium miserorum, quasi Cimbricam prædam, venum aut dono datum. At objectat mihi possessiones ex bonis proscriptorum : quod quidem scelerum illius vel maxumum est, non me, neque quemquam omnium, satis tutum fuisse, si rectè faceremus. Atque illa, quæ tum formidine mercatus sum, precio soluto, jure ; dominis tamen restituo : neque pati consilium est, ullam ex civibus prædam esse. Satis illa fuerint, quæ rabie contracta toleravimus ; manus conserentes inter se Romanos exercitus, et arma ab externis in nosmet versa. Scelerum et contumeliarum omnium finis sit. Quorum adeò Sullam non pœnitet, ut et facta in gloriâ numeret, et, si liceat, avidiùs fecerit. Neque jam, quid existumetis de illo, sed quantum vos audeatis, vereor : nè, alius alium principem exspectantes, antè capiamini ; non opibus ejus, quæ fuitiles et corruptæ sunt : sed vestrâ socordiâ : quàm captum ire licet, et quàm audeat tam videri felicem. Nam præter satellites commaculatos, quis eadem vult ? aut quis non omnia mutata præter victo-

riam? scilicèt milites: quorum sanguine, Tarrulæ Scyro-  
roque, pessumis servorum, divitiæ partæ sunt. An,  
quibus prælatus in magistratibus capiendis Fufidius, au-  
cilla turpis, honorum omnium delonestamentum? Itaque  
maximam mihi fiduciam parit victor exercitus, cui per  
tot vulnera et labores nihil præter tyrannum quæsitum  
est. Nisi fortè tribuniciam potestatem eversum profecti  
sunt per arma, conditam à majoribus suis: utique jura  
et judicia sibimet extorquerent: egregiâ scilicèt mercede,  
cùm, relegati in paludes et silvas, contumeliam atque in-  
vidiam suam, præmia penès paucos intelligerent. Quare  
igitur tanto agmine atque animis incedit? Quia secundæ  
res mirè sunt vitiis obtentui; quibus labefactatis, quàm  
formidatus antea est, tam contemnetur: nisi fortè specie  
concordiæ et pacis, quæ sceleri et paricidio nomina in-  
didit. Neque aliter populo Romano esse belli finem ait,  
nisi maneat expulsa agris plebes, præda civilis acerbis-  
suma, jus, judiciumque omnium rerum penès se, quod  
populi Romani fuit. Quæ, si vobis pax et concordia  
intelliguntur, maxima turbamenta reipublicæ, atque exi-  
tia, probate: annuite legibus impositis: accipite otium  
cum servitio: et tradite exemplum posteris ad populum  
Romanum suimet sanguinis mercede circumveniundum.  
Mihi, quamquàm per hoc summum imperium satis quæ-  
situm erat nomini majorum, dignitati, atque etiam præ-  
sidio; tamen non fuit consilium privatas opes facere;  
potiorque visa est periculosa libertas quieto servitio. Quæ  
si probatis, adeste, Quirites: et, benè juvantibus diis, M.  
Æmilium consulem, decem et autorem sequimini ad reci-  
piendam libertatem.

Tunc verò et posci cùm cæteri ejusdem causâ ducem  
senatûs rati, maximo gaudio bellum irritare. *Nonius,*  
*irritare, provocare.*

Curionem quæsit, ut, adolescentior, et populi suf-  
fragiis integer, ætati concederet Mamerci. *Priscianus,*  
*lib. x.*

Philippus, qui ætate et consilio cæteros anteibat. *Ser-  
vius, lib. ix.*

*Oratio L. Philippi contra Lepidum.*

Maximè vellem, P. C., rempublicam quietam esse, aut in periculis à promptissimo quoque defendi; denique prava incepta consultoribus noxæ esse. Sed contrà, seditionibus omnia turbata sunt, et ab iis, quos prohibere magis decebat. Postremò, quæ pessimi et stultissimi decrevêre, ea bonis et sapientibus faciunda sunt. Nam bellum atque arma, quamquàm vobis invisa, tamen, quia Lepido placent, sumenda sunt. Nisi fortè cui pacem præstare et bellum pati, consilium est. Prò dii boni! qui hanc urbem, omissâ curâ, adhuc regitis; M. Æmilius, omnium flagitiosorum postremus, qui pejor an ignavior sit, deliberari non potest, exercitum opprimundæ libertatis habet, et se è contempto metuendum effecit: vos mussantes, et retractantes verbis et vatum carminibus, pacem optatis magis, quàm defenditis: neque intelligitis mollitiâ decretorum vobis dignitatem, illi metum detrahi. Atque id jure; quoniam ex rapinis consulatum, ob seditionem provinciam cum exercitu, adeptus est. Quid ille ob benefacta cepisset, cujus sceleribus tanta præmia tribuistis? At scilicèt ii, qui ad postremum usque legatos, pacem, concordiam, et alia hujuscemodi decreverunt, gratiam ab eo peperêre. Imò, despecti et indigni republicâ habiti, prædæ loco æstumantur; quippe metu pacem repetentes, quò habitam amiserant. Equidem à principio, cùm Etruriam conjurare, proscriptos accersiri, largitionibus rempublicam lacerari videbam; maturandum putabam, et Catuli consilia cum paucis secutus sum. Cæterùm illi, qui gentis Æmiliæ benefacta extollebant et ignoscendo populi Romani magnitudinem auxisse, nusquam etiam tum Lepidum progressum aiebant; cùm privata arma opprimundæ libertatis cepisset, sibi quisque opes aut patrocinia quærendo, consilium publicum corruerunt. Attamen erat Lepidus latro cum calonibus et paucis sicariis: quorum nemo non diurnâ mercede vitam mutaverit: nunc est proconsul cum imperio, non empto, sed dato à vobis; cum legatis adhuc jure parentibus: et ad eum concurrere homines omnium ordinum corruptissimi; flagrantés inopiâ et cupidinibus, scelerum conscientia exagi-

tati; quibus quies in seditionibus; in pace turbæ sunt: hi tumultum ex tumultu, bellum ex bello serunt: Saturnini olim, pòst Sulpicii, dein Marii, Damasippique, nunc Lepidi, satellites. Prætereà Etruria atque omnes reliquæ belli arrectæ: Hispaniæ armis sollicitatæ; Mithridates in latere vectigalium nostrorum, quibus adhuc sustentamur, diem bello circumspicit: quin, præter idoneum ducem, nihil abest ad subvertendum imperium. Quod ego vos oro atque obsecro, P. C., ut animadvortatis; neu patiamini licentiam scelerum, quasi rabiem, ad integros contactu procedere. Nam, ubi malos præmia sequuntur, haud facilè quisquam gratuitò bonus est. An exspectatis, dum, exercitu rursùs admoto, ferro atque flammâ urbem invadat? quod multò propiùs est ab eo, quo agitat, statu, quàm ex pace et concordia ad arma civilia: quæ ille advorsum divina et humana omnia cepit, non pro suâ, aut quorum simulat injuriâ, sed legum ac libertatis subvertundæ. Angitur enim ac laceratur animi cupidine, et noxarum metu, expers consilii, inquires: hæc atque illa tentans, metuit otium, odit bellum, luxu atque licentiâ carendum videt, atque interim abutitur vestrâ socordia. Neque mihi satis consilii, metum, an ignaviam, an dementiam eam appellem: qui videmini intenta mala, quasi fulmen, optare, se quisque nè attingat; sed prohibere ne conari quidem. Et quæso considerate, quàm conversa rerum natura sit. Antea malum publicum, occultè; auxilia palàm instruebantur, et eò boni malos facilè anteibant: nunc pax et concordia disturbantur palàm; defenduntur occultè. Quibus illa placent, in armis sunt: vos in metu. Quid exspectatis? nisi forte pudet aut piget rectè facere. An Lepidi mandata animos movent? qui placere ait, sua cuique reddi; et aliena tenet: belli jura rescindi; cùm ipse armis cogat: civitatem confirmari quibus adeptam negat: concordia gratiâ plebi tribuniciam potestatem restitui, ex quâ omnes discordia accensæ. Pessume omnium, atque impudentissime, tibine egestas civium et luctus curæ sunt, cui nihil est domi, nisi armis partum aut per injuriam? Alterum consulatum petis, quasi primum reddideris: bello concordiam quæris, quo parta disturbatur: nostri proditor, istis infidus, hostis omnium bonorum. Ut te ne-

que hominum neque deorum pudet, quos perfidiâ aut perjurio violâsti! Qui, quando talis es, maneat in sententiâ, et retineas arma, te hortor: neu prolatandis seditionibus inquires ipse, nos in sollicitudine retineas. Neque te provinciâ, neque leges, neque dii penates, civem patiuntur. Perge, quâ cœpisti; ut quàm maturrumè merita invenias. Vos autem, P. C., quousque, cunctando, rempublicam intutam patiimini, et verbis arma tentabitis? Delectus advorsum vos habiti; pecuniâ publicè et privatim extortæ; præsidia deducta atque imposita; ex lubricine leges imperantur: cùm interim vos legatos et decreta paratis. Et quantò, meherculè, avidiùs pacem petieritis, tantò bellum acrius erat; cùm intelliget se metu magis, quàm æquo et bono, sustentatum. Nam qui turbas et cædem civium odisse ait, et ob id, armato Lepido, vos inermes retinet; quæ victis toleranda sunt, ea, cùm facere possitis, patiamini potiùs censet. Ita illi à vobis pacem, vobis ab illo bellum, suadet. Hæc si placent; si tanta torpedo animos oppressit, ut, obliti scelerum Cinnæ, cujus in urbem reditu decus atque ordines omnes interierunt, nihilominus vos, atque conjuges, et liberos, Lepido permissuri sitis: quid opus decretis? quid auxilio Catuli? Quin is et alii boni rempublicam frustrâ curant. Agite, uti lubet: parata vobis Cethegi atque alia proditorum patrocina, qui rapinas et incendia instaurare cupiunt, et rursum advorsum deos penates manus armare. Sin libertas et bella magis placent; decernite digna nomine, et augete ingenium viris fortibus. Adest novus exercitus, et, ad hoc, coloniæ veterum militum, nobilitas omnis, duces optimi: fortuna meliores sequitur. Jam illa, quæ collecta sunt, socordiâ nostrâ dilabentur. Quare ita censeo: quoniam Lepidus exercitum, privato consilio paratum, cum pessumis et hostibus reipublicæ contra hujus ordinis auctoritatem ad urbem ducit; ut Appius Claudius interrex, cum Q. Catulo proconsule, et cæteris, quibus imperium est, urbi præsidio sint; operamque dent, nè quid respublica detrimenti capiat.

Ut Lepidus et Catulus decretis exercitibus maturrumè proficiscerentur. *Carisius, lib. iii.*

M. Lepido cum omnibus copiis Italia pulso; segnior,

neque minùs gravis, sed multiplex cura patres exercebat. *Servius. Marius Victorinus in Ciceronem.*

Obviàm ire et commori hostibus. *Arusianus. Messus.*

Lepidus pœnitens consilii. *Caris. l. iii.*

Sic verò, quasi formidine attonitus, neque animo, neque auribus, aut linguâ, competere. *Nonius: Competere, rei cuiusque meminisse, aut constanter valere.*

Prudens omnium, quæ senatus censuerat. *Arusianus.*

Magnis operibus profectus, oppidum cepit, per L. Catilinam legatum. *Festus.*

Domitium proconsulem ex Citeriori Hispaniâ cum omnibus copiis, quas paraverat, arcessivit. *Prisc. l. x. Arcessivit, inquit, et laccessivit.*

Sanctus aliter, et ingenio validus. *Caris. l. i. Aliter pro aliàs.*

Gens rarò egressa finis suos. *Serv. ad lib. xi. Æneïd. Arusianus. Messus.*

Nisi cùm ira belli desenuisset. *Prisc. l. x.*

Maturaverunt exercitum Dyrrachium cogere. *Arusianus. Messus.*

Illò profectus, vicos, castellaque incendere, et, fugâ cultorum deserta, igni vastare: neque elato, aut securo esse animo, metu gentis ad furta belli peridoneæ. *Non. Serv. ad xi. Æneïdos.*

Liberis ejus avunculus erat. *Donatus ad Phormionem Terentii.*

Nihil ob tantam mercedem sibi abnuituros. *Arusianus. Messus.*

Insanum aliter suâ sententiâ atque aliarum mulierum. *Caris. l. i. Aliter pro aliàs.*

Solis viis. *Donatus, Phorm. act v. scen. 8.*

Jussu Metelli cornicines occanuerunt. *Priscianus, lib. x. Servius, ii. Georg. Virg. Diom. lib. i. cap. iv.*

Nexuit catenæ modo. *Prisc. l. x.*

Doctus militiam. *Arusianus. Messus.*

Neque se recipere aut instruere prælio quivêre. *Prisc. lib. x.*

Equi sine rectore exterriti aut saucii consternantur. *Idem, l. iv.*

Occupatusque collis editissimus apud Hilerdam, et cum multâ operâ circumdata. *Priscianus, l. v.*

At indè nullâ munitionis aut requie morâ, processit ad oppidum. *Priscianus, lib. xviii. Requie pro requiei.*

Agreste. *Caris, l. i.*

Ardebat omnis Hispania Citerior. *M. Fabius Victor. de Invent. Cic. l. i.*

\* Et pondere validam urbem multos dies restantem pugnando vicit. *Non.*

Itaque Sertorius, levi præsidio relicto in Mauritaniâ, nactus obscuram noctem, æstu secundo, furtivâque celeritate, vitare prælium in transgressu conatus est. *Agellius, lib. x. c. 26. Nonius. Marcellus.*

Transgressos omnes recipit mons Ballera, præceptus à Lusitanis. *Idem, ibidem.*

Earum aliæ paululùm progressæ, nimio simul et incerto onere, cùm pavor corpora agitaverat, deprimebantur. *Idem.*

Locum editiorem, quàm victoribus decebat, capit. *Serv. viii. Æneïdos. Arusianus. Messus.*

Et mox Fufidius adveniens cum legionibus, postquàm tantas aspiritates, haud facilem pignantibus vadum, cuncta hosti, quàm suis, opportuniora videt. *Nonius.*

Cùm Sertorius neque erumperet, tam levi copiâ navibus fugam maturabat. *Serv. Fuldanius. Messus.*

Itineris eorum Metellus per litteras gnarus. *Arusianus.*

Itaque Servilius ægrotum Tarenti collegam prior transgressus, iter vortit ad Corycum urbem inclutam: pastusque nemore, in quo crocum gignitur. *Priscian. Non.*

Ad Olypnum atque Phaselida. *Prisc.*

Apud Corycum. *Idem.*

Apud Lethe oppidum, cui nomen obliviones condiderant. *Idem. Serv. ad i. Æneïdos.*

Repulsus à Lethe oppido. *Idem. Prisc.*

Apud Mutinam. *Idem.*

Apud Præneste locatus. *Idem.*

Medio diei. *Messus.*

Quietam à bellis civitatem. *Idem.*

Militiæ peritus. *Idem.*

Sertorius portis turbam morantibus, et nullo, ut in terrore solet, generis aut imperii discrimine, per calonum



corpora, ad medium quasi deinsuper adstantium manibus in murum attollitur. *Nonius. Serv.*

Neque detrusus aliquotiens terretur. *Prisc. l. xv.*

Dubitavit aciei pars. *Idem.*

Quos inter maxumè. *Caris.*

Rumore primo. *Caris.*

Idem fecère Octavius et Q. Cæpio sine gravi cujusquam expectatione, neque sanè ambitu publicè. *Serv. ad l. iv. Æneïd. Ambire significat et rogare. Sallustius in Jugurthâ: Quos ego audio ambire, fatigare vos singulos. Dicebatur et ambio illum, pro rogo; &c.*

Cùm aræ et alia diis sacrata supplicium sanguine fœdarentur. *Idem.*

Postremò ipsos colonis per miserias et incerta humani generis horare. *Serv. ad xi. Æneïdos.*

— per eversæ genitor fumantia Trojæ  
*Exscidia obtestor.*

Ex paucis, quibus peritia et verum ingenium est, abnuentibus. *Idem.*

Perpenna tam paucis profectus, vera est æstimanda. *Idem ad xii. Æneïdos.*

## FRAGMENTA

### HISTORIARUM.

#### LIBER SECUNDUS.

**S**ARDINIA in Africo marie facie vestigii humani, in orientem, quàm in occidentem, latior prominet. *A. Gellius, lib. xiii. cap. xviii. Non. Faciem totius corporis formam, πρόσωπον, id est, os, posuit antiquitas prudens; ut ab aspectu, species, et à fingendo figura, ita à factura corporis facies. Isidorus.*

Indè Ichnusa appellata. *Solinus.*

Dubium an insula sit, quod Euri atque Austri superjactis fluctibus circumlavit. *Nonius: lavit, pro lavat.*

Nam Sullam consulem de reditu ejus legem ferentem ex composito trib. pl. C. Herennius prohibuerat. *Notat Gell. l. x. c. xx. Sallustium, proprietatis in verbis retinentissimum, consuetudini concessisse, et privilegium, quod de Cn. Pompeii Magni patris reditu ferebatur, legem appellâsse.*

Nam procul, et diversis ex regionibus. *Carisius: Asper, procul, inquit, est è loco.*

Obviàm fuère. *Carisius, ibidem: Asper, ait, vetustè obviàm fuère, adverbio quàm nomine uti maluit.*

Urbe patriâque extorres. *Messus.*

Genus militum suetum à pueritiâ latrociniis. *Idem.*

Inter læva mœnium et dextrum flumen Turiam, quod Valentiam parvo intervallo præterfluit. *Prisc. l. v. et vi. Turiam dixit, qui accusativus generis masculini est, non neutri.*

In fiduciâ, quàm argumentis, purgatiores dimittuntur. *Donat. Phorm. act. i. sc. 3; et Hecyr. act. iv. sc. 4. Nonius: Fiducia est audacia. Servius.*

Antequàm regressus Sertorius instrueret pugnae suos. *Arusianus.*

Ipsè animi atrox. *Idem.*

Copiis integra. *Idem.*

Eodem anno in Macedoniâ C. Curio, principio veris cum exercitu profectus in Dardaniam, quibus potuit modis, dictas pecunias coëgit. *Nonius: Discere, est promittere.*

Post, ubi in fiduciâ nimius. *Arusianus.*

Sed ipsi ferunt taurum ex grege, quem prope littora regebat, Corsa nomine, Ligus mulier. *Prisc. lib. vi.*

Nam quædam Corsa nomine, Ligus mulier: cùm taurum ex grege, quem prope littora regebat, transnatare solitum, atque per intervalla corpore aucto remeare videret; cupiens scire incognita sibi pabula, taurum, à cæteris degredientem, usque ad insulam navigio prosecuta est. Cujus regressu, insulæ fertilitatem cognoscentes Ligures, ratibus eò profecti sunt, eamque nomine mulieris auctoris et ducis appellaverunt. *Isidorus, l. xiv. c. 6.*

Nè illa tauro parati sint. *Donatus, actu iv. scena 2. Andriæ.*

Dædalum ex Siciliâ profectum, cùm Minoïs fugeret iram atque opes. *Priscianus, lib. vi. Servius.*

Quem ex Mauritaniâ rex Leptasta proditionis insimulatum cum custodibus miserat. *Priscianus, lib. i.*

Quos advorsùm multi ex Bithyniâ volentes occurrere, falsum filium arguituri. *Priscianus, lib. x.*

Ut actione desisteret. *Messus.*

Vespera. *Carisius, l. ii.*

Argentum mutuum arcessivit. *Prisc. l. x.*

Eam deditionem senatus, per nuncios Orestis cognitam, approbat. *Prisc. l. vi.*

Nisi quâ flumen Lurda Tauro monte defluens. *Idem, ibidem.*

Frugum pabulique lætus ager. *Arusianus. Servius, l. i. Æneïdos.*

Neque virgines nuptum à parentibus mittebantur, sed ipsæ belli promptissimos delegebant. *Messus.*

Modestus ad omnia alia, nisi ad dominationem. *Donatus, Phorm. act. i. sc. 2.*

Noctu diùque stationes et vigilias tentare. *Carisius, lib. ii.*

At Lucillum regis curâ machinata fames brevè fatigabat. Multique commeatus interiêrant insidiis latronum. *Prisc. l. vii. et Nonius.*

Namque primum Jasonem novo itinere maris Æetæ hospitis domum violâsse. *Priscianus, lib. viii.*

Tartessum Hispaniæ civitatem, quam nunc Tyrii, mutato nomine, Gaddir habent. *Prisc. l. v.*

Neque subsidiis, uti soluerat, compositis. *Prisc. l. x. Soluerat autem est solitus fuerat.*

Neque inermes ex prælio viros quemquam agnoturum. *Idem, ibidem.*

Eâ continentia vir gravis et nullâ arte cuiquam inferior. *Arusian. Non. in Gravis.*

Omnes, qui circùm sunt, præminent altitudine millium passuum duorum. *Arusian.*

\* Et Pœni ferunt adversùs A. N. C. M. *Donatus.*

Quia corpore et lingua percitum, et inquietem, no-

mine histrionis vix sani, Barbuleium appellabant. *Prisc. lib. vi.*

Audaciter. *Idem, xv.*

Ibi Fimbrianâ seditione, qui regi per obsequelam orationis, et maxumè odium Sullæ, graves carique erant. *Nonius: Obsequium neut. genere, obsequela fœm.*

Moenibus deturbat. *Non. deturbare.*

E muris canes sportis demittebant. *Idem.*

Ad hoc rumoribus, advorsa in pravitatem; secunda in casum; fortunam in temeritatem declinando, corrumpabant. *Idem.*

At Metellus, in Ulteriorem Hispaniam post annum regressus, magnâ gloriâ concurrentium undique, virile, et muliebre secus, per vias ac tecta omnium visebatur. Cùm quæstor C. Urbinus alique, cognitâ voluntate, eum ad cœnam invitaverant; ultra Romanorum et mortalium etiam morem curabant, exornatis ædibus per aulæa et insignia, scenisque ad ostentationem histrionum fabricatis; simul croco sparsa humus, et alia, in modo templi celeberrumi. Prætereà, cùm sedenti transennâ, demissum Victoriæ simulacrum cum machinato strepitu tonitruum coronam capiti imponebat: tum venienti, ture quasi deo supplicabatur. Toga picta plerumquè amiculo erat ei accumbenti: epulæ quæsitissumæ: neque per omnem modò provinciam, sed trans maria, ex Mauritaniâ volucrum, et ferarum incognita antea plura genera. Quibus rebus aliquantam partem gloriæ demiserat; maxumè apud veteres et sanctos viros, superba illa, gravia, indigna Romano imperio existumantes. *Macrob. Satur. l. iii. c. 13. Nonius. Sosipater, l. i.*

Ruuntque pars magna suismet aut proxumorum telis, cæteri vice pecorum obtruncabantur. *Nonius.*

Occurrere duci, et prælium accendere, adeò ut Metello in sagum, Hurtuleio in brachium, tela venirent. *Idem.*

Avidisque ita promptisque ducibus, uti Metellus ictu tragulæ sauciaretur. *Idem.*

Sed Metellus in vulnere. *Don. act. v. sc. 2. And.*

Primò incidit fortè per noctem in renunculo piscantis. *Non.*

Ad hoc pauca piraticæ adjungit actuaria navigia. *Non. in Piraticæ naviculæ.*

Omnia sacrata corpora in ratem imposuisse. *Arusian.*

Suos equites hortatus, vado transmittit. *Idem.*

Ictu eorum, qui in flumine ruebant, necabantur. *Donatus, Adelphi. act. iii. sc. 2.*

Circumventi dextrâ, unde ferrum erat, saxa aut quid, tale capiti affligebant. *Arusianus.*

Sed Metellus in ulteriore provinciâ. *Donat. ad Phorm. act. i. sc. 4.*

Immane quantùm animi exarsêre. *Non. Nomen positum pro adverbio.*

At illi, quibus res incognita erat, ivêre cuncti ad portas, incognita tendere. *Serv. F. Ursini.*

Murum ab angulo dextri lateris ad paludem haud procul remotam duxit. *Serv. Fuldanus.*

---

## FRAGMENTA

### HISTORiarum.

#### LIBER TERTIUS.

**E**XAUDIRIQUE sonus Bacchanaliorum. *Macr. l. i. c. 4. Saturn. Non.*

Diversa, uti solet rebus perditis, capessunt: namque alii fiduciâ gnaritatis locorum in occultam fugam sparsi: alii globis eruptionem tentavêre. *Prisc. l. x. Non.*

Unus constitit in agro Lucano, gnarus loci, nomine Publipor. *Idem. l. vi. Probus Catholicis.*

Malè jam assuetum ad omnîs vîs controversiarum. *Prisc. l. vi.*

Conjuratione claudit. *Idem, l. x.*

Quasi par in oppido festinatio et ingens terror erat, ne ex latere nova munimenta madore infirmarentur: nam mœnia oppidi stagnabant, redundantibus cloacis adverso æstu maris. *Non. in Mador.*

Equis et armis decoribus cultus. *Priscianus, lib. vi.*

Dedecores inultique terga ab hostibus cædebantur. *Id.*

Contrà ille calvi ratus quærebant, num somnio thesaurus portenderetur. *Idem, lib. viii. Non. in Calvitur.*

Parte consumptâ, reliqua cadaverum ad diuturnitatem usus fallerent. *Prisc. l. x.*

### *Epistola Cn. Pompeii ad Senatum.*

Si advorsus vos, patriamque et deos penates, totiens labores et pericula suscepissem, quotiens à primâ adolescentiâ, ductu meo, scelestissimi hostes fusi, et vobis salus quæsita est; nihil ampliùs in absentem me statuissetis, quàm adhuc agitis, P. C.; quem, contra ætatem projectum ad bellum sævissumum, cum exercitu optumè merito, quantùm est in vobis, fame, miserrumâ omnium morte, confecistis. Hâc in spe populus Romanus liberos suos ad bellum misit? Hæc sunt præmia pro vulneribus, et totiens ob rempublicam fuso sanguine? Fessus scribundo, mittundoque legatos, omnîs opîs et spes privatas meas consumpsi: cùm interîm à vobis per triennium vix annuus sumtus datus est. Per deos immortalis! utrùm censetis, me vicem ærarii præstare, an exercitum sine frumento et stipendio habere posse? Equidem fateor me ad hoc bellum majore studio quàm consilio profectum: quippe qui, nomine modò imperii à vobis accepto, diebus quadraginta exercitum paravi; hostisque, in cervicibus jam Italiæ agentis, ab Alpibus in Hispaniam summovi. Per eas iter aliud, atque Hannibal, nobis opportunius patefecit. Recepi Galliam, Pyrenæum, Laletaniam, Ilergetum: et primum impetum Sertorii victoris, novis quidem militibus, et multò paucioribus, sustinui: hyememque in castris inter sævisimos hostis, non per oppida, neque ex ambitione meâ, egi. Quid dein prælia, aut expeditiones hybernas, oppida excisa, aut recepta, enumerem! quando res plùs valent quàm verba. Castra hostium apud Sucronem capta, et prælium apud flumen

Durium, et dux hostium C. Herennius cum urbe Valentia et exercitu deleti, satis clara vobis sunt: pro quibus, ô grati patres, egestatem et famem redditis! Itaque meo et hostium exercitui par conditio est: namque stipendium neutri datur: victor uterque in Italiam venire potest. Quod ego vos moneo quæsoque ut animadvortatis; neu cogatis necessitatibus privatim mihi consulere. Hispaniam Citeriorem, quæ non ab hostibus tenetur, nos aut Sertorius ad internecionem vastavimus; præter maritimas civitates, quæ ultrò nobis sumtui onerique. Gallia superiore anno Metelli exercitum stipendio frumentoque aluit; et nunc malis fructibus ipse vix agit. Ego non rem familiarem modò, verùm etiam fidem, consumpsi. Reliqui vos estis; qui nisi subvenitis, invito et prædicente me, exercitus hinc, et cum eo omne bellum Hispaniæ, in Italiam transgreditur.

Namque his, præter solita vitiosis magistratibus, cùm per omnem provinciam infœcunditate biennii proximi grave pretium fructibus esset. *Non. Grave multum.*

Hi, saltibus occupatis, tum externorum agros invasêre; frumentique ex inopiâ gravi satias facta. *Idem: Satias non satietas.*

Neque jam sustineri poterat immensum aucto mari, et vento gliscenti. *Idem: Gliscit ei congelascit, colligitur, ignescit, crescit.*

Ac tum maxumè, uti solet extremis in rebus, sibi quisque carissimum domi recordari, cunctique omnium ordinum extrema munia sequi. *Idem: Munia, officia.*

Et fortè in navigando cohors una, grandi faselo vecta, à cæteris deerravit, marique placido à duobus prædonum myoparonibus circumventa. *Idem, in voc. Faselus et Myoparo.*

Eum atque Metrophanem senatus magnâ industriâ perquirebat, cùm per tot scaphas, quas ad ostia cum paucis fidis percunctatum miserant. *Idem; et Carissus, lib. i.*

Duos quàm maximos utres levi tabulæ subjecit; quâ super omni corpore quietus, invicem tractu pedis quasi gubernator existerit: eâ, inter molem atque insulam mari, vitabundus classem hostium, ad oppidum pervenit. *Idem.*

Nam qui enare conati fuerant, icti sæpè ferramentis navium, aut vulnerati à suis, aut afflicti alveis undarum vi, mulcato foedè corpore, postremò tamen periêre. *Idem, et Arusianus Messus.*

Nam tertia tunc erat, et sublima nebula cœlum obscurabat. *Non.*

Illum nautus forum. *Idem.*

*Oratio Macrii Licinii, tribuni plebis, ad plebem.*

Si, Quirites, parùm existumaretis, quod inter jus à majoribus relictum vobis, et hoc à Sullâ paratum servitium interesset; multis mihi disserendum fuisset, docendumque, quas ob injurias, et quotiens à patribus armata plebes secessisset: utique vindices paravisset omnis juris sui, tribunos plebis. Nunc hortari modò reliquum est, et ire primùm viâ, quâ capessundam arbitror libertatem. Neque me præterit, quantas opes nobilitatis solus, impotens, inani specie magistratûs, pellere dominatione incipiam; quantòque tutiùs factio noxiorum agat, quàm soli innocentes. Sed præter spem bonam ex vobis, quæ metum vicit, statui, certaminis advorsa pro libertate potiora esse forti viro, quàm omninò non certavisse. Quamquàm omnes alii creati pro jure vestro vinn cunctam, et imperia sua gratiâ, aut spe, aut premiis, in vos convertere: meliusque habent mercede delinquere, quàm gratis rectè facere. Itaque omnes concessère jam in paucorum dominationem, qui, per militare nomen, ærarium, exercitus, refina, provincias occupavêre, et arcem habent ex spoliis vestris: cùm interim, more pecorum, vos multitudo singulis habendos fruendosque præbetis, exsuti omnibus quæ majores reliquêre: nisi quia vosmet ipsi per suffragia, uti præsidēs olim, nunc dominos destinatis. Itaque concessère illuc omnes: et mox, si vestra receperitis, ad vos redibunt plerique: raris enim animus est ad ea quæ placent defendenda: cætera validiorum sunt. An dubium habetis, nè officere quid vobis uno animo pergentibus possit, quos languidos socordesque pertimuêre? nisi fortè C. Cotta ex factione mediâ consul aliter, quàm metu, jura quædam tribunis plebis restituit: et, quamquàm L. Sicinius primus de potestate trib. loqui ausus, mus-



santibus vobis, circumventus erat: tamen priùs illi invidiam metuere, quàm vos injuriæ pertæsum est. Quod ego nequeo satis mirari, Quirites: nam spem frustrà fuisse intellexistis. Sullâ mortuo, qui scelestum imposuerat servitium, finem mali credebatis. Ortus est longè sævior Catulus. Tumultus intercessit. Bruto et Æmilio Mamerco coss.; dein C. Curio ad exitium usque insontis tribuni dominatus est. Lucullus superiore anno quantis animis ierit in L. Quinctium, vidistis: quantæ denique nunc mihi turbæ concitantur! quæ profectò incassum agerentur, si priùs, quàm vos serviundi finem, illi dominationis facturi erant: præsertim cùm his civilibus armis dicta alia, sed certatum utrimquè de dominatione in vobis sit. Itaque cætera ex licentiâ, aut odio, aut avaritiâ, in tempus arsère. Permansit una res modò, quæ utrimquè quæsitæ est, et erepta in posterum: vis tribunicia, telum à majoribus libertati paratum. Quod ego vos moneo, quæsoque, ut animadvertatis; neu, nomina rerum ad ignaviam mutantes, otium pro servitio appelletis: quo jam ipso frui, si vera et honesta flagitium superaverit, non est conditio: fuisset, si omninò quiëssetis. Nunc animum advorite: et, nisi viceritis, quoniam omnis injuria gravitate tutior est, artiùs habebunt. Quid censes igitur? aliquis vestrùm subjecerit. Primùm omnium, omittendum morem hunc quem agitis; impigræ linguæ, animi ignavi, non ultrà concionis locum memores libertatis. Dein, (ne vos ad virilia illa vocem, quò, tribunis plebei mandando patricium magistratum, libera ab auctoribus patriciis suffragia majores vestri paravêre,) cùm vis omnis, Quirites, in vobis sit, uti, quæ jussa nunc pro aliis toleratis, pro vobis agere aut non agere certè possitis. Jovem aut alium quem deum consultorem exspectatis? Magna illa consulum imperia et patrum decreta vos exsequendo rata efficitis, Quirites; ultròque licentiam in vos auctum atque adjutum properatis. Neque ego vos ultum injurias hortor: magis uti requiem capiat: neque discordias, ut illi criminantur; sed, earum finem volens, jure gentium, res repeto: et, si pertinaciter retinebunt, non arma, neque secessionem, tantummodò nè ampliùs sanguinem vestrum præbeatis, censeo. Gerant habeantque suo modo imperia, quærant triumphos: Mi-

thridentem, Sertorium, et reliquias exulum persequantur cum imaginibus suis. Absit periculum et labos, quibus nulla pars fructus est; nisi fortè repentinâ istâ frumentariâ lege munia vestra pensantur: quâ tamen quinis modiis libertatem omnium æstumavêre, qui profectò non ampliùs possunt alimentis carere. Namque ut illis exiguitate mors prohibetur, senescunt vires: sic neque absolvit curâ familiari tam parva res, et ignavissimi quique tenuissimâ spe frustrantur. Quæ tamen, quamvis ampla, quoniam servitii pretium ostentaretur, cujus torpedinis erat decipi, et vestrarum rerum ultrò injuriâ gratiam debere? Namque alio modo, neque valent in universos, neque conabuntur. Cavendus tamen dolus est. Itaque simul comparant delinimenta, et differunt vos in adventum Cn. Pompeii; quem ipsum ubi pertinuere, sublatum in cervices suas, mox, dempto metu, lacerant. Neque eos pudet vindices, uti se ferunt, libertatis, tot viros sine uno, aut remittere injuriam non audere, aut jus non posse defendera. Mihi quidem satis spectatum est, Pompeium, tantæ gloriæ adolescentem, malle principem volentibus vobis esse, quàm illis dominationis socium; auctoremque in primis fore tribunicie potestatis. Verùm, Quirites, antea singuli cives in pluribus, non in uno cuncti præsidia habebatis: neque mortalium quisquam dare, aut eripere, talia unus poterat. Itaque verborum satis dictum est. Neque enim ignorantia res claudit. Verùm occupavit nos nescio quæ torpedo, quia neque gloriâ movemini, neque flagitio: cunctaque præsentī ignaviâ mutastis; abundè libertatem rati, quia tergis abstinetur, et huc ire licet, atque illuc, munere ditium dominorum. Atque hæc eadem non fiunt agrestibus; sed cæduntur inter potentium inimicitias, donoque dantur in provincias magistratibus. Ita pugnatur et vincitur à paucis: plebes, quodcunque accidit, pro victis est: et in dies magis erit; si quidem majore curâ dominationem illi retinuerint, quàm vos repetiveritis libertatem.

Postquàm egressus angustias. *Messus.*

Ad Cyzicum perrexit firmatus animi. *Ex eodem.*

Ut sustinere corpora plerique nequeunt, fessi, arma sua quisque stantes incumbent. *Idem, et Servius.*

Ac statim fugitivi, contra præceptum ducis, rapere ad stuprum virgines matronasque. *Nonius.*

Quibus à Sertorio triplices insidiæ per idoneos saltus positæ erant: prima, quæ fonte venientes exciperet. *Serv.*

Ingens ipse virium atque animi. *Arusianus.*

Locum nullum nisi in quo armati institissent. *Idem.*

At Oppius, postquàm orans nihil proficiebat, timidè veste tectum pugionem expedire conatus, à Cottà Vulsioque impeditur. *Non. Pugio est brevis gladius.*

Castrisque collatis, pugna tamen ingenio loci prohibebatur. *Idem.*

Sed Pompeius à primâ adolescentiâ, sermone fautorum, similem fore se credens Alexandro regi, facta consultaque ejus quidem æmulus erat. *Nonius.*

Dubius consilii. *Arusianus.*

Post reditum eorum, quibus senatus belli Lepidani gratiam fecerat. *Idem.*

Quod ubi frustrâ tentatum est, socordiùs ire milites occèpère, non aptis armis, ut in principio, et laxiore agmine. *Nonius.*

Atque eum Curio laudatum, accensumque præmiorum spe, quibuscum optavisset, ire jubet. *Idem.*

Eodem tempore Lentulus duplici acie locum editum multo sanguine suorum defendens, postquàm ex sarcinis paludamenta adstari, et delectæ cohortes intelligi cèpère. *Idem.*

Si nihil ante adventum suum inter plebem et patres convenisset, coràm se daturum operam. *Prisc. l. xiv.*

Fine inguinum ingrediuntur mare. *Arusianus.*

M. Antonius per Dundæ pecuniæ genitus; vacuusque curis, nisi instantibus. *Idem.*

Muros successerant. *Idem.*

Saxaque ingentia et axe vinctæ trabes per promum incitabantur, axibusque eminebant in modum erici militaris veruta binum pedum. *Non. Serv.*

Octavium mitem, et captum pedibus. *Arusianus.*

Igitur discubère; Sertorius inferior in medio; super eum L. Fabius Hispaniensis senator ex proscriptis; in summo Antonius; et infrà, scribe Sertorii Versius; et

alter scriba Mæcenas in imo, medius inter Tarquitium et dominum Perpennam. *Non. Serv.*

Quarum unam epistolam fortè cum servo nacti prædatores Valeriani scorpione in castra misère. *Nonius.*

## FRAGMENTA

### HISTORIARUM.

#### LIBER QUARTUS.

**A**T Cn. Lentulus patriciæ gentis, collega ejus, cui cognomentum Clodiano fuit, perincertum stolidior, an vanior, legem de pecuniâ, quam Sulla emptoribus bonorum remiserat, exigundâ, promulgavit. *A. Gellius, l. xviii. cap. iv.*

Omnes, quibus ætas senecto corpore, animus militaris erat. *Prisc. l. ix. et x.*

Dein, lenitâ jam irâ, postero die liberalibus verbis permulcti sunt. *Idem, l. ix.*

Implicitæ rates ministeria prohibebant. *Idem, ibidem.*

Igitur legiones pridie in monte positas arcessivit. *Idem, l. x.*

Anxius animi, atque incertus. *Arusianus.*

Magnam exorsus orationem. *Idem.*

Impotens, et nimius animi est. *Idem.*

Amisumque assideri sine præliis audiebat. *Prisc. l. viii. Obsideo et assideo activa sunt; faciunt enim assideor et obsideor.*

Qui quidem mos, uti tabes, in urbem conjectus. *Festus.*

Castella custodias thesaurorum in deditionem acciperentur. *Serv. Caris. l. i.*

Reliqua cadavera salita. *Diomedes, lib. i. cap. iv.*

*Epistola Regis Mithridatis scripta ad Regem Arsacem.*

## REX MITHRIDATES REGI ARSACI S.

Omnes, qui secundis rebus suis ad belli societatem orantur, considerare debent, liceatne tum pacem agere. Dein quod quæritur, satisne pium, tutum, gloriosum, an indecorum sit. Tibi, si perpetuâ pace frui liceret, nisi hostes opportuni et scelestissimi, egregia fama, si Romanos opprresseris, futura est. Neque petere audeam societatem; et frustrâ mala mea cum tuis bonis misceri sperem: atque ea, quæ te morari posse videntur, ira in Tigranem recentis belli et meæ res parùm prosperæ, si vera æstumare voles, maxumè hortabuntur. Ille enim obnoxius, qualem tu voles, societatem accipiet: mihi fortuna, multis rebus ereptis, usum dedit benè suadendi; et, quod florentibus optabile est, ego non validissimus præbeo exemplum, quo recitûs tua componas. Namque Romanis, cum nationibus, populis, regibus cunctis, una (et ea vetus) causa bellandi est, cupido profunda imperii et divitiarum; quâ primùm cum rege Macedonum Philippo bellum sumpsere; dum à Carthaginiensibus premebantur, amicitiam simulant, ei subvenientem Antiochum concessionem Asiæ per dolum avertère: ac mox, tractato Philippo, Antiochus omni cîs Taurum agro et decem millibus talentorum spoliatus est. Persen deindè Philippi filium, post multa et varia certamina, apud Samothracas deos acceptum in fidem, callidi, et repertoires perfidiæ, quia pacto vitam dederant, insomniis occidère. Eumenem, cujus amicitiam gloriôsè ostendant, initio prodidère Antiocho, pacis mercedem. Pòst, Attalum custodem agri captivi sumtibus et contumeliis ex rege miserrumum servorum effecère; simulatoque impio testamento, filium ejus Aristonicum, quia patrium regnum petiverat, hostium more per triumphum duxère. Asia ab ipsis obsessa est. Postremò, totam Bithyniam, Nicomede mortuo, diripuère, cùm filius Nusæ, quam reginam appellaverant, genitus laud dubiè esset. Nam quid ego me appellem? quem disjunctum undique regnis et tetrarchiis ab imperio eorum, quia fama erat divitem neque servitutum esse, per Nico-

medem bello laccessiverunt, sceleris eorum laud ignarum, et ea, quæ accidere, testatum antea, Cretenses solos omnium liberos eâ tempestate, et regem Ptolemæum. Atque ego, ultus injurias, Nicomedem Bithyniâ expulsi; Asiamque spoliū regis Antiochi recepi, et Græciæ dempsi grave servitium. Incepta mea postremus servorum Archelæus, exercitu prodito, impedivit: illique, quos ignavia aut prava calliditas, uti meis laboribus tuti essent, armis abstinuit, acerbissimas pœnas solvunt. Ptolemæus precio diem belli prolatat. Cretenses, impugnati semel jam, neque finem nisi excidio habituri. Equidem cū mihi ob ipsorum interna mala dilata prœlia magis, quàm pacem datam, intelligerem; abnuente Tigrane, qui mea dicta serò probat, te remoto procul, omnibus aliis obnoxiiis, rursus tamen bellum cœpi: Marcumque Cottam Romanum ducem apud Chalcedona terrâ fudi; marî exsui classe pulcherrumâ. Apud Cyzicum magno cum exercitu in obsidione moranti frumentum defuit, nullo circum adnitente; simul hyems marî prohibebat. Ita, sine vi hostium regredi coactus in patrium regnum, naufragiis apud Param et Heracleam, militum optimos cum classibus amisi. Restituto deindè apud Cabira exercitu, et variis inter me atque Lucillum prœliis, inopia rursus ambos incessit. Illi suberat regnum Ariobarzanis bello intactum: ego, vastatis circum omnibus locis, in Armeniam concessi: secutique Romani, non me, sed morem suum omnia regna subvertendi; quia multitudinem artis locis pugnâ prohibuere, imprudentiam Tigranis pro victoriâ ostendant. Nunc quæso considera, nobis oppressis utrū firmiorem te ad resistendum, ad finem belli futurum putes? Scio equidem tibi magnas opes, virorum, armorum, et auri esse: et, eâ re à nobis ad societatem, ab illis ad prædam peteris. Cæterum consilium est Tigranis, regno integro, meis militibus belli prudentibus, procul ab domo, parvo labore, per nostra corpora bellum conficere: quando neque vincere, neque vinci sine tuo periculo possumus. An ignoras, Romanos, postquàm ad occidentem pergentibus finem Oceanus fecit, arma huc convertisse; neque quicquam à principio nisi raptum habere, domum, conjuges, agros, imperium; convenas, olim sine patriâ, sine parentibus, peste conditos orbis terrarum? quibus non

humana ulla, neque divina obstant, quin socios, amicos, procul justaque sitos, inopes potentisque trahant, excidantque; omniaque non serva, et maxumè regna, hostilia ducant? Namque pauci libertatem, pars magna justos dominos, volunt: nos suspecti sumus æmuli, et in tempore vindices affuturi. Tu verò, cui Seleucia maxuma urbium regnumque Persidis inclitis divitiis est, quid ab illis, nisi dolum in præsens, et postea bellum exspectas? Romani in omnīs arma habent, acerruma in eos, quibus victis spolia maxuma sunt; audendo et fallendo, et bella ex bellis serendo, magni facti. Per hunc morem extinguunt omnia, aut occidunt: quod difficile non est, si tu Mesopotamiā, nos Armeniā circumgredimur exercitum sine frumento, sine auxiliis: (fortuna autem nostris vitiis adhuc incolumis:) teque illa fama sequetur, auxilio profectum magnis regibus, latrones gentium oppressisse. Quod uti facias moneo, hotorque, neu malis pernicie nostrā unum imperium prolatare, quā societate victor fieri.

Curio Vulcanaliorum die ibidem moratus. *Nonius de mutata declinatione. Caris. l. i.*

Scalas pares mœnium altitudine. *Arusianus.*

Diffidere inter se cœpère, neque in medium consultare. *Idem.*

Multisque suspicionibus volentia plebi facturus videbatur. *Nonius: Volentia, quæ plebs vellet.*

Suspectusque fuit, incertum verò an per negligentiam, societatem prædarum cum latronibus composuisse. *Idem: Componere, conjungere.*

Collegam minorem, et sui cultorem exspectans. *Arusianus.*

Quā maxumis itineribus pro regnum Ariobarzanis contendit, ad flumen Euphratem; quā in parte Cappadocia ab Armeniā disjungitur. Et quamquā ad id naves codicariæ occultò per hyemem fabricate aderant. *Nonius: Codicariæ naves, quæ in flumine usui esse possunt.*

Qui prætergrediebantur equites cataphracti, ferreā omni specie. *Idem.*

Cū interim, lumine etiam tam incerto, duæ Galliæ mulieres, conventum vitantes, ad menstrua solvenda montem adscendunt. *Idem.*

Pluteosque rescindit, ac munitiones demolitur; locoque summo potitur. *Idem: Demoliri est diluere.*

Exercitum dimisit, ut primùm Alpes degressus est. *Arusianus.*

Tetrarchus regesque territos animi firmavit. *Idem.*

Simul eos, et cunctos jam inclinatos laxitate loci, plures cohortes atque omnes, ut in secundâ re, paritèr acrè invadunt. *Nonius.*

Hi locorum perignari, soliti nectere ex viminibus vasa agrestia, ibi tum, quòd inopia scutorum fuerat, ad eam artem se quisque in formam parmæ equestris armabat. *Nonius: Parma est scutum breve.*

De pecore ceria recens detracta, quasi glutino adolescebant. *Carisius, l. i. Servius.*

Avidior modò properandi factus. *Arusianus.*

Consilii æger. *Idem.*

Reversi postero die, multa, quæ properantes deseruerant in castris, nacti, cùm se ibi cibo vinoque læti invitarent. *Nonius: Invitare est repleri.*

Atque hiavit humus multa, vasta profunda. *Idem: Hiare, aperiri.*

Rursùs jumenta nacti, ad oppidum ire contendunt. *Nonius.*

Ubì se laniata navigia fundo emergunt. *Arusianus.*

Tum verò Bithyni propinquantès jam amnem Tartanium. *Idem.*

Eos qui hoc malum publicum clandestinis consiliis comparaverunt. *Nonius.*

In quìs notissimus quisque, aut malo dependens verberabatur, aut immutilato corpore, improbo patibulo eminens affigebatur. *Idem: Patibulum est crux.*

Ad Siciliam vergens faucibus non ampliùs patet millibus v. et xxx. *Messus.*

Clausi lateribus pedem. *Idem.*

Naphthas. *Probus Catholicis.*



## F R A G M E N T A

## HISTORIARUM.

## LIBER QUINTUS.

**A**T Lucullus, audito Q. Marcium Regem pro consule per Lycaoniam cum tribus legionibus in Ciliciam tendere. *Priscianus, lib. xviii.*

Legiones Valerianæ comperto, lege Gabiniâ Bithyniam, et Pontum consuli datam, missos esse. *Idem, ibidem.*

Regem adversabatur. *Arusianus.*

Cæteri negotia sequebantur familiaria legatorum, aut tribunorum; et pars sua, commeatibus mercatis. *Nonius.*

Et uxori ejus frater erat. *Arusianus.*

Sæpe celebritatem nominis inteiligo timentem. *Prisc. l. xviii.*

Video ingentia dona quæsitum ire properantem. *Idem, ibidem.*

Nam si Pompeïo quid humani evenisset. *Arusianus.*

Quibus de causis Sullam in victoriâ dictatorem, equo descendere, sibi uni assurgere de sellâ, caput aperire solitum. *Nonius. Arusianus. Servius.*

C. SALLUSTII CRISPI

## FRAGMENTA

INCERTORUM LIBRORUM.

---

NE inrumiendi po.....  
sublicibus cavata.....  
sent. *Festus*.

Cujus duas insulas propinquas inter se, et decem stadiûm procul à Gadibus sitas, constabat suopte ingenio alimenta mortalibus gignere. *Nonius*.

Serum bellum in angustiis futurum. *Junius Philarg. ad Georg. Virgilii*.

Illi tertio mense pervenêre in Pontum multò celerius spe Mithridatis. *Arusianus*.

Ergo senati decreto serviundumne sit. *Donatus, act. ii. sc. 2*.

Pompeius oris improbi, animoque inverecundo. *Suet. de claris Gram. c. xiv*.

Simulans sibi alvum purgari. *Isidorus, l. xi. in voce Alvus. Serv. ad l. iii. Æneïdos*.

Fecit ut nunciis confestim lugubribus. *Carisius, lib. ii*.

Communem habitum transgressus. *Priscianus, l. xiv*.

Inter arma civilia æqui boni famam petit. *Seneca, lib. xx. Epist. cxv*.

Haud impigrè, neque inultus occiditur. *Donat. ad And. Ter. act. i. sc. 2*.

Festinantibus in summâ inopiâ patribus. *Idem, ad Eunuch. act. iv. sc. 3*.

Hostes oppressi, aut delapsi forent. *Isidorus, l. xviii.*  
 Exercitum argento fecit. *Seneca, lib. xxii. epist. cxv.*  
 Togam paludamento mutavit. *Isidorus, l. xix. Serv.*  
 Hiero rex Syracusanorum bellum fecit. *Seneca.*  
 Ibi triennio frustrà trito. *Servius, ad iv. Æneidos.*

### *Oratio C. Cottæ Consulis ad Populum.*

Quirites, multa mihi periculâ domi, militiæ multa adversa, fuere; quorum alia toleravi, partim repuli deorum auxiliis et virtute meâ: in quibus omnibus neque animus negotio defuit; neque decretis labos. Malæ secundæque res, opes, non ingenium, mihi mutabant. At contrâ in his miseriis cuncta me cum fortunâ deseruere. Præterea senectus, per se gravis, curam duplicat: cui misero, senectâ jam ætate, ne mortem quidem honestam sperare licet. Nam, si parricida vestri sum, et, his genitus hic, deos penates meos, patriamque, et summum imperium, vilia habeo; quis mihi vivo cruciatus satis est, aut quæ poena mortuo? cum omnia memorata apud inferos supplicia scelere meo vici. A primâ adolescentiâ in ore vestro, privatus, et in magistratibus, egi: qui linguâ, qui consilio meo, qui pecuniâ voluere, usi sunt: neque ego callidam facundiam, neque ingenium, ad malefaciendum exercui: avidissimus privatæ gratiæ, maximas inimicitias pro republicâ suscepi: qui victus cum illâ simul, cum, egens alienæ opis, plura mala exspectarem; vos, Quirites, rursus mihi patriam, deos penates, cum ingenti dignitate, dedistis. Pro quibus beneficiis vix satis gratus videar, si singulis animam, nam nequeo, concesserim. Nam vita et mors jura naturæ sunt: uti sine dedecore cum civibus, famâ et fortunis integer agas, id dono datur atque accipitur. Consules non fecistis, Quirites, domi bellicque impeditissimâ republicâ. Namque imperatores Hispaniæ stipendium, milites, arma, frumentum poscunt: et id res cogit: quoniam, post defectionem sociorum, et Sertorii per montes fugam, neque manu certare possunt, neque utilia parare. Exercitus in Asia Ciliciâque ob nimias opes Mithridatis aluntur: Macedonia plena hostium est: nec minùs Italiæ maritima et provinciarum: cum interim vectigalia parva, et bellis incerta, vix partem sumtum

sustinet: ita classe, quâ commeatus vehebatur, minore, quàm antea, navigamus. Hæc si dolo aut socordiâ nostrâ contracta sunt, agite; et uti lubet, ita supplicium sumite: sin communis fortuna asperior est, quare indigna vobis, nobisque, et republicâ, incipitis? Atque ego, cujus ætati mors propior est, non deprecor, si quid eâ vobis incommodi demitur: neque mox ingenuo corpori honestius, quàm pro vestrâ salute, finem vitæ fecerit. Adsum, en, Cn. Cotta consul: facio quod sæpè majores asperis bellis fecêre: voveo dedoque me pro republicâ: quam deindè cui mandetis circumspecte. Nam talem honorem bonus nemo volet, cùm fortunæ, et pacis, et belli ab aliis acti, ratio reddenda, aut turpiter moriendum sit. Tantummodò in animis habetote, non me ob scelus aut avaritiam cæsum, sed volentem pro maxumis beneficiis animam dono dedisse. Per vos igitur, Quirites, et gloriam majorûm, tolerate advorsa, et consulite reipublicæ. Multa cura summo imperio inest; multi ingentes labores; quos nequicquam abnuitis, et pacis opulentiam quæritis: cùm omnes provinciæ, regna, maria, terræque, aspera aut fessa bellis sint.

Germani intectum renonibus corpus tegunt. *Isidorus.*

Unde pons in oppidum pertinens explicatur. *Arusianus.*

Et ei voce magnâ vehementur gratulabantur. *Donat.*

Et Marius victus duplicaverat bellum. *Servius.*

Atque eos à tergo incurrerunt. *Rufinianus.*

In hunc modum disseruit. *Priscianus.*

Indè ortus sermo, percunctantibus utrimque; Satin' salvè; quàm grati ducibus suis; quantis, familiaribus copiis augerentur? *Donatus.*

Fugam nostris fecêre. *Seneca.*

Quæ audita Panormitanos dedere Romanis fecêre. *Seneca.*

Quò cupidiùs in ore ducis sese quisque bonum, et strennum ostentantes, *Isidorus. Servius, x.*

Ventis per cava terræ citatis, rupti aliquot montes, tumulique sedere. *Isidorus. Servius.*

Ubi multa nefandè casu super ausi, atque passi. *Priscianus.*

Saguntium. *Carisius*.

Tota autem insula modica, et cultoribus inanis est.  
*Martianus*.

Immodicus animi. *Arusianus*.

Tantum anxietatis curæque majoribus pro Italicâ gente fuit. *Idem*

Opprobrii gratiâ. *Agrotæius*.

Maximis ducibus, fortibus strenuisque ministris. *Diomedes, lib. ii.*

Neu repugnantibus modò, sed ne deditis quidem. A. B. C. M. *Donatus*.

In silvâ Silâ fuerunt. *Servius*.

In nuda iuxta corpora. *Diomedes*.

Apollinis filia et Cyrenes. *Probus*.

Ne simplici quidem morte moriebantur. *Servius*.

Cùm prædixero positum insulæ. *Donatus*.

Cujus adversâ voluntate, colloquio militibus permissio, corruptio facta paucorum, et exercitus Sullæ datus est.  
*Idem*.

A Graccho seditiones graves ortæ. *Augustinus*.

M. Atilius Palicanus humili loco, Picens, loquax magis quàm facundus. *Quintilianus, lib. iv. cap. 2.*

Iusolens vera accipiundi. *Donatus*.

Quæ pecunia ad Hispaniense bellum Metello facta erat. *Idem*.

Curubis. *Probus*.

Tharros. *Idem*.

Camisos. *Idem*.

Luces. *Sergius*.

Primam modò Japydiam ingressus. *Servius*.

Carbo turpi formidine Italiam atque exercitum deseruit. *Idem*.

Quæ pacta in conventionem non præstitissent. *Donatus*.

Crebritate fluctuum, ut Aquilo solet. *Servius*.

Mithridates corpore ingenti perindè armatus. *Quintil. lib. viii. c. 3.*

Tyrannumque et Cinnam appellantes. *Victorinus. Serv.*

Nomenque Danubium habet. *Acron*.

Cui nisi pariter obviàm iretur. *Donatus*.

Septimium, neque animo, neque linguâ, satis compotem. *Idem.*

Vulgus amat fieri. *Quintilianus, lib. ix. c. 3.*

Non pœniturum. *Quintilianus.*

Pompeius cum alacribus saltu, cum velocibus cursu, cum validis vecte, certabat. Neque enim ille aliter potuisset par esse Sertorio, nisi se et milites frequentibus exercitiis præparavisset ad prælia. *Vegetius, l. i. c. 9. Johān. Saresb.*

Cicero caninam facundiam, ut Appius inquit, exercuit. *Lactantius.*

Primus Græcorum Achilles. *Servius.*

Cupientissumis legis. *Diomedes.*

Magnâ gloriâ tribunus militum in Hispaniâ T. Didio imperante, magno usu bello Marsico, paratu militum et asmorum fuit. Multaque tum ductu ejus curata, primò per ignobilitatem, deindè per invidiam scriptorum celebrata sunt: cominùs faciem suam ostentabat, aliquot advorsis cicatricibus, et effosso oculo. Quo ille dehonestamento corporis maxumè lætabatur: neque illis anxius, qui reliqua gloriosius retinebat. *A. Gellius, lib. ii. c. 27.*

Curetes, quia principes intelligendi divina fuerunt, vetustatem uti cætera in majus componentem altores Jovis celebravisse. *Lactantius et Isidorus.*

Italiam conjunctam Siciliæ constat fuisse: sed medium spatium aut per humilitatem obrutum est aquis, aut propter angustiam scissum. Indè Rhegium nominatum. *Isidorus.*

Pompeius de victis Hispanis tropæa in Pyrenæis jugis constituit. *Servius.*

Atque edita undique, tribus tamen cum muris et magnis turribus. *Donatus.*

Et in præliis actu promptus. *Idem.*

Pactione amisso Publio legato. *Idem.*

Ipsam Mare Ponticum dulcius quàm cætera. *Servius. Priscianus. Macrobius.*

Equis paria operimenta erant: quæ lintea ferreis laminis in modum pluviæ adnexuerunt. *Servius.*

Rebus supra votum fluentibus. *Idem.*

Ænum, et Maroneam, et viam militarem. *Idem.*

Impediebant jussa nautarum. *Idem.*

Nihil socordiâ clauderat. *Donatus.*

Ut tanta repentè mutatio non sine deo videretur. *Idem.*

In ore gentibus agens, populi, civitati. *Idem.*

Pressi undique multitudine. *Idem.*

Hunc igitur redarguit Tarquitiu. *Idem.*

Dein campi Themyscirii ; quos habuère Amazones, à Tanai flumine incertum quamobrem digressæ. *Servius.*

Ubi eum totâ concione ab exercitu cogit discedere, dicit se ejus operâ non usurum ; eumque ab armis dimittit. *Idem.*

Et Metello procul agente longa spes auxiliorum. *Id.*

More equestris prælii, sumptis tergis atque redditis, et egressi ad faciliores ictus loco cedebant. *Idem.*

Castra sine vulnere introitum. *Idem.*

Multos tamen ab adolescentiâ bonos insultavit. *Idem ; et Donatus.*

Cosa. *Servius.*

Equis atque armis insignibus. *Idem.*

Fessus in Pamphylia se receperat. *Idem.*

Profectus quidam Ligus ad requisita naturæ. *Quintilian.*

Apud latera certos collocaverat. *Servius.*

Apertæ portæ, repleta arva cultoribus. *Idem.*

Hispaniam sibi antiquam patriam esse. *Idem.*

Lyciæ Pisidiæque agros despectantem. *Idem.*

Sorte ductos fusti necet. *Idem.*

Omnis Italia, coacta in angustias, scinditur in duo promontoria Bruttium et Salentinum. *Idem.*

Italia plana ac mollis. *Idem.*

Quâ tempestate ex Ponto vis piscium erupit. *Idem ; et Scholiastes Juvenalis.*

Introrsus prima Asiæ Bithynia est, multis antea nominibus appellata. Ipsa enim est Major Phrygia. *Servius.*

Sed Mithridates extremâ pueritiâ regnum ingressus, matre veneno interfectâ. *Idem.*

Exercitum vertere. *Idem.*

Creta altior est quâ parte spectat Orientem. *Idem.*

Se regibus devovent, et post eos vitam refutant ; adeo

illis ingenta est sanctitas regii nominis. *Idem; et Phylargyrius.*

Dum inferior omni viâ grassaretur. *Isannes Grammat.*

Narbone concilia Gallorum. *Pompeius in artem Donati.*

Post defectionem sociorum et Latii. *Donatus, Adelph. act. iii. sc. 4.*

Id Jovi mandem nostro. *Idem, ib. iv. 2.*

Morbi graves ob inedia insolita vescentibus. *Idem.*

Atque ea cogentes; non coactos, scelestos magis quam miseros distringi. *Idem.*

Graviori bello, qui prohibitori venerant socii, frigere. *Idem.*

Nam quidem Pyrrho, Hannibali, æquo et terra. *Idem.*

Nam Sullæ dominationem audebat.

Neque est defessus dominationum Sullæ. *Idem.*

Neu quis miles, neve pro milite. *Servius.*

Ex insolentiâ avidus malefaciendi. *Idem.*

Tergis vinciebant. *Idem.*

Charybdis; quæ, fortè illata naufragia sorbens, gurgitibus occultis millia sexaginta Tauromenitana ad litora trahit. *Idem.*

Saguntini, fide atque ærumnis inclyti, per mortalium studium majores quàm opibus; quippe quîs etiam tum semirutæ mœnia, domus intactæ, parietesque templorum ambusti, manus Punicas ostentabant. *Hieron. in Habacuc. c. ii.*

Apud Corduennos amomum et alii leves odores gignuntur. *Philarg. in iv. Georgic. Virgilii.*

Quem trans stagnum omnis usque ad flumen. *Idem.*

Repentè incautos agros invasit. *Idem.*

Belli sanè sciens. *Acron.*

Namque omnium ferocissimi ad hoc tempus Achæi atque Tauri sunt, quòd, quantùm conjicio, locorum egestate rapto vivere coacti. *Glossa Juvenalis.*

Atque ipse cultus rei. *Acron.*

Triplici fluctu. *Serv. Fuldamus.*

Charybdi mare vorticosum. *Idem.*

Sed ubi tempore anni mare classibus patefactum est. *Idem.*



Sanè bonus eâ tempestate contra pericula et ambitionem. *Idem.*

Simul immanis hominum vis ex locis invasêre patentes, cùm et pacis modo effusas. *Idem.*

Genua patrum advolvuntur. *Idem.*

Perrexêre in Hispaniam an Sardiniam. *Idem.*

Quæ mapalia sunt circumjecta civitati, suburbana ædificia. *Idem.*

Et onere turrium incertis navibus. *Idem.*

Traditur fugam in longinqua Oceani agitavisse. *Idem.*

Ad mutandum modò in melius servitium. *Servius ad primum Æneïdos.*

Magna vis hominum convenerat agris pulsa aut civitate ejecta. *Idem, ibidem.*

Cùm murum hostium successisset, pœnas dederat. *Idem ad Eclogam quintam.*

Quippe vasta Italia rapinis, fugâ, cædibus. *Idem.*

Hi sunt qui secundùm pocula, et alias res aureas, diis sacrata instrumenta convivio mereantur. *Idem ad viii. Æneïdos.*

In secundâ festinas cohortes composuerat. *Idem ad ix.*

Jam repentè visus sævire Tagus. *Idem ab x.*

Exuant armis equisque. *Idem, ib.*

Solas festinare, *Idem, ib.*

Lusitaniæ gravem civitatem. *Idem, ib.*

Ex parte cohortium præcipere instructa, et stationes locatæ pro castris. *Idem, ib.*

Bellum quibus posset conditionibus desineret. *Idem, ib.*

In quîs longissimo ævo plura, de bonis falsa, in deterius composuit. *Idem, ib.*

Cultu corporis ornata egregio. *Idem, ib.*

At Sertorius vacuus hyeme augere copias. *Acro in Horatium.*

Sin vis obsistat, ferro quàm fame æquiùs perituros. *Servius.*

Consedit in valle virgultâ nemorosâque. *Idem.*

Paululùm requietis militibus. *Idem.*

Qui nullo certo exilio vagabantur. *Idem.*

Nubes fædavêre lumen. *Idem.*

Sanctus alia. *Idem.*

Geronis. *Idem.*

Quæ causa fuerat novandis rebus. *Idem.*

Radicem montis excessit. *Statii Interpres.*

Ut res magis quàm verba gererentur, liberos parentesque in muris locaverant. *Idem.*

Incerta est fortitudo dum pendet. *Idem.*

In quibus planstra sedes sunt. *Acro ad Horatium.*

Luxo pede. *Probus.*

Maurique, vanum genus, ut alia Africæ, contendebant Antipodas ultra Æthiopiam cultu Persarum justos et egregios agere. *Priscianus.*

Et Perpennam fortè cognoscit mulio redemptoris. *Acro in Horatium.*

Omnium fluminum quæ in maria, quâ imperium Romanum est, fluunt, quam Græci τὴν εἰσω θάλασσαν appellant, maximum esse Nilum consentitur; proxumâ magnitudine esse Histrum scripsit Sallustius. *A. Gellius, lib. x. c. 7.*

Ex omnibus quæ tractavimus, Æbuti Liberalis, potest videri nihil tam necessarium, aut magis, ut ait Sallustius, cum curâ dicendum, quàm quod in manibus est, *Seneca.*

Turbinum motus vagus est et disiectus, et, uti Sallustii verbis utar, vorticosus; cometarum autem, compositus, et certum iter carpens. *Idem.*

Sallustius, auctor certissimus, asserit Tigrum et Eufratem uno fonte manare in Armeniâ; qui, per diversa euntes, longiùs dividantur, spatio medio relicto multorum millium: quæ tamen terra, quæ ab ipsis ambitur, Mesopotamia dicitur. *Idem.*

Pelorum promontorium Siciliæ respiciens Aquilonem, juxta Sallustium, dictum à gubernatore Hannibalis illic sepulto, qui fuerat occisus per ignorantium regis, cum se ejus dolo crederet esse deceptum. *Servius et Isidorus.*

Aristæus, uti Sallustius docet, post laniatum à canibus Actæonem filium, matris instinctu Thebas reliquit, et Ceam insulam tenuit, primò adhuc hominibus vacuum; postea, eâ relictâ, cum Dædalo in Sardiniam transivit: post delatus est Cumas. *Servius.*

Sallustius duces laudat, qui, victoriam incruento exercitu deportârunt. *Idem.*

Cares Insulani populi fuerunt, piraticam exercentes, famosi, victi à Minoë, uti Sallustius et Thucydides tradunt. *Idem.*

A Trojâ Capys Campaniam, Helenus Macedoniam, alii Sardiniam, secundum Sallustium, tenuerunt. *Idem.*

Dardania à Dardano Jovis et Electræ filio; aut, secundum Sallustium, à Midâ Dardanorum rege, qui Phrygiam tenuit. *Idem.*

Sallustius Scyllam saxum esse dicit, simile formæ celebratæ procul visentibus. *Idem.*

In Siciliâ est Enceladus, Othus in Cretâ, secundum Sallustium. *Idem.*

Sallustius ait, Hispanorum morem fuisse, ut in bella euntibus juvenibus parentum facta memorentur à matribus. *Idem.*

Orion, juxta Sallustium, oritur juxta solis æstivi pulsum. *Idem.*

In Flaminiâ est civitas, quæ Cale dicitur, et in Galliâ hîc nomine; quam Sallustius à Perpennâ captam commemorat. *Idem.*

Getæ sunt Mysii, quos Sallustius à Lucullo dicit esse superatos. *Idem.*

Trojanorum tempore invadendarum terrarum casu fuerat navigatio, uti Sallustius meminit. *Idem.*

Curribus falcatis usos esse antiquos, Livius et Sallustius doceat. *Idem.*

Vices significant pugnam, quia per vicissitudinem pugnabatur, ut inquit Sallustius. *Idem.*

Creta medio jacet insula ponto, id est, secundum Sallustium, procul à continenti. *Servius.*

Primo mense veris dicitur novum ver, secundo ver adultum, tertio præceps: sicut etiam Sallustius dicit ubique, novo æstas, adulta, præceps. *Idem.*

Sallustius in Historiis tradit, Sertorium victum voluisse fugere ad insulas Fortunatas. *Acron.*

Insulas Fortunatas Sallustius inclytas esse ait Homeri carminibus. *Servius.*

Proximum dicebant veteres, non solùm adhærens et

adjunctum, verum etiam longè remotum, si tamen inter duo discreta nihil medium exstisset. *Virgil. Æn. lib. v.*

*Proximus huic, longo sed proximus intervallo,  
Insequitur Salius.*—

Ita et Sallustius in situ Ponti, de promontoriis Paphlagonum, et quod Κρίε μέτωπου appellavit, posuit. *Nonius.*

*Interrogasti, si tenes, Mæotici  
Situs quis esset æquoris. Sallustium  
Noram id dedisse, dicta et ejus omnibus  
Præjudicatæ auctoritatis ducier,  
Non abnucebam. Festus Avienus.  
Portus ab Εὐο fluctu curvatus in arcum.*

In arcûs similitudinem. Sic de Ponto Sallustius, unde hic tulit colorem, nam speciem efficit Scythici arcûs. *Servius ad iii. Æneïdos.*

— *Freta lata relucent.*

Lata autem ideo, quia se angustiae Pontici oris illic dilatant, uti dicit Sallustius. *Servius.*

Teïa autem dictu est à Teïo, Anacreontis Poëtæ Lyrici oppido, quod in Paphlagoniâ esse Sallustius indicat, cum de situ Pontico loquitur. *Comment. in Horat.*

Porro Sallustius, auctor certissimus, asserit, tam Tigris, quam Euphratis, in Armeniâ fontes demonstrari. *Hieron. de locis Heb.*

Cum multi evaserint Trojanum periculum, uti Capys, qui Campaniam tenuit; ut Helenus, qui, ut alii, Sardiniam, secundum Sallustium. *Serv.*

Sallustianus Calpurnius. *Hieronymus adversus Ruf.*

Calpurniani discipuli. *Idem, ibidem.*

Tamen vulgata jam res est gentilium proprietatum. Comici Phrygas timidos illudunt. Sallustius vanos Mauros et feroces Dalmatas pulsat. *Tertull. de animâ.*

Sarcasmus chilenasmo proxima est, et similis figura, quâ adversariorum facta, cum exacerbatione admissi eorum, lacesimus. Ut apud Sallustium de Sullæ crudelitatem. Ut in M. Mario, cum fracta prius crura per artus expiraret. *Jul. Rufinianus de schematis lexeos.*

Mesopotameni homines effrenatae libidinis sunt, ut Sallustius meminit, in utroque sexu. *Glossæ in Juvenalem.*

Antonius ille trium Antoniorum corruptor, ille Sallustius, qui oræ maritumæ, quæ Romanum esset imperium, contrarius piratis. Si omnes socios, et maxumè Græcos, Asiaticos, ac Siculos, fortunis omnibus spoliaverunt. *Eadem Glossæ.*

Σαλλεστις δὲ θαυμάζω, τότε πρῶτον ὤφθαι Ῥωμαίοις καμήλους, λέγοντος· εἰ μήτε πρότερον τῆς μετὰ Σκιπίωνος νικησάντας Ἀντίοχον ᾤετο, μήτε τῆς ἑναγχος πρὸς Ὀρχομενῶ, καὶ περὶ Χαιρωνείαν Ἀρχελάῳ μεμαχημένους, ἐγνωκέναι κάμηλον. *Id est:* Sallustium demiror, qui autumat, tum prium visos Romanis camelos; quòd neque olim illos, qui, duce Scipione, Antiochum devicerunt, neque hos, qui ad Orchomenum et Chæroneam certaverunt cum Archelão, nôsse putaverit camelum. *Plutarchus in Lucillum.*

Σαλλέστιος μὲν ἔν φησὶ, χαλεπῶς διατεθῆναι τὸς στρατιώτας πρὸς αὐτὸν, εὐθὺς ἐν ἀρχῇ τῆ πολέμου πρὸς Κυζίκω. καὶ πάλιν πρὸς Ἀμισῶ δύο χειμῶνας ἔξῃς ἐν χάρακι διαγαγεῖν ἀναγκασθέντας. *Id est:* At Sallustius quidem, fuisse milites jam indè à principio malè, ait, in eum (Lucillum) animatos, quòd ad Cyzicum, et iterùm ad Amisum, duas hyemes eos in castris continuisset. *Idem.*

## LECTORI.

*Hactenus Fragmenta florentissimi Rerum Romanorum scriptoris, quæ extare putamus. Cætera quæ sequuntur, in MS. Servio legi auctor est V. Cl. Andreas Schottus: in optimâ tamen illâ Honorati Editione à Petro Daniele J. C. procuratâ non comparent.*

\* mor Trequii præter s r ciem necessarium haud multò secùs quàm ferro noceri poterat. At Varinius, dum hæc aguntur à fugitivis, agrâ parte militum autumnii gravitate, neque ex postremâ fugâ, cùm severo edicto juberentur, ullis ad signa redeuntibus, et qui reliqui erant per summa flagitia detrectantibus militiam, Quæstorem suum C. Thoranium ex quo præsentē vera facillimè noscerent. \*\*\* commiserant, et tamen interim quum volentibus numero quatuor.

\* ingre, tantæ fetui debacchiantur, nefandum in modum perverso vulnere, et interdum lacerum corpus semi-animus omittentes, alii in tecta jaciebant ignes, multique ex loco servi, quos ingenium socios dabat, abdita à dominis, aut ipsos trahebant ex occulto, neque sanctum aut nefandum quicquam fuit iræ barbarorum, et servili ingenio: quæ Spartacus nequius prohibere, multis precibus cùm oraret, celeritate \*\*\* nuntios.

Aliquot dies contra morem fiducia augeri nostris cœpit, et promi lingua. Qua Varinius contra spectatam rem incautè motos novos incognitosque et aliorum casibus perculsos milites, ducit tamen ad castra fugitivorum. Presso gradu silentes jam, neque tam magnificè sumentes prælium quàm postulaverant. Atque illi certamini conscii inter se juxta seditionem erant. Crixo et gentis ejusdem Gallis atque Germanis obviâ ire, et ultrò offerre pugnam cupientibus contra Spartacum.

INCERTI AUCTORIS,  
EPISTOLÆ DUÆ

AD

C. CÆSAREM

DE REPUBLICA ORDINANDA;

SALLUSTIO FALSO<sup>1</sup> ADSCRIPTÆ.

---

EPISTOLA I.

**P**RO vero, antea obtinebat, regna atque imperia fortunam dono dare, item alia, quæ per mortalis avidè cupiuntur: quia et apud indignos sæpè erant quasi per lubidinem data; neque cuiquam incorrupta permanse-  
rant. Sed res docuit id verum esse, quod in carminibus Appius ait, fabrum esse suæ quemque fortunæ: atque in te maxumè, qui tantum alios prætergressus es, uti parius defessi sint homines laudando facta tua, quam tu laude digna faciundo. Cæterum uti fabricata, sic virtute parta, quam magnâ industriâ haberi decet, ne incuriâ deformentur, aut corruant infirmata. Nemo enim alteri imperium volens concedit: et quamvis bonus atque clemens sit, qui plus potest; tamen, quia malo esse licet, formidatur. Id evenit, quia plerique rerum potentes perversè consulunt: et eò se munitiores putant, quò illi, quibus imperitant, nequiores fuêre. At contrà id eniti decet; cum ipse bonus atque strenuus sis, uti quam optumis imperites. Nam pessumus quisque asperrumè rectorum patitur. Sed tibi hoc gravius est, quam ante te omnibus, armis parta componere. Bellum aliorum pace mollius gessisti: ad hoc, victores prædam petunt,

victi cives sunt. Inter has difficultates evadendum est tibi; atque in posterum firmanda respublica, non armis modò, neque adversum hostes, sed, quod multò majus multòque asperius est, bonis pacis artibus. Ergo omnes magnâ mediocrique sapientiâ res huc vocat: quæ quisque optuma potest, uti dicat. At mihi sic videtur: quicumque modo tu victoriam composueris, ita alia omnia futura. Sed jam, quò meliùs faciliùsque constituas, paucis, quæ me animus monet, accipe. Bellum tibi fuit, Imperator, cum homine claro, magnis opibus, avido potentiae, majore fortunâ quàm sapientiâ: quem secuti sunt pauci, per suam injuriam tibi inimici: item quos affinitas, aut alia necessitudo, traxit. Nam particeps dominationis neque fuit quisquam; neque, si pati potuisset, orbis terrarum bello concussus foret. Cætera multitudo vulgi, more magis quàm judicio, pòst alius alium, quasi prudentiorem, secuti. Per idem tempus maledictis iniquorum occupandæ reipublicæ in spem adducti homines, quibus omnia probro ac luxuriâ polluta erant, concurrere in castra tua: et apertè quietis mortem, rapinas, postremò omnia, quæ corruptus animus jubebat, minitari. Ex quîs magna pars, ubi neque creditum condonare, neque te civibus, sicuti hostibus, uti vident, defluxère: pauci restitère, quibus majus otium in castris, quàm Romæ, futurum erat: tanta vis creditorum impendebat. Sed ob easdem causas immane dictu est, quanti et quàm multi mortales postea ad Pompeiũ discesserint: eoque, per omne tempus belli, quasi sacro atque inspoliato fano debitores usi. Igitur, quoniam tibi victori de bello atque pace agitandum est: hoc uti civilitèr deponas, illa ut quàm justissima et diuturna sit: de te ipso primũ, quia compositurus es, quod optimum factu est, existuma. Equidem ego cuncta imperiâ crudelia, magis acerba, quàm diuturna, arbitror; neque quemquam à multis metuendum esse, quin ad eum ex multis formido recidat; eam vitam bellum æternum atque anceps gerere: quoniam neque adversus, neque ab tergo, aut lateribus, tutus sis; semper in periculo aut metu agites. Contrà, qui benignitate et clementiâ imperium temperavère, his læta et candida omnia visa; etiam hostes æquiores, quàm aliis cives. An qui me his dictis corruptorem victoriæ tuæ, nimisque in victos bonâ



voluntate prædicent? Scilicet quòd ea, quæ externis nationibus, naturâ hostibus, nosque majoresque nostri sæpè tribuère, ea civibus danda arbitror; neque barbarico ritu, cæde cædem, sanguine sanguinem expiandum. An illa, quæ paulò ante hoc bellum in Cn. Pompeium victoriamque Syllanam increpabantur, oblivio abstulit? Domitium, Carbonem Brutum, alios item non armatos, neque in prælio belli jure, sed postea supplices, per summum scelus interfectos: plebem Romanam in villâ publicâ, pecoris modo, conscissam. Heu! quàm illa occulta civium funera et repentinæ cædes, in parentum aut liberorum sinum fuga mulierum et puerorum, vastatio domorum ante partam à te victoriam, omnia sæva atque crudelia erant. Ad quæ te illi iidem hortantur: et scilicet id certatum esse, utrius vestrum arbitrio injuriæ fierent: neque receptam, sed captam à te rempublicam: et eâ causâ exercitus, stipendiis confectis, optimos et veterrimos omnium, advorsum fratres parentesque, alii liberos, armis contendere; ut ex alienis malis deterrumi mortales ventri, atque profundæ lubricini sumtus quærent; atque essent opprobria victoriæ, quorum flagitiis commacularetur bonorum laus. Neque enim te præterire puto, quali quisque eorum more, aut modestiâ, etiam tum dubiâ victoriâ, sese gesserit: quoque modo, in belli administratione, scorta aut convivia exercuerint nonnulli; quorum ætas, ne per otium quidem, tales voluptates sine dedecore attigerit. De bello satis dictum. De pace firmandâ quoniam tuque et omnes tui agitis; primum id, quæso, considera, quale id sit, de quo consultas: ita bonis malisque dimotis, patenti viâ ad verum perges. Ego sic existumo; quoniam orta omnia intereunt, quâ tempestate urbi Romanæ fatum excidii adventârît, cives cum civibus manus conserturos: ita defessos et exsanguis regi aut nationi prædæ futuros. Aliter non orbis terrarum, neque cunctæ gentes conglobatæ, movere aut contundere queunt hoc imperium. Firmanda igitur sunt concordie bona, et discordie mala expellenda. Id ita eveniet, si sumtum et rapinarum licentiam demseris; non ad vetera instituta revocans, quæ, jam pridem corruptis moribus, ludibrio sunt; sed si suam cuique rem familiarem finem sumtum statueris; quoniam

is incessit mos, ut homines adolescentuli, sua atque aliena consumere, nihil lubidini, atque aliis rogantibus, dene-gare, pulcherrimum putent: eam virtutem et magnitu-dinem animi; pudorem atque modestiam pro socordiâ æstument. Ergo animus ferox, pravâ viâ ingressus, ubi consueta non suppetunt, fertur accensus in socios modò, modò in cives: movet composita, et res novas veteribus acquirit. Quare tollendus fœnerator in posterum, uti suas quisque res curemus. Ea vera atque simplex via est, magistratum populo, non creditori, gerere; et magnitu-dinem animi in addendo, non demendo reipublicæ osten-dere. Atque ego scio, quàm aspera hæc res in principio futura sit: præsertim iis, qui se in victoriâ licentiùs liberiùsque, quàm artiùs, futuros credebant: quorum si saluti potiùs quàm lubidini consules; illosque nosque et socios in pace firmâ constitutes. Sin eadem studia artesque juventuti erunt; næ ista egregia tua fama, simul cum urbe Româ, brevì concidet! Postremò, sapientes pacis causâ bellum gerunt, laborem spe otii sustentant. Nisi illam firmam efficis, vinci, an vicisse, quid retulit? Quare capesse per deos rempublicam; et omnia aspera, uti soles, pervado. Namque aut tu mederi potes; aut omittenda est cura omnibus. Neque quisquam te ad crudeles pœnas aut acerba judicia invocat, quibus civitas vastatur magis quàm corrigitur; sed uti pravas artes, malasque lubidines, ab juventute prohibeas. Ea vera clementia erit, consu-luisse, nè immeritò cives patriâ expellerentur; retinuisse ab stultitiâ et falsis voluptatibus; pacem concordiamque stabilivisse: non, si, flagitiis obsecutus, delicta perpes-sus, præsens gaudium cum mox futuro malo conces-seris. Ac mihi animus, quibus rebus alii timent, maxumè fretus est, negotii magnitudine: et, quia tibi terræ et maria simul omnia componenda sunt, (quippe res parvas tantum ingenium attingere nequit,) magnæ curæ magna merces est. Igitur provideas oportet, uti plebes, largi-tionibus et publico frumento corrupta, habeat negotia sua, quibus ab malo publico detineatur, juvenus probi-tati et industriæ, non sumtibus neque divitiis, studeat. Id ita eveniet, si pecuniæ, quæ maxuma omnium pernici-es est, usum atque decus demseris. Nam sæpè ego, cum animo meo reputans, quibus quisque rebus clarissimi

virī magnitudinem invenisset, quæ res populos nationesve magnis auctoribus auxissent, ac deindè quibus causis amplissima regna et imperia corruissent; eadem semper bona atque mala reperiēbam, omnesque victores divitias contempsisse et victos cupivisse. Neque alitèr quisquam extollere sese et divina mortalis attingere potest, nisi, omis- sis pecuniæ et corporis gaudiis, animo indulgens, non assentando, neque concupita præbendo, perversam gra- tiam gratificans; sed in labore, patientiâ, bonisque præ- ceptis, et factis fortibus, exercitando. Nam, domum aut villam extruere, eamque signis, aulæis, aliisque ope- ribus exornare, et omnia potiùs, quàm semet, visendum efficere; id est, non divitias decori habere, sed ipsum illis flagitio esse. Porro ii, quibus bis die ventrem onerare, nullam noctem sine scorto quiescere, mos est; ubi ani- mum, quem dominari decebat, servitio oppressere, ne- quaquàm eo postea hebeti atque claudo pro exercitio uti volunt: nam imprudentiâ pleraque et se præcipitant. Verùm hæc et omnia mala paritèr cum honore pecuniæ desinent, si neque magistratus, neque alia vulgo cupienda venalia erunt. Ad hoc, providendum est, quonam modo Italia atque provinciæ tutiores sint: id quod factu laud- obscurum est. Nam iidem omnia vastant, suas deserendo domos, et per injuriam alienas occupando. Item nè, ut adhuc, militia injusta aut inæqualis sit: cùm alii triginta, pars nullum stipendium faciet: et frumentum id, quod an- tea præmium ignaviæ fuit, per municipia et colonias illis dare conveniet, cùm, stipendiis emeritis, domos revertē- rint. Quæ reipublicæ necessaria, tibi que gloriosa ratus sum, quàm paucissimis absolvi. Non pejus videtur pauca nunc de facto meo disserere. Plerique mortales ad judicandum satis ingenii habent, aut simulant: verùm tamen ad reprehendenda aliena facta, aut dicta, ardet om- nibus animus: vix satis apertum os, aut lingua prompta videtur, quæ meditata pectore evolvat, quibus me sub- jectum laud pœnitet, magis reticuisse pigeret. Nam sive hâc, seu meliore aliâ, viâ perges; à me quidem pro virili parte dictum et adjutum fuerit. Reliquum est optare, uti, quæ tibi placuerint, ea dii immortales approbent, benèque evenire sinant.

## EPISTOLA II.

## AD C. CÆSAREM.

SCIO ego, quàm difficile atque asperum factu sit, consilium dare regi aut imperatori; postremò cuiquam mortali, cujus opes in excelso sunt: quippe cùm et illis consultorum copiæ adsint; neque de futuro quisquam satis callidus, satisque prudens sit. Quia etiam sæpè prava magis, quàm bona, consilia prosperè eveniunt: quia plerasque res fortuna ex lubricine suâ agitât. Sed mihi studium fuit, adolescentulo, rempublicam capessere; atque in eâ cognoscendâ multam magnamque curam habui: non ita, uti magistratum modò caperem, quem multi malis artibus adepti erant; sed etiam, uti rempublicam domi militiæque, quantùmque armis, viris, opulentiâ posset, cognitum haberem. Itaque mihi, multa cum animo agitantî, consilium fuit, famam modestiamque meam post tuam dignitatem habere, et cujus rei lubet periculum facere, dum quid tibi ex eo gloriæ accideret. Idque non temerè, aut ex fortunâ tuâ, decrevi; sed quia in te, præter cæteras, artem unam egregiè mirabilem comperi, semper tibi majorem in adversis, quàm in secundis, rebus animum esse. Sed, per deos immortales, illa res clarior est, quòd et priùs defessi sint homines laudando atque admirando munificentiam tuam, quàm tu faciendo quæ gloriâ digna essent. Equidem mihi decretum est, nihil tam ex alto reperiri posse, quod non cogitanti tibi in promptu sit. Neque ego, quæ visa sunt, de republicâ tibi scripsi, quia mihi consilium atque ingenium meum ampliùs æquo probaretur: sed inter labores militiæ, interque prælia, victorias, imperium, statui admonendum te de negotiis urbanis. Namque tibi si id modò in pectore consilii est,

utî te ab inimicorum impetu vindices, quoque modo contra adversum consulem beneficia populi retineas; indigna virtute tuâ cogitas. Sin in te ille animus est, qui jam à principio nobilitatis factionem disturbavit; plebem Romanam ex gravi servitute in libertatem, restituit; in præturâ inimicorum arma inermis disjecit: domi militiæque tanta et tam præclara facinora fecit, utî ne inimici quidem queri quidquam audeant, nisi de magnitudine tuâ: quin accipe tu ea, quæ dicam de summâ republicâ; quæ profectò aut tu vera invenies, aut certè haud procul à vero. Sed, quoniam Cn. Pompeius, aut animi pravitate, aut quia nihil maluit, quàm quod tibi obsesset, ita lapsus est, ut hostibus tela in manus jaceret; quibus ille rebus rempublicam conturbavit, eisdem tibi restituenda est. Primum omnium, summam potestatem moderandi, de vectigalibus, sumtibus, judiciis, senatoribus paucis tradidit; plebem Romanam, cujus antea summa potestas erat, nosque his quidem legibus in servitute reliquit. Judicia, tametsi, sicut antea tribus ordinibus tradita sunt: tamen iidem illi factiosi regunt, dant, adimunt, quæ lubet; innocentes circumveniunt; suos ad honorem extollunt. Non facinus, non probrium, aut flagitium obstat, quò minùs magistratus capiant: quod commodum est, trahunt, rapiunt: postremò, tanquam urbe captâ, lubricine ac licentiâ suâ pro legibus utuntur. Ac me quidem mediocris dolor angeret, si virtute partam victoriam more suo per servitium exercerent. Sed homines inertissimi, quorum omnis vis virtusque in linguâ sita est, forte, atque alterius socordiâ, dominationem oblatam insolentes agitant. Nam, quæ seditio ac dissensio civilis tot tamque illustres familias ab stirpe evertit? aut quorum umquam victoriâ animus tam præceps tamque immoderatus fuit? L. Sulla, cui omnia in victoriâ lege belli licuerunt, tametsi à Sulpicio hostium partes muniri intelligebat; tamen, paucis interfectis, cæteros beneficio, quàm metu, retinere maluit. At hercule nunc cum Catone, L. Domitio, cæterisque ejusdem factionis, quadraginta senatores, multi prætereà cum spe bonâ adolescentes, sicuti hostiæ, mactati sunt: cum intereà importunissima genera hominum tot miserorum civium sanguine satiari nequiverunt: non orbi liberi, non parentes exactâ ætate, non gemitus virorum, luctus mu-

lierum, immanem eorum animum inflexit: quin, acerbius indiès malefaciendo, ac dicundo, dignitate alios, alios civitate, eversum irent. Nam, quid ego de te dicam, cujus contumeliam homines ignavissimi vità suâ commutare volunt? scilicet, neque illis tantæ voluptati est (tametsi insperantibus accidit) dominatio, quanto mœrori tua dignitas; qui optatius habent, ex tuâ calamitate periculum libertatis facere, quàm per te populi Romani imperium maximum ex magno fieri. Quò magis tibi etiam atque etiam animo prospiciendum est, quonam modo rem stabilias communnasque. Mihi quidem quæ mens suppetit, eloqui non dubitabo. Cæterum tui erit ingenii probare, quæ vera atque utilia factu putes. In duas partes ego civitatem divisam arbitror, sicut à majoribus accepi,—in patres et plebem. Antea in patribus summa auctoritas erat, vis multò maxuma in plebe. Itaque sæpius in civitate secessio fuit: semperque nobilitatis opes diminutæ sunt, et jus populi amplificatum. Sed plebes eò liberè agitabant quia nullius potentia super leges erat; neque divitiis aut superbiâ, sed bonâ famâ factisque fortibus, nobilis ignobilem anteibat: humillimus quisque in armis aut militiâ, nullius honestæ rei egens, satis sibi, satisque patriæ erat. Sed, ubi eos paulatim expulsos agris inertia atque inopia incertas domos habere subegit: cæpère alienas opes petere, libertatem suam cum republicâ venalem habere. Ita paulatim populos, qui dominus erat et cunctis gentibus imperitabat, dilapsus est: et pro communi imperio privatim sibi quisque servitutem peperit. Hæc igitur multitudo primum malis moribus imbuta, deindè in artes vitasque varias dispalata, nullo modo inter se congruens, parum mihi quidem idonea videtur ad capessendam rempublicam. Cæterum, additis novis civibus, magna me spes tenet, fore, ut omnes expergiscantur ad libertatem; quippe cum illis libertatis retinendæ, tum his servitutis amittendæ, cura orietur. Hos, ego censeo, permixtos cum veteribus novos, in coloniis constituas; ita et res militaris opulentior erit; et plebes, bonis negotiis impedita, malum publicum facere desinet. Sed non inscius neque imprudens sum, cum ea res agetur, quæ sævitia, quæve tempestates hominum nobilium futuræ sint; cum indignabuntur omnia funditus misceri, antiquis civibus hanc servitutem imponi, reg-

num denique ex liberâ civitate futurum, ubi unius munere multitudo ingens in civitatem pervenerit. Equidem ego sic apud animum meum statuo, malum facinus in se committere, qui incommodo reipublicæ gratiam sibi conciliet. Ubi bonum publicum etiam privatim usui est; id verò dubitare aggredi: socordiæ atque ignaviæ duco. M. Livio Druso semper consilium fuit, in tribunatu summa opem niti pro nobilitate; neque ullam rem in principio agere intendit, nisi illi auctores fierent. Sed homines factiosi, quibus dolus atque malitia fide cariora erant, ubi intellexerunt, per unum hominem maximum beneficium multis mortalibus dari; videlicet, et sibi quisque conscius, malo atque infido animo esse, de M. Livio Druso, juxta ac de se, existumaverunt. Itaque metu, nè per tantam gratiam solus rerum potiretur, contra eum nixi, sua ipsius consilia disturbaverunt. Quò tibi, Imperator, majore curâ fideque amici et multa præsidia paranda sunt. Hostem adversum opprimere, strenuo homini haud difficile est: occulta pericula neque facere, neque vitare, bonis in promptu est. Igitur, ubi eos in civitatem adduxeris; quoniam quidem revocata plebes erit; in eâ re maxumè animum exercitato, uti colantur boni mores; concordia inter veteris et novos coalescat. Sed multò mukum bonum patriæ, civibus, tibi, liberis, postremò humanæ genti pepereris, si studium pecuniæ aut sustuleris, aut, quod res feret, minueris. Alitèr, neque privata res, neque publica, neque domi, neque militiæ, regi potest. Nam, ubi cupido divitiarum invasit, neque disciplina, neque artes bonæ, neque ingenium ullum satis pollet: quin animus, magis aut minus maturè, postremò, tamen, succumbit. Sæpè jam audiui, qui reges, quæ civitates et nationes, per opulentiam magna imperia amiserint, quæ per virtutem inopes ceperant. Id adeò haud mirandum est. Nam, ubi bonus deteriore divitiis magis clarum magisque acceptum videt; primò æstuat, multaque in pectore volvit: sed ubi gloria honorem magis in dies, virtutem opulentia vincit; animus ad voluptatem à vero deficit. Quippe gloriâ industria alitur: ubi eam demseris, ipsa per se virtus amara atque aspera est. Postremò, ubi divitiæ claræ habentur, ibi omnia bona vilia sunt, fides, probitas, pudor, pudicitia. Nam ad

virtutem una et ardua via est: ad pecuniam, quâ cuique lubet, nititur: et malis et bonis rebus ea creatur. Ergo in primis auctoritatem pecuniæ demitto: neque de capite, neque de honore, ex copiis quisquam magis aut minùs judicaverit; se neque prætor, neque consul, ex opulentiâ, verùm ex dignitate, creetur. Sed de magistratu facile populi iudicium fit. Iudices à paucis probari, regnum est; ex pecuniâ legi, inhonestum. Quare omnes primæ classis iudicare placet, sed numero plures, quàm iudicant. Neque Rhodios, neque alias civitates, unquam suorum iudiciorum pœnituit; ubi promiscuè dives, et pauper, uti cuique sors tulit, de maxumis rebus, juxta ac de minumis, disceptat. Sed de magistratibus creandis haud mihi quidem absurdè placet lex, quam C. Gracchus in tribunatu promulgaverat; uti ex confusis quinque classibus sorte centuriæ vocarentur. Ita coæquati dignitate, pecuniâ; virtute antèire alius alium properabit. Nec ego magna remedia contra divitias statuo. Nam perinde omnes res laudantur atque appetuntur, ut earum rerum usus est: malitia præmiis exercetur. Ubi ea demseris, nemo omnium gratuitò malis est. Cæterùm avaritia, bellua fera, immanis, intoleranda est: quò intendit, oppida, agros, fana atque domos, vastat; divina cum humanis permiscet; neque exercitus neque mœnia obstant, quò minùs vi suâ penetret; famâ, pudicitia, liberis, patriâ atque parentibus cunctos mortales spoliât. Verùm, si pecuniæ decus ademeris, magna illa vis avaritiæ facilè bonis moribus vincetur. Atque hæc ita sese habere, tametsi omnes æqui atque iniqui memorent: tamen tibi cum factione nobilitatis haud mediocritè certandum est; cujus si dolum caveris, alia omnia in proclivi erunt. Nam hi, si virtute satùs valerent, magis æmuli bonorum, quàm invidi, essent. Quia desidia, et inertia, et stupor eos, atque torpedo, invasit; strepunt, obtrectant, alienam famam suum dedecus existumant. Sed quid ego plura, quasi de ignotis, memorem? M. Bibuli fortitudo, atque animi vis, in consulatum erupit: hebes linguâ, magis malus, quàm callidus, ingenio. Quid ille audeat, cui consulatus, maxumum imperium, maximo dedecori fuit? An L. Domitii magna vis est, cujus nullum membrum à flagitio aut facinore vacat? lingua vana, manus cruentæ,



pedes fugaces: quæ honestè nominari nequeant, inhonestissima. Unis tamen M. Catonis ingenium versutum, loquax, callidum, haud contemno. Parantur hæc disciplinâ Græcorum. Sed virtus, vigilantia, labos, apud Græcos nulla sunt. Quippe, cùm domi libertatem suam per inertiam amiserint; censesne eorum præceptis imperium haberi posse? Reliqui de factione sunt inertissimi nobiles: in quibus, sicut in statuâ, præter nomen, nihil est additamenti. L. Posthumius et M. Favonius mihi videntur quasi magnæ navis supervacua onera esse; ubi salvi pervenère, usui sunt; si quid advorsi coortum est, de illis potissimum jactura fit, quia pretii minimi sunt. Quoniam nunc, uti mihi videor, de plebe renovandâ corrigendâque disserui: de senatu, quæ tibi agenda videntur, dicam. Postquàm mihi ætas ingeniumque adolevit, haud fermè armis atque equis corpus exercui, sed animum in litteris agitavi: quod naturâ firmitus erat, id in laboribus habui. Atque ego in eâ vitâ multa legendo atque audiendo ita comperi. Omnia regna, civitates, nationes, usque eò prosperum imperium habuisse, dum apud eos vera consilia valuerunt: ubicumque gratia, timor, voluptas, ea corrupère; pòst paulò imminutæ opes, deindè ademtum imperium, postremò servitus imposita est. Equidem ego sic apud animum meum statuo: cuicumque in suâ civitate amplior illustriorque locus quàm aliis est, ei magnam curam esse reipublicæ. Nam cæteris, salvâ urbe tantummodò libertas tuta est: qui per virtutem sibi divitias, decus, honorem, perpererunt; ubi paulùm inclinata respublica agitari cœpit, multipliciter animus curis atque laboribus fatigatur; aut gloriam, aut libertatem, aut rem familiarem, defensat; omnibus locis adest, festinat; quantò in secundis rebus florentior fuit, tantò in adversis asperius magisque anxie agitatur. Igitur, ubi plebes senatui, sicuti corpus animo, obedit, ejusque consilia consequitur; patres consilio valere decet, populo supervacanea est calliditas. Itaque majores nostri, cùm bellis asperumis permerentur, equis, viris, pecuniâ amissâ nunquam defessi sunt, armati de imperio certare. Non inopia ærarii, non vis hostium, non adversa res, ingentem eorum animum subegit; quin, quæ virtute ceperant, simul cum animâ retinerant. Atque ea magis fortibus consiliis,

quàm bonis præliis, patrata sunt. Quippe apud illos una respublica erat; ei omnes consulebant: factio contra hostes parabatur: corpus atque ingenium, patriæ, non suæ quisque potentiæ, exercitabat. At hoc tempore contrà homines nobiles, quorum animos socordia atque ignavia invasit, ignari laboris, hostium, militiæ, domi factione instructi, per superbiam cunctis gentibus moderantur. Itaque patres, quorum consilio antea dubia respublica stabiliebatur, oppressi, ex alienâ lubricine huc atque illuc fluctuantes agitantur: interdum alia, deinde alia, decernunt; ut eorum, qui dominantur, simultas ac arrogantia fert, ita bonum malumque publicum existimant. Quòd si aut libertas æqua omnium, aut sententia obscurior esset: majoribus opibus respublica, et minùs potens nobilitas esset. Sed quoniam coæquari gratiam omnium difficile est; quippe cùm illis majorum virtus partam reliquerit gloriam, dignitatem, clientelas; cætera multitudo pleraque insititia sit; sententias eorum à metu libera: ita occultò sibi quisque alterius potentiâ carior erit. Libertas juxtà bonis et malis, strenuis et ignavis, optabilis est. Verùm eam plerique metu deserunt, stultissimi mortales: quod in certamine dubium est, quorsum accadat, id per inertiam in se, quasi victi, recipiunt. Igitur duabus rebus confirmari posse senatum puto: si, numero auctus, per tabellam sententiam feret. Tabella obtentui erit, quò magis animo libero facere audeat: in multitudine, et præsidii plus, et usus amplior est. Nam ferè, his tempestatibus, alii judiciis publicis, alii privatis suis atque amicorum negotiis, implicati, haud sanè reipublicæ consiliis adfuerunt: neque eos magis occupatio, quàm superba imperia distinguere. Homines nobiles cum paucis senatoriis, quos additamenta factionis habent, quæcumque libuit probare, reprehendere, decernere, eo, uti lubrico tulit, fecere. Verùm ubi, numero senatorum aucto, per tabellam sententiæ dicentur; nã illi superbiam suam dimittent, ubi iis obediendum erit, quibus antea crudelissimè imperitabant. Forsitan, Imperator, perlectis litteris, desideres, quem in merum senatorum fieri placeat: quoque modo in multa et varia officia distribuatur; judicia quoniam primæ classis mittenda putem, quæ descriptio, qui numerus, in

quoque genere, futurus sit. Ea mihi omnia generatim describere haud difficile factu fuit: sed prius laborandum visum est de summâ consilii, idque tibi probandum verum esse. Si hoc itinere uti decreveris, cætera in promptu erunt. Volo ego, consilium meum prudens, maxumèque usui esse. Nam, ubicumque tibi res prosperè cedit, ibi mihi bona fama eveniet. Sed me illa magis cupido exercet, uti quocumque modo, et quamprimùm, respublica adjuvetur. Libertatem gloriâ cariorem habeo; atque ego te oro hortorque, nè, clarissimus imperator, Gallicâ gente subactâ, populi Romani summum atque invictum imperium tabescere vetustate, ac per summam discordiam dilabi, patiaris. Profectò, si id accadat, neque tibi nox, neque dies, curam animi sedaverit; quin in somniis exercitus, furibundus, atque amens, alienatâ mente feraris. Namque mihi pro vero constat, omnium mortalium vitam divino numine invisi: neque bonum neque malum facinus cujusquam pro nihilo haberi: sed, ex naturâ, diversa præmia bonos malosque sequi. Intereâ fortè ea tardiùs procedunt: suus cuique animus ex conscientia spem præbet. Quòd si tecum patria atque parentes possent loqui, scilicet hæc tibi dicerent: O Cæsar, nos te genuimus fortissimi viri, in optumâ urbe, decus præsidiumque nobis, hostibus terrorem. Quæ multis laboribus et periculis ceperamus, ea tibi nascenti cum animâ simul tradidimus, patriam maxumam in terris; domum familiamque in patriâ clarissumam; prætereâ bonas artes, honestas divitias; postremò omnia honestamenta pacis, et præmia belli. Pro his amplissimis beneficiis, non flagitium à te, neque malum facinus, petimus; sed uti libertatem eversam restituas. Quâ.re patratâ, profectò per gentes omnes fama virtutis tuæ volitabit. Namque hâc tempestate, tametsi domi militiæque præclara facinora egisti; tamen gloria tua cum multis viris fortibus æqualis est: si verò urbem amplissimo nomine, et maximo imperio, propè jam ab occasu restitueris; quis te clarior, quis major, in terris fuerit? Quippe si morbo jam, aut fato, huic imperio secus accadat; cui dubium est, quin per orbem terrarum vastitas, bella, cædes, oriantur? Quòd si tibi bona lubido fuerit, patriæ, parentibus gratificandi; postero tempore, republicâ restitutâ, super omnîs mortalis gloria agnita, tuique

unius moris vitâ clarior erit. Nam vivos interdum fortuna, sæpè invidia, fatigat: ubi anima naturæ cessit, demtis obtrectationibus, ipsa se virtus magis magisque extollit. Quæ mihi utilia factu visa sunt, quæque tibi usi fore credidi, quàm paucissumis potui, perscripsi. Cæterùm deos immortalis obtestor, uti, quocumque modò ages, ea res tibi reique publicæ prosperè eveniat.

---

## IN M. TULLIUM CICERONEM DECLAMATIO;

FALSÒ *SALLUSTIO* ADSCRIPTA.

**G**RAVITER et iniquo animo maledicta tua paterer, M. Tulli, si te scirem iudicio magis, quàm morbo animi, petulantia istâ uti. Sed, quoniam in te neque modum neque modestiam ullam animadverto, respondebo tibi: uti, si quam maledicendo voluptatem cepisti, eam malè audiendo amittas. Ubi querar? quos implorem? P. C. diripi rempublicam atque audacissimo cuique esse perfidiæ? an apud populum Romanum, qui ita largitionibus corruptus est, ut sese ac fortunas suas venales habeat? an apud vos, P. C., quorum auctoritas turpissimum cuique et sceleratissimo ludibrio est? ubi M. Tullius leges, judicia populi Romani defendit, atque in hoc ordine ita moderatur, quasi unus reliquus ex familiâ viri clarissimi Scipionis Africani, ac non reptitius, accitus, ac paulò antè insitus huic urbi civis. An vero, M. Tulli, facta ac dicta tua obscura sunt? an non ita à pueritiâ vixisti, uti nihil flagitiosum corpori tuo putares, quod alteri collibuisset? Scilicet, istam immoderatam

eloquentiam apud M Pisonem non pudicitiae jacturâ perdidisti? Itaque minumè mirandum est, si eam flagitiosè venditas, quam turpissumè parâsti. Verum, ut opinor, splendor domesticus tibi animos attollit: uxor sacrilega, ac perjuriis delibuta; filia matris pellex, tibi jucundior, atque obsequentior; quàm parenti par est! Domum ipsam tuam vi, et rapinis, funestam tibi ac tuis, comparâsti: videlicet, uti nos commonefacias, quàm conversa sit respublica, cùm in eâ domo habitares, homo flagitiosissime, quæ P. Crassi, viri consularis, fuit. Atque hæc cùm ita sint; tamen Cicero se dicit in consilio deorum immortalium fuisse; indè missum huic urbi civibusque custodem, absque carnificis nomine, qui civitatis incommodum in gloriam suam ponit; quasi verò non illius conjurationis causa fuerit consulatus tuus; et idcirco respublica disjecta eo tempore, quo te custodem habebat. Sed, ut opinor, illa te magis extollunt, quæ post consulatum cum Terentiâ uxore de republicâ consuluisti, cùm legis Plautiæ judicia domi faciebas: ex conjuratis alios morte, alios pecuniâ condemnabas: cùm tibi alius Tusculanam, alius Pompeianam villam ædificabat, alius domum emebat; qui vero nihil poterat, is erat calumnie proximus; is aut domum tuam oppugnatum venerat, au insidias senatui fecerat; denique de eo tibi compertum erat. Quæ si tibi falsa objicio; redde rationem, quantum patrimonii acceperis; quid tibi litibus accreverit; quâ ex pecuniâ domum paraveris, Tusculanum et Pompeianum infinito sumtu ædificaveris. Aut, si retices; cui dubium potest esse, quin opulentiam istam ex sanguine et visceribus civium paraveris? Verum, ut opinor, homo novus Arpinas, ex C. Marii familiâ, ejus virtutem imitatur; contemnit simultatem hominum nobilium: populi Romani curam habet; neque terrore, neque gratiâ commovetur. Illud verò amicitiae tantum, ac virtutis est animi? Immo verò homo levissimus, supplex inimicis, amicis contumeliosus; modò harum, modò illarum partium; fidus nemini; levissimus senator, mercenarius patronus; cujus nulla pars corporis à turpitudine vacat: lingua vana, manus rapacissimæ, gula immensa, pedes fugaces: quæ honestè nominari non possunt, inhonestissima. Atque is, cùm ejusmodi sit, tamen audet dicere:

*O fortunatam me consule Roman !* Te consule fortunatam, Cicero ? immo verò infelicem et miseram ! quæ crudelissimam proscriptionem civium perpessa est ; cum tu, pertubatâ republicâ, metu perculosos omnes bonos parere crudelitati tuæ cogebas : cùm omnia judicia, omnes leges, in tuâ lubricine erant : cùm tu, sublatâ lege Porciâ, ereptâ libertate, omnium nostrûm vitæ necisque potestatem ad te unum revocâris. Atque parum est, quòd impunè fecisti : verùm etiam commemorando exprobras ; neque licet oblivisci servitutis suæ. Egeris, oro te, Cicero, perfeceris quod libet ; satis est perpressos esse : etiamne aures nostras odio tuo onerabis ? etiamne molestissimis verbis insectaberis ? *Cedant arma togæ, concedat laurea linguæ.* Quasi verò togatus, et non armatus, ea, quæ gloriaris, confeceris ; atque inter te Syllamque dictatorem, præter nomen imperiî, quidquam interfuerit. Sed quid ego plura de tuâ insolentiâ commemorem ? quem Minerva omnes artes edocuit, Jupiter optimus maxumus in consilio deorum admisit, Italia exulem humeris suis reportavit. Oro te, Romule Arpinas, qui egregiâ tuâ virtute omnes Paullos, Fabios, Scipiones, superâsti ; quem tandem locum in hâc civitate obtines ? quæ tibi partes reipublicæ placent ? quem amicum, quem inimicum habes ? cui in civitate fecisti insidias, ancillaris ? Quo jure, cùm de exilio tuo Dyrrachio redîsti, eum sequebaris ? Quos tyrannos appellabas, eorum nunc potentiæ faves : qui tibi antè optimates videbantur, eosdem nunc dementes ac furiosus vocas. Vatiniî causam agis ; de Sextio malè existumas : Bibulum petulantissimis verbis lædis : laudas Cæsarem : quem maxumè odisti, ei maxumè obsequeris : aliud stans, aliud sedens, de republicâ sentis : his maledicis, illos odisti, levissime transfuga ! neque in hâc, neque in illâ parte fidem habes.

## IN SALLUSTIUM

### DECLAMATIO ;

#### QUÆ CICERONI FALSÒ TRIBUITUR.

**E**A demum magna voluptas est, Crispe Sallusti, æqualem et parem verbis vitam agere, neque quidquam tam obscœnum dicere, cui non ab initio pueritiæ omni genere facinoris ætas tua respondeat, ut omnis oratio moribus consonet. Neque enim, qui ita vivit, uti tu, alitèr, ac tu, loqui potest : neque, qui tam illoto sermone utitur, vitâ honestior est. Quò me vertam, P. C. ? undè initium sumam ? majus enim mihi dicendi onus imponitur, quò notior est uterque nostrum. Quòd si aut de meâ vitâ, atque actibus nostris, huic conviciatori respondero, invidia gloriam consequetur : aut, si hujus facta, mores, omnem ætatem nudavero, in idem vitium incidam procacitatis, quod huic objicio. Id vos, si fortè offendimini, justius huic, quàm mihi, succensere debetis, qui initium introduxit. Ego dabo operam, ut et pro me minimo cum fastidio respondeam, et in hunc minimè mentitus esse videar. Scio me, P. C., in respondendo non habere magnam expectationem, quòd nullum vos sciatis novum crimen in Sallustum audituros, sed omnia vetera recognituros ; quibus et meæ, et vestræ jam, et ipsius aures calent. Verùm eò magis odisse debetis hominem, qui ne incipiens quidem peccare minimis rebus posuit rudimentum : sed ita ingressus est, uti neque ab alio vinci possit, neque ipse se omnino reliquâ ætate præterire. Itaque nihil aliud studet, nisi, uti lutulentus sus, cum quovis volutari. Longè verò fallitur opinione. Non enim procacitate linguæ vitæ sordes eluuntur ; sed est quædam

calumnia, quam unusquisque nostrum, testante animo suo, fert de eo, qui falsum crimen bonis objectat. Quod si vita istius memoriam vincerit; illam, P. C., non ex oratione ejus, sed ex moribus, spectare debetis. Jam dabo operam, quam maxumè potero, uti breve id faciam. Neque hæc altercatio nostra vobis inutilis erit, P. C. Plenumquè enim respublica privatis crescit inimicitiiis; ubi nemo civis, qualis sit vir, potest latere. Primum igitur, quoniam omnium majores Crispus Sallustius ad unum exemplum et regulam quærit, velim mihi respondeat, numquid, quos protulit Scipiones et Metellos, vel Fabios, antè fuerint aut opinionis, aut gloriæ, quam eos res gestæ suæ, et vita innocentissumè acta commendavit? Quod si hoc fuit illis initium nominis, et dignitatis; cur non æquè de nobis existumetur? cujus et res gestæ illustres sunt, et vita integerrumè acta. Quasi verò tu sis ab illis viris, Sallusti, ortus! Quod si esses; nonnullos jam tuæ turpitudinis, pigeret. Ego meis majoribus virtute meâ præluxi; uti, si prius noti non fuerint, à me accipiant initium memoriæ suæ: tu tuis vitâ, quam turpiter egisti, magnas offudisti tenebras; ut etiam, si fuerint egregii cives, certè venerint in oblivionem. Quare noli mihi antiquos viros objectare. Satiùs est enim, me meis rebus gestis florere, quam majorum opinione niti; et ita vivere, ut ego sim posteris meis nobilitatis initium, et virtutis exemplum. Neque me cum iis conferri decet, P. C., qui jam decesserunt, omnique odio carent et invidiâ; sed cum iis, qui mecum unà in republicâ versati sunt. Sed si fuerim aut in honoribus petendis nimis ambitiosus; non hanc dico popularem ambitionem, cujus me principem confiteor; sed illam perniciosam contra leges, cujus primos ordines Sallustius duxit; aut in gerendis magistratibus, aut in judicandis maleficiis, tam severus: aut in tuendâ republicâ tam vigilans: quam tu proscriptionem vocas: credo, quod non omnes tui similes incolumes in hâc urbe vixissent. At quanto meliore loco respublica tuenda staret, si tu, par ac similes sceles-torum civium, unà cum illis adnumeratus esses? An ego tunc falsò scripsi, *Cedant arma togæ*; qui togatus armatos, et pace bellum oppressi? An illud mentitus sum, *O Fortunatum me consule Roman*; qui tantum



intestinum bellum, et domesticum urbis incendium exstingi? Neque te tui piget, homo levissime, cùm ea culpas, quæ in historiis mihi gloriæ ducis? An turpius est, P. C., scribentem mentiri, quàm illum palàm hoc ordine dicentem? Nam quod meam ætatem increpuisti, tantùm me abesse puto ab impudiciâ, quantum tu abes à pudicitia. Sed quid ego de te plura querar? Quid enim mentiri turpe duces, qui mihi ausus sis eloquentiam uti vitium objicere? cujus semper nocens eguisti patrocinio. An ullum existumas posse fieri civem egregium, qui non his artibus et disciplinis sit eruditus? An ulla alia putas esse rudimenta et incunabula virtutis, quibus animi ad gloriæ cupiditatem aluntur? Sed minimè mirum est, P. C., si homo, qui desidiæ ac luxuriæ plenus sit, hæc uti nova atque inusitata miratur. Nam quod istâ inusitatâ rabie petulantèr in uxorem et in filiam meam invasisti, quæ faciliùs mulieres à viris abstinuerunt, quàm tu vir à viris, satis doctè ac peritè fecisti. Non enim me sperâsti mutuam tibi gratiam relaturum, et vicissim tuas compellaturum. Unus enim satis es materiæ habens: neque quidquam turpius est domi tuæ, quàm tu. Multùm te verò opinio fallit, qui mihi putâsti parare invidiam ex meâ re familiari; quæ multò mihi minor est, quàm habere dignus sum. Atque utinam nè tanta quidem esset, quanta es; uti potiùs amici mei viverent, quàm ego testamentis eorum locupletior essem! Ego fugax, Crispe Sallusti? Furori tribuni plebis cessi: utilius duxi, fortunam quamvis unus experiri, quàm universo populo Romano civilis esset in dissensionis causa: qui, postea quàm ille suum annum in republicâ perbacchatus est; omniaque, quæ commoverat, pace et otio resederunt; hoc ordine revocante, atque ipsâ republicâ manu retrahente me, reverit. Qui mihi dies, si cum omni reliquâ vitâ conferatur, animo quidem meo superet, cùm universi vos, populusque Romanus frequens adventui meo gratulatus est. Tanti me fugacem, mercenarium patronum, hi æstimaverunt. Neque herculè mirum est, si ego semper justas omnium amicitias æstimavi. Non enim uni privatim ancillatus sum, neque me addixi; sed, quantum quisque reipublicæ studuit, tantùm mihi fui aut amicus aut inimicus. Ego nihil plùs volui valere quàm pacem: multi privatorum

audacias nutriverunt. Ego nihil timui, nisi leges: multi arma sua timeri voluerunt. Ego nunquam volui quidquam posse, nisi pro vobis: multi ex vobis, potentiâ freti, in vos suis viribus abusi sunt. Itaque non est mirum, si nullius amicitia usus sum, qui non perpetuò reipublicæ amicus fuit: neque me pœnitet, si aut petenti Vatinio reo putrocinium pollicitus sum, aut Sextii insolentiam repressi, aut Bibuli patientiam culpavi, aut virtutibus Cæsaris favi. Hæ laudes enim egregii civis, et unicæ sunt. Quæ si tu mihi uti vitia objicis, temeritas tua reprehendetur, non mea vitia culpabuntur. Plura dicerem, si apud alios mihi esset dicendum, P. C.; non apud vos, quos habui omnium actionum mearum monitores. Sed, ubi rerum testimonia adsunt, quid opus est verbis? Nunc, ad te uti revertar, Sallusti, patremque tuum præteream: qui si nunquam in vitâ suâ peccavit, tamen majorem injuriam reipublicæ facere non potuit, quàm quòd te talem filium genuit. Neque, tu si quid in pueritiâ peccâsti, exsequar, nè parentem tuum videar accusare, qui eo tempore summam tui potestatem habuit; sed qualem adolescentiam egeris: hâc enim demonstratâ, facîle intelligetur, quàm pelulanti pueritiâ, quàm impudicus et procax adoleveris. Postea quàm immensæ gulæ impudicissimi corporis quæstus sufficere non potuit; et ætas tua jam ad ea patienda, quæ alteri facere collibuisse, exoleverat; cupidatibus infinitis efflerebaris, uti quæ ipse corpori turpia non duxisses, in aliis experireris. Ita non est facile reputare, P. C., utrùm inhonestioribus corporis partibus rem quæsièrit, an amiserit. Domum paternam, vivo patre, turpissimè venalem habuit, vendidit. Et cui dubium potest esse, quin mori coëgerit eum, quo, hic, nondum mortuo, pro hærede gesserit omnia? Neque pudet à me eum quærere, quis in P. Crassi domo habitet, cùm ipse respondere non queat, quis in ipsius habitet paternâ domo. At hercule! lapsus ætatis tirocinio, postea se correxit? Non ita est: sed abiit in sodalitium sacrilegi Nigidiani: bis iudicis ad subsellia attractus, extremâ fortunâ stetit: et ita discessit, uti non hic innocens esse, sed iudices pejerâsse existimarentur. Primum honorem in quæsturâ adeptus, hunc locum et ordinem despectum reddidit, cujus aditus sibi quoque, sordidis-

simo homini, patuisset. Itaque timens, nè facinora ejus clam vos essent, cùm omnibus patribus-familiâs opprobrio esset; confessus est, vobis audientibus, adulterium; neque erubuit ora vestra. Vixeris, uti libet, Sallusti; egeris, quæ volueris: satis sit, unum te tuorum scelerum conscium esse: noli nobis languorem et soporem nimium exprobare. Sumus diligentes in tuendâ pudicitia uxorum nostrarum; sed ita experrecti non sumus, ut à te cavere possimus. Audacia tua vincet studia nostra. Ecquod hunc movere possit, P. C., factum ac dictum turpe, quem non puduit palam, vobis audientibus, adulterium confiteri? Quod si nihil pro me tibi respondere voluissem; sed illud censorium elogium App. Claudii, et L. Pisonis, integerrumorum virorum, quo usus est quisque eorum, pro lege palam universis recitarem: nonne tibi viderer æternas inurere maculas, quas reliqua vita tua eluere non possit? Neque post illum delectum senatûs te umquam vidimus. Nisi fortè in ea te castra conjecisti, quò omnis sentina reipublicæ confluxerat. At idem Sallustius, qui in pace ne senator quidem manserat, postea quàm respublica armis oppressa est; et idem victor, qui exules reduxit, in senatum post quæsturam reductus est. Quem honorem ita gessit, uti nihil non venale in eo habuerit, cujus aliquis emptor fuerat. Ita igitur egit, uti nihil non æquum, ac verum duxerit, quod ipsi facere collibuisse: neque aliter vexavit, ac debuit, si quis prædæ loco accepisset magistratum. Peractâ quæsturâ: postea quàm magna pignora eis dederat, cum quibus similitudine vitæ se conjunxerat, unus jam ex illo grege videbatur. Ejus enim partis jam exemplar erat Sallustius, quò tanquam in imam voraginem cætus omnium vitiorum excesserat: quidquid impudicorum, cillorum, parricidarum, sacrilegorum, debitorum, fuit in urbe, municipiis, coloniis, Italiâ totâ; sicut in fretis, subsederant; nominis perdit, ac notissimi, nullâ in parte castis apti, nisi licentiâ vitiorum, et cupiditate rerum novarum. At postea quàm prætor factus est, modestè se gessit et abstinentè. Nonne ita provinciam vastavit, uti nihil neque passi sint, neque expectârint gravius socii nostri in bello, quàm experti sunt in pace, hoc Africam interiorem obtinente? unde tantum hic exhaust,

quantum potuit aut fide nominum transjici aut in naves contrudi. Tantum, inquam, P. C., exhaustit, quantum voluit. Nè causam diceret, sestertio duodecies cum Cæsare paciscitur. Quòd si quippiam eorum falsum est: hîc palàm refelle, unde tu, qui modò ne paternam quidem domum redimere potueris, repentè, tamquam somnio beatus, hortos pretiosissimos, villam Tiburti C. Cæsaris, reliquas possessiones paraveris? Neque piguit quærere, cur ego P. Crassi domum emissem; cùm tu veteris villæ dominus sis, cujus paulò antè fuerat Cæsar? Modò, inquam, patrimonio non comeso, sed devorato; quibus rationibus repentè factus es tam affluens, et tam beatus? Nam quis te faceret hæredem, quem ne amicum quidem suum satis honestum quisquam sib ducit, nisi similis, ac par tui? At herculè egregia facta majorum tuorum te extollunt; quorum sive tu es similis, sive illi tui, nihil ad omnium scelus ac nequitiam addi potest. Verum, ut opinor, honores tui te faciunt insolentem. Tu, Crispe Sallusti, tantidem putas esse bis senatorem, et bis quæstorem fieri, quanti bis consularem, et bis triumphalem? Carere debet omni vitio, qui in alterum paratus est dicere. Is demum maledicit, qui non potest verum ab altero audire. Sed tu, omnium mensarum assecla, omnium cubiculorum in ætate pellex, et idem postea adulter, omnis ordinis turpitudine es, et civilis belli memoria. Quid enim gravius pati potuimus, quàm quòd te incolumem in hoc ordine videamus? Desine bonos petulantissimâ consecrari linguâ: desine morbo procacitatis isto uti: desine unumquemque moribus tuis æstimare: his moribus amicum tibi facere non potes, videris velle inimicum habere. Finem dicendi faciam, P. C. Sæpè enim vidi gravius offendere animos auditorum eos, qui aliena flagitia apertè dixerunt, quàm eos qui commiserunt. Mihi quidem ratio habenda est, non quid Sallustius meritò debeat audire; sed ut ea dicam, si quà ego honestè effari possum.

# INDEX

## RERUM MAXIMÈ MEMORABILIMUM.

### A.

ABORIGINUM natio, p. 3.  
Æthiopes, 48.  
Africæ descriptio, 47.  
Ager Reatinus, 17. Picenus, 13.  
Pistoriensis, 32.  
Albinus consul in Africâ bellum renovat, 59, 60.  
Allobroges ab Umbreno ad conjurandum sollicitantur, 19. à conjuratis jusjurandum signatum obtinent; super ponte Mulvio deprehenduntur; 21. iisdem ob conjurationem præmia decernuntur, 24.  
Ambitûs damnati Autronius et Sulla, 9.  
Annius et Lucullus, tribuni plebis, magistratum continuare nituntur, 59.  
Antiochus decem millibus talentorum à Philippo spoliatus, 127.  
Antonius consul, 12. Catilnam persequitur, 32.  
Appii poëtæ dictum, "Fortunæ suæ quisque faber," 145.  
Appius Claudius interrex, 112.  
Aquila in exercitu Catilinæ, 34.  
Archelaüs Mithridatis incepta impedivit, 128.  
Ariobarzani regnum, 129.  
Aristæus Thebas reliquit, 142.  
Aristonicus Antiochi filius per triumphum ductus, 127.  
Arsaci scribit Mithridates, *ibid.*  
Asia à Romanis obsessa, *ibid.*  
Asper Numida præmissus à Jugurthâ Bocchi consilia speculatum, 101, 102, 103.

Atheniensium facto pro maximis à scriptoribus celebrantur, 5.  
Atherbal Micipsæ filius, 38. victus à Jugurthâ Romam contendit. et in senatu orationem habuit, 43. Cirtæ à Jugurthâ obsidetur, 49. ejus litteræ ad senatum, 50. se et oppidum suum, Jugurthæ dedit, et ab illo excruciatum necatur, 52.  
Attalum miserrimum fecere Romani, 127.  
Aventinus mons bis à plebe per secessionem occupatus, 55.  
Aulus proprætor, 59. Suthule relicto, *ibid.* cum Jugurthâ iniquis conditionibus fœdus facit, 60.  
Auerlia Orestilla Catilinæ conjux, 7.  
Autronius consul designatus, at ambitûs damnatus, 9.

### B.

Bæbius, tribunus plebis, à Jugurthâ corrumpitur, 57.  
Baleares funditores, 100.  
Bellienus prætor, *ibid.*  
Bellum Cimbricum, 34. Punicum secundum, 38. maritimum atque Mithridaticum, 19. servile Capuæ atque in Apuliâ, 15. adversum Gallos malè commissum, 104. cum Philippo Macedonum rege, 127.  
Bestia Calpurnius consul in Numidiam adversus Jugurtham missus, 52. secretò cum illo agit, 54.  
Bibulus consul, 154.

- Bithynia à Romanis diſcepta, 127.  
 Bocchus Maurorum rex, 48. Jugurthæ gener, cum ſocero adverſus Romanos belli ſocietatem init, 83. Legatos à Metello accipit, at, re infectâ, dimittit, 84. cum Jugurthâ Romanos aggreditur, 95. Sullæ reſpondet, et Romanos mittit Legatos, qui à Gætulis latronibus ſpoliati ad Sullam profugiunt, 99. delicti gratiam à Romanis obtinet, 100. cum Sullâ agit per internuntium, 102. Jugurtham Romanis tradit, 104.
- Bomilcar Maſſivam per inſidias ex Jugurthæ mandato aggreſſus obtruncat, 58. vadibus datis, judicium fugit, 73. et à Jugurthâ in Numidiam clâm dimittitur, 58. cum Rutilio certat, 68. à Metello ad Jugurtham prodendum allicitur, quod efficere per ſe fruſtrâ conatus, 73. Nabdalsam ſibi adjungit, et ſollicitat per litteras, quæ à Nabdalsæ cliente ad Jugurtham deferuntur, 78. à Jugurthâ cum aliis inſidiarum ſociis interficitur, *ibid.*
- Bruti, dum ab Româ aberat, domus propter Semproniam conjurationis Catilinariæ non aliena, 20.
- C.
- Cæſar Catulum, quem in pontificatûs petitione vicerat, et Piſonem, quem repetundarum accuſaverat, inimicos habuit; et tamen Ciceronem uterque neque precibus nec precio impellere quiverunt, ut inter conjuratos falſo nominaretur, 23. ei Statilius traditur cuſtodiendus, 22. ex ſenatu egredienti nonnulli equites gladio minitantur, 24. ejus oratio et ſententia de conjuratis, 25. cum Catone comparatur, 31. ejus laudes, 145—149.
- Cale civitas in Flaminîâ et Galliâ, 141.
- Capitolium incenſum, 22.
- Capsa oppidum, cujus conditor Hercules Libys, 90. à Mario incenſa, 91.
- Capuæ distribuuntur familiæ gladiatorîæ, 15.
- Carthago imperii Romani æmula, 5. Carthaginienses pleræque Africæ imperitabant, 82.
- Cassius prætor ad Jugurtham mittitur, 57.
- Catabathmos, 47.
- CATILINÆ genus et mores, 3. ſocii, et flagitia cum virgine Veſtæ, 7. uxor Aurelia Oreſtilla, *ibid.* conjuratio prior, quòd repetundarum reus conſulatum petere prohiberetur, 9. oratio ad conjuratos, 10. Catilina arma per Italiam parat, 12. mulieres, in quibus Sempronia, ſibi adjungit, *ibid.* Ciceroni inſidias, urbis incendia molitur, ſed fruſtrâ, 13. Plautiâ lege interrogatus in Senatum venit, 15. Ciceroni maledicit; apud C. Flaminium in agro Reatino dies paucos commoratus, in Manliana caſtra proficiſcitur, 17. Maſſiliam in exilium ire ſimulat, cum aliud per litteras ad Q. Catulum ſcripſerit, 16, 17. imperii inſignia aſſumit, 17. Catilinæ incepta plebs probat, 18. deinde, conjuratione patefactâ, conſilia execratur, 23. exercitus quantus, 32. ſervitia repudiat, *ibid.* verba facit ad milites, 33. aciem inſtruit, 34. fortiter pugnaus confoditur, 35.
- Catonis oratio et ſententia de conjuratis, 28. à ſenatu comporbatur, 30. natura et mores, 31.
- Catulus Cæſari inſenſus, 24. à Catilinâ litteras accipit, 17.
- Ceparius ex urbe profugit, 22.
- Cethegus captus familiæ atque libertorum opem implorat, 24.
- Character Catilinæ, 3. Q. Curii,

12. Semproniae, 13. Plebis Romanae, 17. Catonis et Cæsaris, 31. Æmilii Scauri, 46. Jugurthæ et Athervalis, 49. Calpurnii Bestiæ, 53. C. Marii, 74. Metelli, 63. 74. 75. Sullæ, 94.

Cicero cum Antonio consul, hominibus, 12. Fulviæ et Curii opera Catilinæ consilia et insidias detegit, 13, 14. Allobrogibus de conjuratis prodendis præcepta dat, 21. conjuratos ad se accersitos in ædem Concordiæ venire jubet, quò Senatum convocat, 22.

Cirta à Jugurtha obsidetur, 50. et ei traditur, 52.

Conjurati, 8. humano sanguine jusjurandum sanciunt, 11. capti ad Senatum ducuntur, 22. in carcere necantur, 32.

Cornelius eques ad Ciceronem occidendum operam suam pollicetur, 14.

Cotta consulis oratio ad Populum, 133.

Crassus, cui Pompeius invisus, conjurationis non ignarus fuit, 9. à Tarquinio nominatur, 23.

Curius è conjuratis unus, senatu aliquando probri gratià à censoribus motus, Fulviæ, cum qua vetus ei stupri consuetudo, conjurationem aperit, 13.

Cyrenensium et Carthaginiensium his de suæ regionis finibus, 82.

Cyrus in Asiâ cæpit urbes atque nationes subigere, 1.

## D.

Dabar Massugradæ filius inter Bocchum et Sullam internuncius, 102.

Damasippus Sullæ jussu jugulatus, 27.

Declamatio Sallustii in Ciceronem, et Ciceronis in Sallustium, 158—160.

Decretum S. P. Q. R. de Boccho, 100.

## E.

Elephantum Numidarum quatuor capti, quadraginta interfecti, 68. Epistolæ duæ (Sallustio falsò adscriptæ) ad C. Cæsarem; ep. I. 145. II. 150.

Eumenem Antiocho prodidere Romani, 127.

## F.

Fabius Sanga Allobrogum Patronus, 20.

Fulvia conjurationem ex Curio, quicum consueverat, cognitam patefacit, 12.

Fulvius Senatoris filius, ex itinere, quod ad Catilinam instituerat, retractus, jussu parentis interficitur, 19.

## G.

Gætulorum mores, 47. eos Jugurtha docet militaria facere, 83.

Galli gloria belli ante Romanos, 31. adversus Gallos à Q. Cæpione et M. Manlio malè pugnatum, 104.

Gauda, Manastabalis filius, Masinissæ nepos, cui petenti regiones honores Metellus negaverat, à Mario ad ultionem de imperatore sumendam sollicitatur, 75.

Gladiatoriae familiæ in municipia distribuuntur, 15.

Gracchus et M. Fulvius, Consule Opimio, interfecti, 46. Gracchus et Tiberius plebeïæ libertatis vindices occisi, 62. Gracchi lex, 154.

Græci facundia ante Romanos, 13. Græcorum disciplina, 155.

Gulussa Masinissæ filius morbo absumitur, 38.

## H.

Hannibal Italiæ opes maxime attrivit, 38.

Hercules in Hispaniâ interiit, 47.

Hiempsal Micipsæ filius, 38. despicit ignobilitatem Jugurthæ, et Jugurthæ hortatu à Numidâ quodam occiditur, 42.

## I.

Interrex Appius Claudius, 112.

JUGURTHA. Manastabalis filius, ex concubinâ ortus, à Micipsâ cum ipsius liberis educatur; dein ad bellum Numantinum mittitur, 38. ubi à Scipione magnificè donatus et laudatus est, et ad Micipsam cum litteris commendatitiis remissus, 40. à Micipsâ moriente adoptatur, et cum ipsius filiis testamento hæres instituitur, 41. Micipsæ decreta rescindi curat, Hiempsalem per insidias opprimit, 42. omnem Numidiam occupare parat, Atherbale fugato: ac Romam mittit legatos, cum largis muneribus, per quos se purgavit, 42. meliorem Numidici regni portionem sortitur. Opimio Romanæ legationis Principe in suas partes adducto, 46. in Atherbalis regnum animus indit; et, agris ejus vastatis, ipsum fugere Cirtam compellit, Cirtamque obsidet, 50. legatis Romanis semel, *ib.* atque iterum respondet; Cirtâ per deditionem potitus, Atherbalem, Numidasque omnes puberes ac negotiatores interficit, 52. filium quosque familiares ad senatum legat, qui, infectis rebus discesserunt, 53. Dein cum Bestiâ et Scauro secreta transigit, 54. cum Cassio prætor Romam venit, 57. Bæbioque tribuno plebis pecuniâ corrupto, frustrâ à Memmio accusatur, 58. necis, quam Bomilcar Massivæ intulerat reus. Italiâ jubetur decedere, 58. bello in Africâ renovato, Albinum consulem iudificat, Albinique Romam reversi fratrem Aulum proprætorem in

spem pactionis primo inducit, postea ejus castra de improvviso circumvenit, 60. et exercitum sub jugum mittit, *ib.* ad Metellum legatos supplicatum mittit, 65. cum eo, varia fortuna variisque artibus, modò insidiis, modò aperto Marte, certat, 66, &c. ad 73. deditionem facit, cujus mox pœnitet, 73. bellum renovat, 76. Bocchum socerum in societatem adducit, 83. cumque illo Manum aggressus, 95. magnâ clade vincitur, 96. altero deinde prælio, dolo quidem, sed minùs felicitè usus, fugatur, 98. à Boccho, tandem proditus, Sullæ victus, traditur, et ad Marium deducitur, 104.

## L.

Lacedæmonii et Athenienses in Græciâ cœpere urbes atque nationes subigere, 1.

Legati Romanorum regnum Numidiæ divisum decem missi, 46. Atherbalem et Jugurtham jubent arma ponere, 50. Jugurthæ p acem imperantes, frustrâ discedunt, 52. Bocchi ad senatum, 100.

Lentulus ad conjurandum tum cives, tum alios, sollicitat; per Umbrenum Allobroges tentat, 19. Vulturio dat litteras ad Catilinam, 21. à Cicerone, quod prætor erat, manu in senatum ducitur; cumque liberti sui ac clientes eum eripere frustrâ conati essent, Lentulo Spintheri ædili in custodiam traditur, 22. in Tullianum carcerem demissus occiditur, 32.

Lepidi oratio contra Sullam, 107.

Leptitani socii Romano populo semper fideles ad Metellum legatos præsidium adversus Hamilcarem quendam oratum mittunt, 81.

Lex Porcia, 27. Semproniana, 52. Plautia, 15.



Licinii tribuni plebis oratio ad plebem, 122.

Literæ Manlii ad Q. Marcium, 16. Catilinæ ad Catulum, 17. Lentuli ad Catilinam, 21. Scipionis ad Micipsam, 40. Atherbalis ad Senatum, 50. Pompeii ad Senatum, 120. Mithridatis ad Arsacem, 127.

### M.

Magistratus minores vigiliis per urbem præerant, 15. magistratum insignia à Tuscis sumpta, 27.

Mamilii rogatio contra Jugurthæ fautores, 61.

Manastabal Masinissæ filius morbo absumitur, 38.

Manlius conjuratorum unus belli faciendi princeps, 12. ad Q. Marcium regem epistolam mittit, 16.

Manlius Mantinus trib. pleb. 79.

Manlius Torquatus bello Gallico filium contra imperium in hostes pugnantem necari jussit, 30.

Manlius Marii legatus, 83.

Manlius et Cæpio malè cum Gallis pugnârunt, 104.

Marcus Rex Fæsulius contra conjuratos missus, 14. respondet Manlii conjurati legatis, 16.

Marius Metelli legatus, 64. Siccam frumentatum missus, 70. dum Uticæ sacrificat, ab haruspice jubetur omnia prospera sperare, 74. Arpini natus et educatus, militum tribunatum primò adeptus, indè ad alios gradatim magistratus erectus; ab Metello petundi gratiâ missionem rogat, *ib.* Metello dehortante accenditur, et adversus eum Gaudam concitat, 75. à Metello dimissus, 79. consulatum obtinet, et Imperator adversus Jugurtham creatur, 83. habet orationem ad populum, 85. in Africam proficiscitur, et, Uticam advectus, exercitum à Rutilio traditum

accipit, 89. Capsam incendit, 91. castellumque haud longè à flumine Mutuchâ situm Liguribus cujusdam operâ capit, 92, 93, 94. Bocchi et Jugurthæ exercitum bis fundit, 96, 97, 98. absens fit consul, Galliamque provinciam consequitur, et triumphat, 104.

Masinissa Numidarum rex, in amicitiam à Scipione receptus, Carthaginienses vincit, et Syphacem capit, 38.

Massiva, Gulussæ filius, Masinissæ nepos regnum Numidiæ affectat, 58. Jugurthæ jussu per insidias obtruncatur, *ib.*

Memmius tribun. pleb. ad populum verba facit, 54. suadet uti Jugurtha Romam per Cassium prætorem adduceretur, interpositâ fide publicâ, 57. adductum accusat, *ib.*

Metellus Quintus Celer prætor in agrum Picenum mittitur, 15.

Metellus Quintus Creticus in Apuliam mittitur, 14.

Metellus cum Silano consul Numidiam sortitur, 62. legatos à Jugurthâ ad se missos promissis ad Jugurtham sibi tradendum hortatur, 64. Vaccæ præsidium imponit, 65. cum Jugurthâ pugnat, 67. Jugurthæ dolis fatigatus, Zamam oppugnare statuit, 70. quod cum frustrâ esset, discedit, 73. Bomilcarem pollicitationibus aggreditur, ut Jugurtham vivum aut necatum sibi traderet, *ib.* superbîâ inflatus, 75. Marium à consulatu petendo debortatur, *ib.* ac tandem dimittit, 79. Vaccenses, rebellantes ulciscitur, 76, 77. Romæ capitis arcessitur à plebe, 79. Numidas fugat, Thalamque quo Jugurtha confugerat, 80. maximo cum labore capit, 81. Lepitanis præsidium orantibus cohortes Ligurum quatuor et Annium præfectum mittit, 81.

Mario consulatum et Numidiam datam fert impotentiùs, 83. Boccho per Legatos pacem suadet cum Romanis, 84. Marii conspectum fugit, 89. Romæ contra spem lætissimis animis excipitur, 89.

Micipsa Masinissæ filius et regni hæres, Jugurtham, cujus potestatem et crescentem in dies gloriam formidabat, ad bellum Numantinum mittit, eum periculis objectandi et opprimendi gratiâ, 39. eum tamen, virtute ipsius permotus, adoptat, et hæredem cum suis filiis instituit; eique paulò ante mortem, filiisque mandata dat suprema, 40.

Mithridatis epistola ad Arsacem, 127.

Mulucha flumen Jugurthæ Bocchique regnum disjungit, 92. ad Mulucham Castellum Marius capit, 92, 93.

Murena Citerioris Galliæ legatus, 20.

Mutbul Numidiæ flumen, 65.

#### N.

Nabdalsa à Bomilcare in consilium et Jugurthæ perniciem vocatus, à cliente proditus, 78. Jugurtham tamen placat, *ib.*

Numantia deleta, 40.

Numidarum ingenium et mores, 41. 47. 64. 69. 83. 90.

#### O.

Octavius Rufo quæstor, 100.

Opimius legationis Romanæ princeps à Jugurthâ corrumpitur, 46.

Oratio Catilinæ ad Conjuratos, 10. ad milites, 33. Cæsaris et Catonis de conjuratis, 24. 28. Micipsæ ad filios et Jugurtham, 40. Atherbalis ad Senatum, 43. Memmii ad Populum, 54. Marii ad Populum, 85. Sullæ ad Bocchum, 98. Bocchi ad Sullam, 102. Lepidi contra Sullam, 107. Philippi contra Le-

pidum, 110. Licinii ad Plebem, 122. Cottæ ad Populum, 133.

#### P.

Paulus lege Plautiâ Catilinam interrogat, 15.

Persæ navibus in Africam transvecti, 47.

Perses cum Romanis bellum gessit, 25. Philippi filius, insomniis occisus, 127.

Petreio legato exercitum permittit Antonius pedibus æger, 34.

Philæni fratres se suamque vitam reipublicæ condonant, 82.

Philippi oratio contra Lepidum, 110.

Phœnices Hipponem, Adrymetum, Leptim, aliasque multas urbes in orâ Africæ maritimâ condiderunt, 38.

Piso Cn. adolescens factiosus cum Catilinâ consilia communicat; in Citeriorem Hispaniam quæstor missus, ibique ab equitibus Hispanis occisus, 9.

Piso C. in judicio repetundarum oppugnatus, ideoque Cæsari infensus, 23, 24.

Pompeius M. Licinio Crasso invisus, 9. ob potentiam formidabilis, *ib.* cum Crasso consul tribunitiam potestatem restituit, 18. ad bellum Mithridaticum et maritimum missus, 19. scribit epistolam ad Senatum, 120. nihil maluit, quàm quod Cæsari obesset, 151.

Pompeius Rufus prætor Capuam missum, 14.

Pomptinus prætor, 21.

Posthumius et Favonius supervacanea onera, 155.

Punicum bellum secundum, 38. Punica fides, 102.

#### Q.

Quæsitores tres ex Manilianâ rogatione rogantur, 61.

Quæstor pro prætore, 9.

## R.

Rhodiorum civitas populo Romano, cujus opibus creverat, infida, 25.

Romæ origo, incrementum, fortitudo, 3, 4. vitia, 5. omnia venire, 53. Romanorum mores ante et post Carthaginem deletam, 61.

Rutilius legatus Metelli, 89.

## S.

Sallastius adolescentulus studio ad Rempublicam fertur, ubi multa adversa passus, 2. res populi Romani gestas strictim perscribere statuit, 3. magistratum adeptus, 37. Libros regis Hiempsalis Punicos per interpretem consulit, 47.

Scaurus Hiempsalis mortem severè vindicandam censet, 46. Senatûs princeps et consularis in Africam legatur, 51. Calpurnii Bestiæ consulis socius et administrator consiliorum, 53. magnitudine pecuniæ à bono in pravam abstractus, Jugurthæ favet, 51, 52. quæsitore creatus, 61.

Scipio Africanus Masinissam in amicitiam recipit, 38. in bello Numantino imperator omnes tère res asperas agit per Jugurtham, quem donatum et pro concione laudatum dimittit cum litteris ad Micipsam, 39, 40.

Sempronius inter conjuratos, 12.

Senius senator litteras de Manlii conjuratione in senatu recitat, 14.

Septimius Camer à Catilinâ in agrum Picenum mittitur, 13.

Sertorius Hispaniam Citeriorem vastavit, 121.

Sextius quæstor in Vaccam Jugurthæ oppidum mittitur, 53.

Sicca oppidum omnium primum à Jugurthâ deficit, 71.

Silanus consul designatus sententiam de conjuratis primus rogatur, 24.

Sisenna optimè et diligentissimè omnium, qui res Sullæ dixere, persecutus est, 94.

Sitius Nucerinus cum exercitu in Mauritaniâ consilii Catilinæ particeps, 11.

Sibyllini libri, 22.

Sulla P. consul designatus legibus ambirûs interrogatus poenas dedit, 9.

Sullæ L. dominatio, 3. 6. prosapia, educatio, mores, 94. in Marii castra cum equitatu venit, *ib.* ejus facundia; oratio ad Bocchum, 98. Bocchi legatos liberaliter habet, 99. Volucem Bocchi filium castris abire jubet, 101. à Boccho occultè accersitur, 110. cum eo de pace et prodeundo Jugurthâ agit, 102. tyrannidis aliorumque facinorum à Lepido accusatur, 107. Damasippum, et alios hujusmodi, qui malo Reipublicæ creverant, jugulari jubet, 27.

Suthul Numidiæ oppidum, ubi Regis thesauri erant, ab Aulo obsidetur, et spe pactionis relinquitur, 59.

Syphacis capti regnum Masinissæ dono dedit Populus Rom. 38.

Syrtes duæ, inter quas Leptis et Philenôn aræ, 48.

## T.

Tarquinius ad Catilinam proficiscens, ex itinere retractus, dicit se de conjuratione indicaturum; Crassum nominat et indicii falsi suspectus, Cicerone consulente, in vincula conjicitur, 23.

Tbala Numidiæ oppidum, ubi Jugurthæ thesauri 80. à Metello expugnatur, 81.

Thimida oppidum, ubi Hiempsal occisus est, 42.

Tiberii Neronis sententia de conjuratis, 24.

Tullianum, locus in carcere ubi de

Lentulo supplicium sumptum est, 32.

Turpilus Vaccæ præfectus, coortâ seditione, unus ex omnibus Italicis profugit intactus, 77. iussus à Metello causam dicere, condemnatur, et capite pœnas solvit, *ib.*

# V.

Vacca forum rerum venalium totius Numidiæ maximè celebratum; ubi præsidium imponit Metellus, 65. Vaccenses, seditionis rei, puniuntur, 76.

Valerius Flaccus et C. Pomptinus prætores in Ponte Mulvio per insidias Allobrogum comitatus deprehendunt, 21.

Vargunteius senator, cum Corne-

lio equite Romano, Ciceronem domi imparatum de improvise opprimere constituit, 14.

Umbrenus Allobroges ad conjurandum hortatur, 20.

Volux Bocchi filius, 97. à Sullâ suspectus, abire castris jubetur, 100.

Vulturtius Crotoniensis à Lentulo conjurato cum Allobrogum legatis et litteris ad Catilinam missus, in ponte Mulvio deprehenditur, conjurationem patefacit, 21, 22. eique ac Allobrogum legatis ob indicium à Senatu præmia decernuntur, 24.

# Z.

Zama Numidiæ arx, 70. à Metello frustra oppugnatur, 71—73.

FINIS.

LONDINI :

Excuderunt Wilson et Filius, 57, Skinner-Street.

# ESTABLISHED SCHOOL BOOKS,

PUBLISHED BY

LONGMAN, REES, ORME, BROWN, GREEN, & LONGMAN.

---

PRAXIS on the LATIN PREPOSITIONS, being an Attempt to illustrate their Origin, Signification, and Government, in the way of Exercise. By S. BUTLER, D.D. Head Master of Shrewsbury School. 8vo. 4th edit. 6s. 6d. bds.

KEY TO THE ABOVE. 6s. bds.

INTRODUCTORY LATIN EXERCISES to those of CLARKE, ELLIS, and TURNER; designed for the Younger Classes of Learners. By N. HOWARD. New edit. 2s. 6d. bd.

A SERIES of LATIN EXERCISES, selected from the best Roman Writers, and adapted to the Rules in Syntax, particularly in the Eton Grammar: to which are added, English Examples, to be translated into Latin immediately under the same Rule. By N. HOWARD. New edit. 3s. 6d. bd.

LATIN PROSODY MADE EASY. By Dr. CAREY. 3d edit. 7s. bds.

SCANNING EXERCISES, for YOUNG PROSODIANS, containing the first two Epistles from the *Electæ ex Ovidio*, scanned and proved by the Rules of the Eton Grammar. By Dr. CAREY. 4s. bd.

ETYMOLOGICAL and EXPLANATORY DICTIONARY of Words derived from the Latin; with amusing Illustrations from eminent Writers. By R. H. BLACK, LL.D. 3d edit. 5s. 6d. bds.

STUDENT'S MANUAL; or, an Appendage to the English Dictionaries; being an Etymological and Explanatory Vocabulary of Words derived from the Greek. 4th edit. By R. H. BLACK, LL.D. 2s. 6d. bds.

GREEK EXERCISES, in Syntax, Ellipses, Dialects, Prosody, and Metaphrases, (after the Manner of Clarke's and Man's "Introduction to the making of Latin") adapted to the Grammars of Eton, Wettenhall, Moore, Bell, and Holmes. By the REV. W. NEILSON, D.D. New edit. 5s. With the Key, 8s.; the Key separately, 3s.

DELECTUS SENTENTIARUM GRÆCARUM AD USUM TIRONUM ACCOMMODATUS; cum Notulis et Lexico: on the Plan of Dr. Valpy's Latin Delectus. 9th edition, 4s. bound.

A VOCABULARY, English and Greek. By N. HOWARD. A new edition, 3s.

By the same Author,

INTRODUCTORY GREEK EXERCISES, to those of Neilson, Dunbar, and others. New edition. 5s. 6d.

SKETCH of MODERN and ANCIENT GEOGRAPHY. By Dr. BUTLER, Head Master of Shrewsbury Grammar School. 8vo. With important additions. New edit. 9s. bds.

AN ATLAS of MODERN GEOGRAPHY; consisting of 23 coloured Maps, from a new set of Plates, with a complete Index of the Names. By Dr. BUTLER. 8vo. 12s. half-bd.

AN ATLAS of ANCIENT GEOGRAPHY, consisting of 21 coloured Maps, with a complete Index. By Dr. BUTLER. 8vo. 12s. half-bd.

NEW TREATISE on the USE of the GLOBES; or, a Philosophical View of the Earth and Heavens; with an Account of the Figure, Motion, &c. of the Earth, the Changes of its Surface, &c. By THOMAS KEITH. New edit. Plates, 6s. bound.

KEY to KEITH'S TREATISE on the GLOBES. By W. H. PRIOR.

AN INTRODUCTION to the THEORY and PRACTICE of PLANE and SPHERICAL TRIGONOMETRY, and the Stereographic Projection of the Sphere, including the Theory of Navigation, &c. &c. By T. KEITH. 6th edit. improved, 14s. bds.

The ELEMENTS of PLANE GEOMETRY; containing the First Six Books of Euclid, from the Text of Dr. SIMSON, with Notes, Critical and Explanatory; to which are added, Book VII. including several important Propositions which are not in Euclid; and Book VIII. consisting of Practical Geometry; also Book IX. of Planes and their Intersections; and Book X. of the Geometry of Solids. By T. KEITH. 3d edit. 8vo. 10s. 6d. bds.

A NEW UNIVERSAL FRENCH GRAMMAR, being an accurate System of French Accidence and Syntax. By N. HAMEL. New edit., greatly improved. 4s. bd.

By the same Author.

GRAMMATICAL EXERCISES upon the FRENCH LANGUAGE, compared with the ENGLISH. New edit., improved, 4s. bd.

CLEF, ou THEMES TRADUITS de la GRAMMAIRE. 3s. bd.


The WORLD in MINATURE; containing a faithful Account of the Situation, Extent, Productions, Government, Population, Manners, Curiosities, &c. of the different Countries of the World; compiled from the best Authorities; with References to the most essential Rules of the French Language. New edit. 4s. 6d. bound.

QUESTIONS adapted to the RULES and OBSERVATIONS in the GRAMMATICAL EXERCISES of N. HAMEL; calculated to perfect Students in a Knowledge of the French Language. With a Key. 18mo. 9d. sd.

A KEY to CHAMBAUD'S EXERCISES; being a correct Translation of the various Exercises contained in that Book. By E. J. VOISIN. 5th edit., 4s. bound.

An EXPLANATORY PRONOUNCING DICTIONARY of the FRENCH LANGUAGE, in French and English; wherein the exact Sound and Articulation of every Syllable are distinctly marked. By L'ABBE TARDY, new edition, revised, 6s. bound.











LL  
SL698M.2

Sallust

52560

Quae extant; ed. by Maittaire.

**University of Toronto  
Library**

**DO NOT  
REMOVE  
THE  
CARD  
FROM  
THIS  
POCKET**

**Acme Library Card Pocket  
LOWE-MARTIN CO. LIMITED**

